





67

VITA 39.

Maffei Celsus  
Maffei Celso



# RELATIONES TRIVM AMPLISSIMORVM

S. R. E. CARDINALIVM,

IN CAUSA PRAECEDENTIAE INTER REVER.

Canonicos Regulares Lateranenses, & Monachos Benedictinos.

Una cum alijs Excellentissimorum virorum responsis,

& opusculis.


APOLOGIA ETIAM CONTRA FALSO ASSERENTES.

T. Augustinum Hipponensem Episcopum, Eremitarum ordinem

instituisse, aut ad eos Sermohe conseripsisse.

AUCTORE D. CELSO VERONESE

Lateranensis instituti professore celeberrimo.



VENETIIS,

APVD IACOBVM VITALEM.

M D LXXIIII.

*Quæ in hoc volumine continentur.*

Relatio Illustr. & Reu.D. Ioannis Bapti. Cicadæ	folio. 1.
Relatio Illustr. Reu.DD.Ioannis Michaelis Saraceni, ac Bernardini Scoti.	folio. 6.
Allegationes de vestium Generibus Domini Hieronymi Mentuati.	folio 9.
Isacchariæ Ferrerij Allegationes.	folio 15.
Propugnaculum Canonici ordinis.	folio 35.
Prima pars.	folio 39.
Secunda.	folio 45.
Tertia.	folio 49.
Quarta.	folio 54.
Quinta.	folio 68.
Apologia Domini Celsi Maphæi.	folio 93.

GASTAR PLACENTINUS  
CANONICVS REGVLA. LATERANEN.  
STVDIOSO LECTORI S.



*V*M superioribus annis in com-  
mune legum studioforum uti-  
litatem emisse variæ excellentissi-  
morum Iurisperitorum allega-  
tiones atque Consilia, quæ in cau-  
sa præcedentis inter Reuerendos  
Canonicos Regulares Lateranenses  
& Monachos Benedictinenses sub  
Pio IIII. Pontifice Max. à quo, & demum post centum  
fere annos, ex quo capta fuerat, ad ipsorum Canonicorum sa-  
uorem determinata fuit hæc quæstio, emanauerint: visumq;  
fuerit quàm auidè ab ipsis iurisperitis acceptæ mox fue-  
rint quantamq; illis commoditatem vtilitatemq; attulerint in  
earum rerum tractatione, quæ hisce temporibus in simili iure  
præcedendi inter multos sunt agitate: Visum est in præsentì  
R. D. Marco Antonio Bagaroto Placentino Abbati meo  
optimo, quo tunc eiusdem Congregationis Præside atque Mode-  
ratore non sine maximis eius vigilis atq; laboribus decisa de-  
mum atq; ad finem producta fuit hæc controuersia: nonnulla  
alia quæ tunc minimè edita fuerant, superaddere, atq; in lucē  
edere. Hæ sunt duæ amplissimorum Sanctæ Romanæ Ec-  
clesiæ Cardinaliū, Cicadæ, Saraceni, et Tranensis grauissimæ si-  
mul

mul ac doctissime Relationes, cum allegationibus excellentissi-  
 mis Iurisperiti Hieronymi Mentuati super quodam dubio  
 quod postea exortum est super verbis sententie predictae.  
 Quibus et accessit, ad ampliorem huius rei cognitionem, co-  
 piosissimum atque prudentissimum. De vero habitu Canonico-  
 rum Regularium Consilium Zaccharie Ferrerij. Vicetini.  
 Propugnaculum praeerea Canonici ordinis, celeberrimi vi-  
 ri D. Augustini Papiensis Canonici Regularis Lateranensis.  
 Subiecta est & Ultimo loco Apologia contra falsò asseren-  
 tes D. Augustinum Hipponensem Episcopum, Eremitaru  
 ordinem instituisse; vel ipsum aliquid Eremitam fuisse ser-  
 monesue ad Eremitas conscripsisse. . Auctore D. Celso  
 Veronense eiusdem Lateranensis instituti professore celeberr-  
 mo. Accipe igitur ex quo offeruntur animo lector Studiose,  
 hos Excellentium virorum labores equo bonique cesule. Pla-  
 centiae in Monasterio nostro Diuo Patri Augustino sacro.  
 Idibus Iulij. M. D LXXIII.



mi

# RELATIO ILLVSTRIS.

mi

## AC REVE RENDIS. S.R.E.

Cardinalis Io. Baptiste Cicadę  
tit. S. Clementis.



### ARGUMENTUM.

- 1 *Canonici Regulares ab Augustino, & Apostolis descendunt.*
- 2 *Papa auctoritati magis standum, quàm cuiuslibet, etiam Sãcti Doctoris.*
- 3 *Verba Bullę enuntiatiuę per modum causę, probant.*
- 4 *Enunciatiuain antiquis, etiam de factō tertij, saltem transfert onus probandi.*
- 5 *Clerici & Canonici idem sunt.*
- 6 *Habitu lineo vsi sunt Apostoli.*
- 7 *Habitus lineus proprius Canoniorum Regularium*
- 8 *Habitus interior, non exterior attenditur.*
- 9 *Clerici Augustini vouebant substantialiter tria vota, vt hodie.*
- 10 *Canonici Regulares licet pluries, & nouiter reformati, tamen sunt idem.*
- 11 *Augustinus longē ante Benedictum.*
- 12 *Regula Augustini prius tacite approbata.*
- 13 *Regula Augustini prius expresse approbata.*
- 14 *Canonici essentialiter sunt Clerici, non autem Monaci.*
- 15 *Canonici Regulares digniores Secularibus, licet illi pcedant ratione c-*
- 16 *Augustinus magnus Episcopus secundus post Apostolos. (pitis.*
- 17 *Abbas a principio nomen tantum sollicitudinis.*
- 18 *Consuetudo Romana vrbis in pcedentijs attendenda.*
- 19 *Abbates in Concilio considerantur vt Abbates, non uti de Religione, & idcō, &c.*

A Beatif

Beatissime Pater.



In causa Præcedentię inter Canonicos Regulares:& Monacos S. Benedicti, imprimis fuit dubitatum, An dicti Canonici cēſeantur eſſe de illis quos B. Auguſtinus inſtituit. & concluſum fuit pro parte affirmatiua, præſupponendo imprimis, q̃ tempore primitiue Eccleſię Apoſtoli inſtituerūt Clericos & Presbiteros, vt habet in ca. i. in fi. 12. diſt. & tradit latē Aug. de Ancona in tract. de Pote. Eccleſ. q. 10. arg. i. ver. Reſpōdeo, & poſt Apoſtolos beatus

1 Marcus illos primus inſtituit in ciuitate Alexandrina, vt refert Caſſia. in lib. de inſt. Monachorum. Poſtea ſuccedēte tēpore cum B. Augu. videret diſciplinā Clericalem iam relaxari: vt retineretur ſymbolum vitę Apoſtolicę & Clericorū antiquorū, inſtituit Collegium Clericorū Regularium prout de hoc ſunt multa lura in decreto, 12. q. 1. & Refert Beatus Thom. 2. ſecundæ. q. 189. articulo 8. Ex iſtiſq̃ Clericis Regularibus propagatus eſt ordo Canonicorum Regulariū prout tenet S. Thom. in loco ſupra allegato. Vinc. in Speculo doctrinali, lib. 19. c. 16. Vbi inquit: Ordo Canonicorum Regularium primò ab Apoſtoliſ, poſtea à B. Auguſtino regulariter fuit inſtitutus:& in Speculo hiſtoriali. lib. 16. cap. fin. inquit, Aug. factus Sacerdos Monasterium Clericorum inſtituit, & cœpit viuere ſecundum Regulam ſub ſanctis Apoſtoliſ conſtitutam. B. Antoninus in 2. parte ſuę Cronicę, tit. 15. cap. 16. §. 7. Volat. lib. 21. Com. ibi Ordo Canonicus non tam ab Auguſtino inſtitutus: q̃ renouatus: ab Apoſtoliſ enim ſumpſit exordium. Fasciculus temporum in 6. etate, vbi inquit, Ordo Canonicus cœpit reſſorere in Eccl. Beluacenſi. tēpore Iuonis & Ruſſi.

Item fatentur Pontifices Benedictus 12. in ſua extrauag. quę reperitur inter conſtitutiones Canonicorum Regularium. Idem Eugenius III. in Bulla producta, quę iudicio meo fidē optimam facit. Nam cum materia poſſet dici dubia, ſtandum eſt in dubijs determinationi Papę c. in literis, de reſt. ſpol. Io. And. in ca. dile-

- dilecto, de præb. Et dicit S. Thom. secunda secunda, art. 12. q. 21.  
 2 quòd in decisionibus causarum magis est standum auctoritati  
 Papæ: quàm cuiusvis alterius etiam Sancti Doctoris.
- Nec obstat q̄ verba Bullę videantur enunciatiua, quia iudicio meo,  
 sunt dispositiua & per modum causę. Nam Papa asserit velle re-  
 stituere templum Lateranense istis Canonicis, à quibus olim re-  
 gebatur, & q̄ fuerunt amoti à Bonifacio, & idè restituit, vt in  
 eo retineatur Symbolum vitę Clericorū, quę vigeat tempore  
 Apostolorum, & quā Aug. diuinis regulis decorauit, affirman-  
 do q̄ ab illis Canonici in Eccle. Lateranensi, per eū introducti  
 3 processerunt, & sic propter istam causam disponit. Quo casu as-  
 sertio huiusmodi probat, & fidem facit, Bar. in Lemptor. §. an-  
 cilla. de rei vendica. Alex. consil. 46. col. 2. volu. 1. Ias. in l. ex his. nu.  
 1. C. de mili. test. Deci. in l. Si quis in cōscribendo. nume. 4. C. de  
 pactis. Secundò facit, quia Bulla emanauit motu proprio & ex  
 certa scientia, quo casu fidem facit. Alex. consil. 112. volu. 7. Soci.  
 cōs. 87. vol. 3. cum simi. Tertiò, quia in omnem euentū transfert  
 4 onus probandi in aduersarios. etiam quando agitur de factō  
 tertij, vt est gloss. in cle. literis. de probat. Sed per aduersarios ni-  
 hil est probatum saltem concludenter, ergo. & præsertim, quia  
 declarationē Eugenij sequuntur Nicolaus V. & Sixtus IIII. Itē  
 quia sumus in antiquis annorum centum & vltra. Quo casu nar-  
 ratiua Papæ fidem facit latè per Aim. de ant. temp. parte prima.
- Vltèrius, Quod isti Canonici descendunt ab illis, probatur a sufficiē-  
 ti partium enumeratione. Et primo, quia conueniunt in nomi-  
 ne. Nam sicut illi vocantur Clerici, ita & isti. & licet quandoq; vo-  
 centur Canonici tamē idem sunt, & promiscuē iura vtrunq; no-  
 5 men illis attribuunt, vt habetur in c. certè, & in c. nolo, 12. q. 1. &  
 in ca. obseruandum, 15. quæst. 2. vbi prohibetur Clericos mune-  
 ra suscipere, & Grat. declarat, intelligi de Canonicis Regulari-  
 bus & in c. in omnibus. iuncta glo. in verb. vt Canonici, de con-  
 sec. dist. 5. vbi text. loquitur de Canonicis & Clericis in cōmuni  
 viuētibz, & gl. intelligit de Canonicis Regularibus. Facit text.  
 in c. cum causam. de electio. vbi simpliciter nominat Clericos,  
 & tamen loquitur de viuētibz sub Regula S. Augustini, & in  
 c. dilecto. de iudicijs, vbi semel dicit Prior & Clerici, & postea di-  
 cit Prior & Canonici ad idem c. quoniam. de vit. & honest. Cleri-  
 co. iuncta gl. in verb. Clericos, & patet, quia Regula ipsa Cano-



nicorum Regularium inscribitur, De cōmuni vita Clericorum. & quòd illi antiqui Clerici vocarentur etiam Canonici est text. cum glo. in c. in omnibus. de consec. dist. 5. cum simil.

- Secundo probatur identitas ex habitu lineo ab ipso Deo instituto,
- 6 vt habetur Exodo. c. 29. & 39. & q. Apostoli vbi fuerint habitu lineo, habetur in Historia S. Siluestri de S. Eufrosino, qui Romā venit indutus collobio candido, q. fertur fuisse S. Iacobi Apostoli, & in Apoc. legitur de Sanctis, qui ambulabant in albis lineis, & ibi not. Nicol. de Lira, & ita instituit Aug. Clericos suos deferre debere, & pater in Sermone suo, qui incipit, Charitati vestre. vbi dicit, byrrum & tunicā lineā nemo accipiat, nisi in communi, prout etiam hodie Clerici ac presbiteri, & Prælati vtuntur vestibus lineis & hic est habitus proprius Canonicorum Regularium, vt gl. in cle. 1. in verb. habitus. de elect. Nec obstat q. super habitu lineo deferant cappam, quia attenditur habitus interior, &
- 8 non exterior, vt per glo. ibi, & per Imol. nu. 29. & per gl. in cle. ne in agro. §. statuimus, ibi, prox. de statu Regularium.

Tertiò probatur identitas etiā ex professione. Et primo quia viuunt in communi, prout viuebāt tempore Ap̄lorum, & tēpore ipsius Augustini: vt habetur in c. nolo. & in c. non dicatis. 12. q. 1. & tradit Vrbanus Papa in euidentes, ca. cau. & q. & habetur in c. præter hæc. 32. dist. Abb. in c. Deus qui. de vit. & honest. cler. & in ca. Ep̄s, de præb. Præpos. in c. 1.44. dist. Barb. de prestantia Cardinaliū. q. 6. Nec ob. tex. in c. certē. 12. q. j. vbi Aug. videtur tolerare Clericos volentes tenere proprium, quia verum est q. tolerat Clericos viuentes extra Collegiū, non aut in Societate sua, vt dicit expressē in d. c. nolo. & clarius in c. seq. Vbi dicit, q. viuentes in sua Societate omnibus renunciabant, & voluntatē abnegabant: ex qua abnegatione probatur etiam votū obedientiæ, q. nihil aliud est quā negare propriā voluntatē, & voluntati alterius parere, vt tradit Aug. de Ancona in d. trac. de pot. Ecc. q. 91. De voto etiā castitatis non est dubitandum, vt per Aug. in 2. Sermonē de cōmuni vita Clericorum. Vbi inquit quòd Clerus professus est Sāctitatem, & clericatum, per qd verbum. Sāctitatem, intelligitur de castitate, vt per Aug. de Anc. in d. q. art. 3. Et licet tempore Augustini non fieret fortē professio formalis, prout hodie fit. tamē satis est quòd in substantia, & quo ad effectum idem faciebant,

9 vt dicit S. Thom. in 4. Sententiarum, dist. 38. art. 2. q. 3. vbi inquit, quod



quòd antequàm essent istę Regulę, quę modo sunt, erat similis modus viuendi, qui hodie reductus est ad Regulam. & tradunt Io. de Turrecrem. 17. q. 1. in summa, & Prepo. in c. 1. 44. dist.

Quartò probatur identitas ex nomine & qualitate Pręlatorum dicti ordinis qui proprię sunt Priores & Prepositi, vt dicit Augu. in d. ca. non dicatis, 12. q. 1. Nam licet hic ordo Canoniorum Regularium habeat aliquos Abbates, hoc fuit per accidens: nam Regulariter non habent Abbates, sed Prepositos & Priores, vt declarat Innoc. in cap. cum illorum, per illum text. iuncto. cap. Monaci. de senten. excom.

10 Et licet multę fuerint factę reformationes istius ordinis per diuersa tempora, per hoc non tollitur substantia & identitas ipsius, iuxta l. opponebatur. de iudi. consi. Rom. 198.

Nec obstat etiam, quòd in Bulla Eugenij dicitur de nouella plantatione apud Frisonariam, quia intelligitur de vltima planta, propter reformationem ibidem factam dicti Ordinis, non autem quòd nouus ordo fuerit institutus in dicto loco; quia apparet ex Bullis Alex. 4. & Gregorij 10. q. ante trecentos annos erat ordo Canoniorum Regularium in dicto loco de Frisonaria.

Ex quibus, & multis alijs conclusum fuit modernos Canonicos descendere ab illis, quos Beatus Augustinus instituit.

Secundo principaliter dubitatum fuit, posito quòd Canonici moderni censeantur esse de illis, quos instituit B. August. An debeant precedere Monachos S. Benedicti. & conclusum fuit similiter pro parte affirmatiua.

11 Primo propter antiquiorem institutionem ipsorum factam à Diuo Augustino, qui fuit longè ante Benedictum, quę institutio in materia præcedentiæ attendi debet iux. gloss. in c. quoniamdam. in verb. Prædicatorum, de elect. lib. 6. & clarius apparebit ex infra dicendis.

12 Secundo facit prior approbatio dicti Ordinis Canoniorum Regularium, quę deducitur tacitè & expressè. Tacitè, quia, omnes Regulę ante Concilium Lateranen. censuebantur ipso iure approbate. c. si. de Reli. domi. & not. gloss. in verb. præcessit, in c. vnico. §. pen. eo. tit. lib. 6. pro quo etiam est tex. in ca. parimoniam. vbi not. omnes 41. dist. & in l. 1. de Colleggijs illicitis, quę licet sit lex ciuilis, tamen debet seruari in foro Canonico, nisi contrarium reperiat de iure Canonico decisum, iux. tradita in c. 1. de no. ope.

no. ope. nunc. Itē cenſetur approbata Regula ante Regulam Benedicti, cum fuerit inſtituta ante illam per cētum annos & vltra. Per quod tempus præſumitur tit. iux. l. hoc iure. §. ductus aquæ. de aqua quor. & æſt. c. ſuper quibuſdam. §. Præterea, de verb. ſig. Item, quia ordo huiuſmodi fuit inſtitutus per Epiſcopum, & ſic per Ordinarium, qui non reperiebatur prohibitus ante dictum Concilium, dicto cap. ſin. Ergo &c.

- 13 Præterea dicitur Ordinem huiuſmodi fuiſſe expreſſè approbatum ante Ordinem Benedicti per Gelafium in ca. Sacroſancta. 15. diſt. vbi approbantur in genere omnia opuscula Auguſtini, inter quæ eſt ipſa Regula Canonicorum. Ergo cenſetur approbata ab ipſo Gelafio, qui Gelafius fuit filius Valerij Epi Hippo- nen. qui ordinauit D. Aug. & in ſucceſſorem elegit. Vltius cū negari non poſſit ordinem huiuſmodi fuiſſe approbatum ſaltē per Inn. II. in c. pernicioſa, 18. q. 2. huiuſmodi cōfirmatio actus, qui à principio validus erat, (vt ſupra probatum fuit,) trahitur ad tempus ipſius inſtitutionis ac ſi tunc confirmatus fuiſſet, vt eſt doct. Bal. in l. 1. C. de teſta. manu. latè Pariſ. conſi. 19. nu. 37. lib. 1.
- 14 Tertiò principaliter deducitur dignitas & præcedentia Canonico- rum ex Clericatu quem habent annexum originaliter. c. nolo. c. non dicatis, & c. certè. cum ſimil. 12. q. 1. quia non poteſt eſſe Canonicus, qui non ſit Clericus. Not. Abb. in c. 2. de inſtit. Et quòd iſti Canonici fiant Clerici ab initio, tradit Archi. in capit. mandamus, 19. q. 3. & B. Thom. ſecunda ſecundæ. q. 189. art. 2.
- Monaci verò ex eorum inſtitutione erant Laici. C. de Epiſc. & Cle. l. generaliter, canonizata in c. generaliter. 16. q. 1. Quinimò de iure non poterant, Clericari, vt not. Præpo. in c. priſcis. §. 5. diſtinct. & in c. requiſitus, 1. q. 7. niſi ex cā neceſſitatis, vt in d. c. Priſcis, & in c. moderamine, & in c. ex auth. 16. q. 1. quia alia cauſa eſt Monaci, alia Clerici. Monaci. n. officium eſt plangentis, Clerici verò docētis. c. hinc eſt. c. Monachus. c. alia cauſa. 16. q. 1. Et inde dicitur, q̄ vix optimus Monachus facit Clericū bonū. c. legitur, ea. cauſa & q̄o. Et ideo ſcribit Hier. ad Ruſſum, Sic viue in Monafterio, vt Clericus eſſe merearis c. ſic viue. 16. q. 1. & q̄ Monaci eſſent laici, & non Clerici, patet, quia ſoluebāt decimas prout ceteri laici. glo. in c. ex parte, il. 1. in verbo, laborum, de decimis. Et licet hodie Monaci fiant Clerici, Clericatus huiuſmodi cōpetit eis p̄ accidens, & non originaliter ex inſtitutione, prout competit Canonici.

nonicis, vt dicunt Tho. & Abb. in locis præallegatis. Ex quo sequitur quòd causa naturalis attendi debet, & præualeat causæ accidentali, vt no. Bar. in l. 3. ff. de tut. & in l. fi. de off. Proconf. & leg. & ista antiquior ordinatio circa præcedentiā attendi debet, vt no. Abb. in term. in c. statuiamus. col. 2. versic. not. ex prædictis. de maio. & ob. vbi dicit q̄ tanta debetur reuerentia ordini, q̄ olim quando Monaci nō crant Clerici, simplex Clericus præferebatur Abbati, iux. c. à Subdiacono. 93. dist. Et propterea non obstat q̄ hodie Monaci sint arctioris vitæ, & ideo fiat transitus ex Canonicis ad Monacos, quia circa præcedentiā nō attenditur comparatio meritorum, sed ordinum, ut not. Gemi. in c. quamuis. §. quāquā, nu. 3. de præb. in 6. Deci. in c. 2. col. 3. de re iud. Felin. in cap. postulasti. col. 2. de rescrip. prout patet in Mendicantibus qui licet sint Clerici, & arctioris vitæ, tamen postponuntur aliis. Et, quia priuilegium Clericatus concessum Monacis ex post facto, debet intelligi sine præiudicio alterius, vulg. l. 2. §. meritò. ne quid in loco publico. cap. quamuis. de rescrip. in 6.

Nec obstat huic fundamento Clericatus. quod dicitur ab aliquibus Canonicos Regulares non debere gaudere priuilegio Clericorū, quia nō sunt simplices Clerici: quia priuilegium videtur remānisse penes Clericos Sæculares, qui ipsos Regulares præcedūt. Nam vt dicit Augu. lib. 9. Confessionum, & in sermone qui incipit, Charitati vestræ, Clerici omnes originaliter viuebāt secundum vitam Regularem, at cum inciperent vitam huiusmodi relaxare, instituti sunt Canonici Regulares per Aug. iux. Priorem vitam, ad retinendū illius symbolum. Clerici vero qui non seruabant Regulam, vocati sunt Sæculares, quasi participantes de Regulari quoad ordinem, & de Sæulari quoad vitam, vt dicit gl. in c. licet in corrigendis. in vers. Sæculares. de of. ord. & ibi declarat Abb. col. fi. nu. 5. & Præpo. in c. 1. col. 34. in fin. ver. 3. tempus. 44. dist. post Host. in summa, de vit. & hone. Cler. §. à quibus. in prin. Et ideo B. Augu. vocat Clericos Sæculares claudos tanq̄ claudicantes, & vitam rectam Clericalem non tenentes in cap. certè. 12. q. 1. Ex quo infertur, q̄ Canonici Regulares, qui seruāt antiquam Regulam Clericorum, verè illis succedunt, & digni sunt maiori laude, cum perseverantes in bono dicātur esse melioris conditionis, quā ab eo deuiantes. c. si ex bono, de poen.

15 dist. 4. cap. cum qui, de præb. in 6. & licet Clerici Sæculares hodie

cos

cos præcedant, hoc procedit, quia sunt sub Episcopo, & sic ratione capitis, arg. c. quamuis, il. 1. de præb. lib. 6. Nam membra sequuntur caput. c. non liceat, in princ. de præscrip. Et ideo si Ecclesia Cathedralis esset Regularis, prout multe sunt, Canonici Regulares illius Ecclesiæ præcederent quoscunque Clericos ratione capitis prout seruatur in practica.

- Quarto principaliter deducitur præcedentia Canoniconum ex dignitate Instituentis, idest Augustini, qui fuit nõ solum magnus
- 16 Eps, vt dicitur tex. in c. 1. de obli. ad ratio. sed etiam solemniter Ecclesiæ Doctor, & secundus post Apostolos, vt habetur in c. vnico. §. sic alma mater, de reliquijs & venerat. Sanctorum, lib. 6. Et non est dubium, qd ordinatus à maiore præfertur, etiam si sit postea ordinatus. c. per tuas, vbi Abbas, & alij not. de ma. & obed. Ideo dicitur quod ordinatus à Papa, licet posterius, præfertur ordinato prius ab Epõ, facit, c. quia sape. §. 2. qui. de præb. in 6. Benedictus
- 17 verò fuit simplex Abbas, quod est nomẽ sollicitudinis, & non dignitatis, vt est gl. in c. tuam, in verb. nõ ascendat. de ata. & qual. & in c. accedens, in ver. Abbatem. 50. dist. & competit etiam cui libet Præposito Collegiorum Sæcularium & artium vilium, vt trad. Alci. in l. Collegarum, de ver. sig. Et ideo in Ecclesia postponitur ostiario & alijs in minoribus ordinibus cõstitutis. c. à Subdiacono. 93. dist. Nam dignitas & priuilegium Abbatum nostri temporis eis competit ex speciali priuilegio, Sed. Ap. de priuileg. lib. 6. & põt concedi huiusmodi priuilegium, prout sepius cõcessum fuit, & conceditur etiã Prioribus non habentibus superiorem, vt not. gloss. in c. Abbatem. cod. tit. & lib. Quia ista Prælatiuræ quando sunt in capite æquiparantur. c. 2. & c. cum illorum, de sent. ex cõ. cum gloss. in verb. Abbatem. vbi notant omnes, & propterea non obit. quod dicitur Monacos videri digniores, quia habet Abbates naturaliter: Canonici verò per accedens, vt uidetur dicere Inn. in d. c. cum illorum, in verb. Abbatem, quia Abbatia per se nihil est, sed dignitas prouenit ex post facto eo tempore, quo etiã Canonici habuerunt, prout habet multos Abbates & maiores Prælatos, licet habeat etiã Præpositos & Priores, prout etiã nouissimè multi Priores erant apud istos Monacos, vt in c. in singulis. & c. ea quæ. de statu Monachorũ. c. fi. de Capellis Monachorum, & quod Canonici habeant multos Abbates, habetur in dict. cap. Monaci, & cap. cum illorum, & in cap. intelleximus, de ata.

de æta. & qua. c. cum l. & A. de re iud. cap. significasti. il. 2. de homi. cum in infinitis simil. Vnde cum superuenerit dignitas à Sed. Ap. Abbatibus omnibus æqualiter censetur concessa, quia vna determinatio respiciens plura determinabilia ea pariformiter determinat, vulg. l. iam hoc iure. de vulg. & pup. Ideò cum ad hoc sint pares in dignitate, videretur seruanda antiquitas in promotione. prout fit in Episcopis, arg. l. 1. C. de cons. lib. 1. 2. Doct. in l. 2. §. prius. de vulg. Hoc. ord. grad. nu. 5. vel ratione Ordinis Regulares essent preferendi.

Quinto principaliter pro Canonicis facit consuetudo vrbis, in qua  
 18 Canonici præcedunt, & quæ consuetudo vrbis potissimum debet attendi in istis præcedentiis, vt dicit Bald. in ca. cum olim. in prin. de consue. Præp. in c. Episcopus. 17. dist. Deci. in c. Clericis, de iudiciis. & in c. auaritia. de præb. vbi arguit per hoc quòd Monaci debent præferri Canonicis, quia in vrbe præcedunt: quod est falsum, & ideò facit in contrarium.

Vnde non videtur attendenda communis opinio Doctorum, quæ videtur esse in fauorem Monachorum, cum non sit fulcita Iuribus & rationibus, vt dicit Augu. in c. ego solus. 9. dist. & Doct. in cap. 1. de consti. con similib.

Postremo fuit dubitatum cum in Concilio Tridentino reperiatur Abbates Congregationis Lateran. Canonicorum Regulariũ, & Congregationis S. Benedicti, qui debeant præcedere, & videbatur quod Lateranen. præcedere deberent. Nam stante conclusione superius firmata in fauorem Canonicorum Regularium, cū Abbates ipsi admittantur in Concilio tanquàm repræsentantes eorum Congregationem, & non ex propria persona. Quod ex eo patet, quia tres ipsorum tantum, non autem omnes admittuntur, quia sunt Abbates temporales, & non perpetui, & quia tres insimul cõstituunt vnum votum tantũ. Videbatur inquam, ex hoc inferri quòd deberet attendi dignitas ipsius repræsentati sicut videmus in Legatis Principum, in quibus non attenditur dignitas legatorum, sed ipsorum Principum, vt per Mar. Laur. in tract. de Legatis Principum. q. 27. cum similib.

Ex aduerso tamen consideratum fuit, quòd isti Abbates non admittuntur in Concilio simpliciter tanquàm legati, quia si non essent Abbates non admitterentur. Ideo, cum in eis consideretur

B propria

# RELATIO

propria qualitas Abbatialis, resolutum fuit quod circa præcedentiam habeat in eis seruari ordo, qui seruatur in Abbatibus petuis, & in Episcopis, vt scilicet attendatur antiquior promotio ad Abbatiam iux. trad. in cap. Episcopos, 17. distinct. & in cap. fin. 75. distinct. cum simil: prout alias licet per modum prouisionis per Sanctitatem V. prouidè rescriptum fuit.



RELA-

## RELATIO ILLVSTRISSIMORVM

AC REVERENDISS. S. R. E. CARDINALIVM

Io. Michaelis Saraceni, Tit. Sanctæ Anastasiæ,

ac Bernardini Scoti, Tit. Sancti

Matthari.



## A R G U M E N T U M.

- 1 *Causa Canoniorum Regularium & Monachorum antiqua & difficilis.*
- 2 *Canonici Regulares hodierni descendunt ab Augustino.*
- 3 *Verba nunciatiua etiam de facto alieno, in antiquis presumptionē inducunt, quæ transfert onus probandi.*
- 4 *Historicis credendum, qui testantur Can. Reg. ab Augustino institutos.*
- 5 *Canonicis Regularibus essentialiter competet Clericatus.*
- 6 *Canonici Regulares prius sunt instituti quàm Monaci, & à digniori.*
- 7 *Communis opinio erat pro Monachis.*
- 8 *Regula Augustini & tacite & expresse prius approbata.*
- 9 *Roma Can. Regulares præferuntur, cuius Urbis cōsuetudo debet attendi.*
- 10 *Abbatē in Concilijs, nulla habita consideratione Religionum, præferuntur &c.*

<sup>me</sup>  
S. Pater, pedum post oscula beatorū.



Ausa præcedentiæ inter Canonicos Regulares Congregationis Lateranen. ordinis Sancti Augustini & Monachos Cōgregationis Cassi. ordinis Sancti Benedicti, iam inde à tempore Innocentij 8. anno 1489. controuersa ac vtilata fuit: multaque hinc inde emanant consilia, & responsa celeberrimorum doctorum & colleggiorū Italiæ: ex quibus difficilis, & ardua facta est huiusmodi quæstio.

Utra scilicet ex dictis congregationibus alteram præcedere de-



beat. Cumque eadem causa iam pridem à Santitate Vestra nobis delegata fuerit, primò decidenda, secundo verò referenda. Nos, ut par est, S. V. obtemperantes, relationem in his scriptis prout ore tenus eadem S. V. iniunxit, facimus.

- Auditis si quidem multoties partibus, & his quæ hincinde allegata sunt diligenter examinatis, primò dubitatum inter nos fuit, An ex deductis cõstaret Canonicos Regulares, qui sunt in causa, descendere à Clericis, siue Canonicis Regularibus, quos instituit Beatus Augustinus vel de illis esse cõferri. In quo articulo conclusum per nos fuit pro parte affirmatiua. Rationes ita decidendi præter aliàs fuerunt. Primò tex. in cap. nolo. & in cap. non dicatis, & in cap. certè. 12. q. 1. in quibus iuribus Beatus Augustinus præcepit Clericis, qui cū eo viuere velint, ne quid proprium habeant, sed omnia in communi cum ipsa ordinis susceptione, nō solum facultatibus, sed voluntatibus proprijs se subdederint: quæ qualitates omnes maxime conueniunt his Canonicis Regularibus, qui & ipsi sunt Clerici, & ordinis Sancti Augustini, ac in communi omnia possidēt, obedientiam quoque sub Regula Beati Augustini profitentur. Merito igitur de illis sunt censendi: talia enim sunt subiecta, qualia prædicata demonstrant l. fundum, instructum. ff. de fund. instr. & ad probationem identitatis sufficit concursus duarum qualitatum. l. forma. ff. de cens. per Bart. in l. demonstratio. col. pen. de cond. & demonstr. Secundo hanc conclusionem nostram confirmat bulla quædam Eugenij III. in actis producta pro parte Canonicorum Regularium, quæ dirigi Canonicis ipsis regularibus, qui tunc temporis erant in Monaste. Sanctæ Mariæ de Frisonaria, illosque Eugenius appellat sub his verbis. Diuinam in terris familiam Clericorum, qui vitam religiosam ducerent, & ad exemplum nascentis ecclesię sanctam seruarent institutionem Clericorum, quos Canonicos appellamus. Et Paulo post Huius profectò sacri ordinis & sancti propositi post sanctos Apostolos Primus in Alexand. Eccle. Marcus Petri discipulus fuit institutor & conditor, & gloriosus doctor Augustinus eos diuinis regulis decorauit. Ex quibus verbis Eugenii arguitur manifestè istius ordinis antiquitas & institutio, & licet ea verba prolata sint à Papa enunciatiuè, & quæ concernant factum alienum, tamen negari non potest, quin præsumptionem in antiquis inducāt, quæ saltem



saltem transferat onus probandi contrarium in aduersarium iuxta no. per glos. pen. in c. nonnulli. §. fin. de rescrip. vbi Abb. dicit illud esse quali commune dictum, & in practica solere seruari, & est gl. in clem. literis. in uerbo, fecisse narramus. vbi Paulus de Leaza. & Io. & Imo. & traditur per Fede. de Senis consil. 27. Tertiò non parui momenti sunt auctoritates hystoricorum, quibus in parte cum de antiquis factis dubitatur, credendum. l. septimo mense, de stat. homin. qui testatur Canonicos Regulares à Beato Augustino institutos fuisse cum in ecclesia Hypponensi esset Episcopus. Ex his itaque iuribus, ac rationibus firmata fuit inter nos conclusio, quòd Canonici Regulares prædicti censentur esse de illis, quos Beatus Augustinus instituit.

Secundò loco dubitatum est, præsupposito quòd Canonici Regulares, qui sunt in causa, censeantur de illis, quos Beatus Augustinus instituit; An ex hoc inducatur, quòd debeant præcedere Monacos sancti Benedicti, qui similiter sunt in causa. & in hoc quidem dubio, in quo clauus totius causæ vertitur, post multa, facta fuit per nos resolutio, quòd in processionibus, cæterisque actibus publicis Canonici Regulares, ac eorum Abbates & Prælati dimissa superiori veste, seu cappa, retenta linea, & in Clericali habitu incedentes more Clericorum Sæcularium præcedere, præferrique debeant Casin. Monacis Rationes, ex multis, potissimæ hæ fuerunt, quæ nos, ut ita statueremus, induxerunt. Prima ratio fuit, quia Canonicis Regularibus competit essentialiter ordo Clericatus, & per se sunt Clerici ut probatur in præalleg. cap. nolo. & cap. non dicatis. & cap. certè. 12. q. in quibus iuribus hoc est expressum. Non idem autem est in Monacis, qui non essentialiter, nec per se, sed per accidens sunt Clerici, probatur in cap. à subdiacono. 93. dist. Vbi Monachus, quinimò & Abbas postponitur quibuscunque Clericis etiam ostiariis. Et Hieronymus ad Rusticum Monachum scribens in c. sic uiue. 16. quæst. 1. inquit, sic uiue in monasterio ut Clericus esse merearis, & disce longo tempore, quæ postmodum alios doceas. Et per hanc rationem in casu nostro Beatus Thomas secunda secundæ. q. 189. art. 8. in responsione ad secundum articulum expressè tenuit Canonicos Regulares ut digniores propter ordinem Clericatus annexum præferendos Monacis Sancti Benedicti. Quod etiam comprobatur, Quia contemplatiua simul, & actiua uita Cleri-

- Clericorum in administratione Sacramentorum, aliorumque spiritualium dignior ac nobiliore est sola contemplatiua Monachorum. cap. nisi cum pridem, vbi Io. And. de renuntia. Secunda ratio fuit antiquior institutio Canonico Regularium. Nam Beatus Augustinus præcessit Benedictum auctorem congregationis Cassinen. per annos cētum & plus. Quæ antiquior institutio in prælationibus præcipuè attenditur, vt not. in l. cum quid. si cert. pet. & in cap. qui prior. de regu. iur. in 6. Et hanc etiā rationem antiquioris institutionis maximè adiuuat maior dignitas in ipso institutore, cum Beatus Augustinus tempore huius institutionis esset Episcopus Hypponen. & sic dignior sancto Benedicto, qui erat simplex Monachus.
- 7 Supradictis tamen, atque alijs iuribus & rationibus, quæ breuitatis causa consultò omittuntur, aduersabantur auctoritates doctorum in hoc articulo scribentium, qui & numero, & grauitate communem constituunt opinionem, inter quos etiam cōsulta extant collegiorum Patauini, Ferrariensis, & Bononiensis, quorum scribentium ea est sententia, vt Monaci ordinis Sancti Benedicti congregationis Cassin. præcedere debeant Canonicos Regulares Sancti Augustini congregationis Lateranensis. Ratio eorū potissima videtur esse, quod in institutionibus Regularum non tam ipsa institutio, eiusque prioritas in tempore, quàm approbatio sedis Apostolicæ sit attendenda, sine qua nulla noua Regula, nulla noua Religionis erectio fieri debet, stante in id expressa prohibitione Concilij Generalis, de qua in c. si. de relig. domi. Approbatio etiam Regulæ Augustini, ac institutionis. Canonico Regularium nullibi apparere videbatur facta à sede Apostolica. Contra verò regula sancti Benedicti specialiter & expressè videbatur approbata per beatum Gregorium Papam, qui lib. secundo Dialogorum de Regula Benedicti specialem mentionem facit.
- 8 Hoc tamen fundamentum Cassinen. elidi videbatur propter longuam tolerantiam totius ecclesiæ ac sedis Apostolicæ, quæ non tam diu tolerasset hanc Beati Augustini Regulam, ac institutionem, nisi vel expressè approbando, vel illam saltem tacitè confirmando ad not. per Doct. in cap. cum ecclesia. Sutrina de causa poss. & propret. Propterea colligebatur etiam approbatio regulæ sancti Augustini ex tex. in cap. S. Roma. 1 5. dist. Vbi Gelasius

sius Papa inter ea quæ narrat, recepte fuisse à Rom. Eccle. enumerat opuscula Beati Augustini, inter, quæ præcipuum locum videtur tenere sermo de communi vita clericorum, quæ est Regula ipsius Augustini, ex quo videtur saltem generaliter facta a Gelasio illius Regulae approbatio. Atque is Gelasius præcessit per cæterum annos Beatum Gregorium, qui dicitur approbator Regulae Benedicti. Quin etiam in primitiua ecclesia licitum erat passim cætus & congregationes instituire in honorem Dei ac fidei exaltationem: Nec verisimile est Beatum Augustinum novam illam institutionem fecisse sine interuentu eorum, quæ ad illius robur & firmitatem necessaria essent.

- 9 Veruntamen in hoc iurium & rationum cõslictu tutior via iusta est, quam Rom. Ecclesia vt magistra & mater omnium nos docuit, quippe ex longissima consuetudine in cõspectu tot Roman: Põtificum in Vrbe obseruata, vtraque etiam parte acquiescente inductum est, vt in processiouibus, aliisque actibus publicis Canonici Regulares dimissa superiori veste lanea, ac retenta linea (Clericos se esse significantes) præcedant Monachos Sancti Benedicti congregationis Cassinen: Huius itaque consuetudinis normam ab Ecclesia Romana obseruatam nobis amplectendam duximus; quæ in processionibus & similibus actibus attendi debet quo ad istos Religiosos, vt tradit expressè Bald. in l. obseruare. §. antequàm. de off. proconsul. & lega. Quæ consuetudo maximè opportuna visa est, vt huic liti finem imponere, omnes quæ eorum Religiosorum contentiones sopire atque extinguere possit.

- 10 Vltimò verò loco propositum fuit per nos dubium, an in concilio generali Abbates Canoniconum Regularium præcedere debeant Abbates ordinis sancti Benedicti, atque in hoc articulo verissima ac iuridica visa est resolutio olim facta coram S. V. quòd nulla habita ratione ordinum & cõgregationum, illi Abbates præferri debeant, qui primo fuerint ad Abbatialem dignitatem promoti: sic enim & in Episcopis, aliisque similibus dignitatibus videmus statutum fuisse a iure: cap. placuit. 18. distin. gloss. & doctor. in capitulo fina. 75. distinctio. & in capit. episcopos. 17. distin.

Hæc igitur sunt Beatissime Pater, quæ præcipua ex multis colligenda ac S. V. referenda duximus in præsentì causâ præcedentiæ, in qua

# RELATIO

qua etiam sententiam ex mandato S.V. subscripsimus conformem resolutionibus per nos factis, arbitantes ita & S.V. ex iure & æquo diffinire posse, saluo semper sapientissimo ac prudentissimo illius iudicio, cui nos in omnibus subiicimus, finemque dicendi facientes, S.V. pedes humiliter atque deuotè deosculamur &c.



Copia

# EXCELLENTISS. IVRISCONS.

D. HIERONYMI MENTVATI

PLACENTINI.

## A L L E G A T I O N E S D E V E S T I V M

Generibus quibus uti possunt, Canonici Regulares,  
præsertim in Processionibus  
Sacris,

### A R G U M E N T V M.

- 1 *Clericalis habitus, qualis.*
- 2 *Verba generalia in omni materia, generaliter sunt intelligenda.*
- 3 *Lata sit interpretatio ubi agitur de honore diuino.*
- 4 *Copula dupliciter accipi potest.*
- 5 *Argumentum non ualet, in tali ueste eundum, ergo nihil superimponendū.*
- 6 *Dictio, dimissa ueste, intelligitur de gestari solita.*
- 7 *Extensio prohibetur in verbis sententiae.*
- 8 *Verba in dubio, declaratiue non restrictiue accipienda.*
- 9 *Exempla non restringunt generalem dispositionem.*
- 10 *Relatiuum restrictiuum, ratione adiuncti perdit naturam suam.*
- 11 *Relatio facta ad genus, non restringitur ad certum indiuiduum.*
- 12 *Candelabra & ceroferaria pro eodem accipiuntur.*
- 13 *Canonicis Regularibus in processionibus prohibetur cappa, ne videantur tanquam Monaci præcedere.*
- 14 *Vestis linea proprie Clericorum, & Canonicorum Regularium.*
- 15 *Prohibitio generalis non intelligitur de eo, quod est cultus diuini.*
- 16 *Absurda omnino, etiam per improprias interpretationes sunt excludenda.*
- 17 *Summa ueneratione celebrandum festum sacratissima Eucharistia.*
- 18 *Mens pronunciantis talis præsumitur, qualis de iure esse debet.*
- 19 *De iure non requiritur, quod habitus proprius undique appareat.*
- 20 *Præsumitur quod delegans delegati declarationem factam post sententiam secutus fuisset.*
- 21 *Habitus interior attenditur non superior.*

C Verba

## Verba sententiæ sunt hæc.



*Renunciamus Abbates Canonicos, &c. præferri debere, &c. uti Clericos dimissa superiori ueste, pallio, seu cappa, in linea ueste, clericali quæ habitu incedentes (quod etiam in alma nostra Vrbe Roma consuetum fuit, & nunc obseruatur.)*

**Q**Varitur, an stantibus verbis istis, possint ipsi Abbates, & Canonici Regulares ferre super eorum veste linea in sacris Processio-

nibus, pluuialia, &cet.

**D**ispositio sententiæ Pontificiæ, de qua agitur, adeo clara perspicuaque meo iudicio videtur, vt non sine magna calumnia in dubium reuocari possit. Et sine vim proprietatemque verborum perpendamus, siue mentem summi Pontificis, Illustrissimorumque Cardinalium relatorum intueamur, in eadem semper conclusione persistere cogimur. Qua astruimus Reuerendos Canonicos Regulares Ordinis S. Augustini præferendos esse Reuerendis Monacis sancti Benedicti; quamuis nedum in veste linea sola, dimissa superiori veste, seu cappa incedant, verum etiam super lineam in sacris processionibus, sacras vestes seu Pluuialia deferant, luminariaque non super candelabra, sed aliter, prout hæctenus fecerunt, secum ferant.

**Q**uod vt verum comprobetur, in primis de proprietate verborum agendum est. Et quia nulla de veste linea subesse potest controversia, qualiter accipiantur verba illa sententiæ, & Clericali habitu, videndum est, & quidem in iure satis id expeditum videtur, non esse clarè determinatum, qualis debeat esse Clericalis habitus, sed sufficere si sit honestus, qualis describitur in cap. Clerici. de vit. & honest. Clericorum vbi omnes not. maxime Imo. nu. 20. ad idem 22. quæst. 4. per totam. Card. in clementi. prima, in fin. de elect. latè Alb. Trot. in tract. de vero & perfecto Clerico, lib. secundo, cap. 38. & habetur nonissimè in decretis sacri Concilij Tridentini de reformatione. cap. 6. sessione 14. Sed quod ornamenta ecclesiastica, quibus in sacrorum ministerio uti videmus,

demus, ut pluuiiale, & similia, sint habitus Clericales, hoc prorsus indubitatum videtur: cum certissimum sit neminem nisi Clericum eis posse uti, & ab illis solis in honorem cultus diuini deferri. ea vestimenta, de consec. distin. prima. cle. prima. §. in multis. de celeb. mis. cap. exiui. §. quamuis de verb. sign. latè. Specul. in Rationali diuinorum, lib. 3. per totum. maximè cap. 1. Cum ergo simpliciter sententia de linea veste, Clericali; habitu loquatur, consequens est, ut ultra lineam vestem omnis habitus, qui propriè Clericalis dici potest, comprehensus dicatur. In quacunque enim materia quantumuis strictè intelligenda, omnia veniunt, quæ sub generalitate verbi clauduntur. l. cum lege. ff. de test. l. i. §. generaliter. ff. de leg. præstan. cum similib. Posito enim genere, ponitur quælibet eius species. l. si quid earum. §. inter emptum. ff. de leg. 3. omnesque species in genere comprehenduntur de proprietate sermonis. Bart. in Rub. ff. foli. matr. Bald. in l. secunda. C. de iur. aur. an. Quod longè clarius procedit in casu nostro, quia ubi agitur de honore Dei, ibi lata sit interpretatio. Bald. in proem. Decretal. in prin. Tiraq. de priuileg. pæ. causæ. priuileg. 25. Quinimmo cum Clericalis habitus dicatur etiam is, qui potest aliqua ex parte communis esse cum laico, ad not. in d. c. Clerici, & is exclusus non cõsetur, ut supradixi. multo minus exclusus censebitur sacer habitus, soli Clerico conueniens, nullamque communionem vel similitudinem cum laicali habitu tenens per regulam, si id de quo minus inest, & id de quo magis, de qua per gloss. in cap. cum incunctis. in prin. de elect. Authent. multo magis. C. de sacrosanct. eccle. & cum magis proprium id dicatur quod nullam communionem cum alio habet. l. serui. §. primo. & §. seq. de lega. primo. Absurdissima utique esset interpretatio ista, quæ magis proprium excluderet. & minus proprium admitteret, contra l. nam absurdum. ff. de oper. liber. cum simil.

4. Confirmanturque prædicta, quia verba illa sententiæ; *in veste linea, Clericali; habitu*, dupliciter accipi possunt, vel ut copula accipiat pro expositiua, tanquam inter speciem & genus cadens, ad Felin. in cap. ex parte. post nume. 33. de rescrip. vel, ut copula ipsa veniat addendo, iuxta propriam illius naturam. l. hoc legatum. & l. ea tamen adiectio. ff. de leg. 3. Bar. in l. quæsitum. §. si quis fundum. colum. 3. ff. de fundo instr. & instr. lega. quod vltimum magis placet, quia verba minus superflua sunt, eoque stan



## ALLEGATIONES

te Infertur, quod Papa vitra lineam vestem, voluit etiam concedere quemcunque Clericalem habitum; idque procedit etiam si diceremus copulam restringere videlicet quod ad hoc, vt Reuerendi Canonici praeferantur, oporteat vtrunque concurrere, scilicet vestem lineam & Clericalem habitum, ad quod in simili Alex. in l. quod dicitur. numc. 17. ff. de verb. oblig. Etenim quacunque interpretationem sequamur, res in idem incidit, vt dimissa superiori veste seu cappa, in linea veste concessus sit omnis habitus Clericalis ex proprietate, & generalitate verborum. Lâ procuratore C. de procur. l. non aliter. de lega. secundo, cum similibus.

Nec opponatur de clausula illa præcedenti, *dimissa superiori veste, pallio seu cappa*: ex qua, & fortè nimis subtiliter, aliqui eliciunt quod omnis vestis superior dimitti debet, & iri in veste linea, nihilque ei superimponendum sit, quia nullo iure huiusmodi argumentum probatur, non enim sequitur, si iri debet in veste linea, ergo nihil est superimponendum. patet hoc euidenter in casu nostro, quia etiam ante sententiam Reuerendi Canonici debebāt ire in veste linea, quia est proprius eorum habitus, vt infra dicitur; & tamen non prohibebātur superius gerere honestum operimentum, immò ad illud gestandum, quandoque de iure tenentur. tex. est expressus in c. episcopi. 2. 1. quæst. 4. in ver. operimentum. Sic etiam non sequitur, quod prohibita veste, *cappa seu pallio* censeatur etiam prohibita delatio indumentorum & ornamentorum sacrorum. Si quidem Pontifex hoc loco sentit, nō de omni veste superiore, maxime de indumentis sacris; sed tantum de cappa, qua quotidie dicti Canonici vtuntur; vt patet ex illa disiunctiua, *seu cappa*, cuius propria natura est disiungere verba, & coniungere sensum, vt in exemplo Alexan. siue Paris; de quo per Bar. in l. si quis ita. ff. de reb. dub. in l. si is qui ducenta. §. vtrum. numc. 2. ff. de reb. dub. Dec. consi. 399. col. 2. ex communi autem verborum significatione illa non veniunt sub nomine cappe, vt notum est, quæ significatio alijs præualet. l. librorum. §. quod tamen. Casius. ff. de lega. 3. cum similibus. immò idem est etiam de iure, & de proprietate verbi, vt per gloss. in cle. ne in agro. §. 1. in ver. cappa. de statu mona. Bertac. in ver. cappa. vbi ait quod est vestis Monachorum. Accedat quod proprietas illius participij, *dimissa*, verificatur tantum in re, quam quis habet & tenet, cap.



7 cap. admonet. de renun. l. quod. §. si à furioso. ff. de acquir. poss. & sic in cappa, quā gestare solent, non in vestibus sacris, quibus raro utuntur, priuatio enim præsupponit habitū. l. decem. ff. de verb. oblig. verba autem sententiæ propriè & strictè de sui natura accipi debent, nec patiuntur extensionem de casu ad casum. l. 1. ff. si plur. vna sententia. cum similibus. de quibus, per Aimo. in consi. 10. nume. 3. & de extensione prohibita in sententia latè Ruin. consi. 116. nume. 6. & seq. lib. 4. Præterea verba sententiæ concedunt uestem lineam, item &, uti Clericis generaliter habitum Clericalem; ergo vt tollatur contrarietas in eadem dispositione, ad not. in cap. inter dilect. de fid. instru. & ne videatur supra prohibere, quod infra concedit, vtque seruetur proprietas verborum, à quibus in dubio recedendum non est. l. non aliter. ff. de leg. 3. dicendum est, quòd in superioribus agatur de cappa seu pallio nō Clericali, & cum interpretatio, cui nos innitimur, magis seruet proprietatem verborum tollat cōtrarietates, magisque conueniat materiæ, de qua agimus, minusque deroget cultui diuino, cui semper minus derogari debet. c. ex parte. de consi. & illa sine dubio est ceteris præferenda, ut per Deci. in l. quoties idem sermo. in fi. ff. de regul. iur. Denique cum magna diuersitatis ratio vigeat inter prædictas vestes quotidianas, & alias sacras, istæ enim sunt propriè Clericorum, & geruntur ad augendum honorem cultus Diuini, ut dictum est: at illæ nec cōueniunt propriè Clericis, nec sunt dicatæ sacro cultui. Ergo ex tam diuersis nulla fieri potest illatio, l. Papin. ff. de minor. de quo etiam infra tractabimus, vbi de mente agitur.

Non obstat etiam clausula illa sequens: *quod etiam in alma nostra vrbe consuetum est, & nunc obseruatur*, quasi ex ea restringantur præcedentia, ut omnino in processionibus, & aliis actibus eundem sit more Romano, & sicut in ueste linea prout Romæ obseruatur. Quia respondetur clausulam illam appositam fuisse non ad restrictionem, sed ad declarationem præcedentium ex pluribus. 8 Primumque, quia in dubio ista interpretatio amplectenda est, per quam verba declaratiuè, non restrictiuè accipiuntur. Bart. in l. centurio. col. 10. ff. de vulg. & pupil. Deci. pulchrè consi. 183. in principi. & 371. col. fin. Aimo. consi. 245. post nume. 8. Secundò probatur ex dictione, *etiam*, cuius natura nō est ut restringat, sed ampliet. l. etiam. ff. solut. matri. Dec. consi. 466. nume. 17. Ruin. consi.

consi. 89. numero, 6. libro primo.

- 9 Tertiò clausula prædicta uenit ad exemplificandum, quod supra in genere dictum est, ergo succedit, quod exempla non restringunt dispositionem generalem. §. hæcenus, in tit. de grad. cogn. Idamni. la secunda. in princi. ff. de damn. infect. l. prima, §. quod vulgo. ff. de ui & vi ar. & in simili, est tex. in l. ligni. §. lignorum. ff. de leg. 3. vbi Iuricons. vtitur exemplo Aegypti, & tamen nemo diceret, quod ea decisio ad mores ægyptios restringatur. ad idem tex. in l. 1. §. idem Labeo scribit, ff. de aqua quot. & esti. & l. hostes. §. si. ff. de cap. & post lim. & l. j. §. sed & si. ff. ad munic. & alibi sæpe. Quarto, quia eadem ratio est de quocunque habitu Clericali, immo maior in vestibus sacris, vt supradixi, & infra etiam dicitur, ergo nulla existente causa restringendi, sed potius ampliandi, non debet accipi interpretatio restrictiua, ut post Bald. ab eo allegatum tradit Crau. consi. 84. nume. 14. Cum ergo veniant ad ampliandum. contrarium effectum operari non debent. l. legata inuuliter. ff. de leg. præst. quod esset si iste habitus restringeretur præcisè ad morem Romanum. Ad quod optimè facit, quia uerba de sui natura restrictiua si adscribantur ampliandi animo, vim suam amittunt, vt de dict. ita quod post. Guif. & Ang. tradit Soc. consi. 241. in fin. lib. secundò. multo magis ampliabunt quæ de sui natura restrictiua non sunt. Nec quem moueat relatiuū. quod, cuius natura est restringeretur quia ex præmissis constat, accipi non debere restrictiue, tum quia ratione adiuncti perdit naturam: cum dictio, etiam, illi adiuncta ampliet, vt dictum est, & probatur ex l. nuper. in fin. iuncta l. seq. ff. de leg. 3. Bart. in l. omnes populi. col. 2. ff. de iust. & iur. vbi uult. quod si copula addatur relatiuo, uerba ampliatiue accipiuntur, sed in proposito melius probatur ex l. quod & lex Flauia. ff. de lib. hom. exhib. ex quo text. nemo diceret edictum Prætoris restringi ad modum prouisionis legis flauie, quia illa criminaliter & diuerso modo ab edicto prætorio prouidit l. non putauit. ff. ad l. Flau. & quod uerba restrictiua ampliuntur per eā dictionem, etiam, tradit Geminianus consi. 65. nume. 8. Tum denique, quia relatio fit ad uerba generis, idest ad habitum clericalem, ultra uestem lineam, non ad specialem habitum. Et quando relatio fit ad genus non restringitur ad certū indiuiduum, iuxta illud in casu magis dubio. Mulier quæ damnauit, saluauit, idest muliebris sexus, de quo in cap. primo
- 10
- 11

primo de sacra. vnc. Arch. in c. ad hoc. in fin. dist. 3. 2. Castr. in l. Iulianus. ff. de hered. instit. Satis ergo retinet relatio naturam suā, ex quo verè inceditur in veste linea, & Clericali habitu ad quem simpliciter, & in genere facta est relatio. Facit quod alibi dicitur, similitudinem esse bonam, si sit in eo de quo principaliter agitur, non in omnibus. Ias. in l. inter stipulantes. §. sacram. nu. 1. ff. de verb. oblig. sed principaliter agitur, ut in veste linea & Clericali habitu eatur, non autem precise, nec particulari modo, qui Romæ obseruatur. Et hoc idem melius probatur, si dicamus quòd illa verba, *ut Clericos*, coniungantur cum participio *incedentes*, & ab eo determinantur, tunc enim magis propriè fiet relatio ad prædicta: ut magis principalia, quàm ad qualitates alias incidentes. ad Bart. in l. si cui seruum. §. si a filio. ff. de leg. 1. Deci. consil. 593. nume. 4.

Non obstat quòd de maioribus luminaribus seu ceroferariis opponitur, quia de his non loquitur sententia, sed de habitu Clericali, quæ verba non continent propriè nisi indumentis, ad not. in cap. ex parte. extra. de reg. & c. si iudex de sent. ex com. lib. 6. cum similibus, & præsertim in materia strictè, & propriè intelligenda, ut supra diximus. Præterea cum nullibi repererim, quòd maiora luminaria sunt propria Monachorum, & candelabra Clericorum, non video cur Reuerendi Canonici illis uti nequeant, ad quod facit quòd habetur in Pontificali. in tit. de acolito, ubi candelabra, & ceroferaria pro eodè ponuntur. Immo illa esse propria Clericorum hinc ostenditur, quia non alia ratione deferuntur, nisi in honorem Sanctissimæ Eucharistiæ, vel aliorum sacrorum. c. sanè. de celeb. mis. c. clericos. in fi. dist. 21. Prædicta autem ministeria Religiosi Regulares, seu Monaci non aliter pertractare, ac ministrare possunt, nisi tanquàm Clerici. c. nemo. & c. alia, & ca. adiciamus. & c. hinc est. 16. quæst. prima. & per totam. Sicut ergo ministerium sacrorum, est proprium Clerici: ita etiam quòd est de connexis, & dependentibus necessariis, eodem iure censetur, cap. translatò, de const. cap. accessorium, de reg. iur. lib. 6. l. nam & Seruius ff. de nego. gest. cum similibus. Quod etiam clarius demonstratur, quia delatio luminarium seu cereorum, est proprium montis acoliti, qui ideo cerofrarius appellatur, d. c. Clericos. in fin. dist. 21. ubi etiam iuncto pun. tex. habetur. quòd est Clericus; & habet ordinem ecclesiasticum. si igitur hoc proprium

prium est munus Clerici, & non Monaci simplicis, negari non potest quin permissum sit à sententia, quæ nihil Clericalis officij excludit, cum præferat Reuerendos Canonicos, *uti Clericos*, eis etiam Clericalem habitum concedendo. Nec maiora illa luminaria faciunt, quod desinat hoc officium esse Clerici, & efficiatur Monaci: Tum quia alius, nisi Clericus, illo uti non potest, nec esse acolitus, tum quia plus & minus non faciunt differre specie. l. si. si. de fund. instr. & instrum. leg.

Quod attinet ad mentem Summi Pontificis pronuntiantis, non est dubium, quod ea in omni materia sono verborum præualeat, etiam si verba in contrarium ponderata violari, vel impropriari contingat. l. 3. C. de lib. præter. l. cum virum. C. de fideicom. & in sententia est tex. in l. quale. ff. de arbi. l. si ex testamento. in fi. & l. si cum argumentum. ff. de except. rei iudi. Crau. consi. 10. numc. 4. 181. numc. 7. Attamen ex hoc capite non minus splendida redditur controuersia ad fauores Reuerendorum Canonicorum quàm ex verbis: cuius rei ostendendæ gratia præsuppono illud, quod per ipsos Monacos adduci solet, videlicet, prælationem, de qua in sententia, fundari in Clericatu, cum ipsi Canonici Regulares videantur magis censendi Clerici, quàm Monaci, quod patet ex illis verbis, *uti Clericos*. Quo stante voluit Pontifex inducere distinctionem habituum, ne cuius videri posset eos non uti Clericos, sed uti Monacos præferri, cū in pluribus illis æquiparari videantur, ut ex multis probat Dec. in cap. causam, quæ in prin. de iud. Præterea cum maximè ex qualitate habitus cognoscatur, qualitas personæ dict. ca. si iudex. de sent. excom. lib. 6. Hinc factum est, ut Canonicis Regularibus prohibuerit in actu prælationis gestare vestem, seu cappam illam, quam gestare aliàs solent, quæ videtur Monastica, ut supra dictum est, & potius similis cucullæ, ut patet ex descriptione cucullæ, de qua in cle. in agro. in prin. de stat. mo. vbi quod est habitus amplus & longus, manicas non habens, & per Albe. in Dictio. suo, in dict. habitus, & in dict. cuculla, & propter caputium annexū ipsi vesti, quod est proprium Monachorum & non Clericorum, ad not. in d. clem. ne in agro. vbi Card. in 4. & 6. notab. ne ex illo habitu ambiguo dubitari posset, an Clerici censendi essent, cum Clericis non conueniat. Voluit autem retineri vestem lineam, quæ non conuenit Monachis. c. cum ad Monasterium, in prin. de sta. mon. sed. Clericis, vel

- 14 eis, vel in specie Canonice Regularibus & non aliis, dict. c. Clerici. in fi. de vit. & honest. clericorum. & in indiuiduo. Imo. in d. cle. 1. nu. 29. de elect. & latè fuit ductum in causa principali. Quo stante iam liquet de manifesta ratione diuersitatis, cur prohibita simpliciter veste superiore seu cappa, non censeatur prohibita sacra ornamenta, & indumenta: illa enim conuenit Monachis, vel saltem anibigua est, at hæc tantum Clericis seu Clericatu insignitis, vt supra probauimus. Item ex horũ prohibitione impediretur cultus diuinus, secus vero in prohibitione cappæ quotidianæ, & propterea in tam patenti diuersitate casuum, non licet ab vno ad alterum arguere, vt supra dictum est, prout è conuerso admissò Clericali habitu, negari nō potest, admitti etiam delationem sacrarum vestium de identitate, immo maiori ratione, vt supra dictum est. Plus dico, quod etiam si verba prohibētia superiorem uestem essent magis generalia, & dubia, non tamen intelligerentur de vestibus sacris, quæ in honorem cultus diuini seruntur: sicut in simili dicimus prohibitionem generalem non trahi ad pias causas, vt latè per Calcan. consi. 13. ad med. & quod generalia verba prohibitionis non intelligantur de eo, quod in honorem cultus diuini fit, probat tex. apertus l. 1. §. quod ait prætor. ff. ne quid in loco, vbi habetur quod in prohibitione illa generali, ne quid in loco sacro fiat. non continetur, q̃ in honorem diuini numinis factum sit. facit quod consuluit Alexan. consi. 53. maxime col. 3. lib. 5. vbi ex multis probat, quod dispositio generalis statuti restringitur, ne cultui diuino derogetur: quod si verba trahuntur extra proprium sensum, multo magis proprietatem suam retinebunt, ne cultui prædicto derogetur, prout ex parte derogaretur, si Reuerendis Canonice auferretur facultas sacra ornamenta in processionibus gestandi. Præterea retenta interpretatione, quàm Reuerendi Monachi asserunt, sequerentur absurda quæ nulla ratione menti pronuntiantis conuenire possunt: pro quibus excludendis etiam per improprias interpretationes laborare debemus. l. nam absurdum. ff. de oper. libert. c. venerabilem. & cap. in Genesi. de elec. pro quo plurima congerit. Euerar. in sua Centu. sub tit. ab absurdò, vbi ostendit huiusmodi argumentum esse in omni materia efficax, & validissimum. Primumque illud, est, quod concessio omni habitu Clericali, esset prohibitum illud, q̃

D

magis

magis ceteris & magis propriè Clericale est, vt supra dixi. & facit ad hoc. §. pen. & fin. Instit. de oblig. Secundum quod Reuerendis Canonicis Regularibus prohibita esset res nedum licita, & omni commendatione digna, verum etiam ipsis uti Clericis magis quàm ceteris conueniens: videlicet summa qua vt possunt ueneratio erga sacramenta, & præsertim sanctissimū Christi corpus, ad quam omnia nos iura hortantur d. c. sanè. de cele. miss. & d. capit. 1. de reliq. & ven. sanc. vbi de esto celebratissimo præfati Sanctissimi Corporis. & d. clement. exiui. §. quamuis, de verb. sign. & præsertim nouissimè sac. conc. Trid. cum alibi sæpe, tum verò maximè ses. 13. cap. 5. cum tamen absque distinctione personarum in omnibus commendatur diuinus cultus. text. est in Auth. de mona. in prin. colla. Tertium est quod Reuerendis Monacis prædictis, immo & aliis minus dignis Monacis, & Religiosis permittitur delatio dictarum vestium ac ornamentorum sacrorum & ecclesiasticorum, qui tamen Clerici non sunt ex primaria sui institutione, nec ita digni, vt per Abb. in cap. statuimus. de maio. & obed. cum alijs alias in principali causa allegatis, & tamen reperiretur prohibita Reuerendis Canonicis Regularibus, q. originaliter, & essentialiter Clerici sunt, & digniores Monacis prædictis: vel saltem (si id negare possunt) ceteris Regularibus: & sic maior dignitas esse deterioris conditionis minus digna, contra l. si longius. §. j. in fi. ff. de iudi. Quantum quod oporteret Reuerendos Canonicos semper incedere in sola veste lineæ etiam per uicos & plateas, si priuilegio suo uti vellent, absque aliquo superiore operimento contra dict. c. episcopi. 21. q. 4. Itaq; à tot absurdis vindicando sententiam prædictam necessario fateri cogimur, reiciendam istam habitus differentiam exaduerso excogitatam, quia mens pronuntiantis talis præsumitur, qualis de iure esse debet. Crauet. consi. 45. col. secunda. vbi de Principe Ias. in Lex factio. ff. de vulg. nec ita accipienda est, vt ad iniustum trahatur. Paris. consi. 111. nu. 6. lib. primo. Præsertim cum lata fuerit ab ipso Summo Pontifice. pro quo iura tantum præsumunt, vt ab ipso factum, à Deo factum dicatur. ca. quarto, de translat. præla. ad quod infinita congerit Leonar. inter consi. Brun. consi. 114. col. secunda. & eo magis accedente consilio tot prudentissimorum, ad cap. prudentiam. de off. deleg. Et si dicatur quod immo velit Pontifex prohibere omnem superiorem habitum,



habitum ad hoc vt clarius pateat toga linea, quę est proprius habitus Canonicorum Regularium, vt iam dictum est. Ad hoc respondetur, primum verba sententię id nõ sonare, quia loquitur generaliter, videlicet, *vti Clericos*. Item concedunt generaliter omnem habitum Clericalem, & in specie nõ prohibet omnem vestem superiorem, sed cappam tantum, & à verbis non esse recedendum. l. quod constitutum. ff. de test. mil. Secundo non cessare absurda prædicta, maximè secundum, & tertium, de quò supra. Tertiò quòd Pontifex non prohibuit vestem superiorem principaliter, vt appareat Canonici Regulares, quia id omnibus notum est nec de hoc disputabatur, sed ne ex toga illa superiore dubium superesset illos aliquid habere commune cum Monacis præferri tanquam Monacos. quod patet ex illo versu. *vti Clericos*, & ex speciali prohibitione cappæ, & non cuiuscunque alterius vestis dixissetq; etiam, vti Canonicos, non *vti Clericos*, si ita sensisset. Quarto non erat opus prohibere omnem vestem superiorem, vt vndique linea appareret, quia de iure id minimè requiritur, immo de ea nihil curatur. Imo. in d. cle. 1. nu. 29. de elec. idè dispositio ista, quę tollit alioqui de iure permillum, restringenda est ad cappas & vestes similes monasticis, non autè ad Clericales, vt minus præiudicium inferatur tertio. l. 2. §. merito. ff. ne quid in loco. pub. cum simil. ac etiam ne cultui diuino derogetur, vt supra dixi, per tex. in l. j. §. fin. ff. ne quid in lo. sac. cui omnia iura fauent. ad not. in d. c. ex parte. de constitut. in l. fancimus nulli. cum seq. C. de sacros. eccles. & toto tit. C. de episc. & cler. Postremò, cum sententia ista lata fuerit ad relationem triũ Illustrissimorum Cardinalium, quàm etiam Papam sequutum fuisse præsumimus, ad not. in l. 1. §. 1. ff. quan. ap. sit. & per Roma. consi. 321. & de mente ipsorum Cardinalium, maximè Illustrissimi Tranensis & Saraceni, clarè appareat, tum ex verbis eorum relationis, quæ in specie loquitur de superiori veste linea, de qua quidem relatione fit mentio in sententia, tum etiam ex mox sequentis, videtur ex literis Illustriss. Saraceni, quarum copiam infra ponemus, & præcepto Illustrissimi Tranensis in huiusmodi cõtrouersia; nulla superesse videtur difficultas, si veritatè omisis calumnijs quarimus: si quidem potest iudex, etiam post sententiam, probabilem declarationè verbis dubijs asserre, vt per Bart. & Dec. in lab. execut. ff. de appel. & rel. & licet in delegatis id pro-

20. cedere non videatur, præsumitur tamen quod delegas declarationem delegari sequutus fuisset, vt in specie firmat Alcia. consi. 439. cum maximè ex collatione sententiæ & relationis dictorum duorum Cardinalium liqueat eas in hoc puncto omnino conuenisse: & eas summum Põtificem sequutum fuisse. De mente verò Illustrissimi Cardinalis Sancti Clementis dubitandum nõ est, cum illius relatio doceat ipsum reiecta hac distinctione habitus, sensisse Reuerendos Canonicos absolutè esse præferendos: nec immeritò (si hos in cœlum licet ponere) cum dicti Canonici ex illa delatione superioris cappæ, non desinant esse Clerici, prout sunt, & cum propria eorum vestis sit illa interior linea, nec de superiori curādū sit, in indiuiduo. Imo. in d. clc. j. nu.
21. 29. de elect. Omisssa tamen hac disputatione, vt minimè necessaria, sentio vt supra conclusum est. Saluo &c. Laus Deo.

COPIA DELLA LETTERA DI MONS. REVEREN.  
& Illustrissimo Saraceno, sopra all'habito de Canonici  
Regolari in Processione.

ALL'ILLVSTRIS. ET REVERENDISS.  
mio osseruandissimo monsignore,  
Il Cardinal di Trani.

**P**ER vn puoco d'indispositione di Nostro Signore non gli ho potuto parlar del negotio de' Canonici Regolari & de' Padri Cassin. & hauerne quell' oracolo vna vocis, che S. S. Illustrissima desidera per la sua. Ma fra tanto che mi venerà commodità di parlargliene, le dico, che mi pare, che benchè i detti Canonici haueffero portato piuuali sopra la veste & rocchetto loro lineo, come fanno ancora i preti Secolari; non haurebbero fatto alcun praiudicio a Cassin. perche, poiche la cotta seu veste linea precede, ch'è habito de' Clerici, & sono Clerici Regolari, come si domandano, & con piuuali, & con pianeta deneno precedere. Et questa è la mente della sentenza; licet verba hæc non expriment. Pur com'ho detto ne parlerò à S. S. con buona occasione, & à S. S. Illustriss. & Reuerendiss. ne darò auiso, alla quale hascio la mano, & me le offero & raccomando con pregar Dio le felicitì.

Di Roma, il primo di Luglio M D L X V. di V. S. Illustr. & Reuer.  
Humiliss. Seruitore Io. Michaelè Cardinale Saraceno.

ZAC



15

# ZACCHARIAE FERRERII.

VICENTINI THEOLOGI,

AC IVRISCONSULTI,


ABBATIS SVBASIENSIS, DE

proprio, & vero habitu Canonorum Regularium:

Allegationes:

Vbi apertè demonstrat habitum ipsorum non alium debere esse nisi Clericalem, Prælatosque ex ordine Canonorum Regularium assumptos, tam de iure communi, quàm ex libro Cerimoniarum Sanctæ Romanæ Ecclesiæ debere vti Rochetto, more Romanæ curiæ: & cultu ac forma indumentorum, quibus vti possunt prælati ex Clericis Sæcularibus assumpti, ad differentiam aliorum Religiosorum.

AD SANCTISSIMVM PAPAM ET  
Dominum nostrum, Leonem X: Pont. Max.



Vdiui Pridie *Enarrantibus*

*plerisq; (Pæ-  
tificum beatis. LEO,) quum subsignandis  
supplicantium postulatis elaborares: non-  
nullis doctissimis & seruantissimis patri-  
bus coram tua Beatitudine disceptatum es-  
se, quismam uerus Regulariū Clericorum,  
siue Canonorum habitus existeret: alijs  
quidem cappam; alijs superpelliceum li-  
neum; alijs togam lineam, (quæ curiali vo-  
cabulo rochetus cognominatur) ad eorum*

*habitu pertinere assenserantibus; dubitatumque ibi fore si ex huiusmodi  
Canonico statu ad prælaturam assumpti viri rochetto, & almutijs de panno  
utrunque humerum capientibus, & pileo inferius viridi si sint episcopi  
ad instar prælatorum ex Sæculari Clero assumptorum vti possint. Item &  
qualis.*

qualis eiusdem color propriè competeret; & an in capella Apostolica uti possint cappae cum pellibus albis. Et quoniam rogatus sum, ut de hac materia breviori compendio (ut par est) aliquid scribam, quod summatim edidit tua maxima, & sapientiæ & authoritati decernendum post beatorum pedum oscula supplex offero; cuius felicissimo auspicio omnium bonarum artium disciplina diu penè oblitterata, & mortua reniuescunt, & ex situ ac squallore erepta quotidie in lucem & splendorem prodire cernitur. Categoricè itaque brevitatis causa procedens, septem pono conclusiones; quæ & rationibus, & sacrorum canonum, ac diversorum approbatissimorum doctoribus authoritatibus fulciuntur.

## PRIMA CONCLUSIO.

**C**lerici Regulares, siue Canonici profitentes Clericorum instituta à diuo Augustino tradita, nullam determinatam habitus formam, neque ab ipso Augustino, neque à iure communi, neque ab vniuersali consuetudine habent, præter formam habitus Clericorum Sæcularium, toga linca, seu aliàs rochetto, dumtaxat exceptis.

## SECUNDA CONCLUSIO.

**C**lerici Regulares, siue Canonici præfati possunt uti, & communiter vtuntur almutijs de panno super humeros sicut Clerici Sæculares.

## TERTIA CONCLUSIO.

**C**lerici Regulares, siue Canonici uti possunt quocūque colore Clerici Sæcularibus de iure cōmuni permissio, sicut & vtuntur adlibitum; salua tamen consuetudine diuersarum ecclesiarum cathedralium, & collegiatarum, siue congregationum, quæ ex lege priuata vtuntur determinato colore.

## QUARTA CONCLUSIO.

**C**anonici Regulares, siue Clerici, secundum traditiones tam apostolorum, quàm Augustini, & summorum pōtificum, nec

nec non determinationes doctorum, non habent determinatum habitum, nisi superpellicum, togam lineam, siue secundum librorum cerimoniarum S. R. E. rochetum, qui ipsorum dicitur essentialis habitus.

### QVINTA CONCLVSIO.

**C**Lerici Regulares, siue Canonici præfati ut possunt subindumentis, siue toga, lineis, aut rochetto præfatis cum manicis strictis & clausis more Romanæ curiæ, sicut & utuntur in pluribus prouincijs: salua tamen Consuetudine diuersarum ecclesiarum, & congregationum dicti ordinis, in quibus habet determinatam normam.

### SEXTA CONCLVSIO.


**Q**uoniam habitus Apostolorum & sacerdotum primitiue ecclesiæ fuerit toga linea, ut probabitur: ideo imitantes professionem Apostolici status in regimine ecclesiarum, sicut Episcopi, & in vita communi, dum sint Ordinis essentialiter Clericalis, sicut Canonici Regulares pariformiter utuntur ipso habitu Apostolico superindumentis lineis, data tamen aliqua differentia inter Prælatos & non Prælatos, qua inuicem discerni possint.

### SEPTIMA CONCLVSIO.

**P**rælati assumpti ex præfato Ordine Canoniconum ut debent rochetto, & pileo uiridi interius. Item possunt uti forma habitus prælatorum, & colore prælatis, etiam ex Clericis Sæcularibus assumptis consueto, quum in contrarium quicquam non caueatur, neque ab eorum regula, neque à iure communi: quoniam regularis professio sub regula Augustini non impedit delationem cuiuscunque honesti coloris sæcularibus etiam clericis permisi, sicut in facto apparet: salua semper tamen consuetudine quarundam ecclesiarum, & specialium congregationum, quæ leges habent particulares.

# ALLEGATIONES

## ARGUMENTUM.

- 1  *Canonici Regulares, ut Clerici, in ecclesia primitiua sunt instituti.*
- 2 *Apostoli, tanquam Clerici Regulares vota emisunt.*
- 3 *Clerici Hierosolymitanae Ecclesiae, Regulares erant.*
- 4 *Iacobus Apostolus Domini frater, Hierosolymitanae Ecclesiae praesuit, atque lineis superindumentis vestiebatur.*
- 5 *Alexandrinam Ecclesiam sub Clericis Regularibus Marcus Euangelista instituit.*
- 6 *Canonici Regulares in primitiua Ecclesia Clericalem, Monachi uero laicalem unitatem representabant.*
- 7 *Canonicis Regularibus per se competit, ut sint clerici; Monachis uero non. & nume. 18.*
- 8 *Canonicis Regularibus, ut Canonicis docere licet: non autem Monachis. & numero 60.*
- 9 *Canonici Regulares Clericali utantur habitu.*
- 10 *Canonici Regulares in iure, puro Canonici nomine appellantur.*
- 11 *Clerici omnes in ecclesia primitiua in communi uiuebant.*
- 12 *Augustinus Canonicorum Regularium reformator & illustrator.*
- 13 *Canoniam in Clericis Regularibus cadit.*
- 14 *Canonicatus nomine, Regularis Canonicatus uenit.*
- 15 *Canonicus Regularis in ecclesia seculari Canonicus esse potest.*
- 16 *Canonicus Regularis à Monaco maxime differt.*
- 17 *Status Monasticus licet sanctissimus, & arctior statu Canonicorum Regularium, non tamen perfectior.*
- 19 *Canonici Regulares à leuitis ortum habuerunt.*
- 20 *Canonicus Regularis Ecclesia Seculari absque dispensatione praefici potest.*
- 21 *Canonicus Regularis à Clericali dignitate per Regularem professionem non cadit.*
- 22 *Clericus quilibet quolibet Monaco dignior.*
- 23 *Canonici Regulares cathedralium Ecclesiarum regimen habent.*
- 24 *Canonici Regulares Abbatialem habent dignitatem.*
- 25 *Rufus Apostolorum discipulus, & Clericus Regularis, primusque Aui-nionensis Episcopus.*
- 26 *Canonicorum Regularium institutio Apostolorum tempore extitit.*
- 27 *Canonici Regulares antiquitus non Canonici, sed Clerici nuncupati.*
- 28 *Canonicos Regulares restrictiue de Monachis cauta non comprehendunt:*  
nec

- nec in odiosis eorū appellatione Canonici Regulares veniunt & nu. 59. 82
- 29 Canonici Regulares Lateranensem ecclesiam, Papalem titulum, Ecclesiasq; principales Cardinalium antiquitus colebant.
- 30 Canonici Regulares in Canonicos Saculares facile rediguntur.
- 31 Augustini Ordo non nisi de Canonicis Regularibus intelligitur.
- 32 Augustini Regula pro Canonicis Regularibus edita.
- 33 Canonici Regulares sunt Clerici communiter uiuentes.
- 34 Augustinus se Clericum dicit.
- 35 Clericatus magis propriè Canonicis Regularibus, quàm Sacularibus inest.
- 36 Canonici Regulares Prælati, sicut Prælati Clerici habitum gestant.
- 37 Habitus statui congruere debet.
- 38 Canonicis Regularibus non nisi quæ & Clericis Sacularibus ( toga linea excepta ) conueniunt habitus colorisque forma non est determinata.
- 39 Instantia, nilibus etiam indumentis inest.
- 40 Canonici Regulares quod Clericorum Sacularium more incedant; ferè ubique terrarum extat consuetudo.
- 41 Canonico ordini speciales congregationes legem non imponunt.
- 42 Canonicos Regulares in Anglia indifferenter violaceo colore utuntur.
- 43 Canonici Regulares Prælati in Anglia rosaceo utuntur.
- 44 Apostolorum habitus, lincus & candidus.
- 45 Episcopi & Clerici Regulares cur lineo albo utantur habitu.
- 46 Cives caelestes candido habitu communiter visi.
- 47 Canonicorum Regularium habitum lineam togam esse.
- 48 Episcopi, & Canonici Regulares indumentis lineis strictis cur utantur.
- 49 Christi tunicam inconsutilem, lineam extitisse.
- 50 Christi indumenta candida fuisse.
- 51 Pontifex summus alba tunica quare induatur.
- 52 Clerici Saculares, modò lineam deferant togam, de uestimentorum colore non curandum.
- 53 Canonici Regulares pro uero proprio habitu, non nisi linea super indumenta deferant.
- 54 Canonici Regulares colores deferre Clericis Sacularibus permissos, regularis eorum professio haudquaquàm impedit.
- 55 Canonicis Regularibus canonum doctorib. coloris rubei delatio cõceditur.
- 56 Canonicos Regulares superpelliceis in diuinis uti possunt.
- 57 Canonici Regulares, dum diuina celebrant, a Clericis Sacularibus, præsertim in indumentis lineis non differunt.

- 58 *Pralati ex Canonicis Regularibus assumpti rochetto uti possunt, non tamen Monaci, alijque religiosi.*  
 60 *Canonicis Regularibus prohibitum non censetur, quod Monachis interdicitur.*  
 61 *Accessorium suum sequitur principale.*  
 62 *Canonicis Regularibus pileus concessus.*  
 63 *Consuetudo antiqua & contraria, legem interpretatur & statuta.*  
 64 *Odia restringi, fauores vero ampliandos.*



VONIAM, ut ait Philosophus, in primo de generatione, omnes formae accidentales formam substantialem sequuntur, & secundum eius exigentiam inducuntur, si probauero Canonicos regulares in sua forma substantiali esse essentialiter Clericos sicut & clerici seculares, consequens erit ut forma accidentalis quae consistit in habitu & cultu exteriori, sequatur formam ipsam substantialem, ut secundum eius exigentiam superinducatur: & ita ipsorum habitus demonstratiue probabitur non nisi essentialiter clericalis: data aliqua differentia, non tamen de necessitate, sed de congruo: quia à clericis secularibus discernantur, quae consistit in toga linea. Et quoniam praesens materia canonialis est potius, quam alterius facultatis. ideo ad canones praesertim est, recurrendum. Probo itaque Canonicos Regulares in sua substantiali forma esse Clericos essentialiter, pure quidem, proprie, & simpliciter, & in sua essentia & proprietate aliud quid ita esse à monachis & alijs religiosis, ut sicut oppositum ab opposito inuicem differant: nec in restrictiuis & odiosis ex eorum appellatione aliquatenus censeantur: & ad hoc quadrupliciter. ¶ Primo ex eorum institutione. ¶ Secundo ex eorum nomine. ¶ Tertiò ex eorum Regula. ¶ Quartò ex summorum Pontificum & generalium Conciliorum decretis, constitutionibus, declarationibus, & priuilegijs.

PROBATIO PRIMA

*ex ipsorum Canonicorum institutione.*

- I **C**ANONICI quippe Regulares in primitiua ecclesia ut Clerici ad imitationem Apostolorum in comuni viuentes instituti sunt. Testatur Urbanus Papa in c. scimus, & in c. evidentes. 12. quæst. 1. Et ibidem loquatur Urbanus proprie de Clericis canonicam vitam professis pater, quoniam ait: Quicumque ve-  
strum



frum communem vitam susceptam habet & nouit se nihil proprium habere, videat ne pollicitationē suam irritam faciat, sed hoc quod est domino pollicitus fideliter custodiat, ne dānum, sed prēmium sibi acquirat: quoniam melius est non uouere, q̄ uotum prout melius potest, non perficere. Patet etiā clarius, quoniam inmediate per Gratianum subiiciuntur textus ex Regula Augustini de Comuni uita clericorum, uidelicet. c. no. lo. & cap. non dicatis, qui referuntur ad actus apostolorum. ca. secundo, & quarto. in fin. & in principio capituli 5. ad insinandum, quod tales Clericos instituit etiā Augustinus vel potius reformauit & reduxit ad ritum primitiue ecclesie, & quod eius regulam profitentes Canonici nō sint nisi Clerici qui in primitiua ecclesia instituti sunt ab apostolis. Apostoli enim, qui & Clerici essentialiter & Sacerdotes per illa uerba Saluatoris Luc. 14. Nisi quis renunciauerit omnibus, quæ possidet nō potest meus esse discipulus: & per ea quæ dixit Petrus Matth. 19. Ecce nos reliquimus omnia & secuti sumus te: & per ea, quæ in præfatis Apostolicorum actuum epistolis recitantur, erant communiter uiuentes. Et ut affirmat sanctus Thomas in 4. distin. 34. art. 2. q. 3. secun. secundæ. q. 88. art. 4. & Pe. de Pal. in 4. eadem dist. Apostoli

2. creduntur ea quæ sunt supererogationis nouisse, Sicut Regula res Clerici. Vnde Clemens primus Papa, qui pontifex à Petro apostolo electus est in epistola 4. ad Iacobum Hierosolymitanū Episcopum scribit Clericos Hierosolymitanæ ecclesie ad instar apostolorum nihil proprium dicere debere, sed commune vi

3. tam dicere sicut & apostoli duxerunt: & habetur 12. quest. prima. c. dilectissimis, quod de Regularibus Clericis siue Canonicis tantum intelligi insinuat prælibatus Gratianus, dum inmediate subiūgit, textum Eugenij Papæ primi eadem cau. & q. quocauetur ut iuxta ecclesiarum claustra cōstituantur, in quibus Clerici ecclesiasticis disciplinis vacantes vnum habeant commune refectoriū & dormitorium & officinas ad vsum Clericorum necessarias: quod de Regularibus Canonicis intelligi dicit gl. in c. quoniam de vit. & honesta. clericorum, in vers. qui simul uiuant. vbi eadem materia tractatur. Et secundum Speculatorem in tit. de vit. & honestate clericorum. & in suo Rationali, vbi de nō diurnis officijs tractat quasi omnes Clerici, & pontifices primitiue ecclesie fuerunt Clerici Regulares, qui à iure communi Ca



- noniçi quoque Regulares appellantur: & regulariter vixerunt vſque ad Vrbanum præſatum Papam incluſiue, vt in dicto cap. ſci mus. 12. quaſt. prima. Et notandum quòd eccleſia Hieroſolymitana, quæ origine fuit prima inter omnes eccleſias, fuit à ſui inſtitutione Clericorum ſiue Canonicorũ Regularium per præall. 4 cap. dilectiſſimis. & doctores: & huic eccleſiæ præfuit † Iacobus apoſtolus frater Domini. Vnde non ab re iuduebatur ipſe Iacobus ſuperindumentis lineis, vt tradit Hieronymus de viris illuſtribus, quæ pertinet ad habitum Clericorum ſeu Canonicorũ Regularium. 5 Similiter & patriarchalis eccleſia † Alexandrina iuxta authenticas historias præſertim eccleſiaſticas, à ſui inſtitutione fuit Clericorum vel Canonicorum Regularium. Dictæ enim eccleſiæ præfuit Marcus Euangelista diſcipulus Petri apoſtoli. 22. diſt. cap. ſacroſancta, vbi poſt Romanani eccleſiam præponitur omnibus alijs. Et vt teſtatur Leo papa ſcribens Dioſcōro Alexandrino pontifici, in cap. quum beatiſſimus. 24. quaſt. j. nephas eſt credere quòd ſanctus diſcipulus Petri Marcus, qui Alexandrinam primus eccleſiam gubernauit alijs regulis & traditionibus ſua decreta firmauerit, quæ Petrus & alij apoſtoli ordinarunt, uidelicet quantum ad communem vitam Clericorũ.
- Reſert autem Archiepiſcopus Florentinus D. Antoninus, in 3. par. Croni. ſuę in tit. de ſacro ordine Clericos Regulares, q̄ Canonici 6 † dicuntur, repræſentaſſe in primitiua eccleſia vnitatem & communiatem clericalem & ſacerdotalem, quæ fuit in apoſtoliſ: Monachos verò repræſentaſſe vnitatem vel communiatem laicalem, quę fuit in laicis diſcipulis: & iſtud dictum, traxit arbitror, ab Caſſiodoro in historia tripartita Auguſtinus, ideo non inſtituit Canonicos Regulares niſi vt Clericos vt inquit Poſſidonius in vita eiufdẽ. Auguſtinus, enim factus epicoſopus cum Canoniciſ & clericis eccleſiæ ſuæ Hipponenſi, qui tunc ſeculares erant, cœpit viuere ſub Regula à ſanctis apoſtoliſ inſtituta: & inde Canonici illi & Clerici in communi uiuentes & proprio abrenun-  
tiantes appellati ſunt Clerici & Canonici Regulares ad differen-  
tiã Clericorum & Canonicorum ſecularium proprium habentium. Vnde in præallegato cap. nolo. 12. q. 1. idem Auguſtinus Clericis & Canonicis ſuis ait, Nulli liceat in ſocietate noſtra habere aliquid proprium & infra. Sed qui de proprio uiuere vo-  
luerint, & ſocialem vitam mecum ſuſcipere noluerint, clericatum

tum eis non tollam, sed seorsum maneat, seorsum viuant.

- Propterea sanctus Tho. ad denotandum Canonicos Regulares a sua institutione esse essentiales Clericos, maximamque differentiā inter Canonicos Regulares & Monacos vel aliquos religiosos existere secun. secund. q. 189. art. 4. in respon. ad secundū argumentū, dicit quod ¶ statui Canoniorum Regularium per se cōpetit vt sint Clerici, sed ordini Monacali non per se competit vt sint Clerici, vt habetur 16. quæst. prima, cap. alia. & capit. placuit. Et quamuis ipsi Canonici sint Regulares, nusquā tamē ueniūt appellatione Monacorum in odiosis, & restrictiuis, ut expressè pater in capitulo, quod dei timorem. de statu monac. licet bene in fauorabilibus secundum doctores in de. ne in agro. de stat. mon. Quare idem sanctus Thom. in libro contra impugnantes religionem, in 4. cart. in respon. 2. arg. ait, quod ¶ dato quod monacis docere non liceat, non sequitur tamen quod Canonicis Regularibus nō liceat docere, quum Canonici Regulares propriè inter Clericos repetentur: quod sequitur Archid. in capit. mandamus. 19. q. 3. & Io. An. & Card. in cap. sanè. de regul. ante finem: & Ioannes in summa Confessorum lib. 6. & Rayner. in sua summa, in verbo Monacus. Si ideo ex sua institutione Canonici Regulares Clerici essentialter existunt & nō Monaci: ergo & honesto habitu clericali vti debent, quum ¶ quilibet suę militiæ & professionis non alterius insignia ferre teneatur. l. 1. C. qui bon. ced. poss. & cap. ecclesiastica. 23. distinet. Ex quo pater quāta ignorantia & insipientia notandi sunt, qui temere dicunt ipsos Canonicos nescio quem cucullum siue caputium deferre more aliorum religiosorum: quum penitus ignorent statum ipsorum ac si nunquam ius commune inuestigassent aut vidissent, more cęcutientium, qui putant vmbras omnes esse homines. Isti enim arbitrantur omnes Regulares tam Clericos seu Canonicos, quā Monacos & alios religiosos esse eiusdem status: quum nesciant discernere inter statum Clecalem, & Monacalem seu aliorum Religiosorum &c.



SECUNDA

**S**ECUNDO probo Canonicos Regulares ex sui nominis appellatione non posse esse nisi essentialiter Clericos. Nam quum ceteri omnes Regulares nuncupentur aut Monachi, aut Fratres; soli Canonici Regulares, ad insinuandum quod Clericatu essentiali ab alijs longe differant, appellantur Canonici, & ut plurimum, in corporis iuris vocantur à summis Pontificibus nudo vocabulo † Canonici, sine additamento Regulares, ut in cap. perniciosam. & in capitulo, dudum. 18. quæst. secunda. & in cap. sunt nonnulli. 16. quæst. prima. & in capitu. in omnibus. de con. dist. 5. & in c. quum causam. & in c. Cumana. de elect. cap. post translationem, de renun. cap. intelleximus. ibi: Canonicatus ordine de ætate & qualitate, in cap. quum in eccle. suis. de maior. & obed. in cap. dilectis. de iudi. & in cap. quum. super. in superscriptione. de conf. cap. quum venissent. de restit. spol. cap. ex literis. de dol. & contu. cap. quum I. & A. de senten. & re iudic. Item in cap. quum causam. de appell. cap. ad nostram. de confir. vi. vel inutil. cap. sicut nobis. cap. licet, in principio. de regula. cap. nullus de iur. patr. Item in capit. ad audientiam. 2. de eccle. ædific. c. quum olim. el. 2. in principio, de priuil. cap. non dubium. de sentent. excomm. cap. si Canonici, cum glo. de offic. ordinarij. in 6. clem. dispendiosam. iuncta gloss. in versicu. beneficijs. de iudic. & alijs pluribus. Quæ quidem iura omnia loquuntur de Canonici Regularibus Sancti Augustini: & tamen nominant eos Canonicos tantum non exprimendo Regulares: eo quod & si professione: ordine tamen & honore non differant à Canonicis Sæcularibus. Canonicus enim grecè idem signat quod Regularis latinè, ca. canon. 4. dist. Et istud nomen Canonici prius fuit in Regularibus quàm in Sæcularibus canonicis: quoniam est proprium vocabulum Regulariũ, qui erant Clerici primitivæ ecclesiæ (ut supra probatum est) quoniam in primitiva ecclesia nõ erant Clerici siue Canonici Sæculares, neq; præbendæ, ut benè refert & probat Abbas in cap. episcopus. de præb.

**II** sed † omnes Clerici vivebant in communi, ut optimè adducit Card. Alexand. in cap. sicut. 44. dist. Vnde quum postmodum non omnes vellent se sub hac lege arctare deficiente fervore pristino, supervenerunt & creverunt Clerici & Canonici Sæcula

- res remanentibus tamen aliquibus semper & plurimis, qui communem vitam & regularem professionem obseruabant in varijs ecclesijs cathedralibus & collegiatis, quarum adhuc magna pars perseverat in vita regulari, vt demonstrabitur inferius. Superueniens postea† Augustinus Canonicum Ordinē prefatum plurimis instaurauit ac illustrauit disciplinis, nihil tamen auferens de Apostolicis institutionibus, aut de statu essentialiter Clericali: quum & ipse Clericalis & Canonicus status cum ipso nomine semper perseverauerit. Hoc enim nomen Canonicus presupponit de sui natura Clericatum essentialiter & necessariò in esse, vt probatur in cap. secundo, de instit. & in cap. per exemptionem. de priuil. in 6. & glo. & doct. in cap. statutum. de rescrip. in 6. in versicul. Canonicis: per Inno. & alios in cap. sedes de rescrip. Abbas in cap. benè. el. 1. in primò notabili. de postu. praela. & in rubri. de vita & honestate Cleric. & in ca. quum tibi. de verbor. significatio. Canoniam† quippe secundum doct. est ius spirituale, quod non cadit nisi in Clericos, vt per glo. in cap. secundo, de instit. & non tantum cadit in Clericos Sæculares, sed & in Clericos Regulares & Canonicos regulariter viuentes. patet 1. q. 1. cap. eos qui. vbi dicitur, in canonij Regulariter viuant. Est enim secundum Ioann. And. Canoniam spiritualis fraternitas, in choro, in stallo & loco: de quo in cap. 2. de renun. & in cap. relatum. de praela. & glo. in clemen. dispendiosam. in vers. beneficijs.
- 14 de iudic. in 6. dicit quod† nomine Canonicatus venit etiam Canonicatus Regularis: & idem ibi dicit Car. Zab. Non ideo ab re dixit Hugutio, quem refert gloss. in cap. Deus qui. de vita & honestate. cleric. in verb. professi, quod† Canonicus Regularis potest fieri Canonicus in ecclesia sæculari, quum sint pariformiter Canonici quantum ad clericalem statum æquè in eis existentem: quod non potest verificari de Monachis & alijs Religiosis, qui posunt in suo ordine esse non Clerici, quod non potest esse in Ordine Canonicorū: quum Canonicus de se dicat & presupponat Clericū, vt probatum est. Monaci enim differunt a Clericis etiā Regularibus sicut nigrum ab albo, vt patet 16. q. 1. ca. alia. & cap. legi. & 18. q. 2. cap. quidam monachorum. circa medium: vbi Monaci nominantur cum laicis: Regulares vero Canonici nominantur cū Clericis: ibi, qui pauperum dispositione vel monasteriorum vel martyriorum præfunt. Tanta† quippe est differentia

tia deper se inter Canonicam & Monacalem professionem, quanta est inter statum Clericalem & laicalem, vt patet in cap. nullus abbas. in ca. mandamus. & in cap. statuimus. 19. q. 3. quibus prohibebatur antiquitus transitus de statu Canonico Regularium ad statum Monachorum tanquam de perfectioni ad imperfectiorem: quoniam Clericatus essentialiter annexus Regulari, vti sit maioris perfectionis quam Regularis vita sine clericatu: vt constat in cap. legi. 16. q. 1. vbi dicitur quod uix bonus Monachus facit bonum Clericum scilicet Regularem: vt constat ex illo canone, qui est Augustini loquentis de suis Clericis, qui erant regulares. Vide optimè de hoc beatum Thom. secundum secundam q. 17 189. arti. 8. Nam licet status Monasticus sit sanctissimus & arctioris vite quam status Canonicus: vt in ca. quod Dei timorem. de statu monach. non tamen est maioris perfectionis: quia ille status est maioris perfectionis, vbi digniora maioraque charitatis officia exercentur, cuiusmodi est docere, instituere, & illuminare. Et iuxta prefatum sanctum Thom. vbi supra, in transitu vnius Religionis ad aliam non debet attendi maior arctitudo vite, sed status perfectior ex meliori dispositione ad debitum finem. Ea ratione licet status Monachalis habeat maiorem arctitudinem vite: puta in ieiuniis, abstinentia, clausura, & abdicacione proprii, quam status Episcopalis: non tamen licet de statu Episcopali, qui est maioris perfectionis, transire ad statum Monachalem, qui est maioris arctitudinis, vt patet in cap. nisi cum pridem. de renun. quare quidem ratio pro corroboracione beati Thom. vbi supra militat contra opinionem Ioann. Andr. in cap. sanè. de regul. qui dicebat attendi solam arctitudinem vite. Nam vt ait Apostolus 1. ad Timot. 4. corporalis exercitatio ad modicum utilis est: pietas autem ad omnia utilis est. Ideo antequam Monachi ad sacros ordines promouerentur ex priuilegio Pontificum, licebat ex statu Monastico ad statum Regularium Canonico- rum tanquam ad perfectiorem transire, vt expressè dicit sanctus Thomas vbi supra: & apertè patet in cap. si clericatus. in cap. sic viue. 16. q. 1. qui sunt textus Hieronymi ex epistola ad Rusticum monachum. Et loquitur ibi Hieronymus de Clericatu Regulari, non seculari, vt luculenter apparet in cap. clericus. & in ca. duo sunt. 12. q. 1. & quoniam Monachi hodie ex priuilegio promouentur ad ordines clericales: non tamen sunt essentialiter, & de per se Cleri-

- se Clerici, sed per accidēs. Canonici autem Regulares sunt Clerici ipsa natura, & essentialiter vt dictum est. Vnde sanctus Tho.
- 18 vbi supra ponit istam differētiā inter Canonicos Regulares & Monacos, quod Canonicis Regularibus per se cōpetat vt sint Clerici. Monachi vero non. Status enim Canonicorum Regularium in se est status, cui competit administratio sacramentorum & doctrinę: vt in dicto ca. alia, 16. q. prima: vbi dicitur quod alia est causa Monaci, alia Clerici. Clerici pascunt, Monachus pascitur. De doctrina habes in cap. si clericatus. & in cap. sic viuere. p̄eall. ea. cau. & quæst. Eam ob rem Ioannes de Deo antiquus & celebratus doctor in libro de dispensatione, in quæst. quæ incipit, Quum totū Regnum, &c. expressē dicit Canonicos Regulares non posse esse, neque dici nisi clericos, ꝑ quoniam habuerunt ortum à Leuitis, figuratiuē & Nazareis: quibus cōmittebantur sancta sanctorum. et sicut quum dicimus hominē, dicimus animal: ita quum dicimus Canonicū Regularem, dicimus Clericum. Status vero Monachorum est status penitentię vt declaratum fuit in sancta Synodo Nicena transumptiuē in ca. placuit. in cap. nemo. & in cap. monachus. 16. q. 1. Propterea Hugo de sancto Victore doctor clarissimus in libr. 2. de sacramentis, part. 3. ca. 3. sub rubrica. quomodo ordines sacri sunt in Monaco: dicit quod Monaci deferunt coronam in signum penitentię, non clericali ordinis quibus clericales ordines ex indulgentia conceduntur. Non enim populo præesse, nec spiritualis dignitatis in ecclesia gradum suscipere possunt, donec sumantur ad clericum & cat.

- Hac ratione plures doctores in c. quod Dei timorē. de statu Mona.
- 20 assēuerant ꝑ Canonicum Regularem absque alia dispensatione posse præfici ecclesię parrochiali seculari, & si opus est dispensatione in simili materia facilius dispēsat̄ cum Canonico Regulari, t̄quā essēntialiter clerico, quā cum Monaco & alio religioso. cap. in parrochia. & cap. quum pro utilitate. 16. q. 1. c. monaci. de sta. mo. & glo. in c. præterea. de præb. dicit quod Canonicus Regularis potest esse Archidiaconus in ecclesia cathedrali. Nam ꝑ professionem Regularem ipsi Regulares Canonici non cadunt ab eo clericali honore, vel statu, qui sunt in Canonicis Sæcularibus, quia sequeretur vnum absurdissimum: quod scilicet propter maiorem virtutem, quæ est in Canoni-





co communiter & Regulariter viuente, ille amitteret status sui præminentiam, quòd est falsissimum, quum propter actum virtuosum, nemo sibi minuat dignitatem. Alioquin sequeretur, quòd Episcopi & Cardinales Reuerendissimi, qui præstant iuramentum fidelitatis summo Pontifici, suæ derogarent dignitati, quum votum & iuramentum pari passu ambulent. ca. magne. de vot. & quòd Clerici, qui interdum noua uota emittunt de consensu suorum prælatorum, vt in cap. si. eod. tit. & qui omnino aliqualem amittunt professionem per sacrorum ordinum susceptionem, vt per Doct. in c. generalis. 34. dist. & qui etiam religiosi dicuntur, vt in capitulo, si quilibet ead. dist. caderent à dignitate clericali: quòd nullatenus est concedendum, nisi in totum alteraretur vel mutaretur status Clericalis, qui est essentialis in omnibus Clericis vel Canonicis tam Regularibus q̃ secularibus in alium statum cui clericatus nō insit essentialiter, sed accidentaliter: puta si Clericus vel Regularis per sacrorum officium Monachus, vel Religiosus alterius Religionis, vel Mendicantis vel non: tunc quamquam zelo arctioris, vel strictioris vitæ, aut maioris humilitatis id faceret, quòd est in se opus virtuosum, quia tamen mutat statum & omnino alterat, in statum inferiorem cadit à prima dignitate vel præmentia clericali: sicut & Episcopus, quum efficitur Monachus, vel quomodolibet Religiosus, aut Regularis per professionem &c. amittit statum Episcopalem & exteriorem pontificiam excellentiam, quamquam charactèr in consecratione impressus nusquam deleatur, quòd non procedit quādo quis per opus virtuosum nō mutat statum: sicut in Clericis vel Canonicis Regularibus, qui & si imitādo Apostolos & Clericos primitiue ecclesiæ se in suo statu Clericali astringunt ad vitam communem & Regularem, non tamen mutant statum Clericalem, qui vtrobiq; in eis est essentialis vt supra probatum est: quoniam inuicem optimè se compatiuntur clericatus & vita communis ex ipsa institutione Apostolica & propria ethimologia vocabuli: vt cap. duo sunt genera. cap. clericus. ca. cui portio. 12. q. 1. quòd non procedit in monacatu: quum Monachus vt Monachus non sit Clericus, vt dicit Abbas etiā in c. nullus. de fo. comp. & ait ibi idem Abbas, quòd antiquitus Monaci erant simplices eremite, & subiiciebantur Imperatori. Vnde in cap. à subdiacono. qui textus eo tempore conditus est in synodo

Siluestri





Siluestri Papæ. 93. distin. Abbas & Monachus subiiciuntur in ordine post ostiarium, qui est vltimus & infimus ordo in Clericis, & dicit ibi glo. quod eo tempore Monaci non erant Clerici: & 22 ¶ quilibet Clericus, id est tã Regularis, quàm Sècularis, dignior est quolibet Monaco. Ideo Imperator Leo Augustus in l. generaliter. C. de episcop. & cler. transcript. per Gratianum in cap. generaliter. 16. quæstione prima. dicit expressè Monacos non esse Clericos. Quū igitur Clerici primitiue ecclesię omnes essent Regulares & communiter viuentes vt Clerici, vt in capitulo, sci- mus. & capitul. videntes. 12. quæstione prima. & ab eis tanquàm amnis à fonte processerint, & orti sint Clerici & Canonici Sècu- lares, absurdissimum esset dicere q̃ fons esset deterioris condi- tionis, & inferioris dignitatis, status, ac præminentię, quam ri- uus: quum secundum Philosophum 2. Methaph. quicquid est causa aliorum vt sint talia, illud sit maximè tale, vt puta ignis cali- dissimus est, quia propter eum alia sunt calida. Actus enim at- tribuuntur principio. cap. literis. de rescript. cap. Moyse. 7. dist.

Stat ergo indubitata cõclusio, quod Regularis professio in Clericis, vel Canonici non mutat, neq; minuit, neq; alterat Clericalem statum, nec quo ad essentiam, nec quo ad accidens in his, quæ sunt dignitatis, aut præminentię, officij, aut regiminis. Et corrobo- 23 rantur prædicta, ¶ quia Canonici Regulares habent id quod sècu- lares in regimine ecclesiarum cathedralium, quod commu- niter non est in alijs Religiosis. Nam ipsi habent in plurimis lo- cis regimen ecclesiarum metropolitanarum, & cathedralium ab earum institutione, quod non conuenit nisi Clericis essentia liter Clericis, sicut est quasi per totam Angliam: quum etiã Gre- gorius primus id Augustino Anglorum episcopo mandauerit, vt 12. q. 1. cap. quia tua fraternitas. Et Benedictus. 12. in consti- tutionibus suis pro conseruatione Canonici status in ecclesiis, in quibus est institutus, adducit Honoriũ tertium, qui facit mē- tionem de ecclesiis cathedralibus & metropolitanis Canonico- rum Regulariũ, & multæ exprimentur in corpore iuris, sicut ali- quas subiicere dignum duxi.

In primis sancta ecclesia vel basilica Lateranen. quæ est Papalis. Ecclesia Patriarchalis Hierosolymitana, vt dictum est: ecclesia Beth- lemitica, & Nazareth. metropolitanę, ac sepulchrũ Domini, vt scribit Iacobus de Vitriaco, sunt institutę sub Canonici Reg.

## ZACCHARIAE FERRERII

- De ecclesia Hierosolymitana probatum est supra per cap. dilectissimis. 12. questione prima.
- De ecclesia Nazareth, patet in cap. sicut nobis. de regula. De ecclesia Bethlemitica, patet in cap. quum super elect. de caus. poss. & propr. Item patriarchalis ecclesia Alexandrina, vt supra probatum est per historias, & per cap. quum beatissimus. 24. q. prima.
- Item ecclesia Nemaucen. vt in cap. ad nostram. de confir. vii. vel inutil. Item ecclesia Tholosana, in Gallia metropolitana: vt in c. præterea. de præb. & in cap. in causis. de elect.
- Item ecclesia Gratianopolitana, in Gallia, vt in cap. per tuas. de uo. Item ecclesia Anicien. quæ utitur pallio in Gallia, de qua assumptus est Clemens Papa 4. Item ecclesia Auinionen. metropolitana, licet à 30. annis sit reducta in Canonicos Sæculares. Aliqui tamen adhuc Canonici Regulares supersunt, & in choro & stallo simul manent cum Canonicis Sæcularibus & eos præcedunt. Idem est in ecclesia Tholosana: & in dicto c. præterea. de præb. fit mentio de archidiacono Tholosanæ ecclesiæ regulariter professio. Item ecclesia Arelatē. metropolitana, in prouincia Prouinciæ. Item ecclesia Zanzaronen. ecclesia Oranien. ecclesia Sancti Flori: ecclesia Magulon. in lingua Hausitana. Item ecclesia Casaraugustan. metropolitana: & ecclesia Oxomen. in Hispania: ex qua fuit Sanctus Dominicus institutor fratrum Prædicatorum. Item ecclesia Salcburgen. metropolitana: & ecclesia Brandeburgen. metropolitana, in Germania. Item ecclesia Teraconen. metropolitana: & ecclesia Pampalunen. in Regno Nauarræ. Item ecclesia Geronden. & ecclesia sancti Andree metropolitana in Regno Scotiæ. Item in Italia erant quoque multe ecclesiæ cathedrales Canonicoꝝ Regularium, quorum magna pars redacta est in Canonicos Sæculares: sicut ecclesia Perusina: ecclesia Eugubina, & aliæ plurimæ in diuersis mundi partibus, quæ adhuc supersunt, & reguntur per Canonicos Regulares. Et isti qui veniunt ex India dicunt, quod maior pars ecclesiarum cathedralium Indiæ, immo quasi omnes gubernantur per Canonicos Regulares: quoniam ibi adhuc uiget in ecclesiis ille cultus Regulariũ Clericorum, qui fuit in primitiua ecclesia: & dicunt quod omnes illi Canonici profitentur instituta clericorum secundum Regulam beati Augustini: quæ omnia arguunt & expresse denotant clericalẽ statum in eis essentialiter vigere: quĩ ceteris

ceteris religiosis non legatur cathedrales ecclesias aliquādo ad regimen ab earum institutione commissas fuisse ab ecclesia, sicut Canonicis Regularibus.

- 24 † Habent ergo Canonici Regulares ecclesias cathedrales & metropolitanas: habent ecclesias collegiatas cum dignitate Abbatiali ab ipsarum ecclesiarum institutione, sicut patet cap. intelleximus. de ceta. & qualita. in cap. ex parte. de postul. in ca. quum I. & A. de sent. & re iudic. in cap. significasti. cl. 2. de homi. & etiam de iure antiquo, ut patet in cap. statuimus. 19. quæst. prima. ubi
- 25 fit mētio de Abbate & Abbatia sancti Ruffi. Iste quippe † Ruffus ut tradūt historiæ, fuit discipulus Apostolorum & Clericus regularis: primusque archiepiscopus Auinionen. vnde & dictam ecclesiam Auinionen. metropolitā per Canonicos Regulares gubernandam instituit. Instituit & canonicam in Delphinatu, sub Abbate extra muros Valentie, in qua & corpus eius nunc requiescit, appellaturque Abbatia sancti Ruffi. & est dignissima habens sub se innumeras pene abbatias, præposituras, archipresbyteratus, & ecclesias collegiatas, & parrochiales in tota Gallia: per
- 26 quod adhuc manifestius cōstat † institutionem Canoniorum Regularium ut dictum est fuisse tempore Apostolorum: quam postea diuus ecclesie doct. Augustinus aliquantulum suo tempore collapsam instaurauit, ut supra tactum est. Et quāuis † tunc
- 27 nō appellaretur Canonici Regulares, sed Clerici & Sacerdotes, postea tamē proprii uocabulo dicti sunt Canonici, sicut à simili contigit de nomine Christianorum. Primo enim fideles quique dicti sunt discipuli vel fratres, sed postquam Apostoli Antiochenum Concilium celebrarunt, dicti sunt Christiani.
- Poterat sanè ecclesia huiusmodi Regulares Clericos appellare, vel Monacos vel Fratres, sicut omnes alios Religiosos appellat: si idem genus essent cum alijs religiosis. sed quoniam longè differunt ab alijs seu Monacis seu Fratribus, & præsertim in Clericatu, qui eis essentialiter inest, ideo alio & diuerso uocabulo clericis tantūmodo congruenti eos ecclesia appellauit, videlicet Canonicos. quod quidem uocabulum, ut supra probatum est, non nisi naturalibus Clericis ex sua essentia conuenit. Iecirco & des Canoniorum Regularium non appellātur proprie monasteria sicut & cedes monachorum, sed improprie, ex vulgari uocabulo ab unitate sumpto, vel ex eo quod in plurimis locis titulos
- Abbatia-

- Abbatiales habent, quoniā ex cōsuetudine Romanæ curiæ talia loca monasteria solent appellari. Aedes itaq; Canonicorū Regularium propriè appellātur Canonice, vt in c. sicut nobis. de regul. vel appellātur ecclesiæ, vt ex diffinitione Cōcilij Heduen. cui præfuit Gregorius septimus, & habetur 19. q. 3. in cap. nullus. Immo etiam eiusdem Cōcilij decreto statutum erat, ne Canonici Regulares ad monasteriū transirent, sed in suis ecclesiis permanerent vt dicta 19. q. 3. in summa: per qd manifestissimè constat, quantum differat status Canonicus à statu Monastico, quod constare adhuc potest ex ea. quod Dei timorem. & scribentes, de
- 28 stat. monac. vbi declaratur à summo Pontifice, quòd † si quicpiā caueatur de Monacis restrictiuis & odiosis, nō intelligitur propterea caueri de Canonicis Regularibus, qui ab eis longè differunt.
- 29† Patet etiam in præfenti alma vrbe, vbi Papalis titulus, scilicet ecclesia Lateranen. & principales ecclesiæ titulorum Cardinaliū ab antiquo suę institutionis tempore colebantur, & regebantur per canonicos regulares. De sacrosancta basilica Lateranensi constat per Apostolicas litteras Innocētij Papæ secundi, quæ Canonicos Regulares in dicta ecclesia à sui fundatione viguisse testantur. Patet etiam per litteras Apostolicas Eugenij papæ Quarti, qui idem testatur. Ait enim de eisdem Canonicis. Decebat vt hi primè in terris ecclesiæ matris sanctorum Apostolica prouidentia curam gererēt, qui primorum Christianę religionis Clericorū normam, traditiones, & instituta sectantur. In ea quippe hæc sancta & Deo placēs institutio antiquitus, & ab ipsis ferè primordijs obseruata extitit, & eam sanctam basilicam per dicti ordinis Clericos per longa tempora sanctè & salubriter gubernatam fuisse certissima scientia & veritate comperimus, & hoc euidentissimè testantur innumerabilia documenta. Hęc Eugenius in literis suis, quæ incipiunt, Christiana Religio, &c. De ecclesiis verò principalibus Cardinalarium titulorum certissimū est quod nulla fuit instituta a sui exordio sub Monacis seu alijs religiosis, sed bene sub Canonicis Regularib. sicut ecclesia S. Crucis in Hierusalem, quæ à sui primordio fuit Canonicorū Regulariū, ut patet per litteras Apostolicas Alexandri tertij directas Vbaldo presbytero Cardinali S. Crucis in Hierusalē & eius canonicis ibidē regulare vitam professis, & incipiunt, Quotiens illud

illud a nobis petitur &c. quibus decernit, ne quisquā eligatur in eo. tit. S. Crucis Cardinalis nisi de gremio dictorū Canonicoꝝ Regularium sanctæ Crucis Deficientibus autem ibidem Canonicis Regularibus illa ecclesia redacta est à paucis temporibus sub fratribus Carthusiensibus. Item ecclesia sanctę Marię nouæ, quę est titulus Cardinalis, quā modo eadem ratione incolunt monaci albi ordinis Mōtis Oliueti, fuit a sui institutione Canonicoꝝ Regulariū, vt patet per literas Apo. eiusdē Alexādi directas Priori & Canonicis scđi Fidriani: & incipiūt, Ad hoc vniuersalis ecclesię cura &c. Item ecclesia sanctorum apostolorū, quę est titulus Cardinalis, quam nunc tenent fratres Minores. Item ecclesia sanctę Cecilie, quam nunc Humiliatorum fratres retinēt. Itē ecclesia sanctę Sabine, quā habent fratres Prędicatores. Item ecclesia sanctę Praxedis, quam tenent nunc fratres ordinis Valis vmbrosę. Item ecclesia sancti Stephani in Cellio monte, quam tenent nunc fratres sancti Pauli primi eremite. Item ecclesia sanctorum Ioannis & Pauli, quam tenent nunc fratres Iesuiati. Item ecclesia sancti Petri ad Vincula, quam nunc tenet Congregatio sub titulo Sancti Saluatoris. Item & multe alię ecclesię Romę continentes titulos Cardinales fuerunt a prima institutione Canonicoꝝ Regularium Romę, sicut patet in antiquis priuilegijs dictarum ecclesiarum. Deficiente seruire religionis, illi Clerici Regulares, siue Canonici, redacti fuerunt in Clericos scđulares: & deinde sub crescentibus varijs ordinibus in ecclesia Dei, istę ecclesię supradictę datę sunt varijs religiosis incolendę. Nulla tamen ecclesia, quę sit titulus Cardinalis a sui institutione, fuit ordinata sub Monacis, seu quibusuis alijs religiosis, sed bene sub Canonicis Regularibus: ad denotandum expressę, quod quum Reuerendissimi Cardinales a sua institutione essentialiter sint Clerici, quum ipsi proprię sint Clerici sanctę Romanę ecclesię, vt 96. distict. cap. Constantinus. ibi, Reuerendissimis clericis S. R. E. sub eorum quoque titulis ex eorum institutione, nō nisi Clerici e sua essentia ponerentur. Per quę constat euidentissimę Canonicos Regulares, tam ratione ecclesiarum Metropolitanarum & cathedralium, quā ratione titulorum cardinalium ab ipsarum institutione.

tutione pereosdē Canonicos gubernatarum esse & fore, ut sæpe probatum est, essentielles Clericos, quod Monacis. & alijs religiosis, minimè ex sua institutione competere superius etiam apertissimè monstratum est. Aedes enim Monachorum Romæ, & aliorum religiosorum sunt monasteria sine titulis Cardinalium a sua institutione, sicut monasterium Sancti Pauli: Monasteria sancti Laurentij extra muros: Sancti Sabbæ: sancti Andreæ siue Gregorij: sancti Anastasij vel trium fontium, & sancti 30 Sebastiani, etc. Ad quod etiam accedit, † quòd Canonici Regulares, & eorum ecclesiæ ac capitula, frequentius reducuntur in Canonicos Sæculares: & ipsimet Canonici Regulares quotquot sunt in vna ecclesia, vel capitulo, ex Apostolica dispensatione efficiuntur Canonici Sæculares, sicut in facto patet in Tholosana & Auinionensi ecclesiis metropolitanis, quæ nostris diebus redactæ sunt in Canonicos Sæculares, & omnes illi Canonici Regulares quotquot voluerunt, effecti sunt Canonici & Clerici Sæculares, & quotidie fit & practicatur in pluribus ecclesiis cathedralibus & collegiatis Canoniconum Regularium, sicut etiã de ecclesia Perusina. Papa enim nō maximam in hoc solent facere difficultatem ex eo, quòd omnino ipsi canonici regulares non alterant statum suum Clericalem: quum sint essentialiter clerici: quod nunquam practicatur in Monacis, seu alijs religiosis, quoniã esset alteratio de extremo ad extremum sine debito medio, quum ipsi non sint essentialiter Clerici ipsa natura, sicut sunt Canonici Regulares &c.

## TERTIA PROBATIO

*ex Regula.*

**T**ERTIO Probatum Canonicos Regulares esse essentialiter Clericos ex Regula etiam beati Augustini, sub qua profitentur. Nam ipsa Regula intitulatur Speculum Clericorum. & quoties dicta Regula allegatur in iure, allegatur Augustinus de communi vita clericorum, sicut expressè patet in capitulo, quando necessitas. 76. distin. in capitulo, non dicatis. & in cap. nolo. 12. quæst. prima. & in cap. si quis irascitur. 13. q. 2. & in cap. quicumque vult. 17. quæst. vlti. in quibus locis allegatur Regula Augustini de communi vita clericorum. Et glossa in dicto cap. nolo. dicit quòd Augustinus de consensu suorum clericorum.



Clericorum fecit Regulam quòd non possent habere proprium:  
 & in dicta Regula vocat se & suos simpliciter Clericos vel Con-  
 clericos communiter viuentes. Et quanquam varij Religioso-  
 rum ordines: qui à paucis temporibus superuenerunt profite-  
 tur sub Regula Augustini, sicut ordo Præmonstratensium, or-  
 do Cruciferorum: ordo Sancti Hieronymi: ordo Prædicatorum: or-  
 do Eremitarum: ordo Sanctæ Brigide: ordo Seruorum: ordo  
 militum Teuthonicorum: ordo militum Christi: ordo militum san-  
 cti Iacobi in Hispania: Ordo militum Rodiorum: ordo Sancti  
 spiritus de Vrbe: ordo sancti Antonij de Vienna, & alij plures  
 ordines, qui inter regulas approbatas elegerunt Regulam Au-  
 gustini iuxta determinationem capituli, Perniciolam. 18. q. 6.  
 31 tamen † non dicuntur ordinis Sancti Augustini simpliciter, nisi  
 Canonici Regulares, tãquam naturales & originarij filij Augu-  
 stini: sicut patet in literis Apostolicis super prouisione ecclesia-  
 rum, monasteriorum prioratuum & aliorum beneficiorum Ca-  
 nonicorum Regularium vbi papa, dicit simpliciter ecclesiam:  
 Monasterium: Prioratum &c. ordinis Sancti Augustini absque  
 alia mentione de Canonicis Regularibus. Et quotiens papa di-  
 cit simpliciter ordinis Sancti Augustini, non præmittendo aliud  
 signum, semper intelligitur de ordine tantum Canonicorum  
 Regularium: & non de ordinibus alijs: licet profiteantur accidẽ-  
 taliter Regulam Augustini. Quod etiam patet in libro taxarum  
 per sedem Apostolicam ordinato: Vbi ponitur ecclesia, mona-  
 sterium, Prioratus &c. ordinis Sancti Augustini simpliciter, &  
 intelligitur semper de Canonicis Regularibus tantum. Quan-  
 quàm enim secundum Apostolum ad Rom. 10. non sit distin-  
 ctio Iudej, & Greci: nam idem dominus omnium, & non sit per-  
 sonarum acceptor Deus, sed in omni gente qui timet Deum,  
 & operatur iustitiã, acceptus est illi: ut scribitur Act. 10. Regula  
 32 † tamen Augustini non fuit edita propriè pro istis ordinibus de  
 quibus supra: quum nondum essent in rerum natura, sed pro Cle-  
 ricis propriè tantum seu Canonicis, vt per totam Regulæ seriem  
 euidenter patet. Vnde tanquam proprij, & naturales filij Augu-  
 stini & essenciales Clerici, soli deferunt assidue habitum Cleri-  
 calem, idest togã lineam seu rochetum, ad instar Episcoporum,  
 & in ecclesia omnes communiter vtuntur superpellicij lineis  
 ad instar Clericorum Sacularium cum almutijs de panno &



alio etiam cultu solis Clericis etiam Sæcularibus permisso, ut infra dicitur. Quare quum Augustinus Clericus, & Episcopus uteretur toga lineæ, sicut ipse testatur in sermone de communi vita clericorum: qui incipit, Charitati Vestre, &c. dicens togam meam lineam, &c. condecens quoque erat ut filij eius proprij & naturales, tanquam essentiæ Clerici paterno habitu, id est toga lineæ uterentur: quum filius sequi debeat conditionem patris: c. Iudej. 28. q. 1. l. ex plo. C. de decu. & l. eos. & l. nullus. & l. 1. ff. ad muni.

#### Q V A R T A P R O B A T I O

*A decretis Pontificum, & generalium Conciliorum.*

**Q**UARTO insuper proba Canonicos Regulares esse essentialiter Clericos, & quantum ad præminentiam & eundem statum Clericalem nihil differre a Clericis Sæcularibus, summum Pontificum & generalium Conciliorum decretis, constitutionibus, & declarationibus.

Quum Monaci cæterique religiosi in toto corpore iuris nusquam appellentur nudo vocabulo Clerici, sed vel monaci, uel fratres, si probauero Canonicos Regulares in locis penè innumerabilibus in iure, & extra appellari, & designari per summos pontifices, generalia Concilia, & approbatissimos doctores, hoc nudo vocabulo Clericos: consequens erit quod & sint verè, & essentialiter Clerici, & eandem habitus, & præminentia: Clericalis rationem habeant, quam & Clerici Sæculares: tantumque differant in statu suo Clericali a Monacis & alijs religiosis, quantum differunt ciuis naturalis & privilegiatus.

Patet hoc primo. 16. q. 1. in c. decimas. ubi prohibetur exigi decime 33 a Clericis communiter uiuentibus, & a Monacis, dicuntq; † ibi doctores Clericos, communiter uiuentes esse Canonicos Regulares.

Item 15. quest. 2. cap. obseruandum. prohibetur ne quis Sacerdotum vel Clericorum debeat aduocare. Vbi Gratianus dicit hoc intelligi de Clericis, qui uitam communem, uel Regularem professi sunt: & tamen appellantur simpliciter Clerici: & iste Canon editus est in Concilio Taraconen. & Taraconen. ecclesia quæ est metropolitana, est Canoniconum Regularium: ut notorium est.

Item

Item in causa 19. in summa: vbi dicitur Duo Clerici: querit Gratianus in 3. q. 10. Quid si isti Clerici essent Canonici Regulares?

34 Et † Augustinus in capitu. legi. 16. quaest. prima. vocat se simpliciter Clericum.

Item 3 2. distinct. in cap. prater. dicitur: Sicut oportet religiosos Clericos, simul manducent, & dormiant: vbi doctores de Canonici Regularibus id exponunt.

Item de con. dist. 5. c. in omnibus. dicitur, Decernimus, vt Canonici Clerici canonicè viuunt: simul in uno episcopatu manducent, & dormiant, audiant lectionem &c. Glosa dicit quòd per istos Clericos intelliguntur Canonici Regulares. Patet etiam, quòd in titulo de uita & honest. cler. includuntur Canonici Regulares tanquam Clerici, non autem Monaci, vt in c. quoniam. iuncta glosa. eod. titul. & quia, ut ibi constat, ille titulus includit tam Clericos Regulares quam Seculares: non autem Monacos.

Et dicunt doctores signanter Abbas in ca. licet. de off. ord. vnum qd. 35 est notabile, scilicet quòd † Clericatus magis propriè inest Clericis Regularibus, quàm Sæcularibus. Ex etymologia enim vocabuli clerici Græcè, fors latinè interpretatur: & ipsi Regulares Clerici in communi uiuentes magis sunt fors domini, quia verius dicunt: Pars mea dominus. 1 2. q. 1. c. duo sunt. & c. cui portio Deus. & cap. clericus, vbi dicitur. Qui proprium habuerit, puta aurum, argentum, seu possessiones, aut variam suppellectilè, neque est fors domini, neque dominus pars eius est &c. Et sunt verba Hieronymi.

Nomina profecto debent esse consona rebus Instit. de don. §. est & aliud. cap. si cupis. 16. quaest. 1.

Ideo ipse Abbas in cap. bene. de postul. praela. dicit quòd Canonicus nil aliud est quàm fraternus Clericus, vel Clericus in fraternitate constitutus: quod maxime congruit Canonicis Regularibus.

Probat etiam in c. cum causam. de elect. vbi fit mentio de Clericis simpliciter sub Regula Augustini. & in c. dilecti. de iud. & in c. 1. de eo qui mit. in pos. cau. re. scr. Item in cap. 1. de appel. in cap. quoniam. de uir. & honest. cle. & in c. plerique. de pact.

Vltimo pro expeditione totius huius materie, ad omnem ambiguitatem tollendam adduco expressas declarationes summorum Pont. Et primo Paschalis Papæ 11. & Benedicti 12. in suis constitutionibus de reformatione Canonici status circa principium:

G 2 vbi

- vbi dicunt expresse Regulares Canonicos illos esse veros Clericos: quos in principio nascētis ecclesie apostolicus ordo instituit.
- Item Eugenius Papa I I I I. in suis litteris apostolicis, de Canonico ordine in basilica Lateranen. vt antiquitus erat instaurando, inter cetera ait. Pia & sancta inspiratione ducti, & domus dei zelo solliciti, sacratissimi pontifices prædecessores nostri honorunt priuilegiis sublimarunt, & decorarunt titulis dignitatum diuinā in terris familiam Clericorum: qui religiosam uitam ducerent, & ad exemplum nascentis ecclesie sanctam institutionem seruarent: quos Regulares Canonicos appellamus. Et idem quoque Eugenius in eisdem litteris ait. Horum profecto Regulariū Clericorum, seu huius sacri ordinis & sancti propositi post sanctos apostolos primum in Alexandrina ecclesia Marcus Petri discipulus, fuit institutor, & conditor: & sancte memorie Urbanus insignis martyr, & sanctissimus pontifex, generalis decreti ordine reformauit: ac gloriosus doctōr Augustinus episcopus, diuinis regulis, & doctrina decorauit: ac beatissimus Gregorius pontifex, Augustino Anglorum episcopo uelut plantationem sacram in commissio sibi populo præcepit institui: & in occidentis finibus ampliavit. Hi sunt profecto qui sanctorum patrum vitam probabilem ut veri Clerici imitantur, & apostolorum instituta instinctu spiritus sancti renouant. Hac Eugenius papa.
- Idem de eadem materia astruit Nicolaus quintus in suis litteris apostolicis: quæ incipiunt, *Quum*, a nobis: et Sixtus I I I. in suis litteris ap. quæ incipiunt, *Regiminis*, &c.
- Item summi pontifices quum clerum nominant & Monacos ac alios religiosos, semper cōnectunt Canonicos Regulares cum Canonicis Sæcularibus: Monacos verò de perse, vel cū aliis religiosis. sicut patet in bullis Alexandri I I I. quæ diriguntur archipresbytero & capitulo basilicæ principis apostolorum: & incipiunt, *Iurgia litium* &c. in quibus dicitur Canonici tam Regulares, quàm Sæculares, deinde Monaci &c.
- Idem Nicolaus papa V. in bullis quæ incipiunt, *Quanto* basilica apostolorum &c.
- Idem Ioannes de Deo vbi supra.
- Idem Sanctus Thomas in pluribus locis de quibus supra.
- Idem Vincentius in suo speculo historiali lib. 18. & lib. 19. cap. 34. & lib. 26. vbi dicit Canonicos Regulares Clericos ab apostolis institutos,

tutos, & ab Augustino illustratos florere in ecclesia Beluacën.

Idem Io. Andr. in c. sane. de reg. vbi etiam addit, quòd Canonici Regulares sunt ita essentialiter Clerici, quòd non possunt esse nisi tales, quod non est in aliis religiosis.

Idem Abbas in cap. episcopus. de præb. Immo ait ibi dictus Abbas quòd in primitiua ecclesia non erant præbendæ, quia omnes Clerici viuebant in communi sine proprio.

Idem Archid. in cap. mandamus. 19. quæst. 3.

Idem Archiepiscop. Flo. vbi supra, qui dicit Canonicos Regul. representare illam vnitatem quæ in primitiua ecclesia erat in Clericis: monachos vero laicalem vnitatem. Status enim monachorum & aliorum religiosorum est status merè poenitentium: nec est status, cui competat docere vel administrare sacramenta, sicut Clericis, & Canonicis Regularibus, vt ait Hugo in lib. de sacramentis, & Thomas in opusculis contra impugnantes religionem vbi supra.

- 36 Ideo ¶ quum ad episcopalem statum assumuntur, tam Monachi, quàm alij religiosi non Canonici, deferunt adhuc habitum, Monachalem, vel proprii ordinis, vt in cap. clerici officia. de vit. & ho. cler. Canonici autem regulares iuxta ea, quæ inferius demonstrabuntur, tanquam Clerici vtuntur habitu cæteris prælatis Clericis consueto, per quæ euidentissimè constar eorum ordinem, quo ad clericalem statum essentialem, nihil differre a Canonicis, & Clericis Sæcularibus.

**C**ONSTITO itaque. & probato per prædictas quattuor demonstrationes, Canonicos Regulares esse essentialiter Clericos, cuiusmodi non sunt Monachi, & alij religiosi: & non tantum, esse Clericos, sed & Canonicos: quod non conuenit nisi essentialiter Clericis: vt supra dictum est, & quod præsupponit Clericatum inesse, & aliquid plus necessario scilicet personatū, vt probatur in c. 2. de instit. & in cap. per exemptionem. de priuileg. in 6. & gl. & doct. in cap. statutum. in versic. Canonicis. de rescrip. in 6. Omnis enim Canonicus est Clericus, & non e conuerso, vt dicit Inno. & alij in cap. sedes. de refer. & præsertim Abb. in c. bone. el. 1. in primo notabili. de post. præl. & in rub. de vita & hone. cler. & in c. quum tibi. de verb. sig. quod cadit etiam in Canonicis Regularibus, vt supra probatum est, Consequens est, & demonstra-

37 monstratiuè sequitur quòd † quum habitus debeat congruere statui, & status vniuscuiusque debeat eius habitū ordinare, quia finis necessitat ea, quæ sunt ad finē (vr inquit philosophus), quòd statui Canoniconum Regularium, tanquā statui essentialiter, Clericali, non debeat competere nisi habitus Clericalis: data tamen aliqua differentia, dum procedunt in publicum in linea toga, siue rochetto, qui est essentialis habitus Clericalis in Canonicis Regularibus, vt patet per dicta ipsius Augustini in sermone supra allegato: & per glo. & doct. in cle. 1. de elect. in versi. vel habitus: per quam differentiam discernatur Clericalis professio & personatus quem ex ipso nomine indicant.

In reliquis, scilicet in forma, & colore aliorum vestimentorum † nō  
 38 est taxata aliqua norma determinata Canonicis Regularibus, neque ab apostolis, neque ab Augustino, neque a iure communi, nisi & quæ Clericis Sæcularibus couenit. Immo Augustinus videtur prohibuisse aliam formam, quæ singularitatem aliquā præferat ab aliis Clericis, excepta toga linea dumtaxat: dum dicit in Regula. Non sit notabilis habitus vester. Vbi Hugo dicit, q̃ Augustinus voluit maximè, vt Clerici sui omne genus singularitatis in vestibus euitarent: per quod in alicuius hypocrisis specimen vel suspensionem venire possent, ne in vestimentis ouium possent aliquando dici lupi rapaces. Vnde ipse Aug. in sermone ad Clericos suos super illis verbis Saluatoris, Tu autem quum  
 39 ieiunas unge caput tuum, & faciem tuam laua. Math. 6. cap. † inquit, q̃ non in solo vestimentorum nitore atque pompa, sed etiam in ipsa vilitate esse posse iactantiam, & eo periculosiorem quo sub nomine seruientis Dei decipit & fallit. dolosa imagine sanctitatis: intentosque in se hominum oculos facit inuolato vestimentorum cultu: quum id voluntate quisque faciat, non necessitate patiatur. Hac Aug.

Ex supradictis autem omnibus verificantur, probantur, & demonstrantur septem suprapositæ conclusiones, & singula ipsarum. Ad quarum etiam maiorem corroborationem, & euidentiā, adducitur vniuersalis quasi, & antiquissima consuetudo. Nam † de  
 40 forma, & colore aliorum vestimentorum Canoniconum Regularium, præter lineam togam quæ est communis omnibus, consuetudo est quasi vbique tetra, quòd dicti Canonici incedant more Clericorum Sæcularium, scilicet cum parua corona, cum mantel-

mantello, seu veste talari, & almutiis de panno super humerum exceptis quibusdam particularibus congregationibus in Italia potissimum, quæ a paucis temporibus ad specialent intra se, & arctiorem viuendi modum, & ad specialem habitus formam se astrinxerunt sicut congregatio Lateranens. & sancti spiritus prope Venetias: quæ deferunt tunicas interiores de panno albo, & togam lineam cum manicis longis; & strictis, sed non clausis, & desuper habent cappas nigras cum panno caputio: quæ tamen consuetudo, & forma non est generalis in toto ordine Canonico, sed est particularis, & specifica in illis congregationibus, quæ respectu totius ordinis Canonici, sunt quid exiguum: nec mores vnius congregationis derogat propter hoc toti ordini: quoniam species est sub genere contenta, non genus sub specie, nec consuetudo; & lex municipalis vnius ciuitatis ligat totum Regnum: nec ritus vnius collegij vel congregationis ligat eos qui eidem collegio non subiiciuntur, sicut superfluum esset de hoc adducere Canones, & leges, qui sunt penè innumerabiles. Quod Canonici Regulares qui nō subiiciuntur præfatis congregationibus, incedant more Clericorum Sæcularium excepta toga linea, vel rochetto quum in publicum procedunt, patet in omnibus nationibus Christianorum. Et primo in Italia Papiæ in Abbatia sancti Petri in Cælo aureo ordinis præfati Sancti Augustini: in qua & corpus gloriosum ipsius Augustini requiescit: vbi Canonici Regulares incedunt more Sæcularium Clericorum excepta toga linea, vel rochetto cum manicis strictis et longis instar manicæ inferioris vestis sicut in Romana curia.

Item in Ciuitate Lucana in Canonica dignissima sancti Fridiani incedunt eodem modo.

Item apud Tridentum in sancto Michaeli.

Item apud montem sancti Bernardi in Sabaudia, vbi est Clarissima Canonica dicti ordinis.

Item in Italia in omnibus illis Canonici vbi dictæ congregationes degunt.

Item in Germania, quum in plurimis locis, in ecclesia etiam Salsburgensi & in ecclesia Brandeburgensi incedunt more Clericorum Sæcularium vt supra.

In Gallia vniuersaliter per totam Galliam tam in prioratibus, & præposituris, quam in archipresbyteralibus, & collegiatis ecclesijs:



fij: in collegiis: & cathedralibus ecclesiis, & monasteriis dicti ordinis omnes Canonici Regulares tanquam essentielles Clerici incedunt more Clericorum, & Canoniconum Sæcularium:

Idem in Britannia.

Idem in Anglia, sicut Reuerēdis. dñs Card. Anglię, & alij plures tam prælati, quā alię egregię personę de Anglia qui personaliter nūc degūt Romę, & præsertim dñs Orator Anglię testificari possunt.

42 Immoꝛ omnes isti dicunt quod in Anglia Canonici Regulares indifferenter vtuntur colore violaceo sicut Clerici Sæculares, & toga linea, siue rochetto, quum procedunt in publicum, cum

43 manicis strictis, & clausis moræ Romanę curiæ, & ꝑ prælati ex dicto ordine vtuntur colore rosaceo, & nullam habent differētiā in habitu à Prælatiis Sæcularibus, & quod talis consuetudo est antiquissima, & approbata ab antiquissimo tempore, qđ est maximē attendendum: quoniam Beatus Gregorius Papa ipsoꝛ Canonicos, siue Clericos Regulares qui sunt in Anglia iussit in omnibus penē ecclesiis Anglicanis institui ꝑ Augustinum Anglorum episcopum vt supra dictum est, & patet in capit. quia tua fraternitas. 12. quæstij. Et Anglia quodā peculiari iure est subiecta Romanæ ecclesiæ.

Idē sit in Scotia in ecclesia potissimū S. Andreæ quæ est metropolit.

Idem in Hybernia, quum in pluribus locis, in ecclesia potissimum sancti Plitricij, vbi est Puteus sancti Plitricij.

Idem in Regno Nauarrę in ecclesia Pampalunen.

Idem in Hyspania in Regno Castellę, in ecclesia præsertim CesarAugustana: & in ecclesia Exomen.

Idem in Regno Portugallię, in Ciuitate potissimum Vlixbonen. vbi sunt varię Canonice Canoniconum Regularium. Ex quibus floruit Sanctus Antonius de Padua Canonicus, Regularis deinde Frater Minor. Et hoc sufficiat, quantum ad formam indumentorum Canonici Regularibus competentem. Sequitur de colore eisdem Canonicis permisso.

## DE COLORE PERMISSO

*Canonicis Regularibus.*

**D**E colore vero dictorum vestimentorum, non est dubium quod toga linea quæ alias camisia Romana dicitur debet esse



- esse alba: quoniam denotat perfectionem apostolicam: siue in  
uita communi et abdicatione proprii & administratione sacra-  
mentorum, vt in dictis Canonicis Regularibus essentialiter Cle-  
ricis: siue in regimine ecclesiarum & officio predicationis, sicut  
44 in episcopis. Habitus † iste candidus quo vtuntur episcopi & di-  
cti Canonici Regulares in toga linea, seu rochetto est uerus ha-  
bitus apostolorum: vt referunt plurimi doctores, inter ceteros  
Nicolaus de Ira Apocal. 4. super, illis verbis. Et vidi & ecce  
equus albus &c. Et subdit ibi Nicolaus quod ea causa Maume-  
tus in suo Alcorano, appellat Apostolos viros dealbatos: & in  
omnibus picturis antiquis ut patet Romæ pinguntur in habitu  
albo apostoli. Sic etiam fuerunt prefigurati in veteri lege per  
Hierem. Tren. 4. vbi dicitur: Candidiores Nazarei eius: ni-  
tidiore lacte, quod precipue refertur ad munditiam interio-  
rem: quæ designatur per ipsam exteriorem candiditatem lineæ,  
Vnde Eccl. 9. Omni tempore vestimenta tua sint candida.  
45 Decet † profecto ut Clerici (Regulares præsertim), qui in sor-  
tem domini assumpti angelicam non humanam sectantur con-  
uersationem: Decet vt episcopi in quorum vitæ integritate tan-  
quam in speculo mundo vniuersi fideles speculari debent: & qui  
per statum perfectionis, & supercelestium contemplationis sa-  
pere debent quæ sursum sunt, non quæ super terram, & dicunt cū  
apostolo ad Philipp. 3. Conuersatio nostra in celis est, habitu etiā  
46 celestium ciuium vtantur: † qui in sacris eloquiis cādido semper  
habitu apparuisse perhibentur: sicut Matth. vlt. Angelus domini  
descendit, de celo, cuius vestimenta erant sicut nix. Et Marc. 16.  
Mulieres introeūtes monumentū viderunt iuuenem sedentem  
in dextris coopertum stola candida. Et Io. 20. Vidit Maria Mag-  
dalena duos angelos in albis sedentes, & Act. 1. Ecce duo viri  
astiterunt iuxta illos in vestibus albis &c.  
47 De † superindumentis lineis quod sint proprius habitus Cleri-  
corum, & leuitarū patet Exod. 28. Vbi dicitur, Facias filiis Aaron  
tunicas lineas, & debent esse stricta hæc indumenta linea: quibus  
Pontifices, & veri leuitæ in sortem domini assumpti Regulares  
48 † Clerici utuntur: vt sint infra seipso ad interiora collecti non ad  
exteriora effusi uagi, & dissoluti fluentesque ad omnem inanem  
gloriæ ventum huc, & illuc in concupiscentiam mundi huius, &  
carnalia desideria: quæ militant aduersus animam. Vnde dictū

H fuit

fuit ad Moysen Exod. 28. de indumentis sacerdotalibus. Facies tunicam lineam strictam. Ezech. etiam 9. Qui apparuit, cum atramento vt signaret in frontibus electorum, erat indutus lineis. Linum quippe quod multo cum labore ad candorem perducitur, designat tolerantiam in aduersis, humilitatem in prosperis, vt igne tribulationum probati sacerdotes, & apostolicam vitam profitentes Clerici dicant illud Psal. 65. Transiimus per ignem, & aquam, & deduxisti nos in refrigeriū: prouecti ue ad episcopalem celsitudinem canant illud Danidicum: Domine non est exaltatum cor meum: neque elati sunt oculi mei: neque ambulauī in magnis, neque in mirabilibus super me. Tradunt quoque naturales, vt Plin. lib. 20. nat. hist. c. 22. q. lini succus inter alias proprietates duas habet. Prima est: quod aciem oculorū acutā facit. secūda est q. cerebri melancholiam mitigat: quorum alterum intellectum scientia illuminatum: aliud prouidentiam debitam in Prælato, & administrandis sacramentis deputato significant. Non satis enim est, Prælatum fore scientificum: nisi etiam sit prudens dispensator ministeriorum dei: vt inter dispensatores fidelis inueniatur, vt 1. Corinth. 4. Dicunt t̄ etiam aliqui doctores quod Saluatoris nostri tunica inconsutilis, erat linea desuper contexta per totum: Et ipse præuisus fuit in spiritu à Daniele propheta indutus lineis, Danielis. 9. Et ecce vir vnus vestitus lineis &c. & t̄ quod color vestimentorum eius erat candidus. Daniel. 7. Vestimētum eius quasi nix candidum. Vnde in transfiguratione sua, qua designat prælatorum transformationem in virum alterum de imperfectione ad perfectionem vitæ quum ad prælationem promouentur, vestimēta eius facta sunt alba sicut nix. Matth. 28. 2. Corinth. 3. Nos uero reuelata facie gloriam Domini specularantes in eandem imaginem transformamur &c. Ea t̄ ratione summus Pontifex, qui Christum dominum repræsentat in terris, induitur tunica alba tanquam uerus Apostolicus. De Iacobo Apostolo Hierosolymitano episcopo qui utebatur veste linea dictum est supra.

DE ALIIS VESTIMENTIS

*præter togam lineam.*

**A**Lia autem vestimenta Canonicoꝝ Regularium præter lineam togam,

togam, seu rochetum quum nihil in contrarium caueatur neque ab eorum regula neque a iure communi neque ab vniuersali vsu, & quod non est prohibitum censeatur permissum. 27. q. 2. lex diuina. & 27. q. 3. cap. illud cum alijs concord. possunt esse cuiuscunque coloris Clericis Sæcularibus non interdicti. Vnde dicti Canonici Regulares etiã in eadem ecclesia & capitulo vt possunt diuerso colore, sicut & ipsi Clerici Sæculares, quia Vnus vtitur colore rubeo, alius cælestino, alius leonaceo. sic videbis quãsi in omnibus ordinis ipsius supra memoratis congregationibus. Et sacrum Collegium Papiensis vniuersitatis in consilio quod incipit, In nomine Sanctę &c. Nos iuris vtriusque Doctores &c. dicit ꝑ quod in

52 Canonici Regularibus non est curandũ de colore vestimentorum dummodo deferant lineam togam, iuxta dictum Ioan. And. in cle. 1. de rel. domi. in versu vel habitus.

Immo Benedictus XII. Papa qui dictum ordinem Canonicum plurimis constitutionibus & priuilegijs decorauit & reformauit, in eisdem constitutionibus in c. de forma, & honestate habitus, &

53 vestimentorum, statuit, ꝑ vt ipsi Canonici Regulares pro vero & proprio habitu nihil aliud deferant nisi superindumenta linea: quæ etiam concedit eisdem ad formam rochetorum, & camisia Romanarum, vt ibi patet.

Adde etiam quod in Abbazia sancti Petri ad Aram quæ est Canonico-  
rum Regularium, dum hæc congregatio Lateranen. illuc introduceretur, erant Canonici Regulares vtentes rochetto, & supra rochetũ vestibus cælestini & violacei coloris: & adhuc sunt antiquissimę picture, in testimonium.

In Burgundia vtuntur indifferenter quocunque colore non prohibito Clericis Sæcularibus, sicut patet in nobilissima Canonica sancti Petri de Matiscone, & apud Diuionem in pluribus Canonicis & ecclesijs Canonico-  
rum Regularium.

In Gallia penẽ vbique vtuntur colore ad libitum, dummodo non sit prohibitus Clericis Sæcularibus.

Idem in Anglia, & vtuntur communiter ibidem colore violaceo. Et, si sunt Episcopi colore rosæto: vt Reuerendissimus dominus Cardinalis de Anglia, qui nunc est Romæ, & dominus orator Angliæ cum tota penẽ familia attestari possunt.

Idem in Flandria, & Brabantia: quod est euidentissimum argumentum ex tam vniuersali consuetudine, quod possunt vti colore ad

libitum, ut dictum est: exceptis tamen illis Congregationibus, & Ecclesijs quae se arctarunt ad determinatum colorem. Regularis quippe professio sub Regula Augustini non impedit quin quocunque honesto colore utantur professores eius: sicut patet in fratribus Ordinis Cruciferorum, qui utuntur colore celestino, vel violaceo obscuro: sicut manifestius apparet in fratribus Hierosolymitanis vel Rhodiensibus militibus Iesu Christi: vel sancti Iacobi. qui omnes sunt Regulares, & profitentur expresse Regulam Augustini, & tamen utuntur quocunque colore ad libitum: quia Regularis professio hoc non impedit. Et si dicatur quod quamquam dicti fratres sint Regulares: ex eo tamen quod sunt milites & ad militiam ordinati ut possunt omni habitu militibus etiam Saecularibus non prohibito, dummodo deferant signum quo a Saecularibus distinguantur, scilicet Crucem, ut consueverunt: dicendum est similiter & pariformiter, quod Canonici, quamvis sint Regulares: ex eo tamen quod sunt essentialiter Clerici & ad Clericatum non aliter ordinati (ut supra probatum est) ut quoque possint habitu Clericis Saecularibus non prohibito: dummodo deferant itidem signum aliquod, quo a Clericis Saecularibus distinguantur, scilicet togam linearem vel rochetum: Quia Regularis professio non impedit quin dicti milites non utantur colore & habitu alijs etiam Saecularibus permisso: nec similiter prohibet aut impedit quin Canonici, qui sunt essentialiter Clerici non utantur habitu & colore Clericis etiam Saecularibus concesso, dummodo sicut dicti fratres seu milites deferunt pro essentiali habitu Crucis signum, quo a militibus Saecularibus discernuntur, ita & Canonici Regulares deferant pro habitu essentiali togam linearem seu rochetum iuxta librum caerimoniarum S.R.E. quum rochetto a Clericis Saecularibus distinguantur. Vbi enim est eadem ratio est idem ius: ut habetur in l. i. l. i. ad leg. aquil. & in l. vi. C. ad legem falc. & in l. in exercendis. C. de fid. instru. extra de constit. c. Nam concupiscentiam: de translat. c. inter corporalia. cap. peruenit. de test. cog. & in l. vi. C. de const. & cap. quum dilecta. de confir. util. vel inutil. Corroborantur praedicta ex dictis constitutionibus Benedicti Papae 12. in cap. de pensionibus, studentium, ubi et Canonici Regularibus doctoribus Canonum concedit delationum coloris rubei.

Et his remanet expedita materia habitus Canonice Regularium  
extra

extra diuina, vel extra ecclesiam dum singulariter procedunt in publicum. Nunc restat videre quo habitu uti debeant, & utantur in ecclesia cum diuinis interfunt, & extra ecclesiam, quum capitulariter vel collegialiter procedunt in publicum.

## DE HABITU CANONICORVM REGVLARIVM

*quum diuinis interfunt.*

56 **C**anonici Regulares † dum diuinis in ecclesia interfunt vel extra ecclesiam collegialiter procedunt in publicum, (exceptis dumtaxat illis congregationibus quæ leges inter se habent particulares) in signum quod sunt essentialiter Clerici utuntur superpellicijs lincis & almutijs de panno super humerum more Clericorum Sæcularium iuxta ordinationes Clementis Papæ quarti de reformatione Regularium Canonici. Et hoc obseruatur generaliter per vniuersum orbem (dictis particularibus congregationibus ut dictum est exceptis, quæ minimum numerum respectu totius ordinis efficiunt), & habent speciale modum. Vnde Doctores, & qui in cathedralibus aut collegiatis ecclesijs personatum vel dignitatem habent, utuntur superpelliceis, & almutijs de pellibus albis vel varijs iuxta morem Canonici Sæcularium: sicut in infinitis locis diuersarum prouinciarum fieri constat apertissime: nec est opus tantam ecclesiarum adducere numerositatem. Et insuper certis temporibus, scilicet a festo Omnium Sanctorum vsque ad Pascha, utuntur in Ecclesijs cappis violaceis cum pellibus albis circa caputium, si sunt Prelati, vel Doctores, vel dignitatem aut personatum habeant, sicut Abbates, decani, prepositi, Archidiaconi &c. Et hoc est generale præsertim in Anglia: sicut Illustriss. & Reuerendiss. dominus Cardinalis de Anglia, & etiam orator Regis Angliæ, & omnes quasi sui familiares possunt testificari. Hoc idem fit Tholose in vniuersitate vbi sunt plurimi Canonici graduati, & doctores: Et quædo utuntur cappis, utuntur etiam Rocheto inferius cum manicis strictis, & clausis more Romanæ curiæ. In pluribus ecclesijs etiam est consuetudo quod quocunque tempore Canonici Regulares ingrediuntur collegialiter vel singulariter chorum Canonici Sæcularium deferant cappas, & habitum eorundem scilicet in Hispania in ecclesia Vlixbonen. in Regno Portugalix: ad denotandum quod non obstante regulari professione, est

est inter ipsos essentialiter Clericalis Conformitas utriusque communis.

Idem fit in ecclesia Andegauensi in Gallia: ubi Abbas Canonicoꝝ Regularium ecclesiae Omnium Sanctorum habet primam dignitatem post episcopum in choro dictae ecclesiae inter Canonicos Sæculares & desert insignia illorum Canonicoꝝ Sæcularium. Propterea † Speculator in Rationali diuinorum Officiorum, in parte sexta, in Rubrica de ebdomada in albis, dicit quod inter Canonicos Regulares, & alios Clericos, qui usurpato vocabulo Sæculares dicuntur, nulla debet esse differentia in ecclesia quum diuina celebrant: præcipue autem in superindumentis lineis, quoniam utrique sunt sacerdotes & leuitæ. Vnde Ezechii. 44. dicitur, Sacerdotes autem, & leuitæ filij Sadoch, quum ingredientur portas atrij interioris, vestibus lineis induentur, &c. quibus omnibus optimè ad stipulatur præfatus Benedictus Papa in suis constitutionibus in cap. de forma & honestate habitus, & vestimentorum. Et hoc sufficiat quantum ad cultum Regularium Canonicoꝝ, dum in ecclesia diuinis intersunt vel collegialiter procedunt in publicis. Sequitur de habitu Prælatorum ex Canonicis Regularibus assumptorum.

## DE HABITU PRAELATORVM EX

*ordine Canonicoꝝ Regularium assumptorum.*

**Q**uamvis vero ad Prælatos Canonicoꝝ Regularium: quum superius probatum fuerit Canonicos Regulares non Prælatos uti posse forma indumentorū, & colore quo vtuntur Clerici Sæculares data differentia lineæ togæ seu rocheti: quis dubitet, quod Prælati a fortiori dato decenti cultu praelationis, poterunt uti, & forma, & colore quo alij prælati. Nam si habentes personatum & doctores ex dicto ordine vtuntur cappis violaceis, & etiam pellibus albis in caputio quanto magis vt poterunt eisdem cappis alij qui sunt Prælati? Vtuntur ergo amplis almutijs de panno utrunque humerum capientibus. Vti videmus in Priore sancti Spiritus in Saxia: qui quum sit Regularis, & proficetur Regulæ Augustini: & sit inferior quocunque Abbate: nec sit Canonicus essentialiter (præsupponit tam in Regulari quam in Sæculari Clerico ut supra probatum est,) vtuntur tamen almutijs



almutiis de panno vtrunque humerum capientibus more aliorum prælatorum, & colore, & forma habitus ad instar Clericorum Sæcularium, data differentia in cruce qua discernantur ab alijs Clericis, quoniam approximant, & sunt vicini Canonice Regularibus.

Quia tamen non sunt Canonici neque essentialiter Clerici, non possunt vti toga linea seu rochetto. Prælati ex Canonicis ergo Regularibus assumptis non interdicitur color atque forma alijs Clericis Sæcularibus non interdictus. Quare vti poterunt colore violaceo, & cælestino, & leonaceo, & nigro. Et ut Reuerendissimus Cardinalis de Anglia præfatus, & orator, & sui prælati, & alij de Anglia, affirmare possunt, prælati ex Canonicis Regularibus assumpti utuntur colore rosaceo, & incedunt more Prælatorum Sæcularium: quod expressius patet per literas apostolicas Innocentij Papæ. III. l. directas Abbati, & conventui S. Ruffi ordinis Canonice Regularium. Vbi inter cetera.

## DE ROCHETO.

58 Q Vantum ad Rochetum non est dubium, quod si Canonici Regulares Prælati inferiores utuntur Rocheto quod & Prælati ex eis assumpti tanto magis utuntur. Quoniam si id de quo minus videtur inesse, & id de quo magis, ut sunt iura vulgatissima in cap. si in laicis. 3. 8. dist. & 3. q. 3. de iudic. & 59. dist. si officia. & 34. q. 2. cum per bellicam, & 13. q. 2. non estimamus.

C Onstat etiam ex cap. Clerici officia. de vita & honest. cleric. vbi dicitur quod Prælati dum procedunt in publicum debeant vti superindumentis lineis nisi monaci fuerint: quos oportet ferre habitum Monachalem: Ecce quod Canonici Regulares non exceptuantur, sed solum Monaci, & a simili ceteri religiosi, qui non censentur Clerici essentielles. Propterea Sanctus Thomas contra impugnantes religionem ar. 20. dicit quod: quanquam monachis prohibeatur usus huiusmodi superindumentorum lineorum, non sequitur, quod Canonicis Regularibus prohibetur, quia ipsi non sint Monachi, sed Clerici, & sic secundum doctores præsertim Abbatem Siculum, in odiosis nusquam Canonici Regulares veniunt appellatione Monachorum, sed bene in fauor-



fauorabilibus. Liber quoque cerimoniarum S. R. E. hoc expresse determinat in cap. de habitibus in capella apostolica. Dicit enim q̄ prelati ex ordinibus Mendicantium assumpti vtuntur in capella apostolica habitu ordinis sui, sed ampliori, & preciosioris lanę. Assumpti autem ex ordinibus non mendicantibus vtuntur cappa ampla, sed nigra cum pellibus nigris vel griseis. Assumpti autem ex Canonicis Regularibus, qui in suo ordine vtuntur Rocheto, vtuntur etiam in capella Romana. Ita ait dictus Benedictus Papa vbi supra lib. cerimoniarũ S. R. E. Et si quis veller interpretari aliter q̄ est consuetudo Roma. curiæ, errat quia qui ordinauit librum præfatum sciuiſſet, & hoc interpretari, sicut & alia interpretatur: nec velint glosare textum perperam quod scilicet rocheti debent esse breuiiores, & ampliores: quia liber hoc nō dicit, & si hoc voluisset, sciuiſſet aliter declarare, sicut declarat de amplitudine, & preciosiore in ordinibus medicantibus, & de pellibus nigris, & griseis in monacis. Et Benedictus Papa intendit de rochetto Romano, & nō aliter vbi supra. Denominatur enim particulariter Canonicoꝝ Regularium in dicto libro Rochetus, & dicitur quod Prelati Canonici Regulares vtuntur Rocheto, scilicet more Romanæ curiæ. Vnde hoc nomen accipit, quia vnicus est rochetus, & vnica forma eius non plures. Nomina enim rei debent esse conuenientia, & denominatio rei facit optimum argumentum, vt in c. oratorium: & in c. de oratorio. 4. 2. dist. De cappa autem Canonicoꝝ Regularium in capella non loquitur expresse de Canonicis dictus liber: quia dum tantummodo de Monacis dicit q̄ vtatur cappa nigra & pellibus nigris vel griseis ex eo q̄ status eorum est, status poenitentię vt supra dictum, & probatum est, non intendit hoc ordinare de Canonicis Regularibus, quorum status est essentialiter Clericalis, & administrationis Sacramentorum, & doctrinæ: Nam ꝑ & si quicquam, prohibeatur monacis nō sequitur propter hoc quod prohibeatur Canonicis Regularibus sicut dicit notabilis textus, in c. quod Dei timorem. de stat. monac. Et beatus Tom. in simili in lib. contra, impugnantes religionem, dicit expresse: quod licet prohibeatur monacis docere, non tamen sequitur ex hoc q̄ prohibeatur Canonicis Regularibus, ad quos tãquam ad essentielles Clericos pertinet docere. 16. q. 1. cap. si Clericatus, & idem vt supra si monacis prohibeatur vt superindumentis lincis, non tamen

ramen censetur prohibitum Canonis Regularibus. Et istud opusculum S. Tho. fuit approbatum per Clemetem Papam 4. Unde a simili quamquam prohibeatur Prælati monachi uti cappa violacea cum pellibus albis in capella, non tamen propter hoc prohibetur Canonis Regularibus. Argumentum enim à simili est validum; ut docto. in cap. ius naturale. 1. distinct. Et illa quæ in iure ponuntur gratia exempli non restringunt regulam iuris ad expressa tantum, sed etiam ad alia similia: ut in cle. 1. ne cle. vel mo. §. hactenus. Instit. de grad.

DE LIBRO CERIMONIARUM

**N**am quum liber Cerimoniarum præfatus dicat, quod prælati ex Canonis Regularibus assumpti utantur Rocheto in capella: accessorie & consequenter ostendit quod debeant quoque uti cappa congruenti, scilicet violacea cum pellibus albis: sicut utuntur prælati deferentes rochetum. Alias enim esset indecorum; & nouum siue ridiculum, & maxime admirationis in capella si prælatus vteretur Rocheto, & cappa nigra cum pellibus nigris &c. Quum ergo cappa violacea cum pellibus albis sit quid accessorium ad rochetum tanquam ad principale, consequens est: ut qui vititur rochetto utatur & cappa violacea sibi conuenienti. Accessorium 61 ¶ enim sequitur naturam principalis. cap. si laicus. 3. 1. dist. ca. qui sacrum. 50. dist.

Nam si aliqua sibi coherent vel aliquid sequatur ex alio, concessio primo conceditur & aliud sequens vel dependens aut accessorium. c. si quis uiduam. 34. dist. c. deinde. 26. dist. cap. hoc equippe. 3. q. 6. Et præsertim quum & nunquam reperiatur aliquod in contrarium: nulla expressa prohibitio; nullus usus, siue consuetudo, siue etiam ratio contraria, siue saltem exemplum contrarium.

Immo ratio fauet Canonis Regularibus per ea quæ superius dicta sunt de statu essentialiter Clerici ad differentiam aliorum religiosorum seu Regularium, & de Rocheto iuxta dictum librum Cerimoniarum S. R. E.

Et Benedictus Papa præfatus in suis constitutionibus, & ante eum Innocentius III. Abbati, & Canonis Sancti Rusti scribens, & ante eum etiam Alexand. II. quem idem Innocentius adducit. Est enim fortissimum argumentum ab identitate ratio-

nis, ut in c. si Romanorum. 19. di. c. consuetudo. 1. dist. cap. si laicis. 3. 1. dist. cap. de hymnis. de con. dist. 1. l. illud. ff. ad l. aquil.

Vbiunque enim lex non est clara & expressa, debet vel ampliari vel restringi ad limites rationis regulariter, vt in l. scire oportet. §. illud autem. ff. de excu. tut.

Ratio quippe dat esse legi, & est eius principale & præcipuum fundamentum. c. erit autem lex. 4. dist. & l. 2. ff. de legi.

Item exempla generalia fauent Canonice præfatis in dicta forma habitus in Rocheto, & cappa violacea, & albis pellibus, vt supra declaratum est. Et Argumentum ab exemplis innitentibus ratio ni vt hic in casu nostro est optimum argumentum: vt in cap. sana. 9. dist. c. turbat. 37. dist. & secundum eadem exempla iudicandum est. cap. in causis. de sent. & re iud. Et si dicatur quod ista sunt exempla aliarum provinciarum, & non Romanæ curiæ: respon detur quod in Romana curia quantum ad Canonicos Regulares non apparent neque adduci possunt exempla contraria, immo practicum est in Romana curia iuxta rationes, & leges, & exēpla adducta in varijs Prælati, & officialibus S. R. E. etiam diebus nostris, qui erant Canonici Regulares, & utebantur rochetto & cappa congruenti vt supra, & pileo viridi inferius, sicut facile probari potest per eos qui nouerunt, & viderunt, & probabitur si opus fuerit.

Immo ad insinuandum quanta differentia sit à statu Canonicorum Regularium, vt sunt essentialiter Clerici, à statu Monachorum, & aliorum religiosorum, patet etiam maximè in hoc, quod sedes apostolica concedit officia Clericalia S. R. E. Canonicis Regularibus, quæ non concedit monachis & alijs religiosi, sicut protonotarium subdiaconatū Sanctæ Sedis Apostolicæ. Fiunt enim quotidie protonotarij Canonici Regulares, & de hoc patet per constitutiones præfati Benedicti Papæ in cap. de mutuis. & in c. de Canonicis venatoribus, vbi facit mentionem de protonotarijs Canonicis Regularibus, & fuerunt aliqui subdiaconi S. sedis apostolicæ vt facillimū, & impromptu est probare, quod nō sit de monachis, & alijs religiosi. Et ratio est: quoniam dicti Canonici vt essentialiter Clerici non prohibentur ab officijs Clericalibus, propter quæ præcipuè non mutant habitum, scilicet togam lineam, vel rochetum, vt in præallegatis officijs patet. Et si dicatur quod raro apparer prælati ex Canonicis Regularibus in curia

curia Romana; & q̄ ideo nō perpendatur de huiusmodi exemplis in curia, respondetur, quod multi apparēt, & aliqui existunt, sed quia non differunt in habitu & cultu ab aliis praelatis Sæcularibus: ideo non cognoscuntur aut discernuntur ab aliis.

- 62 De t̄ pileo autem non est dubium, quum expressè de illo mentionem faciat lib. Cerimoniarum S. R. E. in supradicto capitulo de habitibus in capella apostolica.

Et quanquā in dicto libro dicatur quod Canonici Regulares episcopi utuntur pileo nigro, &c. consuetudo tamen est in contrarium, & quidē p̄scripta tempore de quō nō extat memoria, & rationabilis: quē quidem tollit legem contrariam posito, & nō cōcessio quod dictus liber habeat vim legis. patet per gl. & doctor. in c. 1. de treug. & pace. Et arbitrādum dictum librum in illo passu esse mendosum in scriptura, quia ubi dicit, sed utuntur,

- 63 debeat dicere nec utuntur, ea ratione potissimum, quod t̄ consuetudo antiqua in contrarium interpretatur legem, & statuta ut in l. si de interpretatione. ff. de legi. & in ca. dilectus. de consuet. & per ea quæ notat Io. And. in c. dilectio. de consang. & affi. & p̄cipuē quum videretur monstrum in natura videre Episcopum utentem rochetto, & pileo nigro: qui a protonotariis apostolicis non posset discerni, quod omnino est contra omnem æquitatis rationem.

Et posito quod ex eo q̄ de cappa nihil in dicto libro determinetur, in dubio quis etiam id velit accipere, & adductis rationibus nō acquiescere, facile saltem conuincetur ex ea regula iuris: quod odiosa restringuntur: fauorabilia ampliuntur. reg. odia. de reg.

- 64 iur. in 6. Odia t̄ enim restringi, & fauores conuenit ampliari, ubi nihil in contrarium expressè apparet determinatum. Odiosum enim est quod prohibetur Praelatis Monachis, & Mendicantibus: ut non utantur rochetto, & cappa violacea, & pellibus albis, in dicto libro, ideo non est extendendum hoc, aut ampliandum ad Canonicos Regulares, quibus nō prohibetur, sed restringendū est ad monachos, & mendicantes tantum, de quibus in ipsa prohibitione fit t̄tum mentio, & tanto magis ubi expressè ratio potissima Clericalis status essentialiter in Canonicis p̄fatis eos distinguēs ab ipsis monachis, & aliis religiosis clarissimē militat, & contrarium persuadet, iuncta exemplis aliis pluribusque rationibus, & legibus supra adductis.

Hoc vero quod in dicto libro canteatur expresse quod dicti Canonici Prælati utantur rochetto est fauorabile: ideo ampliandum ad omnia præsertim consequentia, scilicet quod utantur rochetto more Romanæ curiæ, & aliorum prælatorum, & cappa violacea, & pellibus albis, & pileo viridi consueris deferri ab his qui rochetto in dicta capella utuntur: quum præcipue quicquam expresse in contrarium non caueatur, & nulli præiudicium generetur. Et clarum est quod rochetus plus est quam cappa, quia etiã inferiores prælati utuntur cappa violacea, & pellibus albis, vt doctores Sæculares, & tamen non possunt uti rochetto, & multi utuntur pileo sicut & pelle. Si ergo rochetus est quid maius, concessio maiori cõceditur & quod minus est, forma scilicet rocheti iuxta morem curiæ, cappa violacea cum pellibus albis, & pileus viridis Episcopis: Argumentum optimum est in c. i. 16. q. cap. præcipimus. 21. q. 1. & in c. ex parte. de deci. Pellis autem alba.

Stat ergo Conclusio omnes septem suprapositas conclusiones connectens, quod scilicet Canonici Regulares tanquam essentialles clerici distincti a monacis, & alijs Regularibus, vt possint habitu, forma, & colore Clericis Sæcularibus non prohibitis, data tamen differentia signi in toga linea quæ est eorum essentialis habitus, qua ab Sæcularibus Clericis distinguantur. Et quod prælati ex Canonicis Regularibus vt possint rochetto more Romanæ curiæ, almutijs de panno super vtrunque humerum, & cappâ violacea, cum pellibus albis, & pileo viridi si sunt episcopi more aliorum prælatorum Sæcularium. Quæ tamen omnia pater beatissimè tuæ maxime sapientiæ, & Authoritati Sanctæque Romanæ Ecclesiæ: ac cuiuslibet melius sentientis iudicio submitto ad laudem Dei omnipotentis, & immaculatæ Dei genitricis Mariæ, Beatorumque Apostolorum Petri, & Pauli, ac totius triumphantis, & militantis Ecclesiæ Dei.



PRO-

# PROPVGNACVLVM CANONICI ORDINIS



D. BARTHOLOMAEI CREMONENSIS  
CANONICI REGVLARIS  
AD LECTOREM DECASTICHON.

*Casareos quæris lector si forte triumphos,  
Magnanimum vel si prælia sæua Ducum,  
Æonides musas, Parnassi vel iuga sacri  
Discere si cupias, pieridumque choros,  
Siste (precor) manibus sacrum attrectare libellum,  
Pierides non hic, nec fera bella canit.  
At tua si nostri Canones mens noscere gliscit  
Ordinis, hoc modicum perlege lector opus.  
Linigerum dum gesta canit tot ducta per annos,  
Edocet antiquus quam fuit ordo facer.*

*Io. Gazoldi Poeta Casarei Tetrastichon.*

*Cui Canones, cui dat sanctissima regula nomen,  
Edocet unde suus sumpserit ordo caput.  
Sic niveos nigris coruis discernere olores,  
Sic verum à falso phas tibi discutere.*





NICOLAUS TERGIMVS AVGVSTINO  
 TICINEN. CANON. REGV. LATERANEN.

Sal.



ON arbitrari non possum Augu-  
 gustine Pater Reuerende diui-  
 no factum consilio, quòd tui  
 patris nomen sis in sua religio-  
 ne sortitus, cum eiusdem (quā  
 ipse reformauit) religionis tā  
 acerrimus sis euasurus defēsor.

Quamobrem Augustino, iam  
 in coelis beato, tibiq; adhuc in terris peregrinanti conca-  
 nonici tui maximè debere se sciāt. Illi, quòd institutum  
 ab Apostolis in primitiua ecclesia ordinem in suo sta-  
 tu restituit, tibi vero, quòd tua doctrina multipliciq;ue  
 argumentorum varietate validissimisq; rationib; cō-  
 tra impugnantium rabiē falsamq; doctrinam tutū red-  
 dis, & seruas intactum, quod nō parui laboris esse quis  
 nesciat? eo quòd tibi semper fuerit & est eritq;ue dum  
 viues cū illis negotium, apud quos omnia venalia sunt,  
 quique sua prostituta doctrina cuncta contaminant, &  
 nepharijs non verentur ipsam veritatem calumnijs op-  
 pugnare. Sed tua virtute (diuina fauente gratia) euen-  
 turum speramus, vt illos in perpetuum suā peruersita-  
 tis pœniteat, siquidem illorum ineptias & vana reprimis  
 deliramenta. Quid enim tuis scriptis luculentius?  
 quid

quid stabilius? quid sanctius atque diuinius esse potest?  
in quibus quidem quasi quinquepertito exercitu illo-  
rum contundis audaciam, quorum lingua veritate in-  
digens (vt persæpe inquis) ad iniurias vertitur atque  
confugit. Cæterum contra hæc veritatis iacula fucata,  
mendacia stare nequibunt, quoniã omnibus iam appa-  
rebit qui tua scripta legerint, Canonicos Regu & Cle-  
ricos esse & cunctis præstare religiosos, vt plurimis in  
locis canonum iura testantur, & innumera Pon-  
tificum decreta constituunt. Quapropter  
vt quamprimum in publicum ex-  
cant obsecramus, vt cunctis in

toto orbe terrarum iam

solida veritas

elucescat.

**Vale Augustine Reuerende æternumque felix viue.**



# INCIPIT OPVS CVLVM QVOD PROPVGNACVLVM

TITVLO. PRAENOTATVR

CONTRA IMPVGNANTES

CANONICVM ORDINEM.

PROLOGVS, IN QVO AVTHORIS  
intentio declaratur.



**F**ructum eorum de terra perdes, & semē eorum a filiis hominum; quoniam declinauerunt in te mala: cogitauerunt consilia quae non potuerunt stabilire. Quoniam pones eos dorsum. Psal. 20. Et si Deus cum sit omnipotens, per semetipsum gloriam suam hominumque salutem possit procurare: disposuit tamen (vt ordo seruetur in rebus) ad hoc eligere viros: quorū ministerio perficeretur utrumque. Tales enim Dei adiutores recte dicuntur. 1. Corinth. 3. Hi sunt ni

ri diuersorum ordinum spiritu sancto afflati insit utores: quorum varietate veluti Regina in vestitu deaurato depingitur sacrosancta mater ecclesiae circumamicta varietate. Verum humani generis antiquus hostis, nec non diuinae gloriae & humanae salutis inuidus, utrumque per suos perfidos ministros nititur impedire. Quales sunt qui in eorū venalibus consilijs rixaria & discordias inter huiusce viros religiosos disseminarunt: & quotidie fouent. De quibus Psalmista in verbis propositis tria facit. Primo eorum iustissimam penam. Secundo eorum grauissimam culpam. Tertio eorum notum auctupij genus, & peruersum dogma euidenter ostendit. Notatur eorum iustissima pena cum dicitur: fructum eorum & semen eorum de terra perdes. i. meritum operum suorum: quorum memoria a filiis hominum in oblivione erit. Et propter eorum mala opera, in eos refertur prophetica interminatio. Deleantur de libro viuentium: & cum iustis non scribantur: ideo recte subiungitur culpa: ad quam iuste ordinatur pena: cum dicit. Quoniam decli. in te mala, diuinae providentiae ordinem confundere

annitentes. Nam sicut in uniuerso ipsa rerum varietate pulchritudo con-  
surgit: sic in ipsa ecclesia pulcherrima religionum uarietate diuine sapien-  
tie ordo consurgit. Volentes proinde eorum peruerso proposito candidum  
ordinem Canonicum extinguere: eum inquam Clericalem ordinem; qui  
inter ceteros ecclesia ordines ab ipsius nascentis ecclesia primordiis efful-  
sit. Ipsi namque aduersarij Canonice rationibus dum confusos se esse  
deprehendunt; ad iniuriarum calumniis conuersi sunt: Temere asserentes  
eum ordinem canonicum, qui sub titulo præsertim congregationis. Late-  
ranen. in Italia sub Regulari obseruantia iam diu per tempora floret, nõ  
esse eum, quem magnus pater Augusti. instituit. His nimirum uti spem reli-  
gionis habentibus, uirtutem autem abnegantibus, merito per prophetam  
dicitur. *Va uobis qui dicitis bonum malum, & malum bonum, ponentes  
lucem. i. ueritatem tenebras; & tenebras lucem.* Quamobrem cogitau-  
erunt consilia, quæ non potuerunt stabilire, & hoc est eorum peruersum ge-  
nus aucupij, ideo pones eos dorsum; quoniam a ueritate succumbent, obte-  
nebratum habentes eorum intellectum, ignari; quia sicut in cæteris ordini-  
bus reformatis, ecclesia suo congruenti ornatu non frustratur, ita ex conse-  
quenti non est destituenda Clericali ordine; qui sicut primus in ecclesia  
fuit institutus, ita primus à magno patre Aug. fuit reformatus, ad no-  
stra usque tempora in Canonicis Reg. fulgens, atque in sancto proposito  
perseuerans. Huius autem erroris assertores priorum errantium semitas  
imitantur. Est enim errantium consuetudo (ut ait Chris.) quia in medio  
ueritatis consistere non possunt, unum declinantes errorem in contrarium  
dilabuntur. Quale est illud primum ab omni ratione absolum, quod Au-  
gust. tanti doctoris Regula post Benedictum fuerit approbata, ac sic per  
tot tempora inanis steterit, & prorsus inualida. Sed e contra dignis ratio-  
nibus conuicti in alterum errorem turpius dilapsi, negant eum ordinem ab  
ipso patre Aug. fuisse institutum. Nõ enim sat illis est se ipsos infamia pollue-  
re, sed etiam Deum grauiter offendentes, non ueretur eiusdem ordinis  
canonicos turpiter diffamare, ut clare patet in eorum uenali. consilijs. Ta-  
linum est enim peruersa consuetudo; ut cum se nudos à ueritate nouerint:  
mox ad iniurias se se conuertant. Sed sicut oblinati Iudæi finali impeniten-  
tia deficientes, in iudicio ex ipsa clara filij Dei maiestate conuicti tabescent,  
ita isti ex ipsa clara ueritate conuicti succumbent, vel in præsentem, vel in  
futuro Dei iudicio, ideo per prophetam recte sequitur. Quoniam pones eos  
dorsum, & in ipsa fraterne caritatis inuidencia, in reliquijs tuis & Deus  
preparabis multum eorum. Imitantur præterea quasi pro clypeo tenentes,

monstruosum illud nequandumque figmentum ex supplemento cronicarum.  
 14. lib. Nonissime tamē retractatum quasi ex eo figmēto nouus Ordo cō-  
 siterit. At si ueritas ipsa testis est nobis in terris, & testis in cælis, dimis-  
 tamus (ut ait Greg.) stultos foris loqui quod uolunt. Quid enim aliud de-  
 trahentes faciunt; nisi quodd in pulcrem sufflant, & in oculos suos terram  
 excitant? ut unde plus detrahentes persflant, inde magis nihil ueritatis  
 uideant. cap. Inter uerba. 11. quæstio. 3. Verum iuxta sapientis consilium,  
 rationi congruit respondere non nunquam stulto, ne sibi sapiens uideatur.  
 Veritas enim opprimitur cum minime defensatur. Prædictorum itaque  
 malignantium nequitiam comprimere volentes, tali ordine procedemus.

¶ Primo enim demonstrabimus Clericalis & Canonici ordinis originem eiusq;  
 dignitatē. ¶ Secundo Clericatum per se & ex sui primaria institutione ipsi  
 Canonico ordini cōpetere. ¶ Tertio quodd licet ex ipsius ordinis antiquita-  
 te multisarie nominentur Canonici Reg. non tamen aliter secundum ori-  
 ginariam significationem esse possunt, quā ueri illi Clerici quos beatis.  
 August. regulariter instituit. ¶ Quarto ostendemus ipsos Canoni-  
 cos Reg. Lateranen. in Italia sub Regulari eiusdem ordinis

obseruantia degentes, & Pontificum Romanorum

eminentissima auctoritate propagatos, sub eadem

Canonici ordinis ratione continuasse cum il-

lis, quos eiusdem habitus & profes-

sionis specifica ratione singula-

riter instituit sanctus

Ecclesia Doctor

Augustine.

¶ Quinto & ultimo prædictorum

frivola argumenta re-

fellemus.

Explicit Prologus.



K 2

PRIMA

# PRIMA PARS PRINCIPALIS TOTIVS OPERIS.

*De ortu Clericalis & Canonici Ordinis.*

*Caput primum.*



RDO Clericalis status inchoatiue à Leuitis in veteri testamēto: cōsummatiue vero in nouo testamento à Christo exhibitus, & ab apostolis institutus certissima veritate monstratur. Ipsōrum namque Leuitarū erat cum ephorlineo in tabernaculo, & in tēplo Domini iugiter assistere & ministrare. In nouo vero testamento auctore Christo per Apostolos consummatiue presatum ordinē institutum fuisse constat. Ait enim Anacle-

tus Papa. cap. In nouo testamento. 21. dist. post Christum Dominum à Petro sacerdotalis cōcepit ordo. Huius autem status ordinis post Apostolos per beatum Marcum in ecclesia Alexandrina, & per beatum Vrbānū martyrem in vrbe Roma, ac per beatum patrem Augu. Hyponensem episcopum diuinis regulis est decoratus. Hinc Dominus Io. de Deo Hispanus, Doct. eximius in libro de dispensatione. in q. quæ incipit. Cum totum regimē, dicit. ordo Canonicus, idest Clericalis & Reg. ordo cōcepit à Nazareis, seu à Leuitis: qui templo die, noctuque seruebant.

*De progressu Canonici ordinis. Cap. 2.*

**S**ed huius sacri ordinis progressum euidenter ostendit. d. Rosetus doct. Parisien. insignis in lib. de regione Ecclesiastica tit. 34. cap. 3. vbi ad litteram de Can. ordine disserens, sic dicit. De ipsius Can. ordinis antiquitate non ex incertis auctoribus, reperimus quòd ordo Canoniorum Regularium sub sanctis apostolis est institutus: à B. Marco apud Alexandriam est dilatatus: à B. Iacobo Hierosolymitano Patriarcha, & Clemente Pontifice  
Ro. &

Ro. & ceteris apostolicis viris obseruatus: ab Urbano Papa & insigni martyre generali Decreto decoratus: à B. denique & mag. P. Augu. instauratus: diuinis regulis illustratus: & ordinatus: ab eo postremo & sub eo ac post eum inuiolabiliter obseruatus. & mirum in modum propagatus. Demum Gregorij magni iussu in occidentis partibus ampliatus: per sanctos & apostolicos viros mirabiliter dilatatus, cōseruatus, collaudatus, reformatus est, & in præfens vsque sub eiusdem Ordinis disciplina (adiutore Deo) productus est. Huius Ordinis & habitus, non eremitici (vt non nulli falso asseuerant) fuit beatissimus & magnus pater Augustinus. Hęc ille.

*De dignitate Canonici Ordinis. Cap. 3.*

**A**D præmissorum euidentiam subnectimus probatum testimonium. d. Io. de Nigra vaille sedis apostolicę bibliothecarij: qui in ipsius Cronica quę dicitur Epilologus cronicarum. lib. 13 c. 18. Ex Can. (inquit) ordine omnium primario, ceterę omnes religiones veluti ex limpidissimo Fonte quasi riuli profluxere. Ex eo namque Monasticus ordo traxit originem. Quum enim in primitiua ecclesia ab eis, quibus erat cor vnum & anima vna in domino, multi ad perfectionem illam, qua quis se & sua pro Christo reliquit assidua prædicatione inter Clericos cōuerterentur è seculo: Hi qui apostolorum Decreto angelica vita ueluti Dei ministri in cōmuni uiuentes, atque in sortem Domini sunt per paupertatis, castitatis, ac obedientie professionē assumpti, Clerici siue Can. nūcupati fuerunt. Reliquos vero sicuti laicos simplices & idiotas, qui pecunias tantum Deo vouebāt, quique ex eo q̄ nec donum scientię, aut linguarū à Spiritu S. acceperant: nec ad prædicandum & in diuinis ministran. apti erāt atque idonei cum electis illis omnibus Clericis, nec ad regimen animarum & sacrorum administrationes fuerunt electi: iussit apostolica institutio in cēnobijs extra urbium frequentias solitarios degere, achumilitate & penitentię habitu sua & aliena peccata plorando frequenter pro ecclesię statu orare, operibus manuum & contemplationi insistere, ac denique operibus misericordię operam dare. Qui & ab eo rum vita Monaci appellati sunt. Hęc ille. Item ex eodem lib.

De



**H**I profecto in veteri teſtamento myſticam habuere praſi-  
gurationem à filiis prophetarum : qui iuxta fluenta londa-  
nis & in montibus ſolitariam vitam ducebant . Et quia prophe-  
tę nōnulli communiter ex genere ſacerdotali ſiue Leuitico erāt:  
ſicut Moyses, Aaron, Samuel, Hieremias, & alij multi, vel ex  
tribu Iuda : ſicut Dauid, Salomon, Iſaias, & alij plures : cuius re-  
gic tribus propriū erat praefſe filiis Iſrael per regimen: Et tales ex  
tribu Iuda figurabant praſatos ſanctę eccleſię: Sed per ambas. ſ.  
Leui & Iuda designātur ceteri, quorum eſt ſacrificare, & animas  
regere, & alios docere, ſicut reliqui inferiores Clerici & Sacer-  
dotes & Canonici, qui illis immediate ſuccedunt . Monaſci vero  
dicuntur figuratiue filij prophetarum. i. Clericorum, vel Cano.  
quia in nouo teſtamento (ceſſante figurā ueteris teſtamenti, &  
ſuccedente veritate) ex Regularibus Clericis ſiue Canoniciſ ab  
Apoſtoliſ inſtitutiſ, per praedicationem & informationem ori-  
ginem habuerunt. Hec ille. Ideo tanquam filij ſpirituales ab ip-  
ſiſ paſcebantur, conſiliorum directione: vt dicit Hieronymus  
ad Ruſticum monachum. Eccleſia habet ſenatum, coetum preſ-  
byterorum: ſine quorum conſilio nihil Monaciſ agere licet. 16.  
q. 1. Eccleſia Et ſacramentorum adminiſtratione. Idem Hiero-  
nymus refert Monachos Scythię conueniſſe in vnum vt ſacerdo-  
tem ſibi inuenirent. Et verbi Dei praedicatione: vt idem Hiero-  
nymus ad Heliodorum dicit, Alia cauſa eſt Monaciſ alia Clericiſ.  
Clerici oues paſcunt: ego Monachus paſcor. 16. q. 1. Alia. & ca.  
Hinc eſt. & ca. Monachus. Hieronymus ad Riparium. Monachus  
(inquit) non docentis, ſed plangentis habet officium. Vnde Mo-  
nachum per omnia ſingulariter agere oportet: vt diſſinitum fuit  
in Nicena Synodo. c. Placuit. 16. q. 1. Monachus enim gręcę, lati-  
nē ſingularis dicitur. Monachorum ergo conuerſatio ab omni-  
bus debet eſſe diſcreta. Quia vt dicit Gregorius, Nemo poteſt  
eccleſiaſticis officiis deſeruire: & in Monaſtica regula ordinate  
perſiſtere. ea. q. & cauſa. c. Nemo. & in cap. iuxta. ea. q. & cauſa. Di-  
cit Alexander. 2. iuxta Chalcedonē. tenorē optimi concilij: Mo-  
naciſ morari praecipimus: Vicos, Caſtella, Ciuitates per agrare  
prohibemus: & à populorum praedicatione omnino ceſſare cę-  
ſuimus.

fuimus, Vnde docendi & prædicandi officium & si Monacis inter dicitur: non tñ Canonicis Regularib. qui inter Clericos computantur: vt diffinit S. Tho. in lib. contra impugnantes religionem. Dicuntur ergo Monaci ad similitudinem filiorum prophetarum, sicut in veteri testamento, ita in nouo per quandam filialem subiectionem, originem habuisse ab apostolis inquam corum Decreto statutum est illos vacare contemplationi extra vrbes in solitudine ad differentiam clericorum: a quibus sacramentorum administrationem reciperent. Vt idem d. Io. in c. sequenti dicit.

*De Origine Monastici ordinis. Cap. 5.*

**C**onsequenter in veteri testamento Monaci mysticam habuerunt praefigurationem à filiis prophetarum: qui in montibus vitam solitariam ducebant: sic proculdubio in nouo testamento laicalem illam communitatem representant; eorum scilicet, qui pecunias Deo offerebant: & vitam solitariam in desertis locis ducebant: qui tamē adhuc tria vota religionis sicut Clerici primitiuae ecclesiae non vouebant. Confirmantur hæc probata fidei auctoritate Archiepiscopi Florentini in tertia parte Cronicae. c. de sacro ordine. Monaci (inquit) representabant vnitatem illam laicalem vel communitatem, quæ fuit in laicis primitiuae ecclesiae tempore Apostolorum, qui etiam ipsi emittebant votum maxime paupertatis, vt patet 17. q. 1. c. Ananias. Aduertendum tamen est qd tex. Ananias non dicit laicos illos emittebant vota sicut Monacos: sed dicit qd Ananias pecunias vouerat, sicut alij laici & solitariam vitam ducentes, sed beatus Gregorius in tex. illo arguit per locum à maiori, qd si ille laicus Ananias mortis periculo dignus fuit, multo magis Monachus ille, qui regulam Benedicti professus forte fuerat, diuino dignus erat iudicio, qui non numos, sed semetipsum Deo, cui se deuouerat, subtraxit. Concordat huic veritati tex. concilij Chalcedonenfis in c. Quidam. 18. q. 2. iuncta glos. Vbi dicitur: Eos vero qui ausi fuerint rescindere huiusmodi Constitutionem quocūq; modo: siquidem si clerici fuerint secundum personarum ordinationem subiaceant cōdemnationibus Canonum. Si vero Laici vel Monaci communionem priuentur. Et glo. in verbo Monaci dicit: Ibi loquitur secundum ea tempora: quando Monaci inter Laicos com-

computabantur, qui laicalē communitatem repræsentabant, & præfigurabantur per filios prophetarum, qui in montibus solitariam vitam ducebant.

*De distinctione Clericorum ab initio nascentis Ecclesiæ. Cap. 6.*

**S**Ciendum est autem iuxta sanctorum patrum certissima documenta, sicut a primitiua Ecclesia succedente tempore facta est diuisio inter Clericos nascentis Ecclesiæ Regulares, & inter seculares Clericos ab ea distinctione relaxatos; ita inter Laicos nascentis Ecclesiæ facta est diuisio inter eos qui contemplationi & poenitentiae dediti erant, & inter eos quibus concessum erat uxore ducere, & cetera secularia negocia exercere: Et sicut Clerici Sæculares coeperunt successiue quo ad aliqua cum Laicis secularibus communicare, videlicet habere propriū & testamentum condere, & huiusmodi, sic & laici Monaci cum Clericis regulariter viuentibus solitudinem quandam successiue contraxerunt, sicut cōtemplationi & orationi vacare, & ab omni strepitu temporalium cessare. Dicebantur etiam tales Monaci cum primis illis Clericis, sicut contemplationi dediti, ita & Deo deuoti. sed laici Monaci propriè dicebantur conuersi. Dicebatur tamen ecclesiasticæ personæ quo ad Forum clericale, postquam emanauit tex. Ioā. huius nominis Papæ octauī. 17. q. 4. quare verberans tales incidit in canonem. extra. de sent. exc. non dubium: & licet conuersi dicantur Deo deuoti. 12. q. 1. c. duo. non tamen tenentur continere: vt dicit gloss. ibidem in versic. conuersi. Nam quidam talium profitentur, quidam non: Sicut Acolyti dicuntur Ecclesiasticæ personæ, & tamen non tenentur continere: quare possunt contrahere matrimonium legitimum: vt colligitur ex tex. Innoc. 2. in c. vt lex continentiae. 27. q. 1. Vbi immediate Clericis omnibus subnectuntur Regu. Cano. deinde Monaci atque conuersi professi. Glo. in versic. Regulares. ad differentiam Sæcularium Clericorum: & in versic. conuersi. sumit argumentum, q̄ conuersi qui professi non fuerint: matrimoniū contrahere non vetantur. Ideo Monaci imitantes filios Prophetarum, & in solitudine manentes sicut Paulus primus Eremita: nō eo ipso quod erant conuersi intelligebantur tria vota vouisse: sicut modo faciunt, qui sub regula Basilij & Benedicti. Et hæc est opinio Bar. Brixien.

*Brixien. contra opinionem Ioannis Theutonicus, vt notat. 2. Glo. in versi. conuersi. d. cap. v. lex continentia.*

*In primitiua ecclesia Clerici omnes regulariter vivebant. Cap. 7.*

**C**onfirmantur prædicta ex autentico testimonio B. Hieronymi ad quandam Leuitam de duobus generibus Christianorum, vthabetur in d. cap. Duo. Est autem (inquit) vnum genus quod mancipatum diuino officio & deditum contemplationi, & orationi: cui ab omni strepitu temporalium cessare conuenit, vt sunt Clerici, & Deo deuoti videlicet cōuersi. Cleros enim græcè, latine fors, inde huiusmodi vocantur Clerici, idest sorte electi: omnes enim Deus in suos elegit. Hi nanque sunt reges idest sub regali & Leuitica tribu præfigurati (vt dictum est) se & alios in virtutibus regentes, & ita in Deum regnum habent ab institutione Romanæ ecclesiæ in signum regni quod in Christo expectatur, ratio vero à capite est temporalium omnium depositio. Capilli vero, vt dicit Glo. ibidem in ver. depositio, qui remanent, designant quòd aliqua debemus retinere ad sustentationem. Sequitur in tex. Illi enim victu & vestitu contenti, nullam inter se proprietatem habentes debent habere omnia communia. Aliud vero genus est Christianorum vt sunt laici, hæc ille. quòd vero Clerici primitiue Ecclesiæ essent regulariter vouentes, patet ex cap. Scimus, & cap. Quia tua fraternitas, & cap. Dilectissimis. 1. 2. quæst. 1. Et quòd B. & Magnus pater Augustin. hanc ipsam regulam in speciem & successiue tenuerit: patet ex sermionibus de communi vita Clericorum, quorū alter incipit Charitasti vestre, alter Propter quod, ex quibus decisas sententias Gratianus transumptiue posuit ea. causa & q. c. Nolo. c. Nō dicatis. c. Certe. Nota tamen quòd c. Non dicatis, colligitur ex text. regulæ ipsius patris Augustini. Cano. ergo regu. per institutionem B. August. à Leuitis in veteri testamento & à Clericis primitiuis in nouo testamento originem traxere.

*In quò differunt Canonici à Monachis. Cap. 8.*

**S**unt autem distincti ab inuicem Monaci, & Cano. Reg. sicut origine ita & officio, dicit enim Innoc. huius nominis pri-  
L mus

mus. 16. q. 1. c. De monacis. De monacis (inquit) qui diu in monasterijs morantes, si postea ad Clericatus ordines videlicet, dissep̃e sariue peruenierint, statuimus non debere eos à priori proposito discedere. Si ergo Monaco sicut Inno. diffinit à suo proposito discedere non licet, & sicut (Hiero. teste) Monachus non habet officium docentis, sed plangentis. Eriuxta B. Grego. sententiam, Nemo potest ecclesiasticis officijs deseruire, & in monastica Reg. ordinatè persistere: consequenter sicut officio ita & origine, distinguuntur ab inuicem Clerici Reg. & Monaci. Nam sicut Can. ordo ecclesiasticis officijs ritè deseruiens: & diuinis ministerijs dicatus, primus in ecclesia dicitur, qui continuatis successibus ab ipsis Leuitis, & ab ipsis apostolis eorumque successoribus apostolicis Clericis, & per Beat. Augusti. est propagatus: ita iuxta B. Ber. verbum in quadam apologia, Monasticus ordo primus esse videtur eo scilicet modo quo supra diximus, quantū ad monasticum propositum quod est plangentis officium, ab ipsis videlicet filiis prophetarū, & à primis figuratis Monacis propagatum. Alia est enim causa Monaci, & alia est causa Clerici, vt dicit Hiero. ad Heliodorum. Monaci pascuntur. Clerici pascunt.

*In primitiua ecclesia Canonici deinde Monaci ante omnes ordines primi.* Cap. 9.

**A**D prædictorum continuationem subnectimus verba magistri Io. de Nigra valle vbi supra. Quare (inquit) ordo monasticus primus est, qui in ecclesijs originem duxerit. Monaci enim à Clericis instituti in Aegypto ab Antonio: sed in Thebaidē ab Hilarione, mirū in modum in solitudine aucti sunt, deinde à B. Basilio Cesaree episcopo in Grecia, licet in paruo numero aliquantulum regulati. In occidente postmodum à B. Benedicto reformationem simul & viuendi regulam susceperunt. Et licet aliqui ex ipsis Monacis per Papalem postea dispensationem ad Clericalem Ordinem assumpti, ad sacerdotium & in pontifices electi fuerint, non docendi tamen, sicut Cano. sed plangendi habentes officium: à prædicatione, & sacrorum administratione, sicut oues sub Clericorum officio, & subditi sub Canonica prælatione, abstinere iubentur. Hec ille. Dicit enim Gratianus,

ut haberit 16. q. 1. Hinc est. §. penultimo. Monacos vsque ad tēpus Eusebij, Zozyimi, Cirici, Monacos simpliciter, & non Clericos fuisse Ecclesiastica testatur historia. Sed quid ait B. Greg. in c. ex auctoritate. 16. q. 1. Monacis sacerdotibus figuram Apostolorum tenentibus. Intelligendum est sanè: non ex eo quod Monaci sunt, sed ex eo quod eis accidit sacerdotium ex accidentali dispensatione. Aliud enim conuenit cuique ex eo quod Monachus est, aliud ex eo quod Clericus est. Ex eo autem quod Monachus est: sua & aliorum peccata desendi officium habet, ex eo vero quod Clericus est: docendi & pascendi populum. Voluit ergo B. Hiero. distinguere inter personam Monaci, & Clerici: ostendens quid cuique ex proprio officio conueniat.

*Quā utile sit cuique religiose sui ordinis auctores intendere. Cap. 10.*

**H**ic ergo secundum hanc considerationem (teste Roseto) ubi supra quisque religiosus in sue religionis auctorem primos sanctos Ordinis intendere debet. Hi enim magis loquuntur quid desit in proposito suscepto. Alioquin patres vane appellantur, si non attenduntur, si non imitantur. Sic ergo Benedictinenses in suum patrē Benedictum prospicere habent. Sic predicatorum in patrē Dominicum. Sic in patrem Franciscum Minores. Dicit enim B. Hierony. Habet vnumquodque propositum principes suos spectandos, scilicet & sectandos. Ro. duces imitatur Camillos, Fabricios, Regulos, Scipiones. Philosophi proponunt sibi Pythagoram, Socratem, Platonem, Aristotelem, Poetę imitantur Homerum, Vergilium, Terentium, Menādrum. Historici Salustium, L. Florum, Heraclium, T. Liuium. Oratores Lysiam, Gracchū, Demosthenem, Tullium. Et ut ad nostra tempora veniamus, episcopi, presbyteri, & Clerici, habeant ad exemplum apostolicos viros, quorum honorem possidentes, habere nitantur & eorum propositi Clericalis initium. Nos autē de Monacis loquentes habemus monastici propositi nostri principes Paulos, Antonios, Hilarios, Macharios. Vtique illud monens Hiero. & sciens quā singulariter efficiāt exempla congruentia vnicuique sancto proposito.



*Quam laudabile est primorum parentum memoriam in scriptis  
redigere.* Cap. 11.

**H**inc etiam ut ait magister Rose. ubi supra, considerandum est quod tantis studiis patres illi priores de ortu & origine ordinum fecerunt conscribi, deque illustribus ordinum viris libros, ut scilicet viua exempla ex proposito congrua haberent subsequentes. Ut si quando dilapsi in auctores intuentes, rursus conformarentur eis. Est liber de Cartusie ortu & progressu. Sunt de illustribus uiris ferè singulorum ordinum & initijs libri multi. Habent Prædicatores, Minores & Cannelite, de ortu & progressu suorum ordinum cronicas. Habent Eremitani triuium suum. Sed heus noster inter hæc ordo Cano. nunquid de origine & ortu eius lib. caret? Nusquam tamē certi quippiam de hoc inuenitur à nostris deductū, nisi forsan posterioribus hisce diebus; & quoniam aliud iam opus seorsum a nobis super his est elaboratum, nihil hic iam inde agē. nisi in genere hæc conclusio vnica est annotanda. scilicet quod Cano. professionis disciplina sicut ceteras Christiane religionis obseruantias antiquitate simul & dignitate antecellit, ita etiam fecunditate sanctorum & illustrium uirorum numero sa vbertate antecedit.

*Origo Cano. Ord. probatissimorum scriptorum auctoritate  
monstratur.* Cap. 12.

**D**E ortu tamen eiusdem Can. ordinis Sigibertus in cronica sua, & Vincentius historialis sub compendio pauca descripsit in speculo suo. lib. 26. c. 51. ubi sic ad litteram ait, Ordo Cano. qui primo ab Apostolis, postea ab Augu. regulariter fuit institutus, cepit florere in ecclesia S. Quintini Beluacē. sub venerabili & S. luone eiusdem ecclesie præposito, & postea Carnoten. episcopo. Et in lib. 19. c. 44. dicit quod Aug. scripsit regulam & institutionem pro Clericis Reg. qui etiam dicitur Can. Reg. Hæc in summa refert d. Archi. Floren. in cronica suis, & Auctor fasciculi temporum fol. 54. circa medium secundæ columnæ. Sed suprema Ro. Ponti. auctoritate hæc plenius habentur supra in elucidario præfatione 19. circa principium. Scripsit d. Ioa. de Nigra ualle. ut supra notauimus, & d. Roletus scripsit & venera.  
P.



P. Ioā. de Nig. val. vt supra in lib. prænotato. Scripsi denique ego inter Cano. minimus, vt posteris relinquamus in lucem quod prius latebat in occulto, propter quod multum debemus aduersarijs nostris, qui cuiusgilandi occasionem dedere.

*Clericalis status simpliciter dignior est monacali statu. Cap. 13.*

**H**Is itaque præmissis infertur veris. conclusio quæ pro maxima habetur in iure, videlicet. Clericalis ceteris est dignior omni cetero monacali. patet ex tex. B. Aug. & habetur 16. q. 1. c. legi, vbi dicit quod bonus monachus vix facit bonum Clericum, & vocat ibi se Clericum & in numero Clerico. vnde in sermone de communi vita clericor. dicit conellicos meos tales inueni quales optauit: indistinctè ergo loquitur Aug. in c. legi de omnibus. cleri. quando dicit de quorum numero nos sumus. Hinc etiam tex. ad hoc inducit glo. fi. in c. qualiter & quando. 2. extra. de accu. facit ad hoc glo. in cap. si se cuiquam. in vers. separetur. 28. dist. & ibi notatur quod ceteris cleri. præminet ceteri monachorum. Facit ad hoc tex. extra de conuer. coniu. cap. coniugatus: Idem dicit glo. fi. in cap. seriatim. 3. 2. dist. & extra de reg. cap. porrectum & ibi glo. fin. notat quod dignior est clericatus quàm monachus. Idem habetur extra de senten. excom. in 6. cap. religioso, & ibi glo. in vers. exhiberi. & Ioan. An. in regula delictu. lib. 6. in mercuri. in 3. colum. vbi decisuè notat quod clerici præferuntur monachis. Et cum dicitur Clerici, non excluditur Clerici Regu. quia secundum eum semper sunt Clerici, & qui propter Reg. eorum statum non debent esse deterioris conditionis præcipuè cum fuerint per B. Aug. reducti ad primum apostolorum statum, in quo tria vouentes essentialia religionis in communi viuébāt vt infra patebit, propterea etiam dicuntur Clerici Cano. cap. in omnibus de consec. dist. 5. ex concilio Aquen. & archi. in c. mandamus. 19. q. 3. refert verba. S. Tho. quod Can. Regu. per se & ex sui natura competit quod sint Clerici. Idem dicit in lib. contra impu. rel. & venerabilis doc. Parisien. Auctor Roseti vbi supra ex præmissis concludit, & ex constitutione concilij Aquen. de dignitate Can. Ord. expressè diffinit Canonicam institutionem, ceteris dignitate præstare institutionibus. Et antiqua regu. cleri. instituta habent, Sicut antiquitate ita & Clericatus dignitate Can.

- no. ordo ceteros antecedit. facit ad hoc cap. Monacus. 16. quæst. ubi Hiero. dicit, Monachus non docentis, sed plangentis habet officium, & cap. Alia causa. & in cap. iuxta ibi Alex. 2. prohibet Monacis Clericorum officia exercere, sicut prædicare & sacramenta populis ministrare, & in c. Quidam 18. q. 2. Si fuerint Clerici subiaceant condemnationibus canonum, si aut Monaci vel laici, a communione suspendantur: nec glo. fin. tenetur, quia loquitur de Clericis inferioribus, qui si suo episcopo subiici noluerint, cano. damnationi subiaceant, sed Monaci cum laicis computantur in pena excommunicationis, quia inferiores sunt Clericis: ergo & c.

Nam Monachorum vita, sicut dicit magister Rose. ubi supra, licet sit commendabilis & eius conuersatio sanctissima, non tamē Monachi ad æquandi sunt cano. vitę institutoribus & primis apostolicis clericis, & exinde per Aug. successiue instauratis Canonicis. Reg. rōne Clericatus & originis, q̃a videlicet Can. Clerici a Leuitis, & immediate ab apostolicis nascentis ecclesię Clericis, illi vero scilicet Monaci a filiis prophetarū, & successiue ab illis qui in desertis locis vitam ducebāt solitariam in fletu & planctu iuxta illud quod habetur. 16. q. 1. c. Placuit, Monachus sit claustro suo cōtētus, quia sicut piscis sine aqua caret uita, ita sine monasterio monachus. Sedeat itaque solitarius & taceat, quia mundo mortuus est, Agnoscat nomen suum, monos enim gręcē, latine est vnus, achos gręcē, latine est tristis. Vnde dicitur monachus id est vnus tristis. Sedeat ergo tristis & officio suo vacet, hæc Eugē. Papa huius nominis primus. Ad hoc etiam facit auctoritas loā. de Nigra ualle ubi supra continuando ad præmissa de ipso ordine Cano. sic ad litteram prosequendo in hæc verba, dicens.

*Canonicus ordo & regimine & Clericali statu præcipuus est. Cap. 14.*

**R**egimine insuper præcipuus in sancta ecclesia fuit ordo cano. Quippe q̃ Ro. sedem per annos. 500. & 6. optimo iure obtinuerit, quinquaginta & quatuor summos Pontifices produxit: quos ego Io. cum Roma. ecclesię bibliothecarius existerem, & magna ex parte ab Anastasio Cardinali, cum & ipse eodē fungeretur officio, ex archiuiis vsque ad sua tempora exactos reperiens eos, qui post ipsum fuere, ex eisdem archiuiis a Papa Formoso

moso & infra, una cū Cardinalibus, Archiepiscopis, Episcopis, Abbatibus, & alijs, scilicet praelatis ex eodem ordine, multis perlustratis cronicis laboriosis, collegi. Neque prætermittendum est, quod omnes ferè totius orbis Cathedrales Ecclesie, tam cum Archiepiscopatibus & episcopatibus, quam cum Can. & Clericis Reg. antiquitus can. erant, ut infra suo loco patebit, & supra in elucidario. Ex quibus nūc plurimè extant in Hispania, in Germania, in Anglia, atque aliquè in Italia, præter alia Can. Cænobia, & Abbatias, præposituras, & prioratus, quæ penè sunt innumerabilia. Hec ille.

*Canonici per solennem professionem efficiuntur  
essentialiter Clerici. Cap. 15.*

**S**equitur idem Io. ubi supra in hæc ver. Et propterea (inquit) Rhodie pont. omnes ut archiepiscopi & episcopi quando consecrantur, efficiuntur Clerici Regular. per solennem professionem, & accipiunt habitum, scilicet camisia apostolicam in signum professionis, & in memoriam quod olim tota ecclesia catholica, tam in patriarchalibus, quam archiepiscopalibus & episcopalibus: per ipsos Regu. Can. regebatur. Sequitur ibidem ex eodem auctore de habitu Clericali candido qui proprius est habitus Can. Regu. iuxta etiam notata per Io. Andr. in Clemen. 1. de elect. in ver. habitus.

*Canonici Reg. proprius habitus est linea tunica qua principaliter profitentur. Cap. 16.*

**I**sta (inquit) camisia siue collobiū nigrū & albū, quod propriè & essentialiter cōpetit Can. & Clericali statui, & habuit originē in veteri testamēto a Leuitis & sacerdotib. qui utebantur Ephod linco. Sed in nouo postmodum testamento a Christo domino & Sacerdote maximo, indeque ab apostolis talis habitus albus & lineus institutus & delatus fuit, sicut patet de ipsius Christi veste inconsutili, & desuper contexta per totum. Sicut etiam de vestimentis apostolorum Petri, & Pauli, Iacobi, Bartholomæi &c. patet & legitur: Qua ex re apostoli appellabantur a gentilibus viri dealbati. Vnde iuxta eorum institutiones, omnes Clerici Regu. qui apostolorum morē se & sua relinquentes, ut crucifixi mun-

mundo & Christi Crucem baiulantes discipuli censeantur, talem induere habitum iussi sunt. Nec mirum, quia quum Delinistissemper candidus, & purus, atque mundus in conscientia esse debet, & simplex vt columba in moribus, & vestimenta alba & candida ei iubentur deferri, iuxta illud quod scribitur, omni tempore vestimenta tua sint candida. Eccle. 9. & vt legitur in scripturis. Angeli semper quasi in candidis vestimentis visi sunt ad designandum eos, qui ex clericali professione albo induuntur amictum, ex sancta conuersatione angelos potius quam homines esse debere. Sicut Ezechielis. 9. cap. dicitur de eo, qui in medio sex virorum atramentarium scriptoris habens ad renes, apparuit ei, quod erat vir indutus lineis. Et Danielis. 10. apparuit vir vestitus lineis &c. Et eiusdem. 7. Vestimentum eius candidum sicut nix. Idem Ioan. de Nigra valle vbi supra.

*Habitus lineus clericalis in veteri & nouo testamento est  
solemnizatus. Cap. 17.*

**E**X eodem cronicarum epilogo idem Io. hoc ipsum ex noui testamenti auctoritatibus probat dicens, quia angelo qui apparuit Marię Magdalene ad Monumentum Domini. Matthei vlt. dicitur, quod vestimentum erat album sicut nix. Et Marci vlt. dicitur, quod ibi erat iuuenis sedens indutus stola candida. Et Io. 20. dicitur, quod Maria Magdalena vidit duos Angelos in albis sedentes. Et actuum. 1. Ecce duo viri astiterunt iuxta illos in vestibus albis: & act. 10. Ecce vir stetit coram me in veste candida. Habitus quidem albus pertinet ad perfectos: & ad illos qui ita per terrenorum contemptum ad ea que sursum sunt, eleuati sunt, vt sint quasi in celis per beatitudinem glorificati. Quare Dominus noster Iesus Christus glorificatus in monte, vestimenta candida legitur habuisse sicut niuem. Marci. 9. & Apoc. 3. ambulabunt mecum in albis, &c. 4. & 7. amicti stolis albis. & treñ. 4. c. Candidiores nunc, nitidiores lacte facti sunt nazarei eius &c. Iste est habitus conuenientior his, qui in sortem ac seruitium domini assumuntur. Habitus inquam a Deo ex ipsius ore sanctissimo suis ministris adinuentus & ordinatus perhibetur. Exo. 29. ait Dominus ad Moysen, indues tunicis lineis Aaron & liberos eius.

Explicit prima pars principalis.

SECVN-

# SECUNDA PARS PRINCIPALIS<sup>2</sup>

## QVOD CANONICI REGV.

### PRIMARIA EORVM INSTITVTIONE

### SVNT ESSENTIALITER CLERICI.

#### CAPVT I.



**CANONICI** Regulares propriè & primaria eorum institutione Clerici sunt: nec aliter esse possunt, nisi essentialiter Clerici. Hæc conclusio multiplici auctoritate probatur.

**PRIMO** auctoritate Gratiani, q. auctor & compiler Decretorū, quique & Monachus fuit. Nam in causa 11. proponit quæstionem sic dicens. Duo Clerici ad monasterium transire volunt, vterque ab episcopo suo li-

centiam petiit. Vnus relicta ecclesia propria eo inuito, alter dimissa Reg. Canonica cenobio se contulit, inde subnectit in 3. q. Quid si illi duo Clerici fuissent Clerici. i. Regulares Canon. q. d. etiam per Clericos generaliter dictos includuntur regulares, q. & ipsi sunt Clerici, nec aliter possunt esse nisi Clerici: sed non sic de Monachis, qui ex primaria eorū institutione vt Monaci sunt: olim erant absque Clericatu, vt dicit Abbas. & habetur dist. 93. à subdiacono. glo. in ver. Abbas, loquitur secundum ea tempora quando Monaci non erant Clerici. Canonici autem Regulares a primæua eorum fundatione, & continuatis successibus ab apostolis & per Aug. instituti, semper Clerici fuerunt. Vnde concludit Gratianus in 3. q. vbi quæsierat, quid si duo Clerici qui ad monasterium transire, voluerint, contigerit ipsos Regul. Can. fuisse, & tandem cōcludit idem Gratianus, ex rex. conc. Eduen. & Urbani. 2. simpliciter & absolute, quòd Reg. Can. fieri Monaci non debeant. Et hoc secundum Doct. factum fuit in fauorem Can. ordinis, cui per se. i. ex primaria sui institutione competit Clericatus. De hac materia tractans S. Thom. secunda secunde. quæst. vlt. hoc idem dicit.

**SECVNDO** idem patet ex tex. Tarraconen. Concilij in causa. 15. q. 2. Obseruan. Ibi enim dicitur, ne quis sacerdotum, vel Clericorum more Sæcularium iudicium pro impensis patrocinijs munera audeat accipere, vel debeat aduocare, vbi Gratianus exponit. Hoc autem (inquit) intelligitur de Clericis, qui in uita Canonica professi, Regulariter se victuros proposuerunt, nec aliter intelligendum est, quã de Clericis regulariter professi, quia de sæcularibus Clericis hoc non prohibetur in iure. Et addit idẽ Gratianus. Generali nanque ecclesia consuetudine receptum est & moribus approbatum, vt Clerici more aduocatorum pro impensis patrocinijs munera accipiant, & Tarraconen. ecclesia illa in qua fuit celebratum Concilium illud: erat sicut nunc Can. Reg. & tamen tex. ille eos duntaxat sacerdotes, vel Clericos nominat: qui ob regularem professionem, cum sint stricte religiosi, propriè tamen, & omnino sunt Clerici.

**TERCIO** ex cap. decimas. 16. q. 1. in tex. prohibetur decimas à Clericis communiter viuentibus exigi. Sed in Rubrica simpliciter dicitur, quod de proprijs laboribus Monaci, & Canonici decimas minimè soluere cogantur. Et in tex. dicitur, Cæterum à Monacis, siue Clericis communiter viuentibus. Ecce, quia tex. nominat Clericos communiter viuentes: quos in Rubrica per terminos contrahentes Canonicos specificat. Ergo Clerici communiter viuentes simpliciter intelliguntur Cano. Reg. & glos. dicit, Ecce, quia aliud est priuilegium quod habent Clerici communiter viuentes, quàm habent Clerici separatim viuentes: nec aliter intelligi potest quàm de Cano. Reg. qui & Clerici sunt. Et est tex. Paschalis 2. qui sub nomine Clericorum approbauit constitutiones, quas edidit Petrus Damiani pro Can. Reg. in canonica Portuen. apud Rauennam existentibus, & usq; in præsentiarũ continuatis successibus sub regulari eiusdem ordinis obseruantia vigent & diutissimè viguerunt. Fuit autem Venerabilis vir ille eiusdem Canonice fundator & primus Prior. Et ibi antiquissima sunt priuilegia tam Imperatorum quàm Ro. Pont. eidem Can. Reg. concessa. Et not. quod in superscriptione d. cap. Decimas, quidam codices habent Paschalem 4. quod est falsum, quia non fuerunt nisi duo Pont. huius nois Paschalis, qui paulo ante Eug. I. fuit, ipse vero Eug. approbauit li. Decretorum.

**QUARTO** per illud quod habetur ex Concilio Maguntino, & ex Conci-



Concilio Ro. celebrato sub Leone 4. tempore Ludouici Carli Magni filij, vt habetur. cap. In omnibus, de conse. distinct. 5. vbi dicitur. Igitur quantum humana fragilitas patitur, decernimus vt Canonici Clerici Canonice viuant, obseruantes diuine scripture doctrinam. Et glo. ibi dicit in versu. clerici. Can. i. Canonici Reg. Tale autem Concilium tēpore Caroli magni apud Aquas Grani celebratum, ipsa eadem disposuit circa reformationem ecclesie, anno Domini Octogentesimo Sextodecimo, & ibidē editus est liber, qui dicitur Canonicus quinque capitulorum, & ibi plurima condita fuerūt ad reformationem clericorum vt viuerent in communi secundum Canones apostolorum, & secundum normam Augustini cū suis Clericis. Cui libro inserti sunt sermones B. Aug. de communi vita clericorum, & sunt sermones tres, primus incipit Charitati vestre, secundus, Propter quod, tertius est ipsa regula, quę incipit, Ante omnia fratres. Et liber ille in eo Concilio approbatus, ideo dicitur Canonicus liber, qui propriē continet clericorum vitam Canonicam, ex quo decisē Gratianus transtulit tex. d. cap. in omnibus.

**QVINTO** idem pater ex cap. præter. 22. dist. ibi dicitur, Præcipientes statuimus vt hi prædictorum ordinum, qui eisdem prædecessoribus nostris obediētes castitatē seruauerint, iuxta ecclesiam sicut oportet religiosos clericos simul manducent, & dormiant. Et quicquid ab ecclesijs eis competit hoc communiter habeant. Nota in ver. religiosos clericos, ad differentiam Sæcularium Clericorum qui hoc non seruant. Nam secundum docto. Canonica est ius spirituale, qd nō cadit nisi in Can. clericos, vt habetur in c. 2. de instit. sed magis propriē in Clericis communiter viuētib. Canonica enim secundum Io. An. c. 2. de renun. est spiritualis fraternitas in choro in stallo &c. Et de hoc plenē per Doct. in cap. relatum. de præben. Sed Canonica primaria sui institutione fuit in Can. Reg. Vide tex. in c. sicut nobis. extra de regul. Vbi ē eorum locum vocat Canonicam.

**SEXTO** idem probatur ex cap. Præsens clericus. 20. q. 3. Vbi Nicolaus Papa huius nominis primus in fine cap. dicit. Can. Religiosos non putamus a consortio Monachorum seiunctos. Glof. ibidem, quod per Can. religiosos Can. Reg. intelligūt. Sed quod dignius Epitheton dari potest, quam dicere Can. religiosos? Sicut in Concilio Tiburien si dicitur in loco religionum Can.

nonicorum, & habetur 13. quæst. 2. vbi cunque. Sic etiam simpliciter Canonici nominantur in iure, vt habetur in cap. sunt nonnulli. 16. q. 1. Vbi Bonifacius Papa prohibet Monachis ne se immisceant negotijs secularibus. Et subdit in tex. non solum Monachis, sed etiam Canonicis magnopere iniperatur. glo. de Can. Regu. exponit. Canonici ergo Reg. & Canonici simpliciter, & quâdoque Clerici simpliciter nominantur, quia semper & non aliter esse possunt nisi Clerici, quibus propter regularem professionem additur regulares, quia regularis esse non potest nisi tria substantialia religionis profiteatur, secundum Doctorem. in Rubr. de reg.

**S E P T I M O** ex cap. quando necessitas discipline. 86. distinct. Ibi in superscriptione. cap. allegatur August. de vita cler. & est text. regule videlicet ad Regu. Cano. quorum erat episcopus. Cano. ergo sunt Clerici, quibus regula ex primæua eorum institutione competit, cum ibi dicatur ex subiecto regulæ, de communi vit. cleri. & non possunt esse nisi Clerici, & eorum loca per antiqua iura dicuntur Canonice seu Canonice. Vnde Urbanus Papa in c. eos qui. 1. qu. 5. dicit in Canonijs, vel monasterijs regulariter viuat. Licet enim Monasterium largè sumatur tam pro Cano. quam pro Monachis: strictè tamen monasterium competit Monachis, & Canonica seu Canonica Regularibus Cano.

**O C T A V O** per illud quod pulchrè notat Abbas in c. bone. de postu. præla. quod Canonicus nihil aliud est quam fraternus Clericus, vel Clericus in fraternitate Can. constitutus. Hæc aut nomina sunt cõsequencia rerum, quando omnes ferè Clerici in cõmuni regulariter viuebant. Sic ergo Cano. regulares sunt Clerici, quia si Canonicus non est nisi vbi sit Canonica fraternitas Clericalis, & Monachus non est, nisi vbi est fraternitas Monachalis: ita ex quo quis est canonicus, necessàrio est clericus, in clericali fraternitate constitutus, & Monachus est necessàrio Monachus, ex quo in Monicali fraternitate constitutus, & Frater Minor, ex quo est in fraternitate minorum cõstitutus, & sic de singulis, iuxta cuiuscũque propriam ordinis rationem, & hoc est propriè dicere, quod Canonicis per se competit vt sint Clerici, sicut Monachis per se, & primaria eorum institutione competit, vt sint Monachi in solitudine constituti.

**N O N O** per illud quod habetur in c. non dicatis. 12. q. 1. Ibi text. est regulæ Aug. cum. c. nolo. & in superscriptione Capitulorum allega-

legatur Aug. de comuniuita clericorū, quod nihil aliud est dicere, quā de communi, & Canonica fraternitate Clericali. Quia regula Aug. in primaria sui institutione fuit, & est pro Clericis regulariter uiuentibus inscripta. Idem notatur in c. Si quis irascitur. 13. q. 2. & 17. q. vlt. c. Quicumque uult. & ibi allegatur Augusti. de communi uita clericorum. Canonicis ergo Regu. sicut per se competit Regula de communi uita clericorum, ita ex primēua eorum institutione per se competit ut sint Clerici.

**D**ECIMO per illud item notat Abb. in c. licet. de off. ord. quod Clerici inquantum communes sunt, propriē Clerici sunt, inquantum uero proprium habent, sunt Sēculares, quia ratione proprii non dicuntur portio Dei, nec imitantur Apostolos, quibus erāt omnia communia, ut habetur in cap. Cui portio. 1. 2. q. 1. & cap. Clericus. & c. vlti. Vbi aduertendum est etiam secundum Doct. quod ius Canonie consistit in quadam spiritualitate, qua non cadit in laicum, ut in c. causam. de præscrip. & cap. Monaci. extra de elect. Et hac ratio est secundum Panor. & Doct. quod nullus laicus potest Canonicari, licet bene possit prębendari, quia prębenda consistit in quadam temporalitate, ut in cap. cum M. de const. & idem Abbas in cap. statuimus. de maio. & obed. notat, quod sicut qui est homo, est necessariō animal, ita ex quo quis est Canonicus, est necessariō Clericus, sed Monachus esse potest licet non sit Clericus, quia ius Monaci cadit in laicū, sed non ius Canonici. Et idem Abb. hoc ipsum notat in c. 2. de inst. & per Glo. ibidem. quinimo idem Abbas in c. nullus. de foro compe. dicit, quod Monaci erant primo eremite, & erant sub foro Sæculari, quando nec professionem emittebant, nec Clerici erant, quia ut idem notat, & supra ostensum est, quod Monaci ut monaci non sunt Clerici. Sed Cano. Reg. ut Canonici sunt Clerici, & non possunt esse nisi clerici. Ideo Can. Regu. Lateranen. eorum constitutionibus habēt, quod nullus eorum sit capax legitimi actus, ut mitti possit ad Capitulum generale, nisi in sacris sit constitutus, ut uidelicet quod steterit saltem per quinque annos Canonicus in congregatione.

**V**NDECIMO per illud quod notat glos. in c. nolo. & c. certe. quia Aug. fecerat tres Cōstitutiones pro Clericis. prima quod Clerici non possent habere proprium, sed illa male seruabatur, ideo secundam reuocauit, ut patet in dict. c. Cerrē. & est text. sermonis  
de

de communi vita clericorum, sed tertio de communi consensu suorum Clericorum confirmauit primam, vt colligitur ex tex. c. nolo. Et semper Aug. in dictis sermonibus se, & suos Canonicos simpliciter Clericos, vel conclericos appellat. Cum vero tales Clerici sic viuentes, & Apostolicis regulis obsequentes sint, consequenter sunt omnino clerici, quia eorum religio non adimit eis Clericatus dignitatem. Dicit enim Clemens Papa scribens Clericis Hierosolymitanis in communi uiuentibus vt habetur in ea dilectissimis. 12. q. 1. in fin. præcipimus ne ab apostolicis regulis nullatenus discedatis, Et ibi Glo. fin. & dominus Io. de Belet, de clericis inquit, qui proprijs renuntiarunt, singulariter exponit.

**D**VODECIMO patet ex doctrina S. Tho. in lib. contra impugn. relig. vbi ad litteram dicit. Voluit Hiero. in cap. Monachus. & cap. alia causa. 16. q. 1. distinguere inter personam Monaci, & personam Clerici, ostendens quid cuique ex proprio officio competat. Aliud enim conuenit cuique ex eo quod Monachus est, aliud ex eo quod Clericus est. Et dato quod Monacho docere non liceat, non tamen sequitur quod Canonici Reg. non liceat docere, cum Canonici Reg. inter Clericos computentur. Et statim infert idem Doc. probationem eius quod dicit ibidem, de quibus scilicet Canonici Aug. in sermone de communi vita clericorum, & habetur. 12. q. 1. c. nemo. qui habuerit proprium, vel habere voluerit, & de proprio viuere, parum est vt dicam nō mecum manebit, sed nec Clericus erit. Ex quo patet, vt dicit Thom. ibidē, quod illi q. sub B. Aug. sine proprio viuebant inter Clericos computabātur. Et statim subneſcit Tho. quamuis autē Aug. reuocauerit hoc generale interdictum quod fecerat, vt nullus Clericus esset nisi sine proprio uiueret, non tamen reuocauit qn illi qui sine proprio sub eo viuebant Clerici essent. vt patet per d. cap. centē. Ex quibus idem Thom. infert, quod Canonici Reg. ipsi idem Clerici Regulares sunt quos instituit Aug. Et sequitur idem Doc. vbi supra. quod autem obiicitur quod Can. Reg. & Monaci ad paria censeantur vt dicit tex. c. ex parte. extra de postu. Intelligendum est inquit in illis quæ sunt communia omni religioni, sicut viuere sine proprio, abstinere à negotijs Sæcularibus, & ab officio aduocandi in causis & huiusmodi. Et aduertendum, q. S. Tho. cum hoc idem diffiniat, secunda secunde. q. vlt. q. Canonici

nonicis Regu. per se competit vt sint clerici: indistincte loquitur de quibuscunque Canonicis Regu. Non autem de Canoni. collegiatis non professis: vt quidam non minus imperitè q̃ iniquè loquuntur. Certum est enim q̃ Canonicis non professis libere & simpliciter ipso iure conceditur transitus ad Monacos. 19. q. 2. c. duæ sunt leges. Non autem Canonicis Regal. hoc absolute cōceditur vt in c. nullus. & c. mandamus. & c. statumus. 19. q. 3. & c. sanè. & c. licet. extra. de reg.

**TERTIO DECIMO** per illud quod dicit Gratianus. ca. hinc est. 16. q. 1. Licet alicui Monacorum ex priuilegio hoc concessum sit vt possit esse Clericus: non tamen quod vni singulari cōceditur statim omnibus conuenit: cum ergo Canonici sint propriè ex natura sui ordinis Clerici: Monaci autem clerici non sint nisi ex accidenti: consequenter cōcluditur q̃ non à priori institutione Clerici sint: nec Canonicis sint præferendi, licet nunc habeant Monaci per accidens, quod prius per se & ex sui natura habent Canonici Regularis.

**QUARTO DECIMO** per illud quod dicit idem Gratianus in d. cap. hinc est. Voluit ergo Hierony. distinguere inter personam Monaci & Clerici, ostendens quid cuique ex proprio officio conueniat. Aliud enim conuenit cuique ex eo quod Monachus est, & aliud ex eo quod Clericus est. Ex eo q̃ Monachus est, sua & aliorum peccata deslendi officium habet, ex eo quod Clericus est docendi, & pascendi populum. Sicut enim beatus Benedictus nō fuit sacerdos, nec Equitius, nec Macharius, nec B. Antonius, nec Hilarion, & alij huiusmodi, nec Clerici, & ita per longissima tempora perseuerarunt, vt Ecclesiastica testatur historia. Idem etiam Hiero. refert Monacos Scythie conuenisse in vnum vt sacerdotem sibi inuenirent, qui eis missarum solennia celebraret, colligitur ex his, quod **Canonicus ordo** de natura sui duo complectitur, clericatum videlicet, & regularem statum, quæ duo à primordijs nascentis Ecclesiæ essentialiter competunt ipsi Can. ordini, ita vt vno eorum deficiente nō erit amplius Ordo Can. Sicut exempli gratia, subtracta homini altera istarum differentiarum Rationale, vel Mortale, non erit amplius homo. naturaliter loquendo, & sicut duo ista per se, & essentialiter competunt homini, ita & duo illa per se, & essentialiter Cano. ordini competunt, non autem Monastico ordini nisi per accidens ista duo

con-

conueniunt, quia ex priori eorum institutione nec tria vota pro-  
fitebantur, nec Clerici erant nisi per accidens. Monasticus ordo  
de natura sui hoc ipsum duntaxat complectitur, quod Eugc. Pa-  
pa huius nominis primus dicit in cap. placuit. 16. q. 1. vt clauſtro  
ſuo contentus ſit, quia ſicut piſcis ſine aqua caret vita, ita ſine mo-  
naſterio Monachus. Sedeat itaque ſolitarius & taceat, quia mun-  
do mortuus eſt. Agnoſcat nomen ſuum, Monos enim græcè la-  
tinè eſt vnus achos græcè latinè eſt triſtis. vnde dicitur Mona-  
cus, id eſt vnus triſtis. Sedeat ergo triſtis, & officio ſuo vacet,

hæc ille. Tenet autem omnis ſchola tam Platoniconum-

quam Peripateticorum, & Theologorum om-

nium, Quod eſt per ſe, vel per eſſentiam ta-

le, ſemper eſt prius & dignius eo quod

eſt per accidens, & per quandam par-

ticipationem tale. Monaci er-

go licet nunc habeant

quod habent Cano.

non tamen ſunt

Canonicis

Regu-

laribus præferendi, patet

ex præmiſſis.

Explicit ſecunda pars principalis.



TER-



49

# TERTIA PARS PRINCIPALIS

## DE CONTINVATO ET SPECIFICO

### NOMINE CANON. REGVLAR.



*Canonici Regulares in iure Clerici propriè nominantur.*  
*Caput primum.*



VM Itaque Canonici Regul. primi inter Ecclesiasticas personas fuerint semper & sint, nō immerito Clericorum nomine in scripturis antiquis etiam in toto corpore iuris multis locis designantur. Verum vt colligitur ex Cronica Io. de Nigra valle qui olim fuit Bibliothecarius Apostolicus lib. 13. cap. 18. Canonici inquit regul. in primitiua ecclesia Clericorum nomen ab Apostolis inditum fuit. Primo eo quod per terrenorū

rehuntiationem, & Ecclesiasticorum officiorum assumptionē, in sortem Domini fuerant assumpti. Quod etiam patet 12. q. 1. in multis locis & capitulis & c. clericos. 21. dist. & supra plenè ostensum est in Elucidario in tractatu præfationum. Et sequitur in d. cronica. Ideo ipsi Regulares Canonici dicuntur clerici primitiue ecclesiæ. Clerici verò, vel Canonici Sæculares dicuntur quidem clerici, sed deriuatiue, quia ab ipsis primis Clericis regulariter viuentibus originem traxerunt. Regulares vero cano. primitiuam illam & clericalem communitatem retinent. Monachi autem & alij religiosi qui post Concilium generale fuerunt instituti & approbati, facti sunt clerici dispensatiue. Quia presbyteri nominantur aliquando.

*Canon. Regular. in sermonibus patris Augustini  
 appellantur Clerici. Cap. 2.*

**B**eatissimus magnus pater Augu. in sermonibus de communi vita clericorum quosdam suos conclericos presbyteros nominat.

minat. Et Inno. III. in cap. significasti. cl. 2. extra de homi. & alibi multis in locis. Iura quandoque ipsos Regulares cano. presbyteros nominat: & à vulgo sepius, & in cronicis presbyteri vocari consueuerunt. Et hoc triplici ratione, vt probat idem Ioan. de Nigra valle. Primo quidem, quia originaliter in eis & principaliter viguit presbyteralis à Christo & ab Apostolis institutus ordo. Sicut etiam Roma propriè & principaliter dicitur vrbs, licet alię ciuitates, improprie tamen, vrbes appellentur. Secundo à digniori vocabulo, cum vniuersaliter Regulares Cano. ad presbyterium destinentur, cum cõmuniter ipsi sint presbyteri & sacerdotes. Tercio dicuntur presbyteri ab officio prædicationis, quod communissimè faciunt ad differentiam Monachorum, quia & prædicatione propriè post episcopos pertinet ad presbyteros & sacerdotes, & frequentius fuit hoc obseruatum in ecclesiâ præsertim antequam pullularent quattuor mendicantium ordines, qui approbationis suę initium meruerunt ab Honorio. 3. circa annos Domini Mccxxj.

*Canon. Regu'. licet appellatione Monachorum aliquando veniant, non tamen propriè & strictè, sed largè. Cap. 3.*

**C**Anonici Regula. licet improprie, quandoque tamen Monaci largè appellantur, vt in cap. post translationem. extra de renun. vbi text. Canonicos S. Fidriani monacos nuncupat, cum hoc etiam termino monacali, & monastica vita, & ocium monacale. Et tamen constat ex antiquissimis illius ecclesię analibus sine interpollatione ibidem semper continuasse Regulares canonicos. Hinc est quod equiuocè scriptores quandoque posuerunt pontifices fuisse Monachos, qui certissima tamen veritate Canonici fuerunt. Ratio autem huiusmodi Monacalis nominationis in canonicis fuit primo secundum eundem Io. de Nigra ual. propter hoc quod Monasteria inhabitant in comuni. Primitus enim Monaci solitarij, & separatim habitabant. At ubi in unitate uiuere ceperunt, cœnobitè appellati sunt. Vnde sicut Monasterium ab unitate dicitur, sic & canonici monaci appellantur, improprie tamen, quali per communem uitam simul uniti. Et propterea quandoque etiam alij religiosi monasteria inhabitantes Monaci uulgo appellantur, licet propriè non sint Mo-

Monaci. Didici sunt etiam quandoque Monaci à uita solitaria quam ipsi canonici extra vrbes multotiens eligunt. Et multis ppter ea in locis ipsi Regulares Can. quandoque canonici simpliciter, quandoque canonici religiosi, quandoque clerici, quandoque presbyteri, quandoque uero Monaci uulgo appellantur. Sicut etiam uulgo de cunctis religiosis dici solet in Apulia.

*Quare Cano. etiam Regu. dicuntur cum sit idem  
in re. Cap. 4.*

**C**Um autem quæritur quare Canonici appellentur etiam Regulares, cum solum Canonici hoc idem sonet? Ad hoc dicendum secundum præfatum Io. de Nigra ualle ubi supra, q̄ deficiente feruore caritatis inter Christi ministros, quidam clerici siue canonici defecerunt in primis in uite perfectione, & relicta professione solenni, ceperunt cum dispensatione priuatim uiuere & proprium habere, quorum postmodum numerus per incrementa temporum fuit amplissimus, præsertim in ecclesiis Cathedralibus quæ à regulari obseruantia deuiarunt. Vnde summi Pont. in sacris Concilijs ordinarunt, ut ad differentiam istorum, Clerici illi qui sub Apostolica professione regularem uitam seruarent, non Canonici simpliciter siue Clerici, sed Clerici Canonici uel Regulares Canonici dicerentur. Et ita in factis Canonibus Is nominandi modus paulatim inoleuit ab ipsa regulari Apostolicæ regulæ professione, & obseruatia tractus. Hinc Reuerendus D. Præpositus postea Cardinalis Alexandrinus in suo Decretorum apparatu in cap. 1. dist. 43. notat distinctionem ab ipsa primitiua ecclesia deriuasæ, secundum triplex Clericorum genus, quod paulatim, & successiue excreuit in Ecclesia. Primum uidelicet genus eorum, qui Clerici Sæculares dicuntur, proprium habentes, & separatim uiuentes. Aliud uero genus est Clericorum qui proprium habent, nec profitentur, sed collegiatim uiuunt. Et hi dicuntur Clerici collegiati. Tertium uero genus est eorum qui primitiuum, & apostolicum uiuendi modum retinent in communi uiuentes, & tria profitentur religionis essentialia. Et hi propriè dicuntur Clerici Regulares in communi uiuentes, ut est tex. in cap. decimas. 16. q. 1. iuncta Glof. & cap. in omnibus. de conse. dist. 5. & Glo. ibi in uer. clerici canonici ex-

ponit de Canonicis Regularibus. Nec obstat quod vbi supra dicit Præpositus quod tale nomen Regulares Clerici in primitiua Ecclesia non esset in vsu, quia ad hoc dicendum, quod si in primitiua Ecclesia Clerici tria vouchbāt religionis essentialia, ergo ex consequenti à diffinitione ad diffinitū Regulares Clerici erāt, quia sicut non valet, in primitiua Ecclesia nomen Christianorū non erat in vsu, vt notat Gl. in c. sacrosancta ecclesia. 22. dist. ergo Christiani non erant: Sic in proposito, non valet secundū ipsum Præpositum, Regularium clericorū nomen non erat in vsu, ergo Regulares clerici non erant: Quod est falsum, vt præmissum est.

*Omnes Cano. Regu. siue sint cathedralis ecclesia, siue non,  
vnius & eiusdem sunt rationis & ordinis.*

*Cap. 5.*

**T**ales erant Clerici Aug. & Clerici Exomensis ecclesiæ, qui sub Didaco episcopo fuerunt instituti. Horum autem Subprior fuit olim B. Dominicus, qui non Canonicus collegiatus, aut non professus, sed Regularis Canonicus, & regulariter professus B. Aug. regulam. Dicit enim Archiepiscopus Flo. in sua cronica par. 3. tit. 23. c. 4. §. i. post principium. de B. Dominico sic. Cūque honestatis eius late patens præconium Exomensis episcopi Didaci attingisset auditum. percunctata diligentius ueritate atque comperta, continuo accersitum fecit eum in sua Ecclesia canonicum regularem, qui statim inter Canonicos, velut singulare lubar emicuit, de virtute in virtutē mira celeritate progrediēs. Et infra. Ipse suis monitis & exemplis suam Ecclesiam cathedralem ex Canonicis Sæcularibus cum licentia sedis Apostolicæ mutauit in Canonicos Regulares, quorū Subprior fuit Beatus Dominicus. Hæc ille. Fuit ergo Beatus Dominicus Canonicus Regularis, idest professus secundum Beati Augustini Regulam in Ecclesia Exomēli plusquam triginta Annis, refert Auctor Roseti, folio vigesimoquinto, columna quarta. Ex quibus colligitur, quod omnes Canonici Regulares, siue cathedrales sint, siue nō, vnius tamen & eiusdem Ordinis sunt. Quia vbi est eadem ratio habitus & professionis, ibi est eadem iuris dispositio. Sed nō nulli iniquitatis filij, discordiæ amatores potius amaritudinis liuore succensī hoc negant. Verum ad eorum confutationem hoc

hoc probati potest etiam per antiquissima iura.

**PRIMO** quidem ex cap. innotuit. de elect. vbi in tex. ponitur Prior & conuentus. Et supra eodem. in cap. cum Vuithoniensis ponitur Prior, & in Glo. fit mentio de illius ecclesie conuentu, qui elegit Episcopum, & erant Regulares Cano. ecclesie cathedralis, q̃a Sēculares Canon. Priore, & conuentu carent. Patet id ex regit. Inno. III. anno pont. eiusdem 3. Et Io. And. in d. c. innotuit, diffinit quòd in d. ecclesia cathedrali erant Regulares Cano. ergo per Canonicos Regula. intelliguntur tam cathedrales, quàm non cathedrales cū eiusdem ordinis sint & professionis.

**SECUNDO** patet ex constitutionibus Regularium Canonici per Benedictum. 12. approbatis, vbi omnes Canonicos Regul. tam cathedrales quam non cathedrales indifferenter sub vno Capituli generalis celebrandi gremio comprehendit, ex quo vna & eadem ratio professionis regularis & habitus extat in vtrisque, quamuis in habitu superiori qui nō est de essentia ordinis sit aliquis accidentalis differentia, quæ non mutat speciem, modo in habitu lineo & regulari professione non discrepent.

**TERTIO** patet per capitulum, cum causam. de elec. & est text. Inno. III. à quo manauit prohibitio. c. ne nimia. extra de relig. domi. ne de cetero noua fiat religio. in ipso ergo tex. cap. cum causam, fit mentio sub simplici nominatione de Canonicis & Clericis, & tamen vna in vtrisque est dispositio iuris, cum vna vtrisque sit professionis ratio tam in cathedralibus quam non cathedralibus: patet ex ipso tex. vbi expresse fit mētio de ecclesia S. Petri de Luca foris portam, vbi Papa strictè mandat, vt Prior illius ecclesie non professus electus contra antiquam, & longeuam cōsuetudinem, vel renuntiet prioratui, vel secundum pristinam consuetudinem expresse profiteatur B. Aug. regulam, ibidem ex immemorabilis initij longeuo vsu constitutam. Canonici ergo regul. sunt Clerici Regu. vnius, & eiusdem ordinis cum cathedralibus, modo sint regulariter professi.

**QUARTO** patet id ex Glof. in cle. 2. quæ incipit Dispendiosam. de iudicijs. in ver. de Beneficijs. dicit enim quod appellatione canonicatus venit etiam Regularis Canonicatus: Et hoc idē sentit Cardinalis Zabarel. Item probari hoc potest ex c. cum terra. extra de elect. vbi etiam colligitur quòd erant ibi Canonici Regulares. Et ibi tex. iuncta Glof. commemorat conuentum, qui nō solet

solet nominari nisi in Regularibus Canoniciis, & est Ecclesiæ cathedralis.

**QVINTO** habetur in cap. dilecti. extra de iudi. Vbi dicitur Prior & Clerici de Guiseburgen. sed prior in Clericis Sæcularibus nō habetur, nisi in Regularibus Cano. Et de illo Priore, & Clericis fit etiam mentio in c. primo. de eo qui mitti. in poss. causa rei ser. & tamen ibidem dicitur Canonicos simpliciter, & in superscriptione. c. dicitur: Priori & fratribus de Guiseburgen. qui tamen erant Regulares Canonici. Et ibi notat Panor. quod aliquando appellatione fratrum ueniunt Canonici, sicut & nonnunquam Monaci. Item in ca. 1. de appel. dicitur Prior & Clerici. Stultum enim & absurdum esset appellare Regulares illos Canonicos clericos, si non fuissent clerici, sed nec Sæculares Clerici Priorē uel Subpriorem habent. Similiter canonicos eos nominare, si Regulares canonici non fuissent. Ex eo quod ecclesia illa habebat Priorem, & conuentum, ergo canonici & clerici sunt.

**SEXTO** patet ex tex. c. in causis. extra de elect. vbi fit mentio de Canoniciis simpliciter. Sed ecclesiam Tholosanam Regulariū canonicorum à primaria sui institutione fuisse semper constare. Et ibi fit mentio de priore & saniore parte capituli, & ex Regist. Innocen. III.

**SEPTIMO** idem patet ex tex. c. præterea. extra de præb. Vbi etiam fit mentio de Archidiacono Ecclesiæ Tolosanæ, vbi etiam dicitur, quod erat regulariter professus, & Glosa declarat ibi de Regulari Canonico, qui potest fieri Archidiaconus in Ecclesijs cathedralibus. Sed cui dubiū est quod omnes Archidiaconi ecclesiarum præferendi sint omnibus Monachis, cum tales non possint esse nisi Clerici? & Canonici cum sint naturaliter Clerici possunt esse Archidiaconi, sed quod in Regularibus Canoniciis, tam cathedralibus quam nō cathedralibus vna & eadem sit professionis ratio, sequitur etiam quod in illis sit vna, & eadem iuris dispositio. patet in §§. proximè sequentibus.

**OCTAVO** patet ex c. cum super elect. extra de causis poss. & propriè. Scribitur canonicis de Betleem, & tamen erant cathedrales & Regulares, vt patet ex Registro Inno. 3. & hoc idem confirmat d. Iacobus de Vitri. Cardinalis, & Canonicus Regul. qui tempore Inno. III. fuit legatus in Hierusalem, vt etiam patet supra in Elucidario. Hoc idem patet ex libello eiusdem. d. Iacobi de vitri.



tri. qualiter in Bethleemitica, & Nazarethensi, sicut Hieresolymitana ecclesia erant Regulares Canonici. Et in libraria fratrum Minorum apud Sepulcrum Domini existentium, est Decretum Paschalis Papæ, quod mentionem facit de Patriarchatu Hierosolymitano, Nazarethensi, & de Bethleemitico Episcopalibus ecclesijs, in quibus erant tunc Canonici Regulares, quos longè ante Urbanus. I. ad Regularem eiusdem ordinis obseruantiam reduxerat, vt idem patet ex literis plumbeis, & Apostolicis.

**N O N O** idem patet ex cap. cum super elect. extra de confess. & extra de regul. c. Sicut nobis. & ibi dicitur qualiter Canonici Bethleemitici & Nazarethenses emittebant professionem, secundum regulam Diui. patris August. & dabant habitum lineum, qui est propriè habitus Regularium canonicorum: vt supra ostensum est. Et tex. locum illum vocat Canonicam. Et nota quod ibi Glo. vitur verbo profiteri sub verbo monacari, quod largè sumitur. Cum tamen ibidem obseruaretur canonica professio, vt patet ex antiquis Bullis in Archiuis ibidem reconditis.

**DE CIMO** idem patet ex c. cum in ecclesijs. extra de maiorita. & obed. dicitur ibi canonici Ecclesiæ S. Victoris & S. Io. in monte de Bononia, Et vocantur ibi canonici simpliciter, & vsque in presentiarum continuatis successibus constat ibi Regulares Canonicos viguisse per annos octingentos. Et Dei cooperante gratia vigent sub regulari, & laudabili eiusdem ordinis obseruantia, quibus inuicem connexis ecclesijs ego licet indignus per 4. annos præfui, & tamen vna, & eadem est ordinis ratio, tam in istis quam in cathedralibus, & eos tex. ille simpliciter Canonicos nominat. Sicut etiam in ca. quod Dei timorem. extra de sta. regul. fit mentio de ipsa ecclesia S. Victoris de Bononia. Et Io. And. in præmio nouel. nominando iuris Canonici scriptores, nominat D. Iacobum de Beluisio Regularem canonicum S. Io. in monte. Et hic nota contra eos qui asserunt Canonicos Reg. qui sunt in prænominatis Canonicis, videlicet S. Victoris, & S. Io. in monte, non esse eiusdem professionis, & ordinis, sed hoc esse falsum colligi potest ex Glo. in cle. j. de elect. in ver. habitus. quia ibi dicit Io. An. quod omnes canonici qui profitentur regulam Aug. inuicem possunt eligi, quia vnius & eiusdem ordinis sunt. Et in ver. habitus dicit idem Io. An. quod habitus lineus est habitus canonicorum regu. quem sub cappa deportant. Profecto, tantus

vir qui tunc legebat Bononię, & eiusdem patrię oriundus erat, non debuerat ignorare qualis esset habitus, quem tunc temporis deserebant Canonici Reg. S. Io. in monte. Cum & in presentiarum habitum lineum & ipsi sub cappa deportat moderni Canonici, ibidem existentes: Sicut olim antiqui illi Regulares Canonici deserre consuevere.

**VNDECIMO** patet veritas ex c. nostram. extra de confir. vtil. vel inut. ibi dicitur simpliciter, quidam Canonicus, sed tamen in medio tex. colligitur, quod Regularis Canonicus erat.

**DVODECIMO** patet veritas ex c. intelleximus. de ata. & qual: ibi tex. dicit, q Regulares Canonici habebant Abbatem, & ex illo tex. laudatur Canonicus Regularis, qui ex Monaco reuersus fuerat ad Priorem statum Canonici ordinis. Et ibidem simpliciter dicitur ad Canonicatus ordinem. Declaratur etiam ex tex. q reuertens Canonicus a Monacali statu portet cucullam in Apostasię signum, & vltimus in choro sedeat: quia sine licetia saltem petita non licet, Vt habetur in c. statuimus. & c. mandamus. 19. q. 3. & cap. sane. & c. licet. extra. de regu. & ibi plene notant Docto. Si Regulares Canonici de presenti habent constitutiones arctiores, Vt hodie de facto habent Regulares Canonici Lateranenses, patet per constitutionē Martini 3. q. nō possunt ideo transire sine Apostasia ad minus arctum de presenti viuendi modū, licet quo ad regulam sit arctior religio Monacalis.

**TERTIODECIMO** ex tex. c. cum I. & A. extra de sent. & re iud. dicitur ibidem simpliciter Canonici S. Dionysij Remensis. Et etiā dicitur ex parte Canonicorū duntaxat, ergo per Canonicos etiā simpliciter nominatos intelliguntur etiam Regulares, qui & clerici sunt essentialiter, vt patuit supra in 2. parte, quod non ita Monacis potest accidere, quia primi Monaci ex primaria eorū institutione nec ex natura ordinis Monacalis, clerici non fuerunt. Colligitur etiam ex d. c. cum I. & A. quod canonici antiquitus habebat Abbates, & idem colligitur ex tex. c. ex parte. extra de postul. & extra de homi. cap. significasti, ibi colligitur, quod Regulares can. habebant Abbates, sicut nunc de facto habent moderni cano. Lateranen.

**QVARTODECIMO** patet ex tex. c. sane. extra de regu. ibi dicitur de Canonico tm̄, & tamen in tex. fit mentio de professione facta quæ non cadit nisi in Regulari Cano. ergo cum dicitur Canonicus

nonicus tantum intelligitur etiam clericus, ut supra est ostensum, quod etiam Io. An. ibi dicit, Regulares canonici. essentialiter esse Clericos, & non posse aliter esse nisi tales.

**QVINTODECIMO** patet ex text. cap. quoniam. extra de vit. & honest. cler. qui sub uno tecto debent simul uiuere & simul dormire Et Glo. ult. concordat cum Gl. in c. in omnibus. de conf. di. 9. in cap. clerici canonici, quæ exponit hoc esse intelligendum de Regu. cano. quia aliàs male seruaretur ille textus à clericis, & canonicis Secularibus. Item patet ex textu, ubi conceditur facultas absoluedi ab excommunicatione propter manuum iniectionem, quod non nisi regularibus cõceditur, ut in c. Monaci. extra de senten. excom.

**SEXTODECIMO** ex text. cap. cum olim. extra de priuile. & excessu priuileg. ibi in text. fit mentio de priore & Canonicis Monasterij S. Crucis sub simplici nominatione Canonicorum. Sed prior non habetur in Canonicis Sæcularibus, & tamen ibi sunt Regulares Canonici. De hoc etiam habetur in cap. venerabili. extra de verb. signific.

**DECIMO SEPTIMO** ex text. c. plerique. extra de pace. ibi text. dicit, plerique sicut accipimus Regulares Clerici, & Sæculares interdum &c. Ecce quomodo Regulares Cano. vocantur Clerici & Regulares. Præterea in c. 1. de si. presby. dicitur vel in Canonica congregatione regulariter uiuentes, ubi maxima fit commendatio clericorum regulariter uiuentium ab alijs clericis non regulariter sed Sæculariter uiuentibus.

**DECIMO OCTAVO** ex text. c. solite. ext. de maio. & obed. dicit Abbas, clerici sunt res Deo uiuæ, ipsi soli dicata. Et inducit c. cui portio. 12. q. 1. Sed Regu. canonici ex professione sunt clerici Deo dicati, & semper fuere tales, scilicet clerici non minus quàm Canonici, & Clerici Sæculares, nec propter regularem professionem ex primæua eorum institutione quo ad clericatum, debent esse deterioris conditionis quàm Sæculares clerici, quia primæuo regulari statu, licet sciante, & tacente ponti. sunt relaxati. Vnde idem Abb. in cap. Deus qui. de vita & honest. clericorum. dicit, Quod cum in multis clericorum status sit relaxatus, & sub illa distinctione qua erant Apostoli, & apostolici clerici nollent uiuere. facta est distinctio sæcularium à regularibus clericis, quorum obseruantia viget successiue in Regularibus canon. qui &  
O clerici

clerici regula, sunt. Nam Sæculares secundum Glo. in c. licet. de off. ordi. super ver. Sæculares, dicti sunt, quia uoluerunt habere proprium, & uoluerunt se exhibere ad ritum Sæcularium hominum. Et confirmat Abb. in d. cap. Deus qui. per simile dicendo, quòd clericorum regula est viuere sine proprio, sed per vsum assumptum est habere proprium. Dicit etiam ipse Abb. in ca. episcopus, extra de præb. quòd primitiua ecclesia non habebat præbendas, quia clerici uiuebant communiter, & sine proprio, vt patet in causa 12. q. 1. quali per totum, inter quæ iura sunt sermones patris nostri Augu. intitulati de communi vita clericorum. Sed quia aliqui non seruabant illam communitatem, & occultabāt contra eorum professionem, fiebant hypocritæ cum dño animæ suæ. Et exinde facta est distinctio inter Clericos Reg. 1. & Sæculares. Hæc Abbas.

**DECIMONONO** ex doctrina Abbatis in cap. constitutus. extra de rescrip. notatur quomodo error in Clericis Sæcularibus erat non sequi vestigia Apostolorum in vita eorum, ergo clerici communiter viuentes sunt clerici non minus quàm Clerici Sæculares, & consequenter Monaci sunt præferendi.

**VIGESIMO** idem patet ex Doctri. eiusdem Abba. in c. 1. de inst. vbi dicit, quod appellatione Clericorum non ueniunt Monaci, sed Canonici, in Rubrica ne Clerici vel Monaci intelligātur sub illo nomine Clerici, vt etiam patet supra 15. q. 2. c. obseruan. Vbi prohibetur Clericis ne aduocent, & dicit ibi Gratianus, quod intelligitur de canoni. regul. Ergo apertissime patet ex his, quod Canonici Regu. per se, & essentialiter competit quòd sunt Clerici, & per Regulares cleri. intelliguntur Canonici Regu.

Explicit tertia pars principalis.



# QVARTA PARS PRINCIPALIS DE CONTINVATO ET SPECIFICO

SVCCESSV CANON. REGVLAR.



*De identitate & continuatione Canon. Regula.*

*Caput primum.*



VIA Vero per sufficientes rationes aduersarij conuincere non possunt Canonorum Regu. efficaces rationes, ad callida quedā, & puerilia obiecta conuersi, adhuc conantur obistere, & quidem non sine eorū potius graui ignominia, asserentes (& quidē sine vilo auctētico fundamento) Canonicos Lateranen. in Italia sub regulari obseruantia florentes, non esse ex illis quos B. pater & magnus Aug. instituit. Et vltra prēmissā

contra huiusmodi latrantes canes adducimus solidissima Rom. Pont. iura atque certissima testimonia Doct.

*De differentia accidentali inter Clericos Sæculares & Regulares. Cap. 2.*

PRIMUM quidem considerandum est differentiam inter clericos Sæculares non esse quo ad clericatum essentialē, sed accidentalem, quia solum per reformationem quæ non mutat speciem, sicut plenè notant Doct. in in cap. relatum. extra ne Clerici, vel Monaci. in ver. ordine suo reformari, & ibi ad sui ordinis obseruantiam reuertantur. Nam sicut Clerici primitiue ecclesiæ Apostolorum imitatores tria substantialia secundum Regulam sub sanctis Apostolis constitutam profitebantur, vt supra ostensum est. Ita Clerici Regu. seu cano. retinent ex institutione

O 2 B. pa-

**B.** patris Aug. eādem clericalem professionem cum lineo habi-  
tu, quā quidem professionem Clerici Sēculares, retento tamē  
clericatu, pratermiserunt: ergo non propter hanc primēuam re-  
tentam qualitatem debent esse inferioris conditionis, cum nō  
discrepent professione à primis Clericis, in quibus fuit uita com-  
munis, quæ nihil aliud est quā Apostolica regu. vt in cap. dile-  
ctissimis. 12. q. 1. colligitur. in fin. vbi dicitur, vt non recedatis ab  
Apostolicis regulis.

*Auctoritate ecclesiæ probatur identitas Cano. Regular. cum  
eisdem Clericis professione, & hab. tu quos Aug.  
pater instituit. Cap. 3.*

**H**anc ipsā continuationem confirmat Ecclesia, quæ no-  
bis in speculum proponitur. cū Romanorum. 19. dist. cu-  
ius Auctoritas suprema est. 1. 1. distin. cap. ex his. & cap. Ecclesiasti-  
corum. & Tho. in Quolib. dicit, quod auctoritas Doc. trahitur ab  
auctoritate Ecclesiæ, & ipsa ecclesia in solennitate magni patris  
Aug. cantat, quod S. Possidonius in eius vita describit, videlicet.  
Factus presbyter monasterium Clericorum mox instituit, & ce-  
pit viuere secundum regulam sub sanctis Apostolis cōstitutam.  
Sed hic obiicit frater Ambrosius Corolanus ordinis eremitarū  
in suo debili defensorio, quod per Canoni. Regulares additum  
est illud verbum clericorum. Sed contra ipsum est Auctoritas B.  
patris Aug. in sermonibus de communi vita clericorum, vbi se-  
pe & sepius nominat fratres suos conclericos meos tales inueni  
quales desiderauī. Dicit & B. Aug. in sermone qui incipit, Carita.  
vestra, & expresse fatetur non aliam se assumplisse normā quā  
eam quæ descripta est in Actibus apostolorum, & librum actu.  
Apostolorum legi iussit per Lazarum Diaconem coram omni-  
bus. Vt videatis (inquit) vbi descripta sit viuēdi forma, quā do-  
sideramus implere. Ecce continuatio.

*De eodem successu Cano. Regu. cum primis Clericis. Cap. 4.*

**C**onsequenter ostenditur continuatio ex doctrina B. Tho.  
secunda secundæ. q. 88. art. 4. & 3. arg. concludit ergo vt etiā  
supra ostensum est in Elucidario, quod Apostoli, & reliqui pri-  
mitiue



mitiue ecclesiæ Clerici emitebant tria uota sicut B. pater Aug. & eius Clerici, & successiue Regulares can. dicti. sub regulari eiusdem ordinis obseruantia degentes. Si ergo illi primitiue Ecclesiæ uouentes erant clerici, consequenter, & Clerici B. Augusti, & successiue cano. Clerici, qui & Regu. canonici eadem clericatus naturam retinent.

*Eadem continuatio in Cano. Regu. cum primis clericis auctoritate B. Tho. probatur. Cap. 3.*

**R**espondeant, qui hanc clericatus continuationem Cano. regu. temere negant, de quibus Canon. Regu. loquebatur B. Tho. secunda secunde. di. 189. ar. 8. ad 2. arg. ubi dicit quod ordini canon. regula. per se competit ut sint clerici, ad religionem autem monaco. non per se competit ut sint clerici nisi per accidens. Certè aut de cano. non professis, aut professis loquitur, non primo, quia tales canonici indistinctè possunt transire ad quamcunque religionem approbatam. c. duæ sunt leges. 19. q. 2. Ergo secundo, de canonicis professis loquitur ibi, ubi tractat de transitu canon. regu. ad Monacos. Si igitur B. Tho. loquitur de professis: ergo non nisi de regularibus intelligendum est, quia secundum Doc. regularis propriè dicitur, qui ad viuendum regulariter per tria uota est allectus. Extra de statu Monaco. c. quod Dei timorem. Distinctè ergo loquitur de omnibus cano. regu. Cum ergo sint vnus, & eiusdem ordinis canonici omnes tam præsentis quam præteriti, pari ratione sunt essentialiter clerici, non qui dem per accidens sicut Monaci, et consequenter sunt ipsis Monacis præferendi.

*Quod omnes Cano. Regu. moderni sunt vnus & eiusdem ordinis in specie generalis, cum antiquis. Cap. 6.*

**Q**uod autem omnes cano. regula. tam moderni quam antiqui sint vnus, & eiusdem ordinis, Ratione, Auctoritate, & exemplo probatur, Ratione sic, ubi eadè est professionis, & habitus ratio, ibi eadè est iuris dispositio: patet, quia licet professio faciat Monachum, assumptio tamen habitus tãquam accessorium requiritur præsumptionem faciens tacitè, vel expressè professio-  
nis.

nis. cap. porrectum, & c. ex parte. de regul. & ibi per Doct. Sed in his cano. regulari. Lateranen. est eadē professiois, & habitus ratio, ergo in ipsis est eadem iuris dispositio: consequētia patet cū maiori, & minor probatur firmissima Auctoritate lo. An. in cle. 1. de elect. in ver. habitus, vbi super illo tex. Clementis. 3. in Concilio Viennen. sic ad literam ait, Habitatus non dicit coloris, per quod videtur quod omnes Regula. cano. qui profitentur Regulam Aug. & sub habitu lineo quem sub cappa deportant, vt ibidem dicit in ver. habitus, licet varient in colore in cappa exteriori, videlicet, quia aliqui habent colorem nigrum sicut Lateranē. cano. Alij album, sicut olim quidam canonici, de congregatione S. Marci, inuicem tamē eligi possunt, quod videtur maximē, quia ipsorum habitus est linea toga, quam sub cappa deportant. Ex eo ergo quod omnes canonici qui regulam Aug. profitentur inuicem eligi possunt, sequitur quod vnus, & eiusdem ordinis sunt, ex quo in d. clemen. prohibet Concilium Viēn. vt disparis professionis, & habitus nullus possit eligi in praelatū. Ergo per locum a contrarijs, si possunt eligi inuicem, consequenter patet quod vnus, & eiusdem ordinis esse censentur. Ista ergo duo videlicet, professio Regulę August. & linei habitus assumptio, ipso iure sic disponente, concurrunt ad specificam vnus, & eiusdem ordinis rationem. Et cum ista duo concurrant tam in modernis quā in antiquis, sequitur quod vna & eadem sit iuris dispositio in ipsis canonicis.

*Solutio argumentorum contra quosdam imperitē loquentes, ex auctoritate Grego. negantes continuationem in ecclesia Lateranen.*

Cap. 7.

**V**bi etiam notandum est per d. cle. quod omnino cessat ratio quorundam dicentium, ex eo quod B. Greg. dicit in libro Dialogorum quod Valentinianus olim Monachus prefuerit ecclesię Lateranen. consequenter arguunt fuisse aliquando dictam Basilicam Lateranen. à Monacis gubernatam. Sed in contrarium est constitutio. d. clem. quę corrigit præcedentem antiquam consuetudinē, dicit enim tex. cum rationi non congruat, vt homines disparis professionis, vel habitus simul in eisdem monasterijs socientur & c. Et ideo per d. extrauagantem corrigi-

tur

ur antiqua consuetudo, quia homines disparis professionis, vel habitus eligebātur in praelatos, sic in proposito, quamvis Valentinianus Monachus mutato habitu monastico electus fuerit Prior. d. Basilicę, non tamen sequitur quod in ipsa Basilica fuerint Monaci, nec hoc dicit B. Gregorius, sed simpliciter tantum dicit, quod eidem Ecclesię pręfuit.

*Quod Cano. regul. moderni Lateranen. appellati ab eorum prima institutione continuarunt in canonica & specificitate cum antiquis. Cap. 8.*

**H**Vius autem candidi ordinis & sancti propositi Regulariū Can. continuatio secūdo loco multiplici Auctoritate probatur. & hoc intendimus contra quosdam qui falso signēto nouiter inuēto à quodam supplementi cronicarum Auctore, & quidem sine certo. & probato testimonio, temere pręsumunt asserere hunc fuisse nouum ordinem sub Grego. 1. 2. videlicet Anno Domini 1407. à quodam fratre Iacobo ordinis Prædicatorum institutum, & multa alia ibidem mendacia in 9. & 14. eiusdem supple. lib. vt sanctum Diui patris Aug. Canonicum ordinem cōfunderet, turpiter adiecit. Hunc etiam errorem pro clypeo nonnulli assumpserunt, ignari nostri temporis scriptores, cęci cęcum sequentes: & falsi quidam fratres à patrum suorum vestigijs deuīātes, liuore potius amaritudinis quā caritatis zelo permoti errorem ipsum in scriptis redigere non sunt veriti. Contra quos ponitur conclusio. Ordo Regu. Canon. in agro Lucensi apud Frigionariam, quamuis aliquando ad arctiorem obseruantiam fuerit reformatus, tamen ex inmemorabili longęui usus initio, continuatis successibus per longissima tempora ante Greg. 1. 2. iuxta Diui patris Aug. regulam, inuiolabiliter extitit obseruatus. In primis siquidem prout legitur in Archiuiis ecclesię cathedralis S. Martini de Luca, ex gestis Alexan. 2. & Illustris Mathildę comitissę, Hunc ipsum sanctum, & canonicum ordinem ab ipsa deuotissima fēmina pręfato pont. cōcedente, eo in loco fundatum fuisse cōstat. Vbi antea primum fuerat extructum oratoriū à B. Frigiano, à quo Frigionaria postmodū locus ille vulgo denominatus est, tempore videlicet Pelagij. j. longē ante Greg. magnum. Et in memoriā tanti viri ipsa Illustris Comitissa Canoniam,

eam, & Ecclesiam ibidem in honorem S. Marię Virginis erexit. Sed hoc, & ipse supplemēti Auctōr audaēter affirmat. Succedēte vero tempore sub Alex. Papa huius nominis. 4. à nobili milite Lucēsi, Marchoaldo de Malpigijs fuit tertio loco instaurata, Anno videlicet Domini 1250. eisdem adhuc Regularibus Can. ibidem existentibus, vt patet ex originalibus, Indultis, & priuilegijs eiusdem Alex. 4. vt infra dicitur. Postremo ecclesia ipsa sub Alexan. 6. simul, & canonica ab ipsa vetustate collapsa instaurata fuit, opera & impensa ipsorum Regularium Canon. qui semper continuatis successibus ibidem sub regulari eiusdē ordinis obseruantia viguerunt.

*Ea ipsa perennis continuatio suprema Ponti. Roma.  
Auctoritate probatur. Cap. 9.*

**H**oc ipsum in primis per auctenticum, & originale Indultū Alex. 4. probatur. incipit, Alexāder episcopus seruus seruorum Dei Dilectis filijs Priori ecclesię S. Marię de Frigionaria, eiusque fratribus tam pręsentibus quā futuris, regularem vitā professis in perpetuum, religiosā uitam eligentibus, Apostolicum conuenit adesse pręsidium, & infra. Ea propter Dilecti in Domino vestris iustis postulationibus clementer annuimus, & ecclesia S. Marię de Frigionaria Lucanę diocesis, in qua diuino estis obsequio mancipati, sub B. Petri & nostra protectione suscipimus, & pręsentis scripti priuilegio communimus: In primis liquidem statuentes, vt ordo Canonicus qui secundum Deum & B. Aug. regulam in eadem ecclesia institutus esse dinoscitur, perpetuis ibidem temporibus inuiolabiliter obseruetur. Pręterea quasunque possessiones, quęcunq; bona dicta ecclesia in pręsentiarum canonicę possidet, aut in futurum cōcessione pontificū, largitione Regum, vel principum, oblatione fidelium, seu alijs iustis modis, pręstante domino poterit adipisci, firma vobis sint, & successioribus, & illibata permaneant: & infra. Liceat quoque vobis liberos, & absolutos ē sęculo confugientes clericos, vel laicos ad conuersionem recipere, & eos abique contentione aliqua retinere. Prohibemus insuper ut nulli fratrum uestrorum post factam in ecclesia uestra professionem, fas sit sine Prioris sui licentia, nisi arctioris religionis obtentu, de eodem loco

loco discedere, discedentem vero absque communi vestrarum litterarum cautione nullus audeat retinere, & infra. Præterea omnes libertates, & immunitates à prædecessoribus nostris Ro. Pontificibus ecclesiæ vestræ concessas, necnon libertates, & exactiones secularium exactionum à Regibus, & principibus, vel aliis fidelibus vobis indultas, Auctoritate apostolica confirmamus, & præsentis scripti priuilegio communimus. Decernimus ergo ut nulli omnino hominum liceat, &c. Quæ omnia, & alia ibidem contenta tacitam ipsius antiqui ordinis Canonici, & approbatam continuationem includunt. Datum Viterbij per manum magistri Iordani sanctæ Rom. ecclesiæ notarii, & Vicecancellarij. Idibus Maij, indictione prima, Incarnationis Dominicæ Anno 1258. Pontificatus vero Domini Alexandri Papæ 4. Anno. 4. Huius autem originale exhiberi potest ex Archivis eiusdem ecclesiæ, sicut & erat vetustissima, & autentica scripta ibidem recondita.

*Contra præfatos impugnantes est irrefragabilis Auctoritas  
Pontific. Roma. Cap. 10.*

**C**ontra præfatos itē aduersarios est, & alia Gre. 10. suprema auctoritas. Ab ipso namque Pontifice manauit solennis illa cōstitutio c. religionum diuersitatem. de reli. domi. lib. 6. Quo quidem auctore celebratum est illud magnæ auctoritatis Concilium Lugdunenſe, & in ipsa constitutione decernit quatuor mendicantium ordines pro approbatis haberi. Certū est enim quod ante Greg. 12. per longa tempora præfati pontifices præceſſerunt. Huius ergo Greg. 10. originale sic incipit, Gregorius Episcopus seruus seruorum Dei dilectis filiis Priori ecclesiæ S. Mariæ de Frigionaria, eiusque fratribus tam præſentibus quā futuris, regularem vitam professis in perpetuum, religiosam vitam eligentibus apostolicum conuenit adesse præsidium, & infra. Ea propter dilecti in Domino filij, vestris iustis postulationibus clementer annuimus, & ecclesiam S. Mariæ de Frigionaria Lucanæ Diocesis, in qua diuino estis obsequio nācipati, ad instar felicitis recordationis Alex. Papæ 4. prædecessoris nostri sub B. Petri, & nostra protectione suscipimus, & præsentis scripti priuilegio communimus. In primis liquidem statuentes, ut ordo Ca-

P noni-

nonicus qui secundum Deum, & B. Aug. Regulam in eadem ecclesia institutus esse dinoscitur: perpetuis ibidem temporibus inuolabiliter obseruetur. Præterea quasunque possessiones, &c. Prohibemus insuper vt nulli fratrum vestrorum post factam in ecclesia vestra professionem &c. & infra. Præterea omnes libertates, & immunitates à prædecessoribus nostris Rom. Pontificibus ecclesie vestre concessas &c. Quæ omnia ipsius antiqui ordinis, in eodem loco constituti, tacitam, & approbatam continuationem includunt. Datum apud Urbem veterem permanenti magistris Iacobi Lecacorui S. Ro. ecclesie Vicecancellarij Nonis octobris, Indictione prima, Incarnationis Dominice Anno 1272. Pōtificatus uero Gre. Papæ 10. Anno primo. Quo scilicet firmissimo autentico, patet contra supplementi auctorem, & eius sequaces conclusionem propositam esse veram, quia hic Canonicus ordo longè ante Greg. 12. eo in loco fuit institutus, Cuius initij memoria non existit in contrarium.

*Instrumentis authenticis probatur continuatio Canonij.*

*Regula.*

*Cap.*

*11.*

**C**ontinuatio prædicti Canonici ordinis secundum B. Aug. regulam probatur authenticis instrumentis ex quibus pauca subnectere, quo ad præsens sufficiat intendimus. Inter cetera vnum est, quod de anno. 1306. Indictione quarta. octauo calendæ Iulij confectum esse dinoscitur. Incipit, In Christi nomine amen. Venerabilis P. Lucas Prior capituli, & conuentus ecclesie S. Mariæ de Frigionaria ordinis S. Aug. Lucanæ diocesis, cum cōsensu, & voluntate sinorum Canoniceorum, & dicti capituli, & cōuentus, videlicet D. Viniani, D. Francisci, D. Sini, D. Angeli, D. Marci, D. Augustini, D. Gregorij, D. Petri, D. Simi, D. Gratia, D. Benedi, & D. Vghi, Cum ad præsens ibi plures non sint. Et ipsi fratres, & Canonici vna cum Priore consentientes sibi inuicem pro ipso capitulo, & conuentu, promissa, & bene cognita utilitate dicti capituli, & conuentus, &c. Hoc idem ex alio instrumento probatur. Incipit, In nomine Domini amen. Cum hoc sit olim Reuerendus in Christo Pater D. Ioannes Dei, & Apostolicę sedis gratia episcopus Lucensis contulerit, vnerit, atque incorporauerit Monasterio S. Mariæ de Frigionaria Lucensis diocesis,



ecelis, & Priõr, & fratribus Canonicis eiusdem ecclesiam seu capellam S. Dalmatii, in ciuitate Lucensi positã, per ipsos Priore & Canonicos dicti Monasterij feliciter gubernandã, & infra, prout de dicta concessione, & vnione, & alijs latius contineri debere per priuilegium in modis publici, & Authentici instrumenti facti, & rogati notarij Ser Ioannis Terij, tunc notarij curiæ episcopalis, & ipsius D. Lucensis episcopi, sub Anno natiuitatis Donitini. 1381. Indictione 15. die 16. Nouembris. Pontificatus sanctissimi in Christo Patris, & D. D. Bonifacii diuina prouidentia Papæ. 9. Anno pontificatus sui 3. & cum sigillo, & cera pendenti cõfuctis. præfati D. Lucensis Episcopi, in chordulis de serico viridi. Cumque post huiusmodi concessionem, vnionem, & incorporationem prædictam, præfatũ Monasterium S. Marię de Frigionaria, cum omnibus suis membris, iuribus, & pertinenijs ad Regulares Cano. qui dictum Monasterium iam diu rexerunt, & gubernarunt, sicut etiã de præsentì gubernant, & regunt, & propter eorum vitam laudabilem, quam in dicto Monasterio S. Marię de Frigionaria præfati Canonici Regu. per tempora duxerunt, & ducunt laudabiliter, commendamus semper in seruitio, & famulatu omnipotentis Dei, ac Beatę Marię virginis, & sanctorũ deseruientes cõtinuo, vt auctum sit Monasterium ipsum in q̃ plures, & plures prouincias, & in tantũ creuerit, & augmentũ acceperit Monasteriũ ipsum in Canonicos, & plures religiosos ipsi Monasterio deuotos, quod ex ipsis plurima, & etiã quã plurima monasteria in diuersis prouincijs, ciuitatibus, & locis, & vñ que Romam maxime fuerint, & sint cõstrueta, in quibus Canonici Reg. d. Monasterij præsentialiter, & continuo degunt, vitam religiosam laudabiliter ducentes, & infra. Quapropter venerabiles, & religiosi viri D. Constantius de Regio Prior d. Monasterij, & Canonicorũ S. Marię de Frigionaria Lucanę diocelis, & D. Petrus de Curia syndicus, & procurator eiusdem, cõstituti personaliter corã Venerabilibus P. Canonicis Lucani capituli, & collegialiter congregatis, prima, & 6. feria Mēsis Aprilis, & corã ipsis exponentes supplicarunt, & infra. Auditis, & intellectis omnibus superscriptis per prædictos Priorem, & syndicũ Monasterij S. Marię de Frigionaria, & infra. Ad laudem, & gloriã omnipotentis Dei prædictam vnionem confirmarunt, & approbarũt, & perpetuis temporibus firmam, & ratam haberi voluerunt, &

infra. Insuper ipsos Canonicos, & Monasterium S. Mariæ prædicte. Et dictos Priorem, & Syndicum, & me Notarium vt supra, presentes & stipulantes pro dictis Canonicis, & Monasterio à refectione prandij quam in dicto instrumento dictis Canonicis maiori ecclesiæ, facere tenebantur, & promiserunt prout in dicto instrumento continetur, de ipsorum speciali gratia liberauerunt et absoluerunt penitus, & in totum, et infra. Ita quod futuris temporibus præfati Canonici, & Monasterium S. Mariæ de Frigionaria solummodo soluere quolibet Anno in eo tempore, quo dicti Floreni duo auri solui debebant, soluere de cætero teneantur, duntaxat Bologninos quinquaginta quatuor quolibet Anno, &c. patet ex his dictis antiqui Canonici ordinis continuatio. Item hoc ipsum patet euidenter ex Annalibus illustis dominij Lucensis in archiuis authenticè reconditis, vbi sic ad litteram dicitur. 1337. Existente Luca sub Dominio Dominorum de la Scala, fuit factum Decretum per D. Antianos quorum nomina sunt infra scripta. Brexianus Honesti, Cecius Pieti, Iustus Bottini, Gerardius Lazarij, Nuncius Bletius, Lemmus Catrignella, Banducius della Grotta, Colutius Bochanfochi, Saulus Sauli, Nellus de Monte Claro, cuius Decreti verba sunt hæc. Cōsiderantes honestam vitam, & benignam conuersationem quam Canonici Reg. Monasterij S. Mariæ de Frigiognaria seruant in ordine B. Aug. & consuetudinem diutius in his obseruatam, ordinauerunt quod habeant fenum & ligna, & alia necessaria pro ipsis religiosis Canonicis, qui negotia Monasterij Lucæ exercent.

*Quod in loco Frigionaria per antiquissima tempora continuauerunt ipsimet Cano. Reg. Cap. 12.*

**Q**Valiter autem Canonicus ordo in præfato loco Frigionariæ iam dudum (vt diximus) institutus, longè latèque propagationis sue initium sumpserit. per Ciuitates, & Prouincias diffusus, id habetur in Annalibus dicte Ecclesiæ ex Authenticis scriptis, vt patet ex instrumēto Ioānini de Piscarijs Notarij Imperialis, & ciuis Papiensis. Nam cum quidam Venerabilis Leo de Charate olim Cēnobij S. Petri cali Auzei Prior, & Venerabilis Tadæus de Bagnasco eiusdem Cēnobij professi Canonici Regularis, comperta dicti loci laudabili fama, ad eam locum mor-  
de

de consensu Abbatis, & Conuentus dicti Cenobij S. Petri se con-  
tulerunt, vt patet ex præfato instrumento. Hi quippe uiri doctri-  
na, & sanctitate præclari, cooperantibus simul, & reliquis Cano-  
nicis Regu. ibidem prius existentibus, ad ipsius ordinis feruorẽ  
dilatandum coadiutores maximè fuerunt. Ad quod etiam præ-  
clarũ opus Venerabilis Sacerdos D. Bartholomæus Colūna, ci-  
uis Romanus, et Dei Præco celeberrimus cooperatore fuit, & ar-  
dentissimus coadiutor. Quãuis autem dictus ordo in ipso loco  
ad pristini feruoris rigorem auctus sit per idem tempus, non ta-  
men à primæuo rigore quandoque defecit.

*Contra Supplementi auctorem probatur expressè eorum ordi. non fuisse im-  
mutatum ab antiquo nullo quouis modo, nisi quantum ad quendam ar-  
tioriẽ viuendi modum, sicut in alijs cõtingit ordinibus reformatis, sed  
longè in istis magis propriè continuauit specifica identitas cum an-  
tiquis.* Caput 13.

**C**ontra Supplementi auctorem eiusque sequaces quidem  
omni ex parte suspectos, vltra prædicta extat fidelissimum,  
& auctenticum testimonium archiepiscopi Florẽtini fratris An-  
tonini ordinis Prædicatorum, qui in 2. parte suæ cronice tit. 13.  
cap. 23. §. & flores apparuerunt in terra nostra. De ipsius Canoni-  
ci ordinis continuatione, & ex ipsius loci Frigionaria regulari  
obseruantia propagata referens sic ad litteram prosequitur. Nã  
Canonici Regula. qui à regula sua quandoque relaxati erãt, sed  
reformati sunt à domino mediãtibus duobus eximijs uiris, sciẽ-  
tia, & uita præclaris. Ecce, quia non dicit dictum ordinem fuisse  
nouum aut nouiter institutum à quodam fratre Iacobo Brixien-  
si, ordinis Prædicatorum: vtique si hoc verum fuisset, tantus vir  
non ignorasset, quod etiam ecclesia non tolerasset, cum sit con-  
tra omnia iura, vt diuersi ordinis maximè mendicantium pro-  
fessus, temere ausus sit nouum ordinem Canonicũ instituere:  
vt infra plenius dicitur. Et sequitur idem archiepiscopus Flo. de  
ipsis Canonicis Regu. Et iam (inquit) per Italiam dilatati sunt  
sub Regulari eiusdem ordinis obseruantia degentes, & primus  
eorum locus fuit, & est prope Lucam, & dicitur Frigionaria, vn-  
de, & congregatio illa quæ sub vno capite gubernatur, dicitur de  
Fri-

Frigionaria, & Abbatiam Fesulanam possident. Qui tamen Canonici (vt ipse Paulo infra testatur) sancti Saluatoris Lateranen. conuenientius nuncupantur. & infra paluopoli de quibusdam alijs Canonici qualiter institutionis sue principium obtinuerunt, idem Archiepiscopus refert. Ipsi nanque in agro Senen. & prope muros Florentie S. Donati de Scopeto, & sub titulo S. Saluatoris de Venetijs, à quodā fratre Stephano ordinis Eremitarum instituti fuerunt, vt ipse refert præfatus Archiepiscopus. Hi namque à primaria eorum institutione originem habuerunt à quodam Venerabili viro fratre Stephano Senensi ordinis Eremitarum, qui vt à primarij sui iugo eximeretur, habitum lineū Canonici ordinis assumpsit. Sed ne ab Eremitico ordine in totū se abdicasse videretur, voluit desuper indui scapulari albo in quo prius Eremiticum ordinem fuerat professus sine cuculla quæ Canonici Regu. non competit, nisi in casu apostasie, vt est bonus text. in c. mandamus 19. q. 3. Et voluerunt inuicem vocari fratres secundum Priores consuetudines ordinis Eremitarum, quod ē Canonici Reg. non conuenit, qui primæua eorum institutione semper sunt uocati, & inuicem nuncupantur Donni, quia eis propriè competit per se vt sint Clerici, vt supra ostensum est propter quæ duo cum in dubium satis verterentur an ipsi sint veri Canonici propter nomē, & habitum superindutum, nouiter impetrarunt ex priuilegio fieri Canonicos Regu. Julio 2. Pontifici maximo concedente. Canonicorum etiam Lateranen. priuilegijs gaudere posse impetrarunt, quoniam eorum antiquissima institutio, & ordinis antiqui cōfirmatio à Pontificibus Romanis quàm plurimis, & antiquis priuilegijs, indultis, & gratijs fuit multipliciter decorata. Cōcluditur itaque quòd ipsi Lateranen. Canonici competit esse Clericos sine Canonicos Regu. ex natura, ipsis autem ex priuilegio, Qualiter etiam Monaci Nigri congregationis S. Iustinae de Padua fuerint reformati, idē archiepiscopus, vbi supra prosequitur. non ergo sub Grego. 12. Canonicus ordo Lateranen. congregationis S. Saluatoris de vrbe fuit quasi nouus à præfato fratre Iacobo institutus, sicut supplementi Auctor, & quidem sine Auctentico scripto ausus est dogmatizare.

*A sufficienti diuisione conuincitur Supplementi auctor prædictum ordi. non fuisse continuatum nisi per eodem Canonicos. Cap. . 14.*

**C**onsequenter quaeritur ab istis calumniatoribus afferentibus dictum ordinem quasi nouum a fratre ordinis Prædicatorum institutum. aut propria, aut aliena Auctoritate ipsum ordinem instituit. Si propria, ergo excommunicatus. & consequenter omnis eius actus fuit inualidus, & nullus, Tales enim noui ordinis inuētores hodie sunt ipso facto excommunicati per extrauagantem Io. Papæ huius nominis 22. quæ incipit, Sancta Rom. Ecclesia. Et hoc ipsum refert Abb. in c. fin. extra de reli. domi. Præsertim cum Io. Papa præcesserit Greg. 12. per c. ferè annos, & sic ignorantiam vllam prætere non potuisset. Si vero aliena Auctoritate hoc fecit, producant calumniatores isti auctenticum testimonium, quo tam nephandum errorem, & manifestum mendacium probare possint, & cum hoc nullatenus probare valeant, saltem probationibus nostris in contrarium adductis acquiescant, & a calumniosa inuēctiua desistant, vel cerè vt famosi libelli auctores puniantur. Certe est autem ex constitutione Greg. 10. in cap. religio. diuersitatem de reli. domi. in 6. ex Concilio generali Lugdunen. Si talis ordo nouus à dicto fratre fuisset institutus, & consequenter non approbatus tēpore Greg. 12. Nullum deinceps ad eorum professionem admittere, nec de nouo domum, vel aliquem locum acquirere potuisset. Præterea ex eadem constitutione transeundi ad reliquos ordines approbatos, quilibet eorum liberam facultatem habuisset. Sed per dictum Greg. 10. præfatę constitutionis Auctorem dictus ordo Canonicus apud Regionariam institutus ex eius indulto, & longè ante ex indulto Alex. 4. potuit è sæculo fugientes ad conuersionē recipere, & post factam professionē nullus illorum Canonicorum sine Prioris sui licentia nisi arctioris religionis obtentu de eodem loco discedere poterat. Cumque longè ante Grego. 12. per longissima tempora. idem ordo à Rom. Pontific. prædictis sub Sedis Apostolicę protectione fuerit susceptus, conitat profecto ex consequenti huiusmodi ordinem antiquissimis priuilegijs multipliciter decoratum, quasi nouum non fuisse tempore Greg. 12. nec ab ipso fratre institutum.

*Ipsa*

*Ipsa eadem cum antiquis Cano. ratio continuationis in modernis Cano. Regu. probatur ex continuato testimonio*

*Rom. Pont. Cap. 15.*

**C**ontinuationem itaque dicti ordinis non solum præcedētia Rom. Ponti. certissima testimonia exhibent, sed etiam & subsequētia. patet in primis ex auctentico testimonio Constitutionum Benedicti 12. in cap. de vesti. & indumentis Canonico-  
rum Regu. Vbi idem Benedictus de Superpellicio, idest habitu lineo formam tradit eo modo, quo dictę congregationis Canonici semper gestarunt, & deferunt, & idem dicit, quod vbi cōsuetudo deferendi cappas nigras apertas à parte antē, omnino talis consuetudo seruetur. Sed qualiter in sancto Frigidiano de Luca, & quo tempore Canonici illi cappam mutauerint in palliū, supra plenē ostensum est in Elucidario, & qualiter cappa, idest habitus superior, quod etiā Birū generali vocabulo, & extē siue cappa, vel pallium dici potest, quodq; de essentia nō est, sed habitus lineus cum quo principaliter profitentur Canonici Regu. satis ibidem enodauimus. Archiepiscopus Flo. in 2. parte 3. partis. c. 3. sic dicit, In illis ordinibus vbi est distinctio habitus nouitiorum ab habitu professorum, etiam si indistinctus sit habitus eorum ab habitu aliorum cum eis vitam cōmunem ducētium, sicut si essent Canonici Regu. & Clerici Sęculares cū eis in choro videntes superpelliceis, delatio habitus huiusmodi per annum integrum post 14. annum inducit professionem tacitam. Ex hoc arguitur qđ habitus proprius Canonico-  
rum & verus, tam Regularium quā Sęcularium est Superpelliciū, idest lineus habitus: sed Regulares continuo deferre tenentur: quia cum illo profitentur, sęculares tantum in diuinis deferunt, quia non profitentur. Ideo cōcludit Io. And. in verbo habitus: qđ omnes Canonici Regula. qui profitentur regulam B. Augu. inuicem possunt eligi: & ratio elicitur ex d. Glo. quia vbi est vna & eadem ratio professionis & habitus: ibi est eadē iuris dispositio: sed in Canonici regu. est eadem ratio professionis Regulę Augu. & habitus linei: ergo erit in eis eadem iuris dispositio, quia ipso iure vnus, & idem ordo erit in omnibus Canonici Regu. licet diuersarum sint congregationum. Hanc ipsam eandem iudumentorum formam à primęua eorum institutione semper obseruauerunt & obseruant Canonici



Canonici Lateranenses sicut expresse diffinit Io. And. in d. Clementina j. de elect. in verbo habitus. ubi dicit, quod habitus lineus quem Canonici Regu. sub cappa deponent est eorum habitus. Certe tantus vir hoc ignorare non potuit, cum hoc notorium esset in ciuitate Bononien. de Canonici Regu. S. Ioannis in Monte, & S. Victoris Bononię, de quibus fit mentio in c. cum in ecclesia. extra. de maio. & obed. Obijt autem tantus vir Bononię, Anno domini 1348. ex peste, prout eius discipulus Ioannes Calderini meminit in c. nostro. extra de coha. Cleri. & muli. Sic ergo patet dictos Canonicos Regulares Lateranenses sub eadem ratione professionis, & habitus cum ipsius antiqui ordinis Canonici continuasse. Vnde in proemio ipsarum constitutionum idē Benedictus sic dicit, Benedictus episcopus seruus seruorum Dei, &c. Ad perpetuam rei memoriam, & infra. Ideoque inter religiones alias in agro eiusdem ecclesię plantatas, ad religionem Canoniorum Regularium ordinis S. August. ab eodē glorioso doctore in primitiua ecclesia sacris institutionibus stabilitam, gerentes precipue caritatis affectum &c. Et cum in eisdē constitutionibus sit tradita eiusdem ordinis, & habitus forma, quam etiam ipsi Lateranenses Canonici retinent ex constitutionibus approbatis per Martinum 3. ex quo quidem firmissimo fundamento inferitur continuatio vnius, & eiusdem ordinis ratio, ac iuris dispositio cum antiquis in ipsis Canonici Regularibus Lateranensibus perpetuo existens. Et hoc contra Eremitanū supplementi cronicarum Auctorem, qui lib. 9. fol. 220. impudenter asserit se inuenire non potuisse nullo autentico scripto, aut approbata consuetudine quis sit Canoniorum habitus. Sed bonus ille vir cognitis rationibus Canoniorum Regu. retractauit in 14. lib. in nouissima eius repercussione, ubi errores multos, sed non omnes retractauit, vt latius patebit infra eo. parte 4. c. 22.

*Ex originalibus Rom. Pont. probatur ipsa Specifica institutio  
continuata.*

*Cap. 16.*

**A**D prædictorum confirmationem adiicimus Greg. 12. testimonium, cuius originale habetur in Archiuis præfatę Canonice de Frigionaria, ex quo plenè probatur eiusdem ordinis prærogationem iam ante ipsam præcessisse contra supplementi

Q ti

ti Auctore, qui nephario ausu cū eius sequacibus absque certo auctore asserere præsumpsit tempore huius Pont. ipsum ordinē habuisse principium, & quasi nouum ordinem à prædicto fratre fuisse institutum. Imo ex eiusdem Gre. indulto colligimus, prædecessorum Rom. Pontificum priuilegia ipsis Canonicis Regu. præexistentibus indulta confirmasse. Ex qua quidem confirmatione facile constat ipsum ordinem continuatis successibus sub Apostolicę Sedis protectione per longissima tempora ante ipsum Greg. 12. firma radice perstitisse illibatum, nec per idem tēpus nouiter institutum.

Incipit, Gregorius. Episcopus seruus seruorum Dei, &c. Dilectis filiis S. Marię de Frigonaria ordinis S. Aug. &c. Pia nos excitat, & inducit affectio, vos, & Monasteria vestra in quibus sorte noscimini diuinis obsequijs mancipati, fauoribus prosequentes apostolicis, ad ea paternis studijs intendimus, per quę status eorundem Monasteriorum votiuis continuē crescat incrementis. Hinc est quod nos vestris supplicationibus inclinati, vt in spiritualibus, & temporalibus vos, & ipsa monasteria (auctore Deo) proficere valeatis, quod omnes, & singuli Canonici eorundem Monasteriorum, qui sunt, & erunt pro tempore perpetuis futuris temporibus de vno ad aliud eorundem Monasteriorum, de licentia tamen Priorum ipsorum Monasteriorum existentium pro tempore transire ac in eo remanere valeant. Quique in eodem Monasterio ad quod taliter transibunt, perinde illius Canonici haberi ac censi debeāt in omnibus, & per omnia acsi in illo ordine S. August. cuius professores estis, expressē professi fuissent, Priores ipsorum Monasteriorum, qui etiam sunt, & erunt pro tempore de anno in annum mutari siue de regiminibus ipsorum Monasteriorum transactis singulis annis eo ipso destituti cēseantur. Ita tamen quod iterum, & iterum de anno in annum in casu quo videatur eisdem Canonicis in statum pristinum eligi, & ad regimina huiusmodi assumi possint, ac electiones huiusmodi, dummodo per duas partes eorundem Canonicorum, & alias canonicę fiant, eo ipso, perinde vim confirmationis habeant, acsi per eandem Apostolicam confirmata forent. Ad hoc etiam Diocesani loci, & cuiuscunque alterius licentia, seu consensu minimē requisitis, quod quę vos omnibus, & singulis Priuilegijs, Prærogatiuis, Gratijs, Exemptionibus, Immunitatibus, &

& Præminentijs per eandem sedem aut aliàs qualitercunque vobis, & eisdem Monasterijs diuissim concessis, perinde vti, & gaudere liberè, & licitè valeatis, ac si vobis, & eisdem Monasterijs communiter concessa fuissent, quibuscunque constitutionibus Apostolicis, nec non statutis, & consuetudinibus Monasteriorum, & ordinis prædictorum iuramento, & confirmatione Apostolica, vel quacunque firmitate alia roboratis, & alijs contrarijs nequaquam obstâtibus, vobis auctoritate Apostolica, tenore præsentium de speciali gratia indulgemus. Nulli ergo omnino liceat hanc paginam nostrę concessiõis infringere, vel ei ausu temerario contraire. Si quis autem hoc attentare præsumpserit, indignationē omnipotentis Dei, & Beatorū Petri, & Pauli Apostolorum eius se noverit incurrisse. Datum Lucę .5. Calen. Maij. Pont. nostri anno 2. Cum ergo præcedentia Romanorum Pontificum testimonia Authentica dent intellectum ad subsequentiā, constat euidenter hunc ipsum ordinem Canonicū sub Regulari ei usdem ordinis Obseruantia non nouiter sub hoc Pontifice Gregorio (vt trufator ille in Supplemento dicebat) sed antiquitus longè ante per tempora fuisse institutum, & vsque ad nostra hæc tempora, adiutore Deo, inuiolabiliter viguisse. Exhibeant modo religiosi omnes, sive mendicantium, sive Claustralium ordinum Antiquiora priuilegia ad probandum reformationis prioris sue institutionē, nec Monaci Nigri, nec Albi Montis Oliueti, qui institutionis suę Priuilegia exhibere antiquiora non possunt nisi Pij. 2. priuilegium. Sed nec religiosi sancti Saluatoris seu sancti Donati de Scopeto antiquiora dabūt, nec denique mendicantium ordines reformati reformationis eorum antiquiora producent autentica testimonia: ergo non nouus ordo vt fingunt aduersarij. Quibus ad maiorem expressiõnem de verbo ad verbum epigramma in marmoreo lapide ex opposito ingressus ipsius ecclesię de Frigionaria parieti infixum adiicimus. Saluatori ac S. Spei matri Marię Canonici Reg. ab Apostolis primum, diuique Aug. norma sub Apostolicis Regulis instituti, continuo iam pridem in hoc Cenobio arctius Deo dicati, hinc per Italiam sub titulo Lateranen. hanc eadem vetustate labentem restituere.

*Eiusdem Cano. Ordi. cum antiquis continuatio Canonica auctoritate  
Martini v. probatur. Cap. 17.*

**C**onsequenter ad probandam prædicti Canonici ordinis cum antiquis identitatem, subnectendum est & aliud superempe auctoritatis Apostolicæ Sedis testimonium Martini 5. qui eidem Gregorio. 12. & Ioanni 23. immediate successit. Incipit, Martinus Episcopus servus servorum Dei, &c. Ad perpetuam rei memoriam, &c. & infra. Hinc est, quod nos dilectos filios sanctæ Mariæ de Frigionaria, sancti Leonardi, sancti Ioannis in monte Bononiæ, sancti Victoris Canonice annexe, & sanctæ Mariæ in portu, sanctæ Mariæ de Insula Tremiti, S. Mariæ de Blanchis Casoleti Mediolanensis diocesis, sancti Saluatoris de Brixia, sanctæ Mariæ de Caritate, sanctorum Quadraginta Martyrum Tarvisinæ diocesis, Canonici ordinis sancti Augustini Priores, Præpositos, Canonicos, & conventus, ut Deo. quietius famulari valeant, fauoribus gratiosis prosequi volentes, & infra. Pro eorum perpetua soliditate, & cōservatione, quanquā diuersorum monasteriorum professi existant, nihilominus vnum corpus, vnaque Congregatio simul, & vnione connexa censcantur: & infra. Ad cuius quidem sanctæ Religionis augmentum, & felicem in Domino obseruantiam veram, & sanctitatis successum, Idem Priores, Præpositi, Canonici, & conventus singulis annis siue biennijs, aut saltem triennijs, prout opportunum. expedire nonerint, Capitulum generale celebrare debeant. & infra. In quo quidem Capitulo pro stabilimento Religionis præfatæ, & obseruantia Regularis concernentia, eadem auctoritate terminare, statuere, & ordinationes, atque statuta condere, ac inde statuta condita successu tēporis, prout eidem Capitulo magis congruū videbit & utilius fin Deum, & pro cōmuni oīum pace, & cōservatione Regularis obseruantia valeant. Et infra. Alijs autē ipsius antiqui ordinis cōstitutionibus præsertim Benedicti 12. Prædecessoris nostri minimè teneantur astricti, quoniam mores, obseruantias, & consuetudines abundatiores habent illis, & in rigiditatibus, & disciplina Canonici ordinis strictiores, & obseruantia Regulari arctiores ad cōseruandum Religionis debite statum. Ex quibus itaque Authenticis testimonijs patet identica Canonici ordinis cum antiquis approbata continuatio.

Ad

*Ad comprimendum Supplementi figmentum auctentico  
Alex. 4. testimonio fundamentum adducitur in  
medium. Cap. 18.*

**A**D comprimendum insuper Supplementi mendaciū vñō  
eodemque contextu repetimus Auctenticum Alexandri  
4. testimonium, quod item eiusdem Canonici ordinis arctiora  
principia repetit: vbi post primam sancti Frigiani eiusdem eccle-  
siæ Frigionariæ foundationem, secundam Illustris Mathildis eius-  
dem ecclesiæ instaurationem, tertiam testatur eiusdem ecclesiæ  
instaurationem. Incipit, Alexander. 4. &c. Dilectis filiis Priori, &  
Canonicis ecclesiæ sanctæ Mariæ de Frigionaria ordinis sancti  
Augustini Lucanę diocesis salutem, & Apostolicam benedictio-  
nem. Volentes ecclesiæ vestræ, obtentu dilecti filij nobilis Mar-  
choaldi militis de Malpiglijs Lucani, qui nuper de bonis pro-  
prijs ecclesiam vestram instaurasse dicitur, & dotasse, & qui per-  
sonaliter pro vobis Apostolicam gratiam impetrauit, &c. Est &  
aliud eiusdem Alexandri 4. Priuilegium. Incipit, Alexander epi-  
scopus seruus seruorum Dei dilectis filiis Priori, & Canonicis de  
Frigionaria ordinis sancti Augustini Lucanę diocesis salutem,  
& apostolicam benedictionem. Sactos sancta Romana ecclesia  
deuotos, & humiles filios ex assuetę pietatis officio propensius  
diligere consuevit, & ne prauorū hominum molestijs agitētur,  
eos tāquam pia mater suę protectionis munimine cōsrouere. Ea  
propter dilecti in domino filij personas vestras, & locum in quo  
diuino estis obsequio mancipati cum omnibus bonis: quę in  
præsentiarum rationabiliter possidet, aut in futurū iustis modis  
præstare domino poterit adipisci sub B. Petri, & nostri protectio-  
ne suscipimus: specialiter autem possessiones, terras, redditus, &  
alia bona vestra, sicut ea omnia iuste ac pacifice possidetis vo-  
bis, & per vos ecclesiæ vestræ auctoritate Apostolica confirma-  
mus, & præsentis scripti patrocinio communimus. Nulli ergo  
omnino hominum liceat hanc paginam nostrę protectionis, &  
confirmationis infringere, vel ei ausu temerario contraire. Si  
quis autem hoc attentare præsumpserit, indignationem omni-  
potentis Dei, & Beatorum Petri, & Pauli apostolorum eius  
se nouerit incursum. Datum Viterbij. 6. Idus Aprilis. Pontifica-  
tus nostri Anno 4. Quod etiam tempore huius Alex. 4. in præfa-  
to.

to loco Frigionariæ esset Canonicus ordo patet supra ex eiusdem Alexand. 4. pleniore priuilegio. Sed, & longè ante vsque ad nostra hæc tempora (vt præmilimus) præfati Frigiani, Alex. 2. & illustris Mathildis Canonicum ordinem viguisse constat. Floruit autem S. Frigianus sub Pelagio. i. circa Annos Domini 554. à quo quidem Pelagio constitutiones B. Augu. & Apostolorum canones simul cum habitu Canonici ordinis in Basilica Lateranena, suscepit, vt legitur in gestis ipsius B. Frigiani. Mathildis autem Illustris Comitissa, & triumphatrix in chryta fuit contra Hæricum 3. & floruit sub Alex. 2. & Grego. 7. Anno Domini 1064. quæ ob deuotionem tanti viri vt diximus Canonicam eo in loco Frigionariæ cum dote fundauit.

*Eugenij 4. testimonio conuincitur Auctor Supplementi Cap. 19.*

**A**D maiorem continuationis huius Canonici ordinis demonstrationem subnectendum est supremum Eugenij 4. Decretum, cuius originale est Romæ, transumptum vero in Abbatia S. Augu. de Placentia. Incipit, Eugenius, &c. Ad perpetuam rei memoriam, & infra. Præfatam sacrosanctam Basilicam ad primam instaurationem, & primæuum statum reducimus, atque reponimus auctoritate apostolica, & ex certa scientia, vt ordo Canonicus, qui secundum Deum, & B. Augu. regulam ibi noscitur institutus perpetuis futuris tēporibus in dicta Venerabili Basilica vigeat, & inuiolabiliter obseruetur. Et infra, Nos in huius sancti operis instauratione piè considerantes, & diuinis sedulius studiis reuoluentes ad sanctam in vinea Domini plantationem, religiosam familiam Dei, cōgregationem de Frigionaria nuncupatā, quæ sub B. Aug. regula Altissimo militantes, & S. Religionem prout certe comperimus deuota puritate seruantes in ipsius Regulæ vigore, & ordinis disciplina Saluatori piissimè famulantur. Respeximus, & mentem nostram conuertimus auctoritate apostolica, scientia, & potestate, ordinem prædictum in dicta ecclesia instituiimus, &c. nota verbum, ad primam institutionem. Et verbum, primæuum statum. Et verbum, certa scientia. Et verbum, ordo Canonicus. Et verbum, congregationē de Frigionaria. Et verbum, prout certe comperimus. Et verbum, sub eadem regula, quæ omnia identitatem specificam, & continua-

tam



tam antiquitatem in ipso eodem loco Antiquitus obseruatam connotant, & certissimam apostolicę sedis declarationem expriment. Ergo non à fratre Iacobo nouus ordo, sed a duobus viris eiusdem ordinis profectis ex Cęlo Aureo proficiscuntibus vna cum alijs ibidem eiusdem ordinis profectis Canonis Regulę, præexistentibus ipse antiquus ordo in loco Frigionarię, qui & longè ante per longa tempora institutus, ad meliorem perfectio- nemque ac sanctiorem viuendi modum est salubriter instaura- tus. Et sequitur in eodem Eugę. Decreto: Decernimus præterea & statuimus, vt omnes dictę congregationis conuentus ab huius- modi Basilicę titulo nomen accipiant, & singulos dictę congre- gationis Canonicos Clericos religiosos in omnibus iuribus, & priuilegijs censi decernimus. Ex quibus etiam colligitur tam per præcedentia quàm per subsequētia Pontificum Romę priui- legia dictam sanctam, & Deo acceptabilem religionem nō alio- prorsus titulo quàm Canonico Regularium diui patris Augu- stini fuisse, & esse gratijs, indultis, varijsque immunitatibus multi- pliciter decoratam, confirmatam, atque in sancta Dei ecclesia sub eadem continuatione cum primis diui patris Augu. clericis regulariter viuētibz stabilitam.

*Nico. 5. constitutione eadem veritas probatur contra men-  
daciū supplementi. Cap. 10.*

**A**D hęc pro maiori præmissorum corroboratione subnecti-  
tur constitutio Nicolai 5. Incipit, Nicolaus 5. &c. Ad per-  
petuam rei memoriam. Et infra. Dudum siquidem felicis recor-  
dationis Martinus 5. prædecessor noster Dilectos filios sanctę  
Marię de Frigionaria Priores, Prepositos, Canonicos S. Aug. &  
infra. Et deinde pię memorię Eugę. 4. prædecessor noster redu-  
cens, vt ordo Canonicus qui secundum Deum; & B. Augu. Re-  
gulam ibi noscebatur institutus; & infra. Decreuit; & statuit, vt  
deinceps omnes dictę congregationis conuentus, & loca ab huius  
S. Lateranensis Basilicę titulo, & totius cōgregationis capi-  
te nomen acciperent, & Saluatoris congregatio appellaretur, &  
singulos dictę congregationis Canonicos vbicunque Domino  
seruientes huius Basilicę clericos religiosos omnibus iuribus,  
priuilegijs ac de eius Capituli gremio censi decernit. Præmis-  
sa

ſa Rom. Pontificum decreta, Priuilegia, & indulta cōfirmat Sixtus 4. Incipit, Sixtus episcopus &c. Regiminis &c. Simili modo, & in magno priuilegio eidem congregationi indulto. Incipit, Sixtus Episcopus ſeruus ſeruorum. Ad perpetuam rei memoriam. Dum ad vniuerſos regulares ordines ac loca ſanctimonie dedita, perſonasque voto religionis aſtrictas ipſo iniuncto nobis apoſtolicę ſeruitutis officio ad illum præcipue Canonicoꝝ Regu. congregationis Lateranen. ordinem S. Aug. eo libentius oculos noſtrę mentis conuertimus, quò ordo ipſe in naſcentis eccleſię ſancta inſtitutione, ac primorum Chriſtianę religionis clericorum norma traditionibusq; fundatus, & ſacris inſtitutis ac diuinis regulis eloquijsque diui patris Aug. præmunitus exiſtit, ab eius primęua fundatione varijs virtutum meritis ſemper reſplenduit. Quam breui nonnulli Rom. Pontifices prædeceſſores noſtri innumeris religionē ipſam priuilegijs, dignisq; honorum titulis non immerito decorarunt. Vnde nos eorum ductos exemplo decet vt congregationē ipſam Lateranen. in agro Dominico multiplices, & vberes ſanctę conuerſationis fruſtus in dies afferentem, noſtris etiam ſpecialibus gratiarū muneribus muniamus, & his quę pro ipſius ordinis, & congregationis laude, ac perſonarum vota ſub ſuauī religionis inibi exoluentium pace, & quiete proceſſerunt, ne in contentionis ſcrupulū labantur, ſed firma pariter, & illibata perſiſtant, noſtri adiicimus muniminis firmitatem. Et infra. Priuilegia, conceſſiones, immunitates, & gratię ſingulis antedctis Monaſterijs, ac locis ipſius religionis, & congregationis per Rom. Pontifices prædeceſſores noſtros, ſeu pro Ro. Pōtificibus ſe gerētes, Reges, Duces, Barones, Principes, Dominia, & Communitates conceſſa. Quę omnia haberi volumus pro expreſſis, & in poſterum concedenda in omnibus, & per omnia ad vniuerſa, & ſingula loca, Monaſteria, Prioratus, Præpoſituras, & domos, eorumque perſonas, quę tūc & procedente tempore ad huiusmodi religionem, & congregationem ac eiudem Canonicos reducta, & unita eſſent ſeu reduci, & vniri contingeret, cum illius ac illorum ſuppoſitis, vel vnitis aut per eoſdem Canonicę acquiſitis, & iuſto titulo acquirendis, vt præfertur, extendi debere.

*Sixti quarti priuilegio ipsius Ord. Cano. continuata antiquitas comprobatur ad corroboracionem præmissorum. Cap. 21.*

**S**ub breui itaque præmissorum Epilogo connectimus; suntque in dicto magno Sixti Quarti priuilegio ad prædecessorum suorum Indultorum confirmationem contenta exprimere curauimus. In primis de titulo Lateranensi & Canonico regularium propria expressione. Secundo confirmantur ibidem omnia priuilegia eidem Canonico ordini per Rom. pontifices prædecessores suos concessa. Tertio de exemptione qua dicta religio immediate Apostolica sedi subiicitur. Quarto conceditur cura animarum. Quinto ad exemplar prædecessorum suorum de sacris ordinibus suscipiendis plurima conceduntur. Sexto de altari portatili. Septimo de tempore interdicti. Octauo de collectis non soluendis plura concedit priuilegia. Nono quia præfati Canonici nullatenus cogi valeant ad causas audiendas & curam Monialium. Decimo de bonis eidem religioni legatis atque relictis. Vndecimo de præscriptione sexaginta annorum. Duodecimo de absolutione à censuris. Tertiodecimo de patientibus defectu natalium & de homicidio. Quartodecimo de audientia confessionum. Quintodecimo de insula Tremitana plurima ad prædecessorum suorum confirmationem concedit. Sextodecimo de facultate alienandi mobilia. Decimosextimo de plenaria indulgentia in articulo mortis. Decimooctauo de stationibus. Decimonono de simplici voto ingrediendi religionem. Vigesimo de bonis incertis. Vigesimo primo de transitu ad aliam religionem sub excommunicationis pena: quam tam recepti quam recipientis eo ipso incurrit nisi seruatis seruandis. Vigesimo secundo conceditur facultas, ut dicta religio gaudeat priuilegijs aliorum quorundam religiosorum, si quæ desint eidem religioni. Vigesimo tertio ad instar prædecessorum confirmatur longæua auctoritas prædicandi, ipso iure eidem religioni concessa. Vigesimo quarto quod largissime intelligantur priuilegia ipsi ordini concessa. Vigesimo quinto quod Priuilegia firma, & inlibata permaneant à suis prædecessoribus concessa, quale est illud de sepulchris liber eligendis apud eosdem Canonicos, quod nullus ipsis inuitis in solo eorum edificet oratoria, aut sanguine fundere, aut ignem apponere, aut furtim rapere quis præsumat de

R eorum

eorum bonis quæ possident, quòd nullo pacto derogetur con-  
priuilegijs, quòd nullus cõtra veniat ipsi magno, & amplissimo  
priuilegio, & quòd ipsis inuitis Canonicis non celebretur Offi-  
cium Mortuorum in ecclesijs suis, quòd denique non prohibea-  
tur parochianis, vt eisdem Canonicis confiteantur. Mandat po-  
stremo vniuersis cuiuscunque dignitatis existant, gradus, & Ita-  
tus, vt ipsi Canonici Regu. præsidio sint cum tuerint requisiti.  
Transumpto denique tam singularis, & præcipui priuilegij ma-  
nu notarij fides adhibeatur.

*Quod ordo Canon. Regu. ex ipsa reformatione vnum & idem sit  
cum antiquo instituto ab Augu. & ab apostolis in primitiua  
ecclesia ostenditur ex nouissima retractatione facta  
ab ipso supplementi Auctore. Cap. 22.*

**P**Roinde ad præmissorum corroborationem subnectimus  
retractationem factam per eiusdem Supplementi auctore  
in eius supplemento nouissime repercusso lib. videlicet 14. fol.  
363. vbi sublato figmẽto prius ibidem descripto: sub tali verbo-  
rum formã. Ordo nouus &c. Alijs verbis sic retractans ad litterã  
dicit. Verum quia de Canonicorum ordine supra lib. 9. aliqua-  
cutim diximus, non ab re pauca hæc quæ sequuntur post præfati  
9. lib. impresionem ad nostram notitiam nuper allata clariori  
veritate subnectimus. Quamuis autem supra in Elucidario, præ-  
fatione vltima de ipsa retractatione pauca scripserimus: quæ ta-  
men ibi non sunt inserta, hic breui Epilogo annotamus. Ait er-  
go idem supplementi auctor abrafo vt diximus præmissio fig-  
mento,

**O**RIGO & procursus Canonicorum Regu. eorumque ad nostra  
vsque tempora regularis obseruantie continuatio.  
**O**RDO Canonicorum Regularium ab apostolis primum institu-  
tus, indeque à B. Aug. apud Hypponem Africę urbem diuinis in-  
stitutionibus decoratus reffloruit varijs postmodũ successibus in  
Hyspanijs, Gallijs, reliquisq; per orbem regionibus, & per Italiã  
mirum in modum est profusus dilatatus, sed apud Burgũdian  
in Beluacensi ecclesia sub magistro sanctoque viro Buone eius-  
dem ecclesię Præposito ad pristinam eiusdem ordinis obseruan-  
tiam efflorere cepit. 22. anno Imperij Henrici. 3. testis Sigisber-  
tus

in Cronicis, & Vincentius historialis lib. 26. c. 51. Hanc veritatē sequitur auctor Fasciculi temporum, & Venerabilis Antoninus Archiepiscopus Flor. 2. suę Cronicę parte. ti. 15. & cap. 16. Quod incipit, Circa annos Domini 1080. Sic etiam id colligi potest ex ipsius B. Aug. sermonibus, de moribus, & communi vita Clericorum, quod Rom. Pontificum Canones, & Doctorum dicta certissima veritate testantur.

**CERTVM** quo nam successu in Italia, & apud cęteras quamplures nationes varijs temporum emergentibus casibus idem Ordo multipliciter à domino sit reformatus, optimē testantur vetustissima, & auctentica librorum testimonia. Nam per sanctissimum virum Frigianum Lucen. episcopum, de quo magnus meminit Gregorius in Dialogorum lib. per Tusciam, & vniuersam pene Italiam fuit sparsus, & auctus. In Anglia quoque per Augustinum Anglorum episcopum iussu, & mandato beatissimi Gregorij institutus est, quod habetur in Decretis à Gratiano ca. quia tua fraternitas. 1. 2. q. 1. In Gallijs etiam ante, & post longa tēpora B. Vgonis, & Ricardi de S. Victore. Itemque in Italia usque ad tempora B. Petri Damiani apud Rauennam primum in Canonica S. Marię in portu, Deinde per Italiam ab eo capite est propagatus. Ipse namque vir sanctus clara ex familia de Honeſtis Rauennę natus prius apud Auclanę locum Eremiticam duxit vitam, deinde Episcopus Hostiensis, & Cardinalis ordinatus tempore schismatis inter Cadolū episcopū Parmensem, & Alex. 2. pileo à se sponte abdicato ad Canonicam præfatam se tranſtulit, ibique post multa præclara librorum edita opuscula, & pietatis magnificę gesta, eiusdem loci Prior sanctę, pieque, in Domino quieuit. Extant vsque in præsentiarum Constitutiones ab eo editę de communi vita Canonicorum Regu. & Pascalis 2. auctoritate confirmatę. Floruit idem ordo, & mirabiliter auctus tempore Benedicti 1. 2. qui circa annos Domini 1342. ipsum ordinem priuilegijs, & constitutionibus ab ipso approbatis decorauit.

**VERVM ENIM** Canonicus idem ordo in Ethrurię Regionis agro Florentissimē, & in agro Lucen. apud Canonicā sanctę Marię de Frigionaria felici religionis successu à domino est reparatus. De ipsa quidem ordinis continuatione meminit idem Archiepiscopus Flo. cod. ti. & cap. 33. §. & flores apparuerūt

in terra nostra. Nam vñdem testatur, & Canonici Regu. in loco prænominato olim ab illustri Mathilda Comitissa cōdito, duobus mediātibz viris eiusdem ordinis professis, vita, & doctrina præclaris, circa hæc tempora à domino sunt reformati, & vñq; hodie Abbatiam Fasulanam possidēt sub vno capite, & congregatione degentes. Sed verius dicuntur Canonici Regu. diui Augusti, & congregationis Lateranen. S. Saluatoris de vrbe.

ATQVI fuerint præfati viri duo Authentici scriptis, & certa veritate compertum habetur. Hi videlicet extiterunt eiusdem sanctæ Regularis obseruatæ auctores D. Leo de Charate, & D. Tadeus de Bagnasco Canonici ambo reg. Cenobij S. Petri Papæ in Celo aureo professi: & ipsi viri Venerabilis patris Bartholomæi de Columna sacerdotis, & Dei Præconis celeberrimi, cuiusq; Romani consilio, & hortatu ad præfatum locum se recipientes sanctam reformationem sub regulari eiusdem ordinis obseruatia, & sub arctissima paupertate Dei cooperante gratia fundarunt.

SI QUIDEM Leo venerabilis vir dum præfati Cenobij S. Petri in Celo aureo sub Abbate Prior existeret, & iuris Canonici Doctor, quasi alter Helias spiritu Dei feruens zelo arctioris vitæ succensus ex præfato Cenobio de consensu Abbatis, & conuentus eo loci Frigionariæ se contulit gaudens, ipsius loci allecatus grata & amana solitudine, & Sancta Canoniconum ibidē conuersatione comperta permotus. Quod, & publico super hoc instrumento rogato manu Ser Ioannini de Piscarij notarij, & cuius Papiensis firmissimè constat. Erat enim tunc temporis notarius eiusdem Cenobij S. Petri in Celo aureo, vt habetur in Archiujs eiusdem Cenobij, cuius quidem exemplar vsque ad nostra tempora penes quendam cum alijs originalibus ciuem Papiensem de Vegijs conditum esse dinoscitur. Hūc itaque virum prius nomine Leonardum, sed postmodum Leonē vocatū, paulo antè præcesserat Venerabilis sacerdos, & concanonicus eiusdem Cenobij S. Petri Celi aurei de Papia prælibatus D. Tadeus diuino numine afflatus qui ad eam reformationē coadiutor ardentissimus extitit, & præfati sacerdotis hortatu Anno videlicet Domini 1402. primus post iacta Regularis eiusdem ordinis, & arctioris obseruantie fundamenta, præfatam Frigionariæ Canonicam Vicarius, & subinde Prior non multo post præfati D. Bartholomæi de Columna præsidentis coadiutor incredibilis feruoris pro-



uidentia gubernauit. Cui postmodum in Priorali administratione præfatus D. Leo successit, quo etiam tempore videlicet Anno salutis 1410. idem pater Leo D. Vincentij Ianori, tunc Prioris S. Frigiani de Luca præcatu nonnullos ex Canonicis de Frigio naria ad eiusdem ecclesię reformationē concessit, vt expresse habetur ex publico instrumeto, quod habet in archiuis S. Frigiani rogato manu Ser Raphaelis quondā Nicolai Benedicti de Luca. Igitur prænominati duo præfati Cenobij S. Petri Canonici ordinis prius professi post Venerabilem D. Bartholomeum Columnam ibidem prius præfidentem, quasi duo Candelabra in domo Domini rutilantia eam congregationem vitę sanctimonie, & doctrinę splendore, mirabiliter illustrarunt. Erat etiam id temporis apud Cartusien. cenobium non longē ab eo Frigianarum loco distans Venerabilis nomine Nicolaus de Albergatis Bononien. postea ab Eugenio 4. Cardinalis tituli S. Crucis creatus. Hic paulo ante comperto prædictorum virorum proposito dum apud eum prius hospitio fuissent excepti, ad eū locum eos ipse perduxit.

**ET QUIDEM** eo in loco idem canonicus ordo per longa antea tempora indefesse viguerat, quod eiusdem loci etiam testantur antiqua successiue pontificum Rom. priuilegia. Non longē uero post contigit, vt vna cum pontifice Maximo Greg. 12. D. Gabriel Condolmerius Venerus, postea Eugenius 4. eiusdē Grego. Papę ex sorore nepos Cardinalis dum ad Lucen. urbem cū præfato Pontifice peruenisset, eius sancti propositi, & Canonici ordinis inclito comperto successū, singulari admodum lætitia gauisus est. Nam dum antea Venetijs, & Parauij ad eiusdem patris Bartholomei Columnę sacras cōciones innumerabilis ferē populi cōcursum haberetur, quamplures vtriusque sexus ex patricio Veneto sanguine iuuenes ad Christi suaue iugum conuertebantur, ex quorum numero idem D. Gabriel vnus erat, qui simul cū paucis congregationis S. Georgij de Alga Venetijs initium dederat.

**IDEM** autem D. Gabriel Cardinalis creatus, deinde inito Pontificatu Euge. 4. nuncupatus Lateranen. ecclesiam, in qua per longa antea tempora præfatum ordinem Canonicum testantibus Pontificum priuilegijs uiguisse constat ad primęum eiusdem ordinis statum reducere volens dictę congregationis Canonicis accer-

acceritis de consilio, & consensu dominorum Cardinaliũ, certa scientia, motu proprio, & auctoritate apostolica eidem congregationi mox ipsum locum per eosdem reformandum restituit. Sicque incorporauit, vt deinceps præfata congregatio ab ipsa Lateranen. Basilica S. Saluatoris de vrbe perpetuis futuris temporibus denominaretur, & dictæ congregationis Regulares Canonici de eiusdem Basilicæ capitulari gremio vbicunque domino seruientes Clerici censerentur, & essent. Et alia quamplura ibidẽ prosequitur in sua retractatione idem frater Iacobus Philippus Bergoniensis supplementi auctor, cuius retractantia verba prolixius ibidẽ descripta causa breuitatis omitto. Sed hæc sufficiant, vt respiscant aduersarij qui gloriantur hunc se errorem (retractatum tamen) pro clypeo sumpsisse. Quippe qui cognoscentes se ueracissimis testimonijs, & rationibus conuictos, quasi cecutiẽtes harundineo baculo inhaferunt. Hũc etiam errorem nonnulli historiarum ignari suis inserere voluerunt scriptis, excusantes se ita eo supplemento comperisse quasi cæci cæcum sectantes: quasi præfatę congregationis vt præmissum est originem, & procursum legissent, utique in foueam non corruissent. Hi sunt Germanus quidã Teutonicus, & medicus in suo amplo volumine cronica historiata. Et incertus quidã auctor in additionibus ad Vincetium historiam, cui vt ipse præmittit ex cronica quadam noua, videlicet ex supplemento multa & inuisse quidem scripta adiecit, & alius quidã Brixienfis Capriolus in cronica Brixienfi, à plerisque tamen in multis reprobata, cum alijs erroribus descripsit suam ignorantiam, referens in auctorem supplementi, cuius retractatio nouissimè in ipso supplemento, & in hoc opusculo sat efficax est ad comprimendos falsarios, & Canonici ordinis aduersarios.

Explicit quarta pars principalis.



# QVINTA PARS PRINCIPALIS IN QVA COMPRIMVNTVR

ADVERSA RIORVM OBIECTIONES

ET FRIVOLA ARGVMENTA.



**H**IS Itaque præmissis superest vt consiliorum venalium rationes contra Canonicum ordinem cõprimamus. Prima eorum ratio est ab antiquiori institutione. Secunda ratio à Regulæ Priori approbatione. Tertia à litterali priori denominatione. Quarta à dignitatis Abbatialis prælatione. Quinta ratio sumitur à cõsuetudinis obseruatione. Sexta ab arctioris vitæ professione. Septima à nobilioris suppositi consideratione.

**AD PRIMAM** eorum rationem, quæ sumitur ab antiquiori institutione. Arguunt enim in primis ex Regula iuris in 6. Qui Prior est tempore, potior est in iure, & à simili arguunt ex glo. in cap. quorundam. de elect. in 6. vbi lo. An. dicit in ver. prædicato. Nota semper fratres Prædicatores præmitti, quia antiquior fuit ipsorum institutio. Item de excess. prælat. c. nimis. el. 2. de priui. In his. de excess. præla. c. vno. in 6. de deci. c. 1. in superscrip. cum simili. & de reli. domi. c. 1. Et ibi Gemi. & doc. no. ordinem seruandum in processibus Ar. à simili. c. Episcopos. 18. dist. glo. not. pro generali regula, quòd qui prius dignitatem ceperunt, præferendi sunt alijs, 74. dist. episcoporum & 75. dist. c. vi. Et extra de maior. & obed. c. 1. quoniam ille gradus ceteros antecellit quem labor prolixior, & impedimenta longiora fecerunt antecire, vt c. de offi. magi. offi. l. nemo. & ff. de albo scribendo. l. 2. &c.

**QVIA** ergo ipsi Monaci ceperunt à Paulo primo Eremita & ab Antonio, qui fuerunt ante Augustinum: imò vt dicunt ordo Monasticus cepit ab Helia & Heliço & reliquis, qui primo elegerunt

2. sunt vitam solitariam cum filiis prophetarum. Ad hoc dicendum,  
 q̄ siue à causa remotissima, siue à causa remota in veteri & no-  
 uo testamēto arguendum sit, siue à causa propinqua, scilicet ab  
 vtriusq; ordinis institutoribus: simpliciter sunt antiquiores Ca-  
 nonici Regu. vt supra in Elucidario, & in prima parte principa-  
 li huius operis probatū est. Et ratione Clericatus digniores, vt su-  
 pra ostensum est in prima huius libri parte. Et ratione excellen-  
 tissimi institutoris B. Augu. qui tempore, & dignitate, & doctri-  
 na prastantior, nec sanctitate inferior B. Benedicto. Sed nec in-  
 stitutio Monachorum in communi viuentium propriè loquen-  
 do non habuit specificam rationem originalem à Paulo & An-  
 tonio & huiusmodi, quia secundum Doct. Aliud est esse Mona-  
 chi ab esse Eremitę, patet extra, de senten. ex com. c. super eo. vbi di-  
 citur tex. Monaci & Eremitę: ista enim copula &, ipso iure nō po-  
 nitur nisi inter diuersa. Nec obstat si pari ratione dicatur de Cle-  
 ricis, & Canonicis qui inter se videntur valde diuersi. Ad hoc di-  
 cendum quod alia, & alia est ratio in Canonicis, & alia in Mo-  
 nachis. Canonici enim cum primis Clericis uoto se astringebāt,  
 & consequenter erant in statu perfectionis, vt supra ostensum est  
 ex doctrina S. Tho. & Petri de Palude. & Archid. in cap. qui vere.  
 16. q. 1. dicit q̄ non est vita conformis inter Eremitas, & Mona-  
 cos, quia Eremitę sicut & nūc poterant cōtrahere matrimoniū,  
 sed non Monachi professi, de quibus est glos. vlti. in ca. scripsit. 27.  
 quæst. 2. nec illi uotum habebant paupertatis, quia Paulus pri-  
 mus Eremita fecit testamentum. 19. q. 3. §. contra, & sic in termi-  
 nis loquitur Glo. in cap. ex parte. 2. in ver. constitutus. de conuer.  
 coniugatorum, & ita notat d. Abbas, & per moder. plenè tracta-  
 tur in c. cum Ioannes Eremita. de fid. instru. Nazareī autem in ve-  
 teri testamento uoto se Deo obligabant, vt supra ostensum est  
 ex doctrina S. Thomę in Elucidario, & apostoli, eorumque suc-  
 cessores Apostolici verisimiliter tria essentialia religionis voue-  
 bant, & successiue B. pater Augustinus cum Clericis suis edifica-  
 to Monasterio cepit uiuere secundum regulam sub sanctis apo-  
 stolis constitutam, ad instar primorum Clericorum qui tria es-  
 sentialia vouebant. Concordat Speculator in 2. & 6. parte Ratio-  
 nalis diuini officii. Et sic concluditur siue loquamur de regula regu-  
 lante B. Augustini, qui regulam approbatam in specie elucida-  
 uit, quę nihil aliud est quam totius euangelicę, & apostolicę per-  
 fectionis

fectionis speculum, siue loquamur de regula regularata quæ est Canonicus ordo, siue Canonicorum regu. religio, cõformitatẽ eandem habet cum Leuitis, Nazaræis, voto vouentibus, & cum primis Clericis, quam quidem conformitatem Monaci cū primis Eremitis strictè non habent. Tertio si in ordine ad causam propinquam loquimur in quantum Augustinus fuit institutor Canonicorum, & Benedictus Monachorum fundator, vt etiam dicit Io. An. in cap. quod Dei timorem. de sta. mo. sic dicendum est, quòd Augustinus fuit tẽpore Theodosij magni, Damasi Papæ, Basilij, Hieronymi, & Ambrosij, circa Annos Domini 380. beatus vero Benedictus circa annos Domini quingentos triginta quattuor, tẽpore Totilæ, vt refert B. Gr. in lib. Dia. & Archi. Floren. in 3. parte sue Cronicæ, in ca. de sacro ordine. dicit quòd Aug. floruit longè ante Benedictum per centũ annos, & eo amplius, vnde Canonici Regulares qui fuerunt instituti à B. Aug. vtique fuerunt longè antè Monachos Benedictinos. hæc ille. non obstat capitulum ex auctoritate. 16. q. 1. vbi dicit Greg. Monachis sacerdotibus figuram apostolorum tenentibus. Ad hoc dicendum quòd Monaci sacerdotes figuram tenent apostolorum, nõ in eo quòd Monaci sunt, sed in eo quòd sacerdotes. Dictum est autem supra, quod vni sigillatim ex priuilegio conceditur, non statim omnia conuenit. 16. q. 1. cap. hinc est. Non tamen sequitur quòd Monachis per se competat, vt sint Clerici. i. ex natura eorum, & primaria eorum institutione, sed per accidẽs, & dispensatiuè ex priuilegio: Et Glo. ibi in verbo sigillatim arguit, quòd priuilegium cõcessum uni non extenditur ad alios. habetur idẽ di. centesima prima. cap. contra morem. 7. q. 1. Petisti. Et in d. ca. hinc est, dicit Gratianus. in fine, Hieronymus refert Monachos Scithiæ conuenisse in vnum vt sacerdotem sibi inuenirẽt. & paulo superius dicit idem Gratianus. Aliud enim conuenit cuique, scilicet ordini Monacali, vel Clericali ex eo quòd Monachus est, aliud ex eo quòd clericus est. Sicut aliud conuenit cuique ex eo quòd ciuis est ex priuilegio, & aliud ex eo quòd ciuis est per naturam. Sunt enim quibus per se competit ex natura vt sint tales, sunt quibus per accidens cõpetit esse tales. Monaci ergo vt Monaci sunt, repræsentant filios prophetarum in solitudine uiuentes, & vitæ solitariæ vacantes, in veteri testamento, & in nouo largè quidem, sed non strictè repræsentant primos illos Eremitas

in solitudine viuentes. Canonici verò vt dictum est representant strictè quidē Nazaræos voto dedicatos, & Leuiticos sacerdotes in veteri testamēto, & in nouo clericalem cōmunitatem apostolicam, quam B. Augustinus propriè, & specificè: cum suis Clericis assumpsit, & obseruandam in scriptis tradidit successoribus suis Canonicis clericis. non ergo dixit B. Greg. Monacis sacerdotibus figuram apostolorum tenentibus propter statū Monacalem, sed propter sacerdotij celsitudinem, quam quidē dignitatem sigillatim quasi aduentitiam, & per accidens. i. ex priuilegio Monaci quidam singulariter asserti fuerunt aliquando, quæ vt dicitur in cap. hinc est. 16. quæst. 1. non prohibentur Abbates fieri sacerdotes, cum B. Benedictus iubeat Abbatē fratribus egredientibus, & regredientibus benedictionē dare. Glo. in ver. Abbates, idest sacerdotes ingredientēs Monacale claustrum non prohibentur fieri Abbates.

**VBI ETIAM** notandum est quod dicit Greg. Monacos figurā tenere &c. quasi impropriè dictum, quia Canonici Reg. non figuram, sed veritatem successionis tenent ab Apostolis, & primis Clericis traditam. f. Clericalem seu sacerdotalem communitem, quam propriè, & in specie assumpsit B. Magnus pater Aug. ecclesiæ sanctæ lumen, & Antistes inclytus. Recte ergo dixit B. Greg. quod Monaci non simpliciter, sed sacerdotes Monaci figuram tenent veluti vmbra, quæ inferior est ipsā veritate succedēte. Et habetur. 1. 2. q. 1. c. Illi. vbi dicitur quod Clerici sunt successores apostolorum. tex. ibi dicit quod clerici successores eorū sunt, scilicet apostolorum, similiter & Monaci hæc eorū de quibus dicitur, multitudinis credentium erat cor vnū &c. Et quod de Clericis in comuni vinentibus intelligatur textus, patet ex sequentibus quæ dant intellectum ad præcedentia, vbi sic ad literam loquitur tex. Necessè est ergo vt ipsi videlicet Clerici eorū sequantur vitam quorū in ecclesiā gradum administrant, & ibi tex. iūta Glo. in ver. Clerici, propriè loquitur de Clericis, de quibus dicit tex. in fine. Non ergo sibi aliquid proprium vendicabunt, sed erunt eis omnia communia. Sunt ergo Canonici successores apostolorum quò ad duo, videlicet quò ad Clericatus dignitatem, & quò ad regularem statum, quæ duo regularibus Clericis per se competunt. Monaci autem successores sunt solum ad cōmunitatem, & in hoc conueniunt cum Canonicis, non autem



in Clericatu, in quo sunt natura diuersi. Clerici autem Sæculares cum Canonicis conueniunt quidem in Clericatu, sed non in uitæ communitate, à qua sunt relaxati. Monaci autem cum prædictis Clericis prinitim viuuntibus in clericatu, aut in communitate nitæ non conueniunt, ex quo sequitur quòd Canonicus ordo medium tenet inter Clericos, & Monacos, & utrisque communicat. In Clericatu quidem cum clericis, & in communitate uitæ cum Monacis. Qua quidē varietate veluti regina in vellitu deaurato circumamicta varietate sacrosancta mater ecclesia pulcherrimè exornatur, quam etiam varietatem qui impugnat videntur etiam totius vniuersæ ecclesiæ decorem pariter deformare. patet veritas ad objecta inducta contra antiquiorem Clericalem institutionem in ipsis Canonicis Regula. primaria eorum fundatione consistentem.

AD SECVNDAM Monacalem rationem quæ sumitur à priori Regulæ Benedicti approbatione. Dicunt enim Iuristæ quidā in suis venalibus consilijs pro Monacis Benedicti regulam prius fuisse approbatam, inducentes pro rotunda decisione tex. Alex. 3. in c. super eo. de regu. Ad hoc dicendum quod de priori approbatione regularum si volumus rectè iudicare necessaria est historiarum notitia, & temporum discretio, à qua penitus nudos, & ignaros se ostendunt dicti iuristæ, ideo dicendum est primum quod ex text. illo Benedicti regula ius nullum Prioritatis sibi vendicat. Ponderanda sunt enim prius verba tex. qui dicit, quòd Clericus veniens ad monasticum ordinem si ante professionem redire voluerit, deferat indumenta cum quibus à sæculo venerat ad monasterium secundum Regulam B. Benedicti. Ecce patet, quòd nec propter illam simplicem nominationem inferri potest rotunda decisio, ut isti imperitè dicunt, nec ex tex. quidē elici potest prior approbatio regulæ Benedicti: hoc autem sic multipliciter deducitur.

PRIMO quidem sic. Si regula Beati Benedicti ex tex. illo ius prioritatis accepit, ergo tunc cepit vim approbationis habere, quando tex. ille ab Alex. 3. manauit, & non ante. Sed in contrarium facit tex. Inno. 2. in cap. perniciosam. 18. q. 2. vbi idem Põtifex qui longè antè præcesserat Alex. 3. inducit pro approbatis tres antiquas regulas B. Basilij, Augu. & Benedicti. Ergo non rotunda decisio cõtra Geminianum, & Philinum, & alios corū sequaces.

**SECUNDO** sic. Nam quorum est eadem ratio, eorum est eadē iuris dispositio, sed vbi in Canonicis, & monacis est eadem ratio, etiam in vtrisque est eadē iuris dispositio. maior de se patet; quia sicut in d. c. super eo. tacite innuitur regulę Benedicti approbatio. pari etiam ratione in eodem titulo illud idem inferitur ex cap. sane. immediate sequenti, vbi tam ex rex. eiusdem Alexan. 3. quā ex Glo. iubetur Canonico Regu. à Monastico ad Canonicum ordinem reuerti, si absque penta licentia Pręlati trāsierit, quod arguit leuitatis signum si contempta superioris obediētia, & licentia non petita etiam ad minus arētam transierit, in quo casu iubet dictus Alex. 3. Canonicum illum ad Canonicam reuerti, iuxta Glo. quę inducit in eo. tex. Concilium Eduense in c. Nullus, tempore Greg. 7. celebratum, inducit etiam Glo. ibidem cap. mandamus tex. Vrban. 2. 19. q. 3. Qui quidem Pōtificees per centum ferē annos Alex. 3. præcesserunt. Quo stante fundamento sic arguo. à religione non approbata ad religionem approbatam simpliciter, & absolute quisque potest transire. cap. fin. de reli. domi. & eo. tit. in 6. c. vnō. & eo. lib. c. 1. de voto, ergo si in vtroque tex. scilicet c. super eo. & cap. sane. immediate sequentis, est eadem ratio, eadem etiam erit de vtroque ordine iuris dispositio, quia indifferēter ex hac ratione, & tacite inferitur ex vtroque tex. quod vterque ordo tempore Alex. 3. erat quidem tacite approbatus, sed non tamē ex hoc innuitur quod Monasticus ordo prius fuerit approbatus, cum illud idem elici potest de Canonico ordine ex cap. sane. immediate sequenti, vt probatum est, quia vbi est eadem ratio, ibi est eadem iuris dispositio, & sic rotundę decisionis fundamentum in venalibus cōsilijs totaliter corrui, quia regula Benedicti ex tex. illo non cepit habere vim prioritatis approbationis, vt inferre videntur illi domini consiliarij.

**TERCIO** contra istos lure consultos est tex. c. cū causam. de electione, in quo scribit Inno. 3. quod quamuis in ecclesia Lucana S. Petri foris portam multi Priores continuē vnus post aliū per longa tempora fuerunt electi non professi: Quia. tamen quidā presbyter Bonus non erat professus, quamuis à maiori parte Canonicorum electus esset Prior. Et quia talis consuetudo nō iuuabat, vt ibidem notat Glo. ex ca. ad nostram. & c. cum inter vos. extra de consue. Et ut dicitur in tex. d. cap. cum causam, quia non quod factum sit, sed quid faciendum sit considerandum est. l. sed licet.

licet. ff. de offi. praesid. & l. penul. ff. de iusti. & iur. & 93. distin. egimus. Ideo in tex. d. c. cum causam strictè precipit, & mādāt Priori S. Frigiani, vt abrogata posteriori consuetudine diffiniat Canonicos illos ad primiciam inmemorabilis initij cōsuetudinem redire, & electionem illam irritam habere, ac compellat praefatum presbyterum Bonum sic non professum electum, aliosque Clericos non professos electores, vt vel B. Aug. regulam in eadē ecclesia constitutam profiteantur, & seruēt, aut ipsam ecclesiam omnino dimittant. Ecce contra rotundam decisionem. ca. super. eo, quia non perfunctoriè, & narratiuè nominatur regula B. Aug. sicut regula B. Benedicti in c. super eo. Sed dispositiuè, & praecisè, & diffinitiuè in d. c. cum causam. Papa demādāt B. Aug. regulam ibi ex longēui, & inmemorabilis initij vsu constitutā, profiteri, & saluari. Quae omnia tam praecedentia quam subsequētia Canonici ordinis solida fundamenta, si rogati illi rectè ponderassent, certè non tot cantilenas facerent: quia licet Inno. 3. paulo post Alex. 3. successerit, ex ponderatione tex. d. c. cum causam. colligitur expressè, quòd Inno. qui fuit auctor Concilij generalis Lateranen. à quo manauit. c. fin. de reli. domi. vbi expressè iubetur quòd de cetero nullus inueniat nouam religionem, sed qui conuerti voluerit, vnam de approbatis regulis assumat. Cumque praefatus Inno. 3. fuerit auctor tex. d. c. cum causam. elicitur expressè ex eo tex. q. B. Aug. regula per lōgissima tēpora tacita saltē approbatione lōgè antè Alex. 3. fuerit approbata, aliàs nō dicere lōgēua cōsuetudo, vt colligit est tex. Papa diffinitiuè precipit, & in specie ipsam B. Aug. regulam profiteri, & obseruari.

**QVARTO** contra rotundam decisionem uenalem sic nostra cōclusio deducitur, nam licet ex tex. c. iuxta. 16. q. 1. ibi Alex. 2. nomet simpliciter regulam beati Benedicti non tamen infertur ex eo tex. ius prioris approbationis regulae B. Benedicti. Sic enim ponderanda sunt verba Alex. 2. in ipso c. iuxta. quòd Monachi omnes quamuis religiosi etiam ad normam beati Benedicti intra claustrum morentur iuxta Calcedonenſis Concilij tenorem, viros, Castella, Ciuitates peragrarè prohibentur, & à populorum praedicatione omnino cessare iubentur. Facit ergo tex. ille magis pro Canonicis Regularibus: quibus Clericalia officia exercere, & praedicationis munus non prohibetur. Per quod datur intelligi, quòd Canonicis Regularibus per se competit esse Clericos.

ricos. Et cōsequenter concluditur Clericalē B. Ang. & apostolicā Regulam eo ipso quo fuit prius instituta, ipso iure etiā prius fuisse approbatam. Colligitur etiam Ignorantia istorum Iuristarū, qui pro rōnunda decisione nescierunt dare textum Alexandri secundi, qui longē ante Præcesserat Alexandrum 3. Sed nescierunt neque intellexerunt, quia in tenebris ambulant.

**QVINTO** sic proposita nostra conclusio pro Canonici Regulis congregationis Lateranensis sancti Saluatoris de vrbe deducitur. Nam sicut habetur ex Authentico transumpto Gregorij Papæ 9. ex Archiuis Abbatie sancti Augustini de Placentia, ibi Gregorius 9. dicit, ad exemplar Alexandri secundi, Canonici ordo sub sedis Apostolicæ protectione suscipitur, & sic tacita saltem approbatione videtur prius Canonicus ordo fuisse confirmatus ante textum dicti Capituli Super eo. Facit etiam ad hoc quod habetur in textu Nicolai Papæ primi, qui per ducentos Annos ante Alexandrum secundum fuit coronatus, tempore scilicet Lodouici secundi, anno Domini. 864. Idem ergo Nicolaus Papa in fine c. presens. 20. q. 3. dicit. Canonicos religiosos non putamus à consensu Monachorum seiunctos, & licet ibi nominet Monachos, constat tamen quia religiosus propriè, & strictè non dicitur nisi certam regulam approbatam profiteatur. cap. unico. de voto. in sexto. & ibi Panormitan. ergo Canonicus ordo etiam tunc erat approbatus, nec obstat quòd etiam ibi Monaci nominantur. quare ad hoc dicendum, quia non negamus B. Benedicti regulam longē antè Concilium generale ex diuturnitate saltem temporis fuisse probatam, sed negamus absolutè, & simpliciter ipsam Benedicti regulam fuisse prius approbatā. Negamus insuper prædictas tres regulas antiquas speciali approbatione Sedis Apostolicæ indiguissè, quia nondum manauerat talis constitutio prohibens quemadmodum manauit ex Concilio generali Lateranensi in c. fin. extra de reli. domi. & c. rito. c. mo. lib. 6. quare ibi expresse prohibetur absque Sedis apostolicæ auctoritatē nouam inueniri religionem.

**PROINDE** aduertendum est hoc esse quod principaliter intēdimus, quod in toto corpore iuris nunquā poterit assignari text. antè d. Conciliū, ubi ad instituendū seu monasteriū Collegiū causa religionis requiratur in specie Apostolicæ Sedis approbatio, præterquam in cap. 18. q. 2. Sed text. ille est Concilij Calcedonensis, ubi

vbi expresse prohibetur tantum quod nullus sine episcopi conscientia Monasterium ædificet. Sed tale decretum non obligabat Augustinum, tum quia Augustinus factus presbyter de consensu Valerij Episcopi accepto ab eo horto Monasterium Clericorum mox instituit, & cepit viuere secundum regulā sub sanctis apostolis constitutā, vt ipsemet fatetur in sermonibus de cōi vita clericorū, Et Possidius Calamētis ep̄s refert hoc idē in vita ipsius. Et ecclesia cantat in eius solēnitate cuius auctoritas suprema. c. si Romanorum. 19. distin. tum etiam quia B. Augustinus factus episcopus iam senior propria auctoritate quando regulam edidit vt ipse testatur in dictis sermonibus vbi dicitur: Non decet episcopum, non decet hos canos vestem preciosam, Itē ad hoc non obligabatur B. Aug. qui fuit ante Concilium Calcedonen. Siquidem B. Aug. obiit circa annos 434. Et Concilium ipsum manauit anno. 450. tempore Martiani Aug. & Leonis primi, sed bene obligabat B. Benedictum qui post d. Concilium obiit circa annos Domini 540. Item ad hoc obligabatur B. Benedictus, vt Monasterium cum licentia episcopi, & regulam institueret, non tamen obligabat B. Aug. quia ante Conci. Calcedonense hoc idem fuit institutum in Concilio Cartaginē. cui ipse pater Aug. interfuit, vt habetur in cap. qui religiosis, vbi prohibetur expresse sine episcopi auctoritate Monasterium institui, ergo non neglexit Augustinus procurare ipsius instituti approbationem, quam ipse sciebat propria auctoritate sufficere, cum auctor ipse fuerit, & dux omnium Cōciliorum Cartaginē. quæ in ipsis 11. annis, quibus fuit episcopus fuerunt celebrata. Ergo ipso iure potuit Aug. episcopus, quod non potuit Benedictus simplex Monachus tenore prædictorum Conciliorum.

**NON OBSTAT** c. Ecclesia. de cons. dist. 1. Vbi dicitur q̄ sine nutu Apostolicæ sedis Ecclesia non debet institui: quare ad hoc dicendum quod illud Nicolai 1. Decretū fuit postea reuocātū per contrariam consuetudinem & approbatam constitutionē Concilij Aurelianē. vt patet in c. proximē sequēti: vbi dicitur nemo ecclesiam ædificet antequam episcopus ciuitatis veniat. Ergo sola auctoritas episcopi sufficiens erat: non autem approbatæ sedis auctoritas: vt patet in d. c. quidam, & c. qui religiosis. 18. q. 2. Item quia ecclesia loquitur de Dedicatione Ecclesiæ: non autem de institutione Monasterij vel regulæ.

**NEC OBSTAT** Glo.in d.c.Ecclesia: vbi dicit quòd ex quo ecclesia non potest construi sine auctoritate Rom. Pontificum : multo potius aliqua noua secta sine eius auctoritate non potest construi. Ad hoc dicendum quòd antecedens est falsum per prædicta: sed cum dicitur quòd aliqua noua secta sine ipsius Pontificis auctoritate construi, tunc non poterat: dicendum est quod si causa religionis hoc fieret, ipso iure collegium erat approbatum, vt infra latius patebit. Item contra prædictam Glo. est tex. Concilij Agathen. in c. cellulas. 18. q. 2. vbi dicitur, Cellulas nouas aut cōgregatium ecclesias monasteriorum absq; episcopi notitia prohibemus institui. Ego ante d. Concilium generale sufficiebat auctoritas episcopi.

**PRÆTEREA** firmiter tenendum est quod B. Aug. non nouam religionem, sed antiquam clericalem vt episcopus ipso iure approbante institutionem reformauit: & regulam apostolicam vt doctor Ecclesiæ in ipsius regula declarauit: vt ex dictis suis sepe probatum est: & ex ipso tex. regulæ patet cuiq; legenti illam. Ipse namque B. Aug. non alium viuendi modum suis Clericis Canonici tradidit nisi eum qui ante ab Ecclesia ex apostolicis institutis fuerat approbatus. Hac conclusio continet tres partes: prima quòd antequam essent istæ regulæ erat alius modus ab Ecclesia approbatus: secunda quod ille modus non alius fuit quàm Clericalis religionis status voto confirmatus: tertia quod ipsum in specie viuendi modum B. Aug. assumpsit, & obseruandum Clericis suis tradidit in ipsa sua declaratoria regula quam speculum nominauit: vt dicit Possidius in vita B. August. Prima pars conclusionis patet ex doctrina B. Thom. in 4. dist. 38. concor. & Pet. de Pal. ibidem. Et probatur dictum B. Thom. ex tex. Decreti Clementis & Urbani. c. dilectissimis. c. scimus. c. videntes. 12. q. 1. Secunda pars cōclusionis patet ex c. quare tua fraternitas, vbi dicit Grego. ad Augustinum Anglorum episcopum scribēs. 12. q. 1. Quare tua fraternitas Monasterij erudita seorsum non debet fieri à clericis suis in ecclesia Anglorum, quæ (auctore Deo) nuper ad fidem perducta est: hanc debet instituere conuersationem quæ in initio fuit patribus nostris. i. apostolicis viris, in quibus nullus eorum ex his quæ possidebat proprium habebat, sed erant illis omnia communia. Et in c. dilectissimis. dicitur, communis vita omnibus fratres necessaria est: & maximè his qui Deo irreprehensibiliter



liter militare cupiunt, & vitam apostolorum eorumque discipulorum imitari volunt. Et hoc ex superscriptione d. cap. patet, quia de primitiue ecclesie clericis ad quos scribit idem Clemens, nec aliter intelligendum est: & infra. Quapropter hæc uobis cueda mandamus, & doctrinis, & exemplis apostolorum obedire, præcipimus. Et in c. scimus: ipsum clericalem viuendi modum a primordiis ecclesie approbatum idem Urbanus clarius exprimit dicens. Scimus uos non ignorare quod hætenus vita communis viguit, & maxime inter eos qui in sortem domini sunt electi. i. clericos, sicut in actibus apostolorum legitur. hæc ille. Et hunc ipsum modum assumpsit Aug. episcopus cum suis clericis de eorum consensu, ut ipse fatetur in sermone, qui incipit: Caritati vestrae, de communi vita clericorum. quia antequam promulgaret eius regulam, quam episcopus scripsit, per Lazarum Diaconum iussit legi librum act. apostolo. Ut (inquit) sciatis ubi sit descripta viuendi norma quam desideramus implere. Et hæc est tertia pars cõclusionis, quam etiam Gratianus probat ex text. ipsius patris Aug. ex sermone de communi vita clericorum in c. nolo. quem tex. ad continuationem præmissorum immediate subnectit Gratianus præmissis c. per hoc innuens Aug. non aliud modum eligisse nisi eum clericalem viuendi modum ab apostolis institutum, unde in fin. cap. dicit. ita modo, quia placuit eis scilicet clericis meis (Deo propitio) hæc socialis vita: quisquis inuentus fuerit habens proprium, non illi permitto ut inde faciat testamentum, sed delebo eum de tabula clericorum. Et est text. ex superscriptione. c. in sermone. de communi vita clericorum; quia subiectum ipsius regulæ est de cõmuni vita clericorum simul cohabitantiũ in castitate, & obedientia sub vno prælato, & sine proprio viuentium. Et hoc idem confirmatur ex c. non dicatis, proximè sequenti tex. regulæ Aug. & ex c. certe. ibi 12. q. 1. Et hunc ipsum viuendi modum clericalem quem secutus est B. Aug. explicat idem Urbanus in c. videntes. Eorum omnibus communi vita degere volentibus, ministrare cuncta necessaria debent. s. eorũ Præpositi, prout melius poterunt, ut nemo in eis egens inueniatur, & infra. Ideo si aliquis extiterit modernis, aut futuris tẽporibus, qui hæc auellere nitatur, iam dicta damnatione feriatur. Ecce patet, quia nec Urbanus tali damnatione feriendũ etiã quencquam diceret, nec Aug. vllum ex suis Clericis delẽdũ esse.

de tabula clericorum Decreto censeret, nisi ratione culpæ mortalis. frustra enim quis sub pena peccati mortalis ad certum viuendi modum obligaretur, nisi esset ab ecclesia approbatus. Vnde idem Vrbanus in fin. d. c. scimus. subdit dicens: Quicunque vestrum communem vitam susceptam habet, & vouit se nihil proprium habere, videat ne pollicitationem suam irritam faciat. Grauius enim puniuntur qui votum fecerunt, quam illi qui sine voto mortui sunt. patet ergo ex his quod talis viuendi modus voto solennizatus erat ab ecclesia approbatus; qui idem faciebat quod nunc facit solennis professio ad certam regulam astricta. Et hoc idem confirmat B. pater Augu. ostendens non alium se modum assumptisse. Scio (inquit) ubi supra me dixisse, ut si nollent suscipere socialem vitam mecum, illis non tolletem clericatum. i. non praecluderem eos fieri clericos. Et sequitur malui habere cecos, vel claudos quam plangere mortuos. Mortuos appellat eos clericos qui post emissam professionem volunt habere proprium. Ecce, quia vnus, & idem modus viuendi in Augu. qui fuit antea in primis clericis vitam apostolicam vouentibus, vsque ad tempora Vrbanus Pape, & Martyris, & ultra. Ad hoc etiam facit text. ca. in omnibus. de cons. dist. 5. Ex Concilio Romæ celebrato sub Leone 3. anno Domini 804. Carolo Magno assidere, ubi in eo Concilio fuit editus ad vitam clericalem reformandam Liber quinque capitulorum, & appellatus est liber ille liber Canonice: ubi ad literam est conscripta regula P. Augu. Et reliqui duo sermones de communi vita clericorum. Et hoc ipsum confirmatum est in Concilio Aquensi, & Maguntino, vbi ad literam sic dicitur, In omnibus igitur quantum humana fragilitas permittit, decernimus ut Canonici Clerici Canonice viuant, obseruantes diuinę scripture doctrinam, & documenta sanctorum patrum. Et nihil sine licentia Episcopi vel Prelati eorum gerere præsumant, simul manducent, & dormiant, in vno claustro maneant &c. Certe ex his patet expressè quod huiusmodi obseruantia non tam strictè præciperentur obseruari, nisi talis viuendi modus per se, & à primaria sui institutione per beatum patrem Augustinum Hypponensem Episcopum ipso iure, quo fuit institutus, etiam prius ab ipsa ecclesia fuisset approbatus.

**SIXTO PATET** indubitata veritate Conclusio præmissa contra detractores, videlicet quod regula Beati patris Augustini speciali

ciali nunquam indiguerit Apostolica sedis approbatione. Sed ipso iure fuit approbata, quo fuit instituta. patet ex Concilio E. duen. maxime auctoritatis, & sub Gregorio 7. celebrato anno vi. delicet Domini 1074. Et immediate eidem Grego. Urbanus 2. auctor Concilij Turoñensis successit. Ex his ergo duobus Concilijs manauit tex. c. nullis. & c. mandamus. 19. q. 3. quibus cauetur, & strictè prohibetur q. Canonici Regulares fieri non debeant Monaci, quandiu ordinis sui ecclesiā inuenire quierint, in qua Canonice uiuendo Deo seruire, & animam suam saluare possint. q. si temerario ausu id agere tētauerint Anathematis vinculo obligentur. Quo stante sic arguo. A religione non approbata ad approbatā vnusquisque simpliciter, & ipso iure transire potest cap. vno. de reli. domi. in 6. imo transiens ad sēculum si matrimonium contraxerit, tenet matrimonium, quia votum non solennizatur, nisi qui certe regulę approbatę se astrinxerit. cap. vno. de voto. iuncta Glosa, imo tales de nouo instituētes religiosam domum sunt excommunicati per extrauagantē Ioā. 22. ut dicit Abb. in c. fin. de reli. domi. Vnde si ordo Canonicus esset huiusmodi, non posset quis saluare animam suam in Canonica Regu. Si ergo tempore Alex. 3. Benedicti regula cepit habere vim sue approbationis iuxta rotundā decisionē. c. super eo. de reg. vt dicit iuriste in fauorē Monachorum, ergo tēpore Greg. 7. qui per 100. fere annos p̄cessit Alex. 3. qñq. fuit approbatus ordo Canonicus, qñ Monasticus ordo Benedictinen. adhuc nō erat approbatus, & sic implicatio cōtradictionis cōtra Iuristas imperitē loquentes: concluditur ex his, quia ipso iure Canonicus ordo erat approbatus, & tunc temporis innuitur etiam nō solum approbatus, sed nec indiguissē, speciali apostolicę sedis approbatione. Et hoc est qđ in hoc secundo membro 5. partis huius operis contra rotundā, & non quadram decisionem, principaliter intendimus rationibus, & multiplici auctoritate probare.

SEPTIMO pro indubitata veritate tenenda est conclusio quod predictę regulę Augustini, & Basilij in specie nulla vnquam indiguerunt apostolicę sedis approbatione, sed tantum episcopali auctoritate, ut ex premisis patet. non quidem Augu. episcopi, & Basilij episcopi regula, sed Benedictinā tantum regula. nō autem auctoritate apostolicę sedis indigebant prefatę regulę: atque ex eo quod iam p̄cesserant Concilium generale Latera-

nense, à quo manauit constitutio. & fin. Ne nimia, & ibi propter  
 verbum de cetero innuitur quod constitutio respicit futura, & nō  
 praterita. c. cognoscētes. extra de constitu. Quam quidem costi-  
 tutionem strictius reperit Greg. 10. in Concilio Lugdunensi in  
 ca. vnico. de reli. domi. Certū est enim quod Constitutio sequēs  
 tollit priorē, nisi de antiquis fiat mētio, ut in d. c. ne nimia, quia  
 ibi dicitur, transeat ad unam de approbatis, quas Inno. 2. in d. ca.  
 perniciosam. distictē inducit ex indubitata præsuppositione lō-  
 gē antē d. Concilium generale quasi approbatas. nam antē illud  
 Concilium generale Lateranē. sub Inn. 3. Anno videlicet 1215.  
 celebratum, omne collegium propter religionem erat ipso iu-  
 re licitum. ff. de col. illiciti. l. 1. §. sed religionis, & in iure canonico  
 non erant ante d. Concilium huiusmodi collegia simpliciter p-  
 hibita, quē causā religionis sanctę erant, sicut beatorum Augusti-  
 ni, Basilij, & Benedicti prędicti, prędictę autēque institutiones.  
 Quō stante fundamento dico quod quodocūque vnum dispo-  
 nit à iure civili non nutriendum peccatum, illud etiā & in foro ec-  
 clesiastico irrefragabiliter est obseruandum. patet in c. 2. de noui  
 operis nuntia. Et Panor. idem dicit in cap. ecclesia S. Marię. ex-  
 tra de costi. Alia uero collegia ex quauis causā ipso iure erāt pro-  
 hibita, ut l. 3. in principio. ff. cod. tit. & l. 1. ff. quod cuiusque vni-  
 uersitatis: aliās si dictę regulę indignissēt speciali approbatione,  
 superfluum fuisset constitutionem illam promulgare in d. Con-  
 cilio generali, & consequēter si inualidę fuissent, certū est quod  
 Constitutio illa cap. ne nimia, uana fuisset & cassā, nec opus fuisset  
 addere de cetero, nec etiam illud, quod qui cōuerti uoluerit,  
 ad unam de approbatis transeat. Quare certe flagellandi essent  
 huiusmodi nugaces tanti erroris inuētores, qui non sunt ueriti  
 contra tantū Doctore, cuius ipsi tanquā pręcipui patrōni culto-  
 res esse debuerūt, tantā calumniā inferre, ut tantus catholicę fidei  
 defensor, quasi deceptor animarū fuerit & p̄ditor, ac sic fuerit in-  
 stitutor regulę, quę inanis esset, & inualida usq; ad Alex. 3. p̄ octi-  
 gentos annos: q̄a utique mortaliter peccasset obligādo clericos  
 suos sub pena peccati mortalis ad regulam non approbatam,  
 O insensata cura togatorum qui tantopere nequiter insudarūt,  
 ut discordias inter dictos religiosos in eorum Consilijs uenali-  
 bus fouerent, & hi quidem pro emungendis Monasticis pecu-  
 nijs elaborarunt pro uiribus, ut contra eminentissimę auctoritatis

ratis Doctorem latrantes canes inuenirent, quod nec vsque modo inuenire potuerunt: nec vnquam in rerum natura inuenire poterunt text. de priori & specifica approbatione regulæ B. Benedicti. Quinimmo cognoscentes se esse confusos quasi rugientes Leones non erubuerunt etiam ignominiosa loqui de ipso tanti antistitis Augu. sacro Canonico ordine: qui tã in collegio Ferrariensi quã in Collegio Bononiensi multa trullatorie obloqui ausi sunt: quæ res procul esse debet & aliena ab omni prorsus sapiënti & grauissimo viro. Quid non mortalia pectora cogis auri sacra fames? Et cum inuenire non possint tex. prioris approbationis in specie pro regula B. Benedicti, fateantur necesse est quod beatissimi Doc. Aug. Regula & Clericalis Institutio eo ipso fuerit prius approbata, quo prius fuit instituta.

**OCTAVO** sic deducitur prædicta conclusio hoc præmissis fundamento. Legi Dei deest quicquid Augu. contigerit ignorare. Et sunt verba Volusiani in epistola ad Aug. Quo stante dico, quod aut Augu. sciuit, aut ignorauit ipsam regulam Apostolicæ sedis specifica indiguissæ approbatione. Si ignorauit, certe absurdum est hoc ipsum ponisse ignorare, quia vt dicit Archid. in c. Certè, potuit Aug. de consensu Clericorum suorum uiuere secundum regulam sub sanctis Apostolis constitutam. Si uero sciuit regulam suam indigere speciali approbatione sedis Apostolicæ, profecto culpandus erat affectata negligentia quæ equiparatur dolo. Dolus in l. j. ff. de dolo. in tex. & Glo. sic diffinitur. Dolus malus est omnis calliditas, fallacia, machinatio ad circũueniendũ, fallendum, & decipiendum alium adhibita. Et ideo aliquando (vt in casu nostro) negligentia ad procurandam necessariam in specie approbationem diceretur lata culpa. ff. man. l. si fideiusso. in principio dicitur, dissoluta negligentia propriè dolus est, id est lata culpa. & quando lata culpa dicitur, notatur in l. nomina. C. arbi. tute. cum suis concordantijs. Sed certe ualde absurdum esset asserere tam excelsum doctorem, & sanctissimum uirum, vel hoc ignorasse, vel sciuisse, & neglexisse approbationem Apostolicæ sedis specificam. Sed puerilia sunt hæc. & ad nouum genus aucupij figmentum machinatum in consilijs venalibus. Vnde pro decisione concludendum est, quod ante Constitutione c. ne nimia. de reli. domi. & eo. tit. ante c. reli. diuer. in 6. nulla adhuc emanauerat Cõstitutio prohibens ne quis Monasterium  
vel

vel nouum ordinem instituat absque speciali Apostolica sedis approbatione, sed bene hoc prohibitum erat quod absque episcopi notitia talia instituerentur. Dicitur enim in Arelaten. Cōcilio in c. de Monacis 18. q. 2. Monasterium nouū nisi episcopo permittente, aut probante, nullus incipere, aut fundare præsumat. Potuit ergo Aug. vel auctoritate Valerij Episcopi factus presbyter monasterium clericorum instituere, & longè magis factus episcopus institutionem clericalem auctoritate propria fundare, quod non potuit Benedictus simplex Monachus.

**PRÆTEREA** ex Concilio Calcedonen. celebrato sub Leone Papa huius nominis. j. & sub Martino Imperatore Anno salutis 550 prohibetur sine conscientia episcopi Monasterium de nouo edificari, & est tex. ibi expressus ubi dicitur, Placuit igitur neminem aut edificare, aut construere Monasteria, aut oratorii domum sine conscientia ipsius ciuitatis episcopi. Per quod datur intelligi quod Benedictus auctoritate propria non potuit quā Aug. episcopus ipso iure potuit, nec ignorauit P. Aug. constitutionem Concilij Cartaginensis cui ipse tanquam Columna fidei nostræ personaliter interfuit. Dicitur enim in cap. qui religiosi. c. a. q. & cap. Monasterium quoque absque episcopi permissione nulli incipere aut fundare liceat. Colligitur ergo ex his omnibus quod Aug. regula apostolica eo ipso fuit prius approbata, quo fuit prius instituta, nec potuit ignorare tantus Antistes, & insignis doctor, qui in Concilijs Cartaginensibus per Annos quadraginta in episcopatu existēs dux, & auriga extitit. Potuit ergo Episcopus, & Doct. B. Aug. utique longè maiori auctoritate propria, quod non potuit nisi aliena auctoritate non sacerdos B. Benedictus Monachus, licet vere sanctus.

**NON O** sic pro cōclusionē tenendū est, Quod ubi agitur de prioritate institutionis & approbationis, necessaria est temporū, personarum, rerum gestarum, & historiarum notitia, à qua se prorsus nudos ostendunt rogati illi, qui pro rotunda decisione inducunt c. super eo. Sed absolute tenendum est Aug. regulam prius ipso iure fuisse approbatā. Ad quod etiam facit suprema Gelasij Papæ huius nominis primi auctoritas, qui longè antequam tēpora Gregoriorum præcessit. Qui licet in libro dialogorum regulam commendat Benedicti, tamen ex illa narratione non vindicat sibi prioritatem approbationis, sed longè ante Grego. Gelasij Papæ primi



primi Decretum generale præcessit, ubi auctoritate apostolica idem Pontifex principaliter intēdit distinguere libros apocryphos à libris sanctorum approbatis, ut in c. S. Romana ecclesia. 15. dist. & ibi approbantur opuscula sanctorum patrum, quæ in ecclesia catholica recipiuntur, videlicet opuscula B. Cipriani Martyris, & Cartaginensis episcopi. Item opuscula B. Athanasij Alexandrini episcopi. Item opuscula B. Gregorij Nazianzeni episcopi. Item opuscula B. Ioannis Constantinopolitani episcopi. Item opuscula B. Hilarij Pictaviensis episcopi. Item opuscula B. Basilij Cappadocensis episcopi. Item opuscula B. Augustini episcopi Hypponenfis, & reliqua ibidem aliorum sanctorum patrum approbatur opuscula. Ex quibus colligitur quod si ex rotunda decisione togatorum pro Monachis consulentium in tex. c. super eo. Benedicti regula ius prioritatis sibi vendicat, pari ratione erit prius approbata quàm regula Basilij, quod est omnino falsum, cum utriusq; tam Basilij quàm Aug. opuscula sint prius approbata quàm esset Benedictus in rerum natura. Nec valet exceptio togatorum immo tanquàm erronea est omnino repellenda, qui ad fugam sibi parandam ne hoc in angulo restringantur obijciunt quod Gelasius Papa ex illo tex. non intendebat approbare Aug. opuscula, quæ ad mores pertinent, sed solum quæ ad fidem attinent. O cæta, & peruersa distinctio, An non (Apostolo teste) fides sine operibus inortua est? Et quid sunt opera bona nisi morales virtutes virtutibus theologicis subiectiuè inherentes, quibus certe à malo retrahimur, & ad bonū meritoriū dirigimur, quibus deniq; ad benè beateq; viuendū instruihur? talia ergo opuscula ad mores pertinentia erunt apocrypha? quis hanc vos docuit facere exceptionem? Cæci, & duces cæcorum, quis vos docuit tam excelsum doctorem calumniari? quem patronum vobis peculiariter, & aduocatum præcipuum venerari debuistis. Cum canter ecclesia, Præsul sanctiss. Aug. via morum, scripturæ secretū, Doctor egregie; lux doctorū. Quare ergo p pecunia extorquenda tantā iniuriam refertis in eū qui lux doctorum perhibetur, & via morum, scripturæ secretum, & vitæ nostræ decretū, doctor denique egregius ac lux doctorū ab ecclesia digno præconio veneratur, & vos sacrilego ausu asseritis opuscula tanti viri moralia debere veluti apocrypha excipi, & præcipuè ipsius Anulstis per totū orbem celeberrimam regulam, quam vestris

cauil-

cavillationibus vultis fuisse inualidam, & prorsus inanem usque ad tempora Alex. 3. à quo c. super eo. manauit, & sic per octingētos Annos voluistis eam prorsus fuisse non approbatam. Nunquam legistis neq; intellexistis ipsius sanctissimę regulę text. qui nihil aliud est quàm totius euāgelicę, & apostolicę perfectionis speculum? nec mirum, quia vt propheta dicit ad dominum loquens. Spreuisti omnes discedentes à iustitijs tuis, quia iniusta cogitatio eorum. Et benè iniusta, quia præcipuum eorum patronum iniuste calumniatur, quem veluti vas auri solidum ornatum omni lapide precioso in toto orbe veneratur ecclesia. Itē obijciunt quod ex quo in specie non fuerit ipsa regula nominata in dicto decreto Gelasij, per hoc non intelligitur approbata, sed absolute dicendum est quod in specie non erat nominanda: quia pari ratione nec liber de Ciui. dei, nec lib. de. doc. Christiana, & alij huiusmodi libri fuisset approbati, ex quo in specie nō sunt ibidem nominati, & eadem ratione dici potest de regula Basilij, quę simili modo inter eius opuscula approbata computatur.

**PRÆTEREA** non erat ipsa regula B. Augu. in specie nominanda, cum eo ipso iure esset approbata quo fuit instituta, ex quo (vt sępe dictū est supra) regula ipsa erat clericalis, & apostolica norma, vt colligi potest ex tex. scr. eius de communi vita clericorum. Et cum ipsa Augustiniana immo clericalis institutio reformata per ipsum sanctum Doctorem præcessit, per 100. annos & eo amplius regulam Benedicti, ad hoc dicendum, & firmiter tenendum est illam prius fuisse approbatam, & hoc multipliciter probari potest.

**PRIMO** quidem, quia ipsius regulę sententię in iure multis in locis, & à Gratiano, & à Doctoribus sunt quasi canones allegatę, vt habetur 86. dist. Quando necessitas 1. 2. q. 1. c. nolo. ca. non dicatis. 5. q. 5. c. non vos iudicetis. 3. 2. q. 5. Non solum, & in alijs pluribus locis, vt supra ostensum est, & ibi sunt verba præcisę excerpta ab ipsius regulę text. & ibi Gratianus in superscriptione allegat Augustinum de communi uita clericorum. nō sic de regula Benedicti, cum nisi in uno loco regulę ipsius sententia vix inueniri potuit in Decretis, quę tamen sententia ab Augustino prius fuit inducta, vt patet in c. in oratorio. 42. dist. Quot, & quanta tripudia facerent aduersarij regulę B. Augu. si talia de regula B. Benedicti aucupari possent.

SECUNDO hoc ipsum probatur. Nam in fine regulæ mandat beatissimus Augu. vt libellus ipse quasi speculum singula hebdomada legatur. Et in sermone qui incipit, Charitati vestre, & in sermone qui incipit, propter quod, de communi vita clericorū. ibi sub interminatione præcipit, vt qui susceptam semel communem uitam non seruauerit, caueat ne sibi damnationem æternam acquirat. Item, quia clericatum illi auferret, vt etiam habetur in cap. certè. 1. 2. q. 1. Sed hoc sine peccato mortali fieri non posset ergo tantus vir mortaliter peccasset obligando ad regulam non approbatam.

TERTIO hoc item sic deducitur. Diuturna possessio scientibus Pontificibus, & consentientibus atque tolerantibus ipsius B. Augu. regulam imò allegantibus illam pro singulari canone, fuit quasi quædam tacita approbatio, non quidem expressa, quia tali specifica approbatione nō indigebat, vt infra §. proxi. Ergo sicut prius instituta per cap. Annos, ita etiam fuit prius, vel tacita approbatione firmata, vt in l. qui in alie. §. j. ff. de acqui. here. cū simil. & in cap. 2. de his quæ sunt à præla. sine consensu Capituli. Vnde à simili dicit D. lo. An. & Panor. in ca. 2. in fin. de rescri. & in proce. Decre. in ver. Rex pacifi. in penul. col. Decretum dicitur tacite approbatum, licet non expressè per sedem apostolicam ex diuturnitate temporis toleratum. Et ita regula Augu. longè antè ortum Benedicti ipsa diuturnitate tacite fuit approbata. Nam à Damaso Papa vsque ad Ioannem .2. inclusiue fuerunt 20. Pontifices, nec poterunt dari pro monacis tot iura quin plura, & antiquiora dari possint pro Canonicis. Reg.

SED LONGE miranda est Geminiani, & sequentium illius leuis argumentatio ex cap. Episcopos. 17. dist. Vbi syllogisticè arguentes trahunt à dicto tex. maiorem quidem veram, sed minorem vtique falsam ponentes malè concludunt, quia ex eo tex. à simili arguunt omnes. Religio cuius approbatio est antiquior, illa cæteris est præferenda, sed Benedicti religio est huiusmodi, ergo &c. Et cum ad probationem minoris quæ est falsa, inferitur tex. c. super eo. Ad hoc dicendū, quia in rerū natura nunquā dari poterit tex. quo probari possit in specie regulam Benedicti prius fuisse approbatam. Discant isti togati uerba tex. cap. super eo melius ponderare, & diligenter examinent, an ex illo text. hæc probatio elici possit. Et cum non inuenerint meliorē tex-

tum pro decisione rotunda in sua confusione tabescant tantumquam à Deo reprobi, qui approbatam tanti doct. regulam reprobare nituntur.

**AD TERTIAM** Rationem Monachorum, quæ dicitur literalis ordinis prænominatio. Quia videtur quòd Monaci in ordine literæ præferantur Canonicis Regularibus. Ad hoc primo dicendum quòd ordo literalis non est seruandus vt notat Io. An. in c. statuius. extra de ma. & obed. Vbi dicitur qui maior est ordine licet minor sit, & posteriori tēpore debet præferri. Idem tenet Io. de Imo. & Bar. in l. nec enim. ff. de solu. vbi text. dicit, nec enim ordo scripturæ spectatur, sed de iure sumitur quod videtur. E per istū tex. Imol. decidit quòd si aliter constat de mēte disponētis, quòd non sit attendendus ordo scripturæ. Bart. idem dicit in l. 2. §. prius. ff. de vulg. & pupil. sed quòd ordo non impediat casum iure, & voluntatis ar. in l. cum placet. §. fidei tue. ff. de lega. 2. Et potest assignari duplex ratio.

**PRIMA** dicitur multiplicationis, quia multa sequerentur inconuenientia.

**PRIMUM** sequeretur quòd mulieres essent Clericis digniores. cap. dilecta. extra de maiorita. & obed. ibi in ver. Canonicos, & Clericos.

**SECUNDUM** Inconueniens est, quia sequeretur quòd Abbas præferendus esset episcopo. vt in c. prohibemus. extra de renun. Vbi Abbas supra episcopos prænominatur.

**TERTIUM** sequeretur quòd Abbas præferendus esset Archid. vt in c. 2. extra de iudi. quia ibi prænominatur Abbas.

**QUARTUM** inconueniens sequeretur quòd Prior esset dignior Archidi. Ecclesiæ Cathedralis, vt extra de officio Archi. c. Adhuc nos. & in super. scrip. c. cum olim. extra de mai. & obe. Vbi Prior præfertur Archid.

**QUINTUM** inconueniens, quia sequeretur quòd Canonici præferendi essent Clericis secularibus. vt in cap. plerique. extra de pact.

**SEXTUM** inconueniens sequeretur quòd Iacobus esset maior Petro, quia Paulus in ordine literæ præponit cum Petro, ad Gal. 2. ibi Iacobus, & Cēphas qui videbantur columnę ecclesiæ & cetera.

**SEPTIMUM** inconueniens sequeretur quòd regula Benedi. eti

Et si fuisset ante regulā Basilij, quia in ordine literę præponitur in c. perniciosam. 18. q. 2. Sed tamen Inno. 2. primò ponit quasi iuniorē Benedicti regulam, deinde ut simul utranque monasticam connectat, Basilij regulam simul connominat. Deinde tertio loco quasi clericalem regulam infert, & in fine tex. præponit Monachis omnibus tam Benedictinis quàm Basilien. regulares Canonicos.

**VLTIMVM** inconueniens est, quia sequeretur quòd Monachi essent omnibus Clericis digniores, quod est absurdum. patet per c. principalem. 1. q. 1. in ordine literę Monachi præferuntur omnibus clericis.

**SECUNDA** ratio dicitur conclusionis, quia talis ordo inuenitur præposteris, & confusus in multis.

**PRIMO** Namque Canonici Regulares Monachi præferuntur, ut in c. Vbiunque. ibi in medio c. Ecclesiam religiosorum Canonicoꝝ ut Monachorum, vel sanctimonialium.

**SECUNDO** habetur extra de sententia excommuni. in ca. non dubium, ubi primo loco ponuntur Clerici, deinde Canonici, deinde cuiuslibet religionis Conuersi.

**TERTIO** habetur in c. ex parte. extra de postul. ibi clare Canonici præferuntur Monachis.

**QUARTO** habetur extra de Simo. in cap. de regu. tex. ibi præponit regu. Canonicos Monachis.

**QVINTO** ex c. j. extra de iura. calum. Vbi præponuntur Clerici cuiuscumque gradus, deinde abbas, Monachi, & sanctimoniales, & in c. nullus Monachus. 2. q. 7. dicitur, episcopi sint, vel religiosi Clerici, vel electi Monachi.

**SEXTO** in c. Auaritię. in super. scrip. extra de præben. ibi Canonici, & Monachi, uenim, quia rogati nonnulli secuti sunt Abbates asserentes quòd Canonici ibi præferuntur Monachis, quia de uicio ibi avaritia tractatur, non autem in actu commendabili. Ad hoc dicendum, ut ipse Abbas dicit in cap. capellanus extra de ferijs, quòd doctoribus standum non est nisi in quantum probat. Sed cum dicti Abbates suspecti sint, nec probent quod leuiter profuerint, ideo non est curandum. Et cum eorum sequaces harundineo ipsorum fundamento innitantur, consequenter non sunt audiendi. Hoc autem fundamentum utriusque Abbatis quod sit leue, & inane probatur, primo, quia in c. Quāto. extra de offi.

iud.ord.præferuntur Monaci Canonicis in vicio, scilicet vagationis, proprietatis, & inobedientiæ, de quibus principaliter ibi arguuntur. Item in cap. Monaci, præferuntur Canonicis Regularibus Monaci. extra de sent. excommu. & tamen ibi de re odiosa tractatur, & criminali, propter quam infertur excommunicatio. Item extra de sentent. excommu. cap. cum illorum. præferuntur Monaci Canonicis in causa culpabili, vt patet in tex. & in ca. canonica. Item in cap. sicut nobis. de sup. negli. præla. ibi in re vitiosa Monaci Canonicis præponuntur. Item quam leue sit vtriusque Abbatis fundamētum cui inhaerent consiliares monastici: patet, quia in c. de Monacis, extra de præb. soli Monaci reprehenduntur, & in c. sequenti. instituta. extra ne Clerici, uel Monaci, ibi in uitio auaritiæ Monaci Clericis præferuntur. Sed in d. cap. Auaritiæ tantummodo Canonici reprehenduntur, & præferuntur non quasi auariores, iuxta vtriusque Abbatis ridiculosam derisionem, quia in tribus præmissis c. Monaci includuntur, sed in cap. Auari. soli Canonici nominantur. Vana est ergo, & puerilis vtriusque Abbatis derisoria locutio, nec viro graui digna, quia apud Rom. Pontifices in toto corpore iuris, nunquam fuit seruata talis abusio, immo contra iuris æquitatē est vt delictū personæ cedat in detrimentum totius ordinis ex regula iuris in 6. Verumtamen talis ordo seruandus est, vbi agitur de Prædicatoribus, & Minoribus, & Eremitanis, quia in tex. ca. quorundam. de elect. in 6. præferuntur in ordine literæ Prædicatores, & talis ordo, quia indifferenter, & vniiformiter seruatur in iure, vtique indistinctē attendendus est. iuxta Glo. Io. An. dicit enim. Nota semper fratres Prædicatores præmitti Minoribus, & Eremitanis, quia eorum institutio est antiquior, & cap. primo. de deci. & cap. 2. de sup. negli. præla. in 6. & quia sic constat de mente Legislatoris, talis ordo indifferenter seruandus est. In Canonicis uero, & Monacis secus est, quia in huiusmodi varius inuenitur ordo literalis vt dictum est supra.

**PRAETEREA** literalis ordo vt sic seruandus est quando constat de mente disponentis, & hoc ex ordine præcedētium ad media, & ad subsequētia, quæ dant intellectum ad præcedētia, & econuerso. Nam secundum doc. cū talis ordo seruatur in principio, & in fine, certissimē constat ex consequenti fuisse seruātū in medio. Vt est ad hoc pulcher tex. Inno. 2. in cap. Vt lex continentię.



nentię. 27. q. 1. Dicit enim ibi Inno. sic. Vt lex continentię & Deo placens mūditiā in ecclesiasticis personis & sacris ordinibus dilatetur, precipimus quatenus Episcopi, Presbyteri, Diaconi, Subdiaconi, Regulares Canonici, Monaci, atq; Conuersi professi, &c. Primo enim ab Episcopis inchoando in fine ad Cōuersos terminatur ordo: ergo cum post presbyteros, Diacones, Subdiacones, & in fine constituentur Monaci atq; Conuersi professi: consequenter in medio tanquam vtriusque naturam participant recte ponuntur Canonici Regu. Participant enim vt dictum est in clericatu cum Clericis sēcularibus: & in regulari statu cum Monacis. Simile habetur in c. Saluator. 1. q. 4. post medium ca.

**NEC VALET** instantia ex Rubrica de statu Monachorum & Canonicoꝝ Regul. quia ibi præferuntur Monaci Regularibus Canonici. Ad hoc dicendum: quòd ordo literalis in Rubricis seruandus est, nisi vrgens causa præposterum ordinem inducat, sicut in casu nostro, quia illi ferè omnes tex. principaliter referuntur in Monacos, & vnum duntaxat, vel duo ad Canonicos diriguntur: ideo ratione principalitatis fir de Monacis prænominatio. Hoc cessante casu seruandus est ordo in Rubri. vt in Rubr. Ne Clerici, vel Monachi se immisceant negotijs sēcularibus. Hoc expressius habetur in c. obseruā. 1. 5. q. 2. vbi interdicitur Clericis & Monacis aduocare, & Gratianus ibi declarat tex. intelligi debere sub appellatione Clericorum: de illis Clericis, qui Canonicam uitam professi sunt: non autem de Clericis sēcularibus. vt in fi. d. c. exponitur. Sic ergo in Rubri. ne clerici uel monaci, appellatione Clericorum veniunt Canonici Regulares.

**DEINDE** Cum ferè totus ille tit. de sta. Mo. & Cano. principaliter tractet de transgressione Monachorum magis, quàm in d. c. auaritię. certum est vtriusq; Abbatis vanam fuisse inuēctionem & leuem expositionem, quam minime probant. Verum si seruādus sit literalis ordo in Rubr. utiq; in ipsa Rubr. tenendus est, ex eo quòd diffusius de Monachorum relaxatione tractat magis q̃ in d. c. auaricię. Vide in c. Monaci. & in c. recolentes. ubi acriter Monaci reprimuntur: quòd à prioribus patrum institutis valde sint relaxati, & à primēuo reformationis eorū feruore collapsi, propter immoderatā rerum temporalium sollicitudinem. vti nā hodie ita non sit. Monachorū enim: officium non est hinc inde extra claustra peruagari pro ampliandis, dilatandisq; possessionibus: etiam

etiam sumptuosos ædificijs inhiare: dicente Propheta, Væ vobis qui iungitis agrum agro: nunquid uos soli habitaturi estis super terram? Sit ergo Monachus claustro suo contentus: sedeat solitarius & taceat. 16. q. 1. c. placuit.

**Q**UAMVIS autem Canonici Regu. in hac materia dudum dormitauerint: interimque dum per immediata suffragia Monaci hinc inde peruagantes togatorum cateruam excitassent; inde factum est ut in auro & argento, & in multitudine congestorum consiliorum gloriarentur: in quibus annexi sunt plerique consulentium candidum ordinem Canonicū probis potius quam probationibus impugnare. Certissimè fateor (teste conscientia) dum ante plures annos florentæ gymnasio sapientum uirorum Pisis vidi ego & legi breuissimū quoddam Consiliū Iureconsulto D. Baptiste Catialupo viro grauissimo ascriptum: in quo satis sobrie utriusque Abbatis opinionem referebat. At eo defuncto sub adulterino Catialupi nomine diffusissimum machinatum est cōsiliū & impressoribus datum: quod utique nullus sani capitis nō nisi stomachatus legeret: nec diutius eo machinato adulterino consilio, repentino calamitoloq; interitu uterque Auctor diuinavltione præuentus est: vnus siquidem Marrani generis: alter uero simulata toga insignitus erat.

**Q**UOD autem in multitudine Doctorum nihil probātium haud quaquam sit gloriandum: facit doctrina Io. An. in cap. 1. extra de consti. qui dicit quod quamuis regulariter communis opinio Docto. sit sequenda, fallit tamen ubi errant: & maxime quando possunt (ut in casu nostro) conuincirationibus & legibus: & allegat. c. Capellanus. extra de feriis: quem ibi sequitur Abbas, qui & ipse allegat textum in l. j. c. de ve. iur. enucl. ubi propria opinione dicit: quod forsā etiam deterioris sententia potest multos & maiores in aliqua parte superare: facit ad hoc tex. c. si testis. 4. q. 3. In simili exemplo dicimus de Geminiano, qui & ipse errauit in c. episcopos. dist. 17. cum sequacibus qui volunt ex illo tex. Monacos præferendos esse: inferentes leuissimum fundamētum. c. super eo. & c. auaricie. quæ minime illis suffragari possunt ut supra euidenter ostensum est. Pro conclusione igitur tenendum est quod dicit Io. An. in d. c. auaritiæ.

De ordine literę non esse curandum, & Abbatem illum esse suspectum. Simile dicit Io. Imo. & sequitur opinionē Cardinalis, qui illud

illud idem sentit. Et hic d. Cardinalis enumerans regulas approbatas in clem. 1. de deci. primo ponit regulam B. August. deinde regulam B. Benedicti. Sed in clement. 1. de supplen. negli. præla. col. 6 præposterum ordinem sruat. Quod innuit hoc esse uel à casu, uel de literalì ordine non esse curandum.

**AD QVARTAM** rationē quę dicitur Abbatialis dignitatis prælatio, dicendum quòd si Monaci Abbates habent, & Canonici regulares habent Abbates & Episcopos, qui simul cum Regularibus Canonicis regulariter antiquitus uiuebāt: & hodie in locis multis uiuūt. Hoc etiā in lure patet: ut in c. statuimus. & c. Mādamus. 19. q. 3. Vbi Urbanus scribit Abbati Cenobij S. Ruffi Canonicoꝝ regu. In Gallijs plures sũnt Abbatie Canonicoꝝ Regularium. Et Parisijs est Abbatia sancti Victoris, cui præfuit Venerabilis Vgo de S. Victore. Ethic sanctus Doctor in expositione regulę B. Augustini dicit, quòd nomine presbyteri vel episcopus intelligi debet, uel si ibi in canonica illa non fuit episcopus, intelligitur Abbas. Et per id temporis florebant Canonici regulares in Gallijs, in Italia. Et præsertim Romę in sacrosancta Basilica Lateranensi, ut patet ex priuilegijs dignissimis Innocentij 2. ibi reconditis, & ibi fit mentio de priuilegijs prædecessorum suorum Alexandri 2. qui præfuit anno Domini 1064. & aliorum prædecessoꝝ suorum qui similibus priuilegijs Canonicum ordinem decorarũt. Et hoc ipsum testatur Gregorius nonus præfatos Pontifices nominando: Ad quorum exemplar Canonicum ordinem uelut in ecclesia præcipuum uarijs illustrauit indultis, & priuilegijs. Eius autem Authenticum Transumptũ est in Abbatia S. Augustini de Placentia. Et penes me est aliud Autenticum transumptum eiusdem Gregorij noni, qui de ipsius Canonici ordinis antiquissima institutione fidem faciens præfatos Romanos Pontifices commemorat, ad quorũ instar ipsum Ordinem sub sedis apostolicę protectione suscepit. Clauit idem Gregorius Anno Domini Milleesimo Ducetesimo Vigesimo quarto, uel circa, post Honorium tertium, & Innocentiũ tertium, ex quo Autentico, & irrefragabili testimonio patet dictum Canonicum ordinem floruisse in Basilica Lateranensi temporibus Alexandri secundi, Gregorij septimi, & Urbani secundi, & Paschalis secundi, quod etiam aperte testantur Priuilegia in Archiuis sancti Frigiani de Luca recondita, quorum transumpta etiam

in Ecclesia Lateranensi; sed etiam in ecclesia S. Mariæ Nouæ, & S. Crucis in Hierusalē; & S. Crhysogoni, & 12. Apostolorum, & S. Petri ad Vincula. Et Alexander 3. ad instar 6. Pontificum prædecessorum suorum, statuit vt in perpetuū, Cardinalis Diaconus tituli S. Mariæ Nouæ, & presbyter Cardinalis tit. S. Crucis in Hierusalē non eligeretur nisi de gremio Clericorum Regulariū, Capituli sancti Frigiani, vel alterius loci. Exemplaria sunt in Archiuis sancti Frigiani de Luca, & sanctę Crucis Romę.

**VBI EST** Aduertendum, quod tempore Gregorij magni in vrbe Clerici Regulares dicebātur, qui nunc Canonici Regulares dicuntur, vt habetur. 12. q. 1. quia tua fraternitas, vbi idem Pōtifex hortatur Beatum Augustinum Anglorum Episcopū, vt seorsum non fiat à conclericis suis in ecclesia Anglorum, vbi sic ad literā ait. Quia tua fraternitas Monasterij Regularis erudita seorsum non debet fieri à Clericis suis in ecclesia Anglorum, quæ auctore Deo nuper est ad fidem perducta, hanc debet instituere conuersationē, quæ in initio fuit patribus nostris: in quibus nullus eorum ex his quæ possidebant proprium habebant, sed erant illis omnia communia. Et infra, & sub ecclesiastica regula sunt tenendi vt bonis moribus viuunt, & canendis psalmis inuigilent, & ab omnibus cor, & linguam illicitis, & corpus Deo auctore immaculatum conseruent. Erant ergo in vrbe Clerici Regulares ante tempora Gregorij magni. Et d. Præpositus in apparatu suo decretorum postea Cardinalis, Alex. in c. j. dist. 44. & c. Episcopos. 17. dist. distinguunt de triplici Clericorū genere. Secularium videlicet qui proprium habent, & priuatim viuunt: Collegiatorū, qui proprium habēt, & collegiatim viuunt. Et Clericorū reg. qui omnia in cōmuni habent, quiq; simul sub vno testō, viuunt sub obedientia superiorum, & continētia, & se, suaq; omnia Deo quasi holocaustum uoto astricti offerūt. Et ad hoc probandum inducit doctrinam S. Tho. Et lo. Beleth. ex glo. fi. in c. dilectissimis 12. q. 1. Tandem concludit quod tales Clerici sic uiuentes in communi apostolorum imitatores tria vouebant religionis essentialia, & sic erant in statu perfectionis, & consequenter regulares erant, qui, & Canonici Clerici etiam dicti sunt cā. in omnibus, de cons. dist. 5. Ibi dicitur vt Clerici Canonici canonicē viuant obseruātes diuinę doctrinam scripture, & documenta sanctorum patrum, & infra. In vno claustro mancant, & singu

his diebus mane prima hora ad lectionem veniant, & audiant quid eis imperetur. Ad mensam vero similiter lectionem audiant, & obedientiam secundum Canones suis ministris faciant. Glo. in ver. Clerici Canonici exponit de Canonicis regularibus ad differentiam Canoniorum seu Clericorum qui tractu temporis proprium habere ceperunt. Et Glo. in ver. ministris. i. praelatis, quia subditis ministrant. Et licet Præpositus ubi supra dicat quod tale nomen Clerici Regulares in primitiua ecclesia non erat in vsu, quia adhuc non erant Clerici secula proprium habentes, ad quorum differentiam successit tale nomen videlicet Regulares Clerici, realiter tamen Regulares erant Clerici, & ante Gregorium, & post. Sicut non sequitur, In primitiua ecclesia nomen Christianorum non erat in vsu, vt est Glo. in ver. Christianorum, quia primū omnes fideles fuerunt dicti discipuli uel fratres, sed posteaquā apostoli Conciliū Antiochenū celebrarūt dicti sunt Christiani. 24. q. 1. rogamus. Non tamen sequitur ergo non erant realiter Christiani in primitiua ecclesia. A simili. nō sequitur, in primitiua ecclesia nomen Clericorum Regula. non erat in vsu, ergo non erant regulares Clerici tria uouentes substantialia religionis: aliter non fuissent in statu perfectionis illi primi Clerici, quod est falsum, cum essent Apostolici viri quibus inerant primitiue spiritus S. Ibant ergo Clerici ordinati in Litanis in superiori loco, vt supra ostensum est etiam tempore B. Gregorij magni. Vnde in Concilio Constantensi sic diffinitum fuit. patet etiam ex ordine statuto in constitutione Rom. Ponti. antiqua, quam Alex. 4. innotauit. Et Nicolaus 5. similiter vt habetur in archiuis S. Petri de Vrbe. Et penes me est autentium transumptum. Quod ex approbata consuetudine statutum est in constitutionibus Synodaliibus Episcopatus Papiensis, & Astensis, & ibi sunt originalia. Sicut etiam in Abbacia S. Augustini. de Placentia, & S. Petri de Pado de Cremona sunt originalia de Anno 1499. die Dominico, sexto mensis Octobris ingrediente ciuitatem Mediolani solenni pompa Serenissimo Francorum Rege, & Duce Mediolani, lata est sententia, vt Canonici Regula. immediate post Clerum in digniori loco procederent supra Monasticos ordines. Et de hoc fuit rogatum publicum Instrumētum per Ser Baptistū de Verio dictum de Varigio curiæ archiepiscopalis notarium Mediolanen. Item Bononiæ lata est sen-

sententia simili modo in fauorem Canonicorum Regularium contra Monacos. ingrediente summo Pont. Iulio secundo ciuitatem Bononiensem. Et de hoc fuit rogatum publicum instrumentum, incipit. In Christi nomine amen, Anno à natiuitate Domini 1506. die Mercurij, vndecimo mensis Nouembris, in qua celebratur festum S. Martini, tempore Pontificatus sanctissimi Papæ Iulij. 2. lata est sententia pro Canonicis Regularibus, ut omnes ordines, & Monachos præcederent, qui immediate post Clerum processerunt. Actum Bononiæ in cap. S. Bartholomæi portæ Rauennatis, in contrata strætæ Maris ex opposito turris Alinellorum presentibus Ser Olfano Contramagistri, Adeo de fraffenis notario, & magistro Ludouico Contra Torrelli Pellacano Bononiensi ciue capelle S. Blasij testibus ad præmissa vocatis adhibitis, & rogatis. Et dictum instrumentum rogatum fuit per Ser Benedictum de Oleo notarium Bononiensem ciuem publicum imperiali, & communis Bononiensis auctoritate. Originale huius est Bononiæ apud D. D. Benedictum de Oleo, Et in archiuis Abbatie S. Benedicti de Placentia, vbi etiam est originale ordinis, qui seruatur in publicis Sessionibus, & processionibus, quæ fiunt in celeberrima vrbe Parisien. Et ibi continetur quod Canonici Regu. in digniori loco præcedunt omnes Monasticos ordines. Pari modo fuit lata sententia solennis in ciuitate Lucen. pro Canonici, ut continetur in autentico instrumento. Cuius originale habetur reconditum apud canonicam S. Mariæ de Frigionaria Lucanæ diocesis in eius archiuis. Quare, & antiqua, & approbata consuetudine sicut etiam in plerisque alijs locis Canonici Regu. ipso iure præferendi sunt Monachis omnibus rationibus allegatis ut supra.

AD SEX TAM rationem Monacalem quæ sumitur ab ætioris vite professione dicendum: licet Canonici Regulares ex tenore regulæ dicantur laxiori uite inferuire. c. quod Dei timorem. extra de regul. tamen ut dicitur in c. præsens. 20. quæst. 3. non sunt à sanctorum Monachorum vita secluneti quo ad substantialia regulæ, ut exponit S. Tho. in lib. contra impugnantes reli. & hoc idem tenet Io. And. in d. cap. quod Dei timorem. Plura enim prohibentur Monachis quæ non prohibentur Canonicis Regu. 16. q. 1. ca. iuxta: & c. placuit, ideo laxiori regulæ dicuntur deferuire, ad paria tamen censentur Canonici, & Monaci quo ad ea quæ sunt cõ-



munia vtrifq; circa tria substantialia Regulæ, vt supra ostensum est. Quamuis autem regula magni P. Augu. videatur esse laxioris vitæ respectu regulæ Benedicti, quia in summa arce discretionis illa fundata est ab eo, qui est via morum; & diuinæ scripturæ secretum, Doctor egregius, & lux doctorum: Attenditur tamen etiam in ipsis Canonicis Regularibus viuendi modus de præfenti respectu constitutionum vt ostensum est supra. His igitur stantibus dicendum est, quod hæc ratio secundum omnes doctores in cap. sanè. & in cap. licet. extra de regul. transf. habenda est in cōsideratione ad validitatem transitus, non autem ad præcedentiam, in qua principaliter attenditur ratio antiquioris institutionis vt supra ostensum est per Glo. in cap. quorundā. de elect. in 6. & in c. Episcopos 17. dist. Et ibi plene per Doc. Vnde arctitudo secundum omnes doc. & Tho. tantum facit ad transitus validitatem, nō autem præfidentiam. Alias sequeretur quod fratres sub regulari obseruantia degentes præferendi esset Secularibus Clericis, & Canoniceis, & alijs laxioris vitæ religiosi. Et sic propter austeritates plures, & pedum nuditates Iesuati quoscūque præcederēt, quod est absurdū dicere. Sic ergo pro cōclusionē tenendum est hanc non valere consequētiam, Arctioris sunt vitæ Monaci (quod tamen dubium est) ergo præferēdi sunt Canonicis Regularibus. Sed ista inuenta sunt ad fouendas cauillationes in consilio collegij Paduani. Ipsi namque Iureconsulti collegij Paduani primum cōsūluerunt pro Canonicis Regul. super antiquitate Clericali ipsis Canonicis per se competentē. Et fortissima fundamenta adduxerunt in fauorem ipsorum Canoniconum. At secundo loco oblati in maiori summa pecunijs cōsiliū aliud pro Monacis miro artificio cuderunt, omnia tamen confirmantes, quæ in primo consilio pro Canonicis recte cōsūluerunt: sed in calce consilij secundi adiecerunt sic, Nos omnia (inquiunt) concedimus, quod ipsis Canonicis Regul. per se competit vt sint Clerici, Et quod antiquioris sint institutionis, & approbationis. Sed nos dicimus qd Monaci sunt arctioris vitæ, & maioris sanctitatis hæc illi. Deus autem ponderator spirituum est. Nos vero Canonici plurimū debemus illis, qd in secūdo cōsilio corroborarūt, & confirmarunt qd principale est in casu nostro. Gloriantur enim Monaci habere cōsiliū Bononiens. & Ferrariens. & Patauinum, scilicet secūdum: quod magis

gis facit pro Canonicis, quàm pro Monacis, quia id totum cõfirmant in secundo quod in principio rectius cõsultare, quia nec arctitudo nec maior sanctitas est in consideratione præcedẽte, vt ex præmissis patet. Sed cautius. & equius se habuere Tucinen. Iureconsulti, qui cognitis melioribus rationibus pro Canonicis cõsultare. quique nec prece nec precio defieci unquam potuerunt. Quinimo ipsi Monaci oblato illis non paruo auri pōdere, vt retractarent, reiecti sunt ab ipsis Ticinẽsibus Iureconsultis, conscientiam, & famam pluris facientibus quàm pecuniam cui obediunt omnia. Nihil enim est iniquius quàm amare pecuniam. hic enim, & animam suam venalem habet. Ecclesi. 10. cap. patet ergo rationem Monacalem ab arctiori vita sumptam nullius esse in casu nostro valoris, & momenti. Et consequenter concluditur tam primum quàm secundum Collegij Patauini consiliũ simul cum Ticinẽsi collegio pro Canonicis cõcludere.

**AD SEPTIMAM** Rationem Monacalem quę sumitur à nobilioris subiecti consideratione quia dicunt Monaci, se plures habuisse Sanctos. Pontifices, episcopos, & Abbates. quàm omnes alij ordines. Ad hoc dicendum sũ Speculatorem, q̃ omnes Pōtifices, archiepiscopi, patriarchę, episcopi printinuę ecclesię fuerunt Clerici Regulares, puta Petrus, Linus, Cletus, Clemens, & huiusmodi usque ad tempora Urbani primi inclusiue, & successiue usque ad tempora Gre. magni non defuerũt Regulares Clerici, qui longẽ ante Greg. & ante Benedictum ab ipso magno P. Aug. reformati sunt, vt supra probatum est. Et hanc ipsam veritatem vltra prædicta multipliciter demonstramus.

**PRIMO** auctoritate Pauli. 1. Cor. 1. in persona Apostolorum omnium: Nos (inquit) primitias spiritus accepimus. Quo stante fundamento arguo sic ex doctrina S. Tho. Nullus dicitur esse in statu perfectionis nisi aut ratione episcopalis status, aut ratione regularis professionis, quę ordinatur ad tria substantialia regulę, sed sancti Apostoli rōne vtriusq; fuerunt perfecti, & in statu perfectionis, ergo Regulares fuerunt. alias Apostoli fuissent minus perfecti quàm alij religiosi perfecti, quod est falsum.

**SECUNDO** hoc confirmatur supposita Augu. auctoritate in lib. q. no. & vete. test. quod nullus vnquam fuit sanctorum, qui ita euangelicam doctrinam intellexerit quemadmodum Apostoli, qui fuerunt Christo fide, & amore coniunctiores, conuiuentes,

&

& familiares, iuxta illud, vos dixi amicos meos, quia quęcunque accepi à patre meo nota feci vobis. Nec vllus vnquam fuit ante illos nec post, qui euangelicam perfectionem impleuerit, sicut illi Spiritus sancti igne accēsi, & diuino lumine illustrati. Sed si nō uouissent tria religionis essentialia, non fuissent quōd ad hoc in statu perfectionis, quia religio stricte sumpta secundum B. Tho. secunda secundę. constituit hominem in statu perfectionis, ergo fuerunt Regulares.

**TERTIO** hoc idem confirmatur præsupposita, & concessa famosa inter Doc. & disputata veritate, quōd nulli sanctorum vel ante Christi aduentum, vel post fuit data maior copia Spiritus S. quā ipsi Apostolis: immo nec Abraam, nec Moyses, nec ullus sanctorum Patriarcharū, & Prophetarum, nec Paulus primus Eremita, nec Antonius, nec ullus Anachoritarum aut Monachorū, nec Basilius, nec Aug. nec Benedictus, nec Dominicus, nec Franciscus fuerunt adeo perfecti, sicut Apostoli, eorumque successores apostolici viri primę nascentis ecclesię. Vnde longē maioris perfectionis est esse perfectū, & in statu perfectionis, quā alterū istorū habere. ergo si tales nō fuerunt regulares, nec in statu perfectionis fuerunt, & consequēter quisque religiosus sanctus perfectioris fuisset cōditionis quā singuli Apostoli, sed hoc est falsum. Ergo eminentiori modo fuerunt, & in statu perfectionis, & perfecti, & consequenter fuerunt regulariter professi apostoli eorumque successores viri apostolici.

**QUARTO** confirmatur hæc ratio per Augustinum de Ancona in libro de potestate Papę, vbi dicit quōd Christus vocauit apostolos ad tria, videlicet ad Prelationem, ad Religionis perfectionem, & ad Animarum Curationem per Sacramētorum administrationem. Primo modo Episcopi, Patriarchę, & Pontifices, qui sunt & esse debent in statu perfectionis ad præbendum aliis exemplum representant apostolos: quibus dicitur, Vos estis sal terra: per quos secundum Chryso. ceteri sunt condiendi doctrina & exemplaritate vitę. Secundo modo Clerici in primitiua ecclesia & eorum successores Clerici Regulares representant Apostolos in specie. Monaci verō ac religiosi, reliqui præfigurantur in genere per Apostolicam religionis perfectionem. Sed Clerici Regulares per specificam & immediatam primitiuam successionem per B. Aug. specificē reformatam. Sed per alios institu-

institutores sub quadam generalitate: quò ad religionis statum. fuit illa regularis professio figuratiuè assumpta, vt supra ostensum est. Tercio modo sacerdotes curati: & postmodum ex priuilegio alij religiosi eũ statũ præfigurant & potestatem quæ fuit a Christo in Apostolis & per Apostolos in septuaginta duobus discipulis deriuatiuè transfusa. Facit ad hoc glo. in c. videntes. 12. q. 1. in verbo Episcoporum: qui locum tenent Apostolorum. Vbi dicit: Episcopi tenent locum Apostolorum quò ad prælationis dignitatem, Monaci, idest regulariter professi quò ad renunciatio nem propriorum & communem vitam, & sic intelligitur tex. c. ex auctoritate. 16. q. 1. ceteri vero sacerdotes curati quò ad sacramentorum dispensationem. 1. 1. q. 3. ablit. 2. 1. di. in nouo. 68. dis. quonum vices. Fuerunt ergo Apostoli & eorum apostolici viri Clerici immediati successores regulares Clerici & regulariter professi, in specie illos representantes, quò ad clericatum, & regularem statum, Monaci vero & alij qui post in ecclesia paulatim pullularunt, statum illum regularem præfigurant sub quadã generali communitate: non tamen ad Clericatum, qui illis tantum per accidens non ex primæua eorum natura competit, sed dispensatiuè. ideo primaria eorum institutione non dicuntur Clerici sicut Canonici Regulares secundum regulam sub sanctis apostolis constitutam per B. Augu. in specie reformati, quorum specificam naturam semper retinuerunt, & successiuè retinent Canonici Regu. Lateranen. vt supra in 4. huius operis parte diffusè probatum est.

**Q**UINTO cõfirmatur ueritas ex approbata doctrina sancti Tho. in 4. dist. 38. arti. 2. q. 3. ad 2. Argumentum. Idem tenet Pe. de Pal. ibidem, dicit enim quòd priusquam essent regulæ istæ quæ nunc sunt, erat quidam uiuendi modus ab ecclesia approbatus, qui illud idem faciebat, quòd nunc facit sub certa regula approbata regularis professio. Sed Regularis professio secundum d. Doc. constituit hominem in statu perfectionis: ergo à diffinitione ad diffinitum erant illi Clerici in statu perfectionis, & consequenter regulariter professi, quibus in omnibus, & per omnia successerunt Canonici Regu. quibus secundum Tho. per se competit ut sint Clerici religiosi, Clerici (inquit) quò ad Clericatum, & Religiosi stictè quò da regularem perfectionis statum ergo. Canonici Regu. in specie repræsentant illos primos Clericos quò ad ista

le, vt patet in c. literaturam. extra de voto. Et licet Glo. in d. ca. qui bona, inducat Vgonem tenere quòd talis peccet mortaliter, sed non loquitur in isto casu, sed de eo qui fecit votum in corde cū mentali promissione, quæ obligat Deo intuenti cor, licet non homini qui iudicat solum quæ foris sunt secundum Tho. secunda secunda quæst. 88. ar. 1. Tertius status est cōsummationis, scilicet cum quod firmiter proposuit promittit animo obligandi se, quia nemo obligat se nisi qui animum obligandi se habet. l. obligationum. la. j. ff. de act. & obliga. Vnde solum propositum non obligat, & ideo iura quæ videntur dicere quòd propositum deliberatum obligat, ut in cap. nuptiarum. 27. q. 1. & d. c. qui bona. & in cap. consulti. de regul. cum simil. intelligenda sunt de proposito cum promissione firmato. Quartus status uoti est solemnizationis. scilicet solemnizatur per aliquod institutum ab ecclesia, vt est ordo sacer. qui implicite includit promissionem castitatis, & obedientie. Ad propositum ergo redeundo, certum est enim quòd talis qualitas adiuncta ordini non cedit ad diminutionem clericatus, sed potius ad perfectionis augmentum, patet in cap. quanquam. 23. distinct. Vbi dicitur, Omnes qui sacris ordinibus mancipantur expedibile est, vt promissionis suæ vota sub cautione spondeant. Et in c. de his. 28. dist. dicitur de professione clericorum ad castitatem, vnde grauius peccat ceteris paribus clericus in sacris ordinibus constitutus si aliquid contrariū sanctitati agat, quam alius religiosus qui non habet ordinem sacrum, quia per sacrum ordinem aliquis denotatur ad dignissima mytheria quibus ipsi Christo seruitur in sacramento altaris: ad quod requiritur maior sanctitas interior quam requirat simpliciter religionis status: multo maior sanctitas requiritur si ista duo simul coniungantur: hæc Tho. secunda secunda q. 184. ar. 8. in cor. q. in fin. Sic ergo dicitur quòd talis uotiua castitas annexa ordini non minuit, sed perficit ordinem sacrum per quem primo modo solēnizatur votum. Secundo modo solēnizatur votū religionis professione siue expressa siue tacita facta alicui de religionibus approbatis, & ideo sciendum secundum Tho. vbi supra ar. 4. Si nunc de statibus loquitur prout scilicet ex diuersitate statuum quedam ecclesię pulchritudo consurgit. Et quantum ad hoc est considerandum, quod ad hoc quòd aliquis adipiscatur statum libertatis vel seruitutis duo requiruntur.

Y

Primum

Primum quidem obligatio vel absolutio, non enim ex eo quòd aliquis alicui efficitur seruus, quia etiam liberi seruiunt, Gal. 3. Per caritatem Spiritus seruire inuicem: nec etiam ex hoc quòd aliquis desinit seruire efficitur liber, sicut patet de seruis fugitiuis: sed ille propriè est seruus qui obligatur ad seruiendum, & ille est liber qui à seruitute absoluitur. Secundum quod requiritur ad hoc quòd aliquis adipiscatur statum obligationis prædictæ, sed cum hoc quod cum aliqua solemnitate fiat, sicut, & ceteris quæ inter homines obtinent perpetuam firmitatē quædam solemnitas adhibetur. Sic ergo in statu perfectionis dicitur esse aliquis, non ex hoc quòd habet actum dilectionis perfectè, sed ex hoc quòd obligat se perpetuo cū aliqua solemnitate ad ea quæ sunt perfectionis, hæc Tho. ubi supra ar. 4. Et ideo cōcludit Tho. ubi supra q. 186. ar. 1. quòd antonomasice. i. per excellentiā religiosi dicuntur illi qui se totaliter mancipauerunt diuino seruitio, quasi holocaustum Deo offerentes, sicut Greg. dicit super Eze. In hoc autem perfectio hominis consistit, quòd totaliter homo Deo inhereat, & secundum hoc religio strictè sumpta nominat perfectionis statum. Cum ergo (vt dicit Tho. ubi supra ar. 5.) ad statum perfectionis requiratur obligatio perpetua ad ea, quæ sunt perfectionis cum aliqua solennitate, vtrunque autem istorum competit, & religiosi, & episcopis. Religiosi enim Clerici more Apostolorum, qui (vt supra dictū est) uocati sunt ad religionis perfectionem, se astringunt ad hoc quòd à rebus Sæcularibus se abstinuant, quibus licitè vti poterant ad huiusmodi, quod liberius Deo uacent, in quo consistit perfectio præsentis vitæ. Vnde Dio. dicit 6. c. eccl. hier. de religiosis loquens. Alij theopentæ. i. Dei famuli ex ipso Dei seruitio, & famulatu. Alij vero Monachos ipsos nominant ex singulari eorum vitæ intrentes ipsos indiuisibiliū sanctis conuolutionibus. i. contemplationibus ad deiformē veritatem, & amabilem Dei perfectionem. horum autem tam religiosorum Clericorum quàm Monachorum obligatio cū quadam sit solemnitate professionis, & benedictionis.

Cum itaque secundum Tho. ubi supra q. 186. ar. 6. ad religiosos pertineat quòd sint in statu perfectionis, sicut patet ex prædictis: ad statum autem perfectionis requiritur obligatio ad ea quæ sunt perfectionis, quæ quidem Deo fit per votum: Manifestum est ex præmissis quòd ad perfectionem Christianæ vitæ pertinet paupertas.



pettas, continentia, & obedientia, & ideo religionis status requirit ut ad hæc tria uoto quis obligetur. Dicit enim Tho. ad 1. arg. ubi supra, quod ad perfectionem vite dominus pertinere dixit quod aliquis eum sequatur, non qualiterunque, sed ut ulterius retro non abiret. Vnde ipse dicit, Luc. 9. Nemo mittens manum ad aratrum, & respiciens retro aptus est regno Dei. Et quamuis quidam de discipulis eius retrorsum abierint, Petrus tamen loco aliorum domino interroganti, nunquid, & vos vultis abire? Respondit, domine ad quem ibimus? Vnde Augu. in lib. de cōsen. Euange. dicit, quod sicut Marcus, & Matthæus narrat, Petrus & Andreas non subductis ad terram nauibus tanquam causa re-deundi secuti sunt eam, sed tanquam iubentem ut sequerentur, secuti sunt dominum. Hæc autem immobilitas sequelæ Christi firmatur per votum, per quod tamen non tollitur libertas ad bonum. Vnde Augu. in epistola ad Armentarium dicit, & Paulinā. Nō te vouisse peniteat, immo gaude iam nō licere tibi quod cū tuo detrimento licuisset: felix necessitas quæ in meliora compellit. Dicit enim B. Tho. secunda secundæ. q. 88. arg. 4. ad 1. ar. quod sicut non posse peccare non diminuit libertatē, ut patet in Deo & in beatis: sic mobilitas ad bonum firmata per votum non minuit libertatem arb. & talis est necessitas uoti similitudinem quādam habens cum cōfirmatione beatorum, & ideo dicit Augu. Felix necessitas &c. Et post ea verba sequitur non te vouisse peniteat, immo gaude iam tibi sic non licere quod cum tuo detrimento licuisset. Voluntas ergo immobiliter firmata in bonū ex uoto non tollit libertatem, & auget meritum, ut concludit B. Tho. ubi supra ad 3. ar. quod Apostoli intelliguntur uouisse pertinentia ad perfectionis statum, quando Christum relictis omnibus sunt secuti.

**Hoc autē sic deducitur ex præmissis uoti diffinitionibus.** Primo notanter dicitur uotum esse supererogantis boni, quia in voto de re necessaria ad salutem non proprie inuenitur ratio uoti: ideo dicitur Mat. 19. quod Dominus dicenti adolefcēti se omnia mā data Dei custodisse à iuuentute sua, respondit. Si uis perfectus esse, vade, & vende omnia quæ habes, & da pauperibus. Secundo notanter dicitur propter bonū finem, ideo sequitur, & habebis thesaurum in Cælo. Tercio dicitur promissio, Deo facta, & veni sequere me, & ut dicit Hier. ad Heliodorum. Difficilia sunt hæc,

sed magna sunt premia credentibus, quasi dicat, hæc difficultas tollitur per fidem informatam, & consideratione mercedis. de primo dicitur ibidem, cum Apostoli dixissent, quis ergo poterit saluus esse? Respondit Iesus aspiciens discipulos: apud homines hoc est impossibile, videlicet quod facilius sit camelum per foramen acus transire, & quod dives difficile intrabit in regno cælorum, & statim subdit omnia possibilia sunt credenti. Tollitur secundo hæc difficultas ex præmij considerata mercede inestimabili, ideo ibidem dicit, ante dico vobis quod vos qui secuti estis me &c. & omnis qui reliquerit do. &c. centuplum accipiet &c. Quarto pronuntiatio oris, & testimonium aliorum, & quia ad statum perfectionis requiritur obligatio perpetua ad ea quæ sunt perfectionis cum aliqua solemnitate, & vtrunque istorum competit religiosi, & episcopis, ideo utrumque Petrus istorum statum præsignans scilicet religiosorum, & episcoporum ostendit dupliciter, primo quod ad solennem obligationem professionis religiosorum. Mat. 19. & secundo quod ad solennem obligationem episcoporum denotatur. Io. ultimo c. Quod ad primum denotatur solennis professio Petri quod ad deliberationem, & quod ad propositum firmum voluntatis cum dicit: Ecce, quod ad vtrunque refertur: deinde cum dicit. Nos, quia in persona omnium sic profitentium loquitur. Sequitur promissio in qua perficitur ratio voti de re bona, & secuti sumus te, quod pertinet ad ea quæ sunt perfectionis. Sequitur quintum scilicet pronuntiatio oris, quia in persona omnia pronunciauit communem omnium professionem cum dixit, nos, & testimonium aliorum, in quo terminatur status voti solennis cum spe præmij: ideo dicit, Quid ergo erit nobis? Intelliguntur ergo apostoli secundum Tho. ubi supra uouisse tria essentialia religionis, nec propter tale uotum dignitas Clericalis in Apostolis, & in eorum imitatoribus Clericis in aliquo fuit diminuta, immo ad perfectionis cultum illustrata, & sic apostoli dicuntur vocati ad perfectionis statum. Quod autem in Petro denotata sit Episcoporum solennis obligatio, per quam & ipsi constituentur in perfectionis statu, cum etiam uocati sint ad prælationem secundum Aug. Anco. ubi supra. & hoc ostenditur Io. ult. c. in trina illa interrogatione Iesu Christi facta ad Petrum, & ex illa trina Christi adiuratione facta ad Petrum, & ex trina responsione Petri facta in Christum, denotatur solennis, & perpetua obligatio,

tio, quam successores Petri, & Apostolorum faciunt. s. Episcopi ut dicitur in c. significasti. extra de elect. Mirentur in hac causa dominum nostrum Iesum Christum, qui cum suarum ouium curam Petro committeret, conditionem apposuit dicens, si diligis me pascue oues meas, nec semel tantum, sed secundo et usque ad constitutionem, qua nos solitudine oportet tantam ecclesie praelationem imponere fratribus nostris. i. Episcopis quorum consuetudines non videmus. hæc ille, & ut dicit Thom. secunda secunda. q. 184. ar. 5. Episcopi obligant se ad ea quæ sunt perfectionis, Pastorale assumentes officium, ad quod pertinet quod animam suam ponant pro ouibus suis: Io. 10. Et cum hæc solennis obligatio constituat Episcopos in statu perfectionis secundum Tho. ubi supra. Concluditur ergo quod sicut uotum castitatis in Clerico ordinato secundum ritum ecclesie occidentalis, & in religiosis apostolis eorumque apostolicis Clericis primæ nascentis ecclesie tria religionis essentialia vota, & in Apostolo Petro, & Apostolis eorumque successoribus episcopis ad pastorale officium perpetua, & solennis obligatio constituit illos in statu perfectionis, non ad destructionem, sed ad Clericalis status perfectionem, Ita in Clericis Regularibus quos B. Aug. ad apostolicam, & Clericalem normam reduxit, hæc regularis professio non ad clericalis status destructionem, sed ad illius perfectionem cessit. Et sicut Apostoli ex tali professione eorumque successores strictè, & propriè dicti sunt religiosi Clerici: ita cum B. Thom. dicat quod Canonicis Regularibus per se competat ut sint clerici religiosi, illa adiectio religiosi non adimit, sed auget Clericatus dignitatem in ipsis: dicti enim sunt per se. i. essentialiter Clerici, propter Clericatum in illis ex primaria institutione ab Apostolis per August. institutum. Dicti sunt secundum strictè religiosi propter perfectionis statum. in quo constituuntur ad exemplar primorum clericorum, per regularem professionem, & trium votorum emissionem. Sequeretur ergo secundum insulsam istorum rationem, si ex tali adiuncta professionis qualitate minueretur clericalis dignitas, quod clerici qui de consensu suorum prælatorum aliquando suscipiunt vota, extra de voto. ca. magis. & cap. fin. & successiuè imitatores apostolorum clerici tria religionis videntes usque ad tempora Clem. Papæ, & Urbani. j. & B. Aug. & B. Greg. desinerent esse clerici quod est absurdum, & contra iura quæ habentur in c. dilectissimis. cap. scimus.

scimus. c. certē. c. nolo. c. nō dicatis. & c. quare tua fraternitas. 12. quēst. 1. in quibus Gratianus ostēdit qualiter clerici illi primi ad exemplum Apostolorum uonebant, & tamen in eis essentialitervigebat clericatus. Vnde Augu. de suis clericis professis in sermone de communi vita clericorum dicit. Duo professus, clericus, sanctitatem, quæ pertinet ad interiorem exterioremque castitatem, & obediētiā, & clericatum. i. fraternitatem clericalem in communi uiuentium clericorum. Manent ergo ista duo in canonico ordine cōnexa simul, & cōnaturalia, & quasi cōeua, sicut calor, & splendor in igne ab ipsius nascētis Ecclesie primordiis, uidelicet clericatus, & regularis status: ppter quod dicti sunt clerici religiosi, clerici propter clericatum illis per se primo cōpetentem, & religiosi stricte propter religionis statum, in quo cōstituit illos regularis professio, ab Apostolis per Augu. immediata contracta, ut plene probatum est supra. Concluditur ex his qd uota nō sunt ad destructionem clericatus, sed ad illius augmentū perfectionis. Talia enim uota sunt remedia spiritalia, & medicinē virtutum, animarum quē conseruandarum optima cōdimenta. Et hāc ipsam clericalem regularemq; professionem continuatis successibus ex natura Canonici ordinis retinuerunt, & proprie retinent ex primicia eorum institutione Canonici Regulares, quib. per se competit ut sint Clerici religiosi idest Clerici professi, sicut ex doctrina B. Thom. supra ostensum est.

SEPTIMO patet ex doctrina Archid. in apparatu Decretorum c. certe. 12. q. 1. ubi dicit quod Episcopus cum consensu Clericorū suorum vel Canonicorum potest statuere qd nullus Clericus ordinetur nisi uoueāt uitam communem ad maiorem uitæ spiritalis perfectionem. Vnde si professio destrueret statum Clericalem, destrueretur totius euangelicæ, & Apostolicæ doctrinæ fundamentum: quia ad ecclesiæ ornatum primo & principaliter vocati sunt Apostoli ad perfectionis euangelicæ culmen. Et ita prius in apostolis status religionis ad tria uota essentialia ordinatus & præsignatus fuit. Deinde post Domini resurrectionem vocati sunt ad statum prælationis, quando ter coram apostolis adiuratus est Petrus à Christo ut dictum est, illique ter dixit, pascē oues meas, & hoc ipsum Petro & successoribus suis promiserat ante passionem, quando dixit, Tu es Petrus, & super hanc &c. Vnde dicitur in omnes. 22. dist. Illam uero solus Christus ipse fun-

fundauit ecclesiam, & sanctę fidei petram mox nascentis erexit, qui B. Petro eterne vitę clauigero terreni simul, & celestis imperij iura commisit. hæc ibi. Tercio deinde ad curam animarum, quando illis Christus dixit, accipite Spiritum sanctum, quorum remisistis &c. Et illud, ite in uniuersum mundum, prædicate euangelium omni creature. Sic ergo cum regularis professio sit apostolicę dignitatis fundamentum, & euangelicę perfectionis status, eo destructo destrueretur totius Ecclesię structura, & prælationis, & curę animarum effectus, quia non aliunde constat salus fidelium, & fidei augmentum, nisi ut ædificentur subditi à pastoribus, qui essent in summo culmine perfectionis, quamquā potentes essent verbo, & opere ad ædificandos fideles dicere Domino, vos estis lux mundi, non potest ciuitas abscondi supra montem posita. Et vnde quærso aucta est fides in nascentis ecclesię primordiis nisi à pastoribus, qui totius euangelicę perfectionis decus erant, & religionis speculum? Et sic regularis professio exornat, & perficit statum clericalem: patet per illud, quod notat Hofi. in c. per tuas. extra. de voto, quia Canonicus ille ecclesię cathedralis qui primò emiserat uotum ingrediendi canonicum ordinem electus ad episcopatum, prius proficitur quàm ordine tur episcopus, ut sanctius ordinetur, quia sicut gemma preciosa preciosiorem efficit annulum aureum, ita regularis professio exornat, & constituit clericatum in statu perfectionis, ut ex præmissis patet. Et sic ut sollemnis illa ac perpetua obligatio quā facit Episcopus exornat episcopatū, & constituit eum in statu perfectionis, sic clericatum regularis professio. Cum autem perfectior sit effectus in causā quàm in causato, & exemplar perfectius sit exemplo, ideo in primitiua ecclesiā congruum fuit ut eminentiori modo religionis perfectio fulgeret in primis clericis, & hoc ad perfectiorem totius ecclesię fundamenti soliditatem. Clericalis ergo status perficitur si superaddatur regularis professio, & ex his duobus resultat Canonicus ordo.

**OCTAVO** confirmatur hoc idem per Sigibertum in Cronicis suis: & hoc ipsum refert Vincentius historialis lib. 26. ubi dicit, Ordo Canonicus primū ab Apostolis, postea ab Augu. regulariter institutus, in Beluacensi ecclesiā cepit florere sub Venerabili huone eiusdem ecclesię Præposito, & postea Camotensi episcopo sub Henrico 3. anno salutis. 1074. Et hoc idem confir-

mat.

mat venerabilis Archiepiscopus Florentinus in secūda suæ Cronica parte. Et auctor fasciculi temporū sol. 54. circa mediū, in secunda col. Et talis reformatio per idem tempus sub Grego. Papa huius nominis 7. non solum in Bebiacensi ecclesia ad regularem eiusdem ordinis obseruantiam effloruit in Burgundia, sed etiam per sanctum virum & venerabilem Arnulphum Abbatē & Archiepiscopum Lugdunensem: qui per idem tempus in tota Gallia ipsum Canonicum ordinem reformauit sub ipso eodem Pontifice Grego. 7. anno videlicet 1074. Ordo idem canonicus ad regularem obseruantiam effloruit per sanctum virum Petrum Damianū in Portuensi canonica diocesis Rauennatis: deinde in tota Tuscia præsertim in agro Lucensi apud Frigionariam ipso auctore Petro Damiani: coadiuuantibus Alexan. 2. & illustri comitissa Mathilde. Successit autem per idē tempus Alexandro 2. Gregorius 7. cui successit Victor 3. Sub quo ordo Cartusienſi. fuit institutus: deinde Urbanus 2. & Paschalis 3. sub quo Pontifice ordo Cistellensis cepit. Item ordo Cisterciē. cepit non multo post per Robertum Abbatem: & hæc fuit post primam Cluniacensium reformationem secundaria reformatio. Nam monaci congregationis sanctæ Iustine succedunt in eorum reformatione congregationi Cluniacensi, & monaci Claraualen. nouiter reformati succedunt ordini Cisterciē. in specie. Et sic ordo monasticus multipliciter reformatus sub varijs coloris habitu primarij ordinis Monastici naturam retinuit: sic pari ratione Canonici Regulares in varijs prouincijs reformati primarij Canonici ordinis institutionem retinent, tanto perfectius quanto inter Canonicos ipsos maior est conformitas. Non enim in Canonicis modernis tam citramontanis, quàm vltromontanis tanta diuersitas inuenitur, quāta inter monacos: siquidem in Canonicis eiusdem ordinis obseruantie eadem ratio est professionis & habitus: vt supra ostensum est per glo. 10. And. in verbo, Habitus. cle. 1. de elect. Ergo longē maior conformitas est in Canonicis regularibus quàm in monacis: in quibus si diuersitas coloris non diuersificat monasticum ordinem secundum Doct. in d. cle. 1. de elect. a fortiori nec in ipsis Canonicis regularibus, in quibus maior est conformitas. Vnde idem Ioan. An. in verbo habitus cōcludit dicens, Omnes Regulares Canonici qui profitentur regulam Augu. etsi varient in colore,



lore, inuicem eligi possunt: ac si aperte dicat: quia vnius & eiusdem ordinis sunt: quia ipsorum habitus est linea toga quam sub cappa deportant; & hoc ideo dixit Io. And. quòd inuicem eligi possunt: propter nouam institutionē Cle. 5. in concilio Vientiensi promulgatam in d. cle. 1. de elect. qua cauetur quòd religiosus eligi non potest ad prælaturam alterius religionis vel habitus. Nam ipsa constitutio Cle. 5. vt dicit Glo. communem opinionem iure fulcitam, & consuetudinem approbatam corrigit, quæ habebat quòd professus vnius religionis in prælatum alterius possēt assumi, vt refert Greg. in lib. Dialogorum de Valentiniano monacho, qui electus est, vt præsset ecclesiæ Lateranensi: in qua tamen semper vel Canonicos Regul. vel Sæculares fuisse constat, vt ex præmissis patet, & per c. Deus qui. de uita & honest. clericorum. Si monachus inter Canonicos, & ecuerso eligebatur olim in prælatum, tenebatur etiam in habitu conformari illis cum quibus viuebat. Et ego addo quòd longè ante istam Clementinam Constitutionem erat constitutio in Concilio Maguntino, vt habetur 18. q. 2. cap. Abbas, quod nec Io. An. nec Doc. aduerterunt, vbi dicitur, eligāt sibi fratres Abbatem de ipsis si habēt, sin autem de externis. Quare ex his concluditur quòd ex duobus scilicet Clericali, & regulari statu resultat Canonicus ordo, qui licet varijs in locis sit reformatus, vnus tamen, & idem ordo est in specie in omnibus Canonicis Regularibus, in quibus vna, & eadem reperitur professionis, & habitus ratio, & consequenter, eadem in omnibus Canonicis una iure dispositio, tam in cathedralibus quàm non cathedralibus, modo sint regulariter professi, vt supra ostensum est.

**NONO** item probatur, quæ sunt ad perfectionem vitæ nō esse ad destructionem clericalis status, ex tex. Urbani primi in c. scimus. 12. q. 1. vbi ex generali suo Decreto sic dicit. Scimus (inquit) vos non ignorare quòd hactenus vita communis inter omnes Christianos viguit, & adhuc gratia dei viget, & maximè inter eos qui in sortem Domini sunt electi, idest Clericos, sicut in acti. Apostolorum legitur, multitudinis credētium erat cor vnum, & anima vna, & nec quisquàm eorum quæ possidebat, aliquid suum esse dicebat, sed erant eis omnia communia, & infra. Quicunque vestrum communem vitam susceptam habet, & vouit se nil proprium habere, videat ne pollicitationem suam irritam faciat, sed

Z hoc

hoc quod Domino est pollicitus, fideliter custodiat, ne damnationem, sed premium sibi acquirat. Vota ergo sunt ad perfectionem uitæ Clericalis, non ad destructionem.

**DECIMO** idem probatur ex Clementis Papæ, & Martyris text. in epistola sua decretali, quæ trāsumptiuè habetur à Gratiano in ca. dilectissimis. Dilectissimis fratribus, & discipulis Hierosolymis cum carissimo fratre Iacobo, & coepiscopo habitantibus Clemens episcopus. Communis vita omnibus necessaria est, & maxime his qui Deo irreprehensibiliter militare cupiunt, & vitam Apostolorum eorumque discipulorum imitari volunt. & infra. Istius enim consuetudinis more retento etiam Apostoli eorumque discipuli vnā nobiscum, & uobiscum communem vitā duxerunt, sed omnia nobis, & illis cōmunia erant. Quapropter hæc vobiscum cauenda mandamus, & doctrinis, & exemplis Apostolorum obedire præcipimus, Glo. præceptum erat eis qui tunc renunciauerunt proprijs, vnde vestram prudentiam hortamur vt ab apostolicis regulis non discedatis, sed communem vitam ducentes, & scripturas sacras rectè intelligentes, quæ bene nostis ad implere satagatis. Item Euge. huius nominis primus.

**VNDECIMO** ex generali decreto Euge. primi. Necessaria res existit vt iuxta ecclesiā claustra constituentur, in quibus Clerici disciplinis ecclesiasticis vacēt. Itaque omnibus vnum sit refectorium ac dormitorium seu ceteræ officinæ ad vsus clericorum necessariæ, ministri uero post Episcopum super eos eligantur, quorum vita atque doctrina illos potius exornet quàm dehonestet.

**DVODECIMO** ex tex. Aug. in sermone de cōmuni vita clericorum. Qui habuerit proprium vel habere voluerit, & de proprio viuere, & contra præcepta ista facere, parum est ut dicam nō mecum manebit, sed nec clericus erit. Dixeram enim, & scio me dixisse, vt si nollet suscipere socialem uitam mecum, illis non tollerem clericatum. i. secundum Glo. non præcluderem eos fieri clericos, seorsum manerent, seorsum uiuerent. malui enim habere cecos, vel claudos, qui secundum Glo. adhuc nō renunciauerunt temporalibus, quàm plangere mortuos, idest secundum Glo. qui renunciauerunt proprijs, & tamen post mortuum uolunt habere proprium. qui enim hypocrita est mortuus est. ita modo, quia placuit eis Deo proptio hæc socialis vita, quisquis cum hypocrita vixerit, quisquis inuentus fuerit habens proprium, nō illi per-

permitto vt inde faciat testamentum, sed delebo cum de tabula clericorum. loquitur de his qui regularē uitā professi sunt, aliās nō posset illos delere de tabula clericorum, propter verbū illud supra, seorsum manerēt, seorsum viuerent, scilicet illi qui nollēt communem vitam profiteri. ex quo soluitur quæstio, vtrum qui nō est perfectus in religione post professionem factam dicatur hypocrita. videtur quōd sic, quia mendacium non solum est in falsis verbis, sed etiam in simulatis operibus. 22. q. 5. ca. caute. quia status exterior debet interiori statui respondere, alioquin est hipocrisis, & simulatio, ergo quicūque non sunt perfecti sunt in peccato mortali tāquam hypocritæ, quia religio est instrumentum perfectionis. Ad hoc dicendum secundum Thom. secunda secunda q. 184. ar. 5. ad 2. arg. quōd statū perfectionis assumunt profitentes, nō quasi profitētes se esse perfectos, sed ad perfectionem se tendere, sicut ait Apostolus ad Ephe. 3. Non quōd iam cōprehenderim aut perfectus sim, sequor autem si quo modo apprehendam. Vnde non cōmittit aliquis mēdacium ex hoc quōd nō est perfectus qui statum perfectionis assumit, sed ex eo quōd ab intentione perfectionis animum reuocat: & sic transgressor professionis hypocrita dicitur, & simulator. Tales fateatur B. Aug. se nolle habere. obseruantia ergo voti perficit, & non corrumpit Clericatum, quem simul cum statu regulari illibatum seruabant clerici viri apostolici, qui nihil proprium habentes vitam communem vouebant. Hanc ergo regulam assumpsit Aug. & ipsam regulam ipso, adhuc uiuente multæ ecclesiæ diuersarum diocesium assumebant, quibus ecclesijs (teste Polsidio) decem, & eo amplius ex discipulis Augu. episcopi præficiebantur qui hunc ipsum Canonicum ordinem instituerent.

**TERTIO** ostenditur inductiue ex approbata consuetudine. Nā omnes cuiuscunq; sint professionis si ad Apicem episcopalem assumuntur, tenentur habitum propriæ religionis deferre: at si canonici assumuntur ad id muneris, non secus quā ceteri episcopi vestiuntur. & quare hoc? nisi quia vnus, & idem est in vtrisque habitus clericalis. Summus vero pont. si à monacali, vel alterius professionis habitu assumatur, sic eo proiecto lancea & linea tunica simul induitur. & quare hoc? nisi vt conformetur priscis temporibus, quando Pont. & episcopi simul cum clericis suis priscorum more retento Canonici Regulares erant conui-

uentes, vt in cap. necessaria. 12. q. 1. & c. in omnibus. de cons. dis. 3. Et hoc ex antiquo Calcedonen. concilij instituto cōfirmato deinde in Concilio Hispalen. vt habetur in c. in noua. 16. q. 7. vt qui in administrationibus sociantur Pontificibus, nec professione discrepent nec habitu. Hunc quoque sancti propoliti apostolicū viuendi modum seruauit Aug. qui in sermone de communi uita clericorum, sic clericis suis loquens dicit, Byrum. i. uestem superiorem, siue cappam, & tunicam lineam, qui est habitus de essentia professionis uite canonice, nemo accipiat nisi in communi, quia & de communi accepi. uestem preciosam nō decet hāc professionem, & cum habeo vendo, & precium in communi trado. A primitiua itaque ecclesia usque ad B. Aug. et deinceps continuatus est ordo canonicus. Et propterea vthic concludamus ex præmissis, dicendum est de sanctis Pontificibus Episcopis, & alijs prælatis longè in maiori numero fuerunt Canonici Regulares, qui in testimoniū perpetuæ obligationis sue regularis professionis perpetuo tenentur usque ad mortem deferre habitum lineum clericalem, quem in diuinis tantum deferre tenentur Clerici non professi. Episcopi vero in publico eum deferre tenentur in testimoniū solennis obligationis quam regulariter profitentur in sui ordinatione: quia & ipsi sunt in statu perfectionis: quam ad instar Apostolorum imitari tenentur: vt habetur. de vit. & honest. cleric. c. Clerici: vbi ex Concilio generali mandatur sic ad literam. Pontifices autem in publico & in ecclesia desuper indumentis lineis omnes utantur; nisi Monaci fuerint: quos oportet ferre habitum monachalem. Canonici autem Regu. non alio quam professionis sue lineo habitu utuntur si ad episcopatum fuerint assumpti: quia proprię professionis habitum deferre non possunt: sic nec monachi habitum monachalem: patet ergo quod vbi est eadem ratio professionis & habitus, ibi est eadem iuris dispositio: vt supra ostensum est.

**QVARTODECIMO** confirmantur prædicta fidei testimonio & approbata auctoritate magistri Roseti Parisiensis in libro qd dicitur Rosetus in tractatu de regione ecclesiastica. c. 3. fol. 243. §. de tertia propositionis parte; vbi sic ad litteram dicit. De tertia quoque propositionis parte facile constat quod & sanctorum numerositate ordo canonicus ceteros antecedit: si origo ordinis & eius dilataciō attendatur; adeo quod tantus fuerit numerus

merus sanctorum Canonici ordinis, vt vix numerabilis nobis sit. Vnde tamenſi glorientur Benediſtinenſes, & non ad inſipientiam ſibi, de quinque millibus quingentis quinquagintaquinque canonizatis ſui ordinis ſanctis, deque tam innumeris, numeratis tamen (vt aiunt) à Ioanne vigefimoſecundo prælatis & viris illuſtribus: non tamen attingere creduntur ad ſummam ſanctorum Canonici ordinis. Hæc qui ſcire volet: lib. illum cui nomen inſcribitur Venatorium ſanctorum Canonici Ordinis attendat: vbi & de habitu ordinis eſt proſecutum. hæc ibi.

**Q**UINTO DECIMO confirmantur prædicta auctoritate magiſtri Ioannis de Nigra valle, vbi ſic dicit: vbi ſupra ex epilogo Cronicarum. Sanctorum denique numeroſitate religiones omnes ordo Canonicus excellit: quia vt ex diuerſis Catalogis ſanctorum, ac martylogijs, antiquisque hiſtorijs colligitur: immenſus propemodum ſanctorum tam martyrum, quàm conſeſſorum ex ipſo ordine numerus reperitur. Et quantum pro certo numero ſummani poteſt: vt refert Anaſtaſius Cardinalis & Romanæ Eccleſiæ bibliothecarius in catalogo quem ad Carolum huius nominis ſecundum Gallorum Imperatorem edidit, reperiuntur. 216. millia centum & vltra. Teſtatur enim præſatus Anaſtaſius vbi ſupra quòd in Anglia in metropoli Cantuarienſi irruentibus barbaris illuc decem millia eiſdem profeſſionis viri: qui ad generale capitulum eo conuenerant in eccleſia archiepiſcopali Sancti Saluatoris pro fide Chriſti martyrio coronati ſunt: eorum feſtiuitas in Calendis Maij agitur. Ex conſeſſoribus vero qui ſanctorum catalogo aſcripti ſunt, duo millia & quingenti reperiuntur. Aliorum autem martyrum circa mille & ſexcentum colliguntur. Ex quibus omnibus ſanctis ego Ioannes de Nigra valle Bibliothecarius Apoſtolicus per ſingulorum nomina partim ex catalogo prædicti Anaſtaſij, partim ex Bibliotheca Romæ tranſumere laborioſiſſimè conatus ſum, Quòd pro eorum celebrandis feſtiuitatibus, vel commemorationibus ſciendis per totius anni circulum ſingula quæque die ſufficiant ſcilicet. 366. Cardinalium numerus ex eorum ordine duo millia quingenti & ſexagintaſeptem Archiepiſcoporum duo millia & ſeptingenti & quindecim. Epifcopi viginti millia & centum trigintaquinque. Abbates ex eodem ordine baculo paſtorali, & mitra vtentes centum millia & vltra. Hæc omnia

nia vſupra præmiſimus ex cronica domini Ioannis de Nigra val  
 le, quæ dicitur epilogoſ cronicarum libro decimotertio cap. 18.  
 Et ibidem proſequitur, dicens: Ordo canonicus inter omnes  
 eccleſiaſticos ordines primatum obtinet: antiquitate, doctri-  
 na, regimine, nobilitate, atque ſanctorum numeroſitate. An-  
 tiquitate ſiquidem, quia primus poſt Apoſtolos in Dei Eccleſia  
 mirabiliter effulſit: ex cuius regula veluti exlympidiſſimo fonte  
 qualiſ riui quàmplures congregationes profuſſere. Doctrina  
 vero, quia ex eo innumerabiles fermè doctores per vniuerſas  
 mundi partes euasere. Regimine inſuper præcipuus fuit ordo  
 Canonicus. Quippe qui Rom. ſedem per annos quingentos  
 & ſex optimo iure obtinuerit, quinquaginta & quatuor ſum-  
 mos Pontifices produxit, quos ego Ioannes de Nigra val. cum  
 Rom. Eccleſiæ bibliothecarius exiſſet, magna ex parte ab Ana-  
 ſtaſio Cardinali, cum & ipſe eodem fungeretur officio, ex archi-  
 uis vſque ad ſua tempora extractos reperiens, eos, qui poſt ipſum  
 fuere, ex archiuis eiſdē vna cum Cardinalibus, Archiepiſcopis,  
 Episcopis, Abbatibus, & ſanctis, ex eodem ordine multis perlu-  
 ſtratis cronicis laborioſiſſimè collegi. Nobilitate inſuper quaſi  
 roſa inter flores præfulget ſanctorum nobilitate, & numeroſita-  
 te. Quare ut concludamus miranda eſt vtriuſq; Abbatis extorta  
 gloſatio, quam pro cooperimento ſui ordinis adinuenerunt in  
 d.c. Auaritiæ. de præb. qui ex eo quòd Canonici Regulares præſe-  
 rantur Monacis in ſuperſcriptione dicti. c. Auaritiæ, tam leuiter  
 moti ſint, quos Io. An. ſuſpectos dicit, & quia non probant quod  
 in deriſum Canonici ordinis leuiter, & iocoſè dixerunt. Sed lō-  
 gè miranda eſt Geminiani, & quorundam togatorum adinuen-  
 tio, qui ex tex. c. Episcopos. 17. diſt. Syllogiſticè, ſed malè arguētes  
 trahunt ab ipſo dicto c. Episcopos, vniuerſalem utique veram, q̃  
 antiquior omnis inſtitutio præferenda eſt. Sed Benedicti religio  
 eſt huiuſmodi, ergo & c. Minor cum ſit falſa, probatur per ipſos  
 Iuriſtas per c. ſuper eo. tex. Alexandri tertij de regul. quæ quidem  
 probatio tanquam impertinens, & friuola, ſupra multipliciter re-  
 probata eſt, quam pro clypeo, & rotunda deciſione tanto contra  
 ſeipſos turpiter adduxerunt, quanto ſe ignaros hiftoriarum, & in  
 ponderando ipſum textū minus cōſideratè ſe habuerunt. Hęc eſt  
 ergo ſumma rei, in qua veluti in rotunda deciſione cōtra ſacro-  
 ſanctum diui Aug. Canonicum ordinem tot, & tantas



nas quidam Iureconfulti fecere, quasi de lana caprina victores. In hac tamen vltima ratione Monacali fufficienter euacuata cōcluditur non niagnum eſſe magnos habuiſſe patres, ſed egiſſe magna. Neque gloriandum eſſe in multitudine ſanctorum, ſed bonorum operum, & meritorum, quia unusquisque laborum ſuorum mercedem accipiet, illumque eſſe ordinis dignioris cēſemus, qui uitæ fuerit ſanctioris in triumphanti videlicet eccleſia: ſed in militanti eccleſia dignum eſt ut ſeruetur ordo ſicut in cēleſti Hierarchia (Paulo teſtāte) qui ait. *Quęcunque à Deo ſunt, ordinata ſunt, ad Rom. 13.* Et hæc ſufficiat commonuiſſe ſuper ſanctorum ordinis conſideratione, quæ plurimum vtilis eſt cuique, ſic accommodate ſequatur noſtra ſequela.

Explicit tractatus, quod Propugnaculum Canonici ordinis titulo prænotatur.





D. CELSI MAPHAEI VERONENSIS  
CANONICI REGVLARIS LATERANEN.

CONTRA LIBRVM FRATRIS AMEROSII

DE CHORA, ORDINIS FRATRV. EREMITARVM,

IN QVO NITITVR PROBARE IPSOS FRATRES

EREMITANOS INSTITVTOS FVISSE AD

AVGVST. ET FVISSE TEMPORE AVGVST.

ANTE CANONICOS REGVLA. ET CONTRA

Sermones Ad Eremitas Mendacissimè August. Attributos,

Directa Reuerendiss. Cardinalib. Neapolitano,

Vlisbonensi. Senensi, Et S. Georgij,

Dominis suis Obseruan-  
dissimis.



PAMPHILVS SAXVS AD LECTOREM.



I Poetarum commenta, aut oratorum la-  
nocinia hoc opere fabularentur, & falle-  
rent, scripsissem in prima pagina, lector  
cā dide, quasi picturatis foribus ad penetra-  
lia te inuitans, quod felix faustum quē tibi  
sit ingredi, saluta hos lares, inuenies  
quod oculos, quod animū pascit: his edib.  
facundia suā supellectilem preciosam oscen-  
tat, studiosis spectacula exhibet, pudice sal-  
tat urbanitas, lasciniunt sales, iocatur le-  
por, argutatur argutie, admiraberis cho-  
reas comiter exercentes, comatam elegantiam, calami stratum dignitatē,

fucatam venustatem, non parum tibi voluptatis offerent gratiae, & vene-

res,

res, quæ ut se vendibiliores facerent, suis sepositis & unionibus honesta-  
vunt. mellitis te reficient oblectamentis novem ille sorores, quæ tonis calos  
distinguit, harmonia temperant, modulatamque adeo melodiam meditan-  
tur, ut robustissima robora, & lapidosos ad summum lapides animent. sed  
quoniam non uanis blandiuntur illecebris verba, sed res plenius muneribus  
profunt, hoc tantum indice reuerenter adeundi oracula hæc miro te afficiã  
desyderio. simplex, & sincera veritas undique spectabilis, & forma-  
sa, tota sub lucem, tota sub oculos uenit duce, & auspice Celso Maphæo,  
Regulari Canonico, isto inquam Celso quem iam pridem nostri pariter age-  
re scribenda, & scribere legenda, qui ea castitate, & sobrietate qua vi-  
nit, eloquitur differitque cuius eruditio non bonitati preponde-  
rat. Quæris materiam? grauior est quàm à me indicari queat,  
legito presius libellũ hunc, olfacito singula curiosius,  
si Argus eris, noua, & mira cernes. dicam tamen  
quæ sit (licet inscius). Celsi opus est, quid ul-  
tra quæris? an dubitas ex Celsi offici-  
na nil nisi Celsum, & amplum  
non prodire? Vale.



SICVT





ICVT Ille (Reuerendissimi Domini) grauitè peccare dignoscitur, qui vera iniquè improbat: Ita nō mediocriter mereri clarum est, qui falsa detestatur ac reprobatur. Quamuis autē omnibus liceat talia improbare, eis tamen potissimè conuenit, quibus & innata animi libertate, & singulari professione, nudam semper ueritatē & sequi, & docere statutum est. Pro hac enim tuenda ipsius ueritatis Magister Dominus Iesus, ac glorioli

martyres spreta temporali uita mortē pati minimè formidarūt. Quare non alienum prorsus à Religioso viro arbitrandum est, Si ego Celsus Maphæus inter Canonicos Regulares congregationis Lateranen. minimus, falsa quædam per quendam fratrem Ambrosium ordinis fratrum Eremitarum scripta hoc nostro simplici dictatu improbauero. Quo luce clarius palam fiet, librum ipsius Ambrosij esse plenum erroribus manifestis. In eo maximè, quia constantissimè affirmat, quod Augustinus fuerit Eremita, quod congregauerit socios in Eremito, in monte Pilano, & in Centumcellis, quod fecerit eis duas regulas ante quàm ueniret ad urbem, uel ad ostia Tiberina cū matre, quod uē in Africa aliā pro eis instituerit regulā. Quæ sanè falsa, & ab ipsa ueritate alienissima sunt. Similiter; Si ostēdero quo pacto sermones ad Eremitas quos frequētissimè allegat Auctor ipse, falsi sint, et mendacissimè attributi patri Augustino: cum illorum sententiæ aduersentur alijs patris Augustini libris. Non est autem propositi mei scribere contra Venerandos Patres ordinis Eremitarum: cum eos semper obseruauerim, modoque obseruo, & in posterum obseruabo, Tum propter doctissimos præstantissimosque viros, qui in eo ordine doctrina singulari atque summa sanctitate floruerunt, & in præsentiarum religiosissimè florent, Tum etiam, quia communem patrem Augustinum (cuius regulam profitentur) semper excellentissimè glorificarunt, & modo glorificant. Quare a me, & ab omnibus alijs Canonicis Regularibus ueneratione præcipua honorandi sunt, & quibus ualemus laudibus semper minisicè extollendi. Nam semper ego ubique

locorum, & gentium, praestantissimas eorum virtutes, sapientiā, religionemque ad sublimia cēli efferre conabor, ac contra eorum aduersarios scuta, lanceas, reliquaque arma ardentissimē suscipiam. Solum propositi mei est librum illū impugnare falsis conclusionibus oneratum. Quem etiam damnauit sanctae memoriae Xistus quartus pontifex maximus, ac etiam Innocentius octauus, qui ambo summi pontifices mandarunt libros illos igni esse tradendos. Septem igitur rationibus probabitur illius libri falsitas.

P R I M A R A T I O E X L I B.

*confessionum Augustini.*

**P**rima ratio efficacissima est. Quia pater Augustinus in primis nouem libris Confessionum suarum ea quae attinēt ad eius fragilitatem seu lubricitatem planē conscripsit. Et similiter quae concernunt eius illuminationem, & conuersionem, praeteritum usque ad aduentum eius in Africam, vel ad ossia saltem Tiberina, & de huius nungis, vel fabulis nullam facit mentionem. Immō oppositum dixit decimo Confessionum propē finem libri. Sic inquit. Contritus peccatis meis, & mole miseriae meae agitaueam corde, meditatusque sueram in solium dinem. Sed prohibuisti, & confortasti me dicens: Ideo Christus pro omnibus mortuus est, ut qui uiuunt iam non sibi uiuāt, sed ei qui pro omnibus mortuus est. Ecce Domine iacto in te curam meam ut uiuam, & considerabo mirabilia de lege tua. Tu scis imperitiam meam, & infirmitatē meam, doce me, & sana me. Ille tuus vnicus in quo sunt omnes thesauri sapientiae, & scientiae absconditi redemit me sanguine suo. Non calumnientur mihi superbi, quoniam cogito precium meum, & manduco, & bibo, & erogo. Et pauper cupio saturari ex eo inter eos qui edūt, & saturantur, & laudant dominum qui requirunt eum. haec ille. Nota quod hunc librum fecit Augustinus senex, ut patet ex libro Retractationū, si fuisse Eremita, & in eremo (ut dicit ille liber & ipsi Sermones ad Eremitas) hoc ipse nouisset, & non ista scripsisset. hanc auctoritatem allegat Robertus Oleshot magister generalis Ordinis Praedicatorum super libro sapientiae in cap. 7. super uerbo, Quam sine fictione didici, & sine inuidia communico.

Vbi



Vbi Robertus declarat quomodo ante paucos dies isti Eremitę, qui (vt dicit) nunc facti sunt vrbani, coeperunt viuere secundũ regulam Augustini, quę appellatur speculum Clericorum. & contraria est expresse uita Eremiticę (vt inferius declarabitur), & allegatur ista regula in iure de vita clericorum. vt patet in dist. 86. c. quando necessitas disciplinę, qui est textus regulę, & 12. q. 1. cap. non dicatis. & est tex. regulę Augustini, & allegatur ibi Augustinus de Comuni vita clericorum. Et nunquam allegata fuit ista regula, de uita Eremitarum. Immo dicitur ibi quod Augustinus fecit istam regulam proprię pro Canonicis Regularibus. Sed postea multi religiosi eam acceperunt. Inter quos sunt fratres Predicatores Et longę post Eremitę S. Augustini facti de Eremitis vrbani. De quo ordine nunquam fuit Augustinus, ut dicit dicit Robertus ibi formaliter de uerbo ad uerbum.

## SECUNDA RATIO EX VITA

*Augustini à Possidio descripta.*

SECUNDA ratio quare liber istę sit falsus, & quę in eo continetur, & similiter sermones appellati Augustini ad Eremitas, Accipitur ex uita August., à Possidio Calamęsi Episcopo descripta, qui cum diuo patre Augustino per annos 40. cõmoratus est, (ut ipse scribit in eius uita.) Sed ipse Possidius nusquam describit eum fuisse eremitam, vel habitasse in Eremitis, aut portasse habitũ Eremitarum. Immo potius oppositum declarat, uidelicet cum describit vitam eius: Primo quantum ad consuetudinem Sæcularem: Deinde subinfert quomodo ex laico factus fuit presbyter, & tunc instituit monasterium Clericorum scilicet sociorum eius: deinde subsequenter declarat quomodo factus fuit Episcopus: & tunc in Episcopio fecit etiam congregationem Clericorum de suis uiuentium in communi: quibus omnibus fecit regulam quę dicitur Speculum Clericorum. Quę conuenit uitę Clericali, & non Eremiticę seu mendicanti: vnde in ipsa regula nullam fecit mentionem de Eremitis, aut de mendicitate. Sed bene de facultatibus aut possessionibus in communi habitis: Vnde Possidius quando scribit quomodo factus fuit Sacerdos, dicit quod laicus solebat fugere ecclesias & ciuitates quę nõ habebant Episcopum. Quare tunc laicus erat. Immo dicit quod securę

securè uenit ad Hypponem ciuitatem, quando apprehensus fuit, & factus Sacerdos: quia ibi erat Valerius Episcopus. Hoc ipsum quoque dicit Augustinus in sermone de Communi uita clericali. qui incipit, Propter quod. Vbi dicit quòd timebat accedere ad loca ubi non erant Episcopi: quia uolebat esse in humili loco, & uenit cum uestibus quibus utebatur laicus. Item Possidius scribit in eius uita, quòd cum ex Vrbe remeauit ad Africam, reuersus est cum amicis & cum ciuibus suis: non dixit cum religiosiis uel Eremitis suis. Solù ipse descripsit tres status uitæ Augustini, uidelicet laicalem, sacerdotalem, & Episcopalem: & nullum Eremiticum. Sed iste bonus frater non erubuit aut ueritus est falsificare uitam beati Augustini à beato Possidio descriptam: uidelicet multa detruncando; addendo: immutando, & uarijs in locis falsificando, ut apparet ex uetustissimis codicibus: ubi ipsa uita descripta est, quæ non conuenit cum ista tam enormiter immutata & penitus ab isto fratre decolorata.

T E R T I A R A T I O

*ex libro Retractionum.*

**R**atio tertia sumitur ex libro maximæ auctoritatis ipsius patris Augustini: qui dicitur Retractionum, ubi Augustinus recenset omnes libros suos quos usquam uel inquam composuit. Et in illo libro ipse Augustinus recenset ac commemorat triplicem statum uitæ suæ: uidelicet laicalem, Sacerdotalem, & Episcopalem: & nullam facit mentionem de statu uel uita eremitica. Et tamē iste auctor dicit quod in illo statu scilicet eremitico, in quo stetit multo tempore composuit multos libros, docuitque viros complures indoctos. Nisi fortè Augustinus fuisset immemor illius status, uel ignorasset illos libros. Sed certè ignorauit, quia prorsus non erant. Nec etiam memor fuit illius status in quo non fuit. Sed fortè dicere possent: quod tunc temporis plenus ignauia contrahuit maxima inertia. Sed hoc non dicunt, immo in oppositum consentiunt, uidelicet, quòd composuit multos libros, &c. Augustinus autem communis pater, in primo Retractionum libro retractat omnes libros: quos composuit Laicus, atque Sacerdos: & dicit ubi fecit: uel Mediolani: uel Romæ: uel in Africa: in Eremito uerò nullum, quia ibi non fecerat: cum nusquam ibi fuerit.

rit. At in secundo libro retractat quos fecit Episcopus. Sed de Ere-  
mo, nullam prorsus facit mentionem: nec de libris ibi compo-  
sitis. Quia certissimè nunquam fuit eremita, & per consequens  
in eo statu libros non edidit, nec aliquid operatus est. Vbi etiam  
aduertendū, q̄ nec in Decreto, nec in Decretalibus facta est vlla  
memoria de istis Fratibus Eremitanis, sed tantum in libro Sexti:  
& in Clementinis, & postponuntur Mèdicantibus Sancti Domi-  
nici, & Sancti Francisci, tanquam posteriores ipsis in fundatio-  
ne, aut erectione, seu in institutione, secundum regulam Ioan.  
And. & aliorum Canonistarum Doctorum in capitulo. quorun-  
dam. de electione. in 6. super verbo Prædicatores. vbi dicit q̄ anti-  
quiores prius nominantur: & Eremitani postponuntur Prædica-  
toribus, & Minoribus: tanquam posterius instituti. Similiter in  
processionibus publicis, Prædicatores & Minores præponuntur  
ipsis Eremitanis: quia antiquiores sunt ipsis institutione. Vnde  
Bartholomæus Brixienfis glosator libri Decretorum in capitulo  
qui verè. 16. quæst. j. dicit qualem vitam Eremitæ habere debeant  
non reperi. Profecto si Augustinus istis Eremitis regulam dedis-  
set & habitum, ipse sciuisset: quia Augustinus fuit ante composi-  
tionem Decreti per septingētos annos. Nam compilatum fuit a  
Gratiano in 1162. vt pater in chronicis vel 1144. vnde. Io. Andree  
in nouella in rubrica de relig. dom. dicit q̄ ordo Eremitarum ex  
pluribus ordinibus factus est (vt inferius copiosè declarabitur in  
septima ratione). Sciendum etiam q̄ de ordine Prædicatorum,  
& Minorum facta est mentio in Decretalibus: vt in capitulo ni-  
mis. de excess. præl. & in cap. in his. de priuil. Et in cap. cum in uetè-  
ri. de electio. fit mentio de Prædicatoribus solum: sed de istis Ere-  
mitanis Augustinienis nullibi facta est aliqua memoria, vt  
doctis clarissimè patere potest &c.

#### Q V A R T A R A T I O

*ex varijs libris Augustini.*

**Q**uarta ratio q̄ ille liber sit falsus, & plenus erroribus; maxi-  
mè vbi dicit q̄ Augustinus fuit Eremita Mediolani, vel in  
monte Pisano, aut Centumcellis, vel Romæ, vel quando reuersus  
est in Africā. Et similiter q̄ sermones appellati Augustini ad Ere-  
mitas falsi sint & plene mendacijs sumuntur ex varijs libris maxi-  
mè

me auctoritatis ipsius Augustini, in quibus sepius se vocauit laicum: Clericum, Sacerdotem, & Episcopum. Sed in nullo suorum librorum vnquam se vocauit Eremitam, vel Monachum. Imò semper dixit oppositum. Nam vtrahabetur in 16. causa. q. i. in cap. legi. Augustinus ad Aurelium scribit contra aliquos Monachos. Et dicit ibi q̄ nimis dolendum est, si ad tam ruinosam superbiam Monachos erigimus: & tam graui cōtumelia Clericis dignosputamus. Cum vix bonus Monachus faciat bonum Clericum, in quorum Clericorum numero nos sumus. Non dixit Monachorum, vel Eremitarum (sicut isti nūc ponunt in suo officio): vnde deprauant officium ecclesie. Quę dicit in antiphona. Factus ergo presbyter Monasterium Clericorum mox instituit, & ipsi erant ita cōfueti dicere, sed modo dicunt Monasterium Monachorum. Notandum etiam q̄ in Antiphona dicitur Cœpit viuere secundum regulam sub Sanctis Apostolis constitutam. Ergo prius non vixit sub regula in Eremitis cum Eremitis. Deinde in hymno dicūt, Tu de vita Monachorum sanctam scribis regulam: qui erant soliti dicere, Tu de vita Clericorum sanctam scribis regulam: sicut canit ecclesia communiter. Et ipsi etiam nunc canunt in variis suis ecclesijs. Item Augustinus in sermone de communivita clericorū, qui incipit Caritati vestra, dicit, conclericos meos, nusquam dicit Eremitas meos. Notandum quoque maximè est q̄ Augustinus in li. de Bono perseuerantię, ante medium libri, dicit q̄ Romę laicus incepit librum de libero arbitrio, & in Africa presbyter explicauit. Ergo Romę non erat Eremita sicut dicit ille bonus frater: hoc ipsum quoq; dicit nono cap. libri Retractationū. Item Augustinus in lib. 22. de ciui. Dei ca. 8. dicit q̄ quando Carthaginem reuersus fuit nondum erat Clericus. Sed 12. q. j. c. duo sunt genera, videlicet laicorum & clericorum. Si nō Clericus ergo laicus. Ergo laicus fuit non pater tot Monachorum, seu Eremitarum. Similiter eis non fecerat duas regulas, uel duas congregationes: ut ponitur ab illo auctore, videlicet, unam in monte Pisano, & aliam in Cētrum cellis antequam ueniret in Africam, uel etiam ad Urbem. Quomodo enim nōdum Clericus, sed laicus poterat facere Monasteria aut congregationes; cum id semper prohibitum fuerit a iure? Nam 18. q. 2. c. cellulas: dicitur, cellulas nouas, aut congregantium ecclesias Monachorum absque Episcopi notitia prohibemus institui. Item in cap. de Monachis ibidē dicit,

dicit, Monasterium nouum nisi Episcopo permittente aut probante, nullus incipere aut fundare præsumat. Item in ea. quidam, dicitur. Placuit igitur neminem ædificare Monasteria aut oratoria constituere sine consensu Episcopi ipsius ciuitatis. Hoc decretum fuit in Concilio Calcedonensi uetustissimo, quod Concilium fuit celebratum sub Leone Papa primo. Alia decreta fuere ordinata in Concilio Agathensi uetusto. Quare Augustinus nō poterat facere Monasteria aut oratoria pro Monacis uel Eremitis. Quia in eo nulla fuerit auctoritas principalis uel delegata, sed bene hoc poterat in ciuitate Hypponenſi cum licentia Valerij Episcopi Hypponenſis iam factus presbyter: quia poterat celebrare, & audire confessiones. Augustinus autem in partibus Italiæ laicus quomodo potuisset gubernare tot Monasteria, facere regulas, exhibere sacramenta necessaria, maxime in orientibus, audire eorum confessiones, & alia necessaria diuina exhibere? Nisi uellemus dicere q̄ illi Eremitæ uiuebant ut animalia irrationalia, & sine religione. Præterea Augustinus in sermone de moribus, & uita Clericorum, qui sermo est authenticus & Canonizatus ab ecclesia, maxime in Concilio celebrato Aquisgranis tempore Ludouici primi Imperatoris filij Caroli Magni anno Do. 815. ut apparet ingessu illius concilij ubi sermo ille inscribitur totius. Ita enim dicit Augustinus. Ego, quem Deo propitio uidetis Episcopum uestrum, inuenis ueni in istam ciuitatem quasi securus: quia locus habebat Episcopum: apprehensus fui & factus sum presbyter. Nō attuli aliquid. Non ueni ad hanc ecclesiā nisi cum ijs indumentis, quibus illo tempore uestiebar. Et quia disponebā esse cum fratribus in monasterio &c. Ecce quomodo dicit se habuisse illa uestimenta laicalia, quia tunc laicus erat. Dicit etiam quia disponebat esse in monasterio: ergo iam ante non fuerat p̄ tot annos cū Eremitis, si tunc esse disponebat. Sequitur postea dicendo q̄ Valerius dedit sibi hortum, & tunc cepit congregare fratres: qui imitarentur eū, Vbi bene notandū, quia dicit coepi cōgregare fratres. Ergo prius nō congregauerat. In libro quoq; retractationū aperte dicitur q̄ quādo reuertebatur ad Africam q̄ nondū erat Clericus, ut ipse dixit in li. de ciuitate Dei. Ex multis etiam alijs libris hoc ipsum elicitur. Nec vnquā aliquo suorum librorum se uocauit Monacum uel Eremitam, sed bene clericum quā sepiſsimē.

CELSI MAPHAET  
 QUINTA RATIO EX  
*sermone, Charitati.*

**Q**uinta ratio sumitur ex sermone autentissimo, & varijs in locis ab ecclesia canonizato ipsius patris Aug. Qui incipit, Charitati vestre, & intitulatur sermo de communi vita clericorum ad plebem Hypponiensem. Qui etiā in solemnitate sancti Augu. legitur in eius officio ab ecclesia: ubi Augustinus circa finem sermonis pro exhortatione uitę canonice. i. cōis sine proprio: Ita dicit, Nemo det birrum vel tunicam lineam seu aliquid nisi in cōmune. De communi ego etiā accepī mihi ipsi, cū sciā commune me uelle habere quicquid habeo. Nolo mihi talia offerat sanctitas vestra, quibus ego solus quasi decētius utar, Offeratur mihi, verbi gratia, birrum preciosum: forte decet episcopū quamuis nō deceat Augustinum. i. hominem pauperem de pauperibus natum. Non decet etiā hos canos. modo dicturi sunt homines, quia intueni preciosas vestēs, quas non potuissē habere vel in domo patris mei vel in illa seculari professione mea. Non decet talem vestem. Talem autem debeo habere, qualem possim si non habuerit fratri meo dare; qualem possit habere presbyter, qualē possit habere decenter Diaconus, & Subdiaconus. Si quis meliorem dederit, vendo: ut quia vestis non potest esse communis precium sit commune. Ecce q̄ pater Augustinus tangit senex omnes uitę sue status, videlicet, secularē in domo paterna, facularem in professione artis rhetorię, & clericalem. i. sacerdotalem, & episcopalem: Immo etiam erant, quia dicit, non decet hos canos. Nō dixit de vita Eremitica vel monastica quod optimē conuenissē huic proposito, videlicet non decet hominem Eremitam vel monachū, qui iam in Erēmo assuetus fuerat ad horridas vestes, & agrestes, & ad arduorē uitam, ac ad uictum panis, & aque; quemadmodum ponūt illi sermones falsi atque conficti: Nihil horum dixit, quia nec in Erēmo nec Eremita fuit, ut ex ipsius Augustini tractatibus liquido declaratur. Et ostendit Augustinus in illo sermone quomodo portabat tunicam lineam quę est habitus Canonicoꝝ Regularium: ut haberetur in glossa prima Clementine, de elect. Ferebat enim Augustinus Birrum, quod erat pallium quo utebantur episcopi, & sacerdotes illius temporis: unde legitur in uita sancti Cypriani: q̄ deposito birro remansit in lincis. Lin tunica linea. Item in uita sancti.



sancti Bricij dicitur, q̄ cū accusatus fuisset de fornicatione vt satisfaceret populo prunas in bitro suo posuit, & ad se astringens vsque ad sanctum sepulcrū S. Martini inuictum vestimentum detulit. Et de sancto Deicola refert Vincentius hystorialis li. 24. c. 4. q̄ deposuit birrum suum refrigerādi se gratia. Erant tamen birra preciosa & uilia sancti. Vnde Augustinus dixit birrum preciosum, & si decet episcopum, non decet Augustinum. Item in d. 30. cap. si quis uiuorum, fit mentio de birro, vbi dicitur q̄ birris cū reuerentia utuntur. i. quasi preciosis. Item Augustinus ibidem dicit quomodo ferre consueuerat tunicā lineam quę proprie est habitus Canoniconum regularium, vt dictū est supra. & habetur in glosa clementine primę. de electione. super verbo habitus. qui habitus lineus à Deo fuit institutus, vt habetur exo. 28. vbi dicitur Moyse. Porro filijs Aaron tunicas lineas parabis. Item 29. Indues tunicis lineis Aarō, & filios eius. s. sacerdotes. Itē leui. 6. vestietur tunica linea sacerdos. & 8. dicitur Vestiuit pontificem subuculā linea. i. pallio interiori: ob hoc dicitur habitus diuinalis, quia a Deo institutus fuit. dicitur etiam habitus sacer, quia hoc habini potissimū sacra tractantur. vnde Tullius secundo de legibus dicit. Hic color, albus Deo decorus est. Vnde Reuerendissimus. d. Cardinalis Nicenus commendabat sapientiam Augustini, & maximē in hoc habitu quem accepit. Quod etiam dicitur habitus dignitatis: quia nisi personis dignis exhibetur, vt Pape, Episcopis, Cardinalibus, vt habetur in c. clerici. 2. de vi. & hon. cler. Vbi dicitur Pontifices autem in publico, & in ecclesia super indumentis lineis omnes utantur. Dictus est etiā habitus glorię, quia hoc habitu celestis gloria est representata vt patet in trāsf.figuratione Christi, & de Angelis in Resurrectione, qui in vestibus albis apparuerunt. Et apoc. 3. dicitur de sanctis, q̄ ambulabunt mecum in albis. Et quando vidit turbam magnam quam dinumerare nemo poterat stolis albis amictam. &c. Augustinus nō fuit ergo habitu Eremitarum vestitus. Vt dicūt illi sermones &c.

## S E X T A R A T I O

*ex falsitate Sermonum ad Eremitas.*

**S**exta ratio quare ille liber sit falsus, & plenus erroribus accipitur: quia fundatur in sermonibus falsis, & confictis S. Augustino mendacissimē attributis. Qui appellantur Sermones Augustini ad Eremitas: & contradicunt dictis Augustini, alijsq; suis

auctenticis libris. nam in multis ex illis sermonibus, immo quasi in omnibus affirmatur quod Aug. fuit baptizatus in anno trigésimo suae aetatis, sed ipse Aug. in fine libri de Academicis dicit se fuisse trigintatium annorum quando librum illum componebat, librum autem de Academicis Mediolani in rure Cassiaco composuit Augustinus. & tunc erat catechumenus, ut patet clare ex primo libro retractationum ipsius Augusti. ubi retractat libros quos composuit catechumenus. Item in libro primo Soliloquiorum inter Augustinum & Rationem dicit Augustinus in cap. 15. quod erat trigintatium annorum quando librum illum edebat, & tunc etiam catechumenus ut patet ex illo lib. primo. retractationum. Augustinus. nam illo libro Soliloquiorum, ubi Ratio ipsum Augustinum interrogat an diuitias cupiat. Ita respondet. Cum nunc triginta & tres annos agam, quatuordecim anni fere sunt ex quo ista cupere destiti. Porro unius Ciceronis liber facillime persuasit nullo modo appetendum esse diuitias. Nam Augustinus diuertit catechumenus. Et tunc ita perfecte in fide fuit eruditus, quod sciuit cum Ambrosio componere Te Deum laudamus quando ab ipso baptizabatur. Dicit nam ipse haec ultima verba in fine quinti libri confessionum. Statui ergo tandiu esse catechumenus in catholica ecclesia mihi a parentibus commendata donec aliquid certi eluceret quo cursum dirigere. Et sequitur immediate sextus liber Augustini. nam fuit baptizatus 33. anno aetatis suae, & in illo met anno profectus est ad Urbem, & ad ostia Tiberina, ubi pia mater defuncta est, & deinde in Africam, ut patet nono libro confessionum eius in c. 12. Ergo post baptismum non est immoratus Mediolani per annum unum cum dimidio cum Simpliciano. Nec stetit in monte Pisano per alium annum, ubi secundum illos sermones falsos fabricauit Erenitis vnam regulam. Nec per alium annum stetit in Centumcellis, & ibi aliam regulam struxit. Immo ut dictum est supra in 4. ratione Romae Laicus erat & ibi incepit librum de libero arbitrio, & in Africa presbyter expleuit. Ergo falsi sunt sermones illi. Sed quod pater Aug. non facit triginta annorum quando baptizatus fuit, nec stetit Mediolani per annum unum cum dimidio, nec in monte Pisano, nec in Centumcellis per biennium & amplius, euidentissime, ac videtur, demonstratue ostenditur per verba clarissima Augustini notio lib. confessionum, ubi dicit quod Adeodatus erat annorum 15. quando cum Augustino ba-

prizatus fuit. Deinde immediate ibi dicit, q̄ quādo in Africa cō-  
posuit librum de Magistro, vbi Adeodatus secum disputat, quōd  
Adeodatus tunc erat etatis annorum 16. ergo baptizatus nō po-  
tuit morari Mediolanū. post baptisum, nec in monte Pisano,  
nec in Centumcellis, videlicet, in anno vno. Dicit etiā ibi quōd  
omnia illa sensa, quæ ibi Augustinus scribit, erant illius pueri  
Adeodati secum collocutoris. Et quōd horrori erat sibi ingeniū  
illius pueri. Sed cito Deus eum abstulit. Multas etiam alias fal-  
sitates continent illi sermones ad Eremitas, quos aliās glosauit,  
ostendens quomodo contradicunt libris Augustini. i. & ipsi veri-  
tati. Nec quisquam inueniretur qui eos saluare posset. Nec ali-  
quis doctus in doctrina Aug. affirmaret eos fuisse ab Augustino  
compositos. Destructo igitur fundamento illius libri, necesse est  
vt etiā tota machina corruat. i. sententiæ ipsius libri q̄a falsæ sunt.

## S E P T I M A R A T I O

*ex varijs decretis Pontificum.*

**S**eptima ratio, q̄ ille liber sit falsus cū suis cōclusionibus sum-  
mitur ex varijs summorum Pontificū decretis. Et primo ex  
decreto vel priuilegio Innocentiū quarti qui fuit anno Domini  
1244. Qui Innocentius concessit eis vt possent uiuere sub regu-  
la diui Augu. & q̄ celebrare possent officiū curiæ Romanæ, qua-  
si primò non fuissent sub aliqua regula, sed vixissent in Eremitis  
pro arbitrio, & dixissent officia vt pater noster, scilicet alias suas de-  
uotiones pro libito, & bene placito eorum. sed pater Augusti-  
nus fuit ante Innocentiū quartū per octingētos, & sexaginta no-  
tuē annos, & amplius. Et si tūc isti Eremitæ in rerū natura fuissent,  
quasi per noningētos annos absq; regula, & absque officio or-  
dinario, ita fuissent quasi irregulares. Sed q̄ Innocentius quar-  
tus hoc eis cōcesserit, apertè scribit ipse auctor libri in ipso libro  
suo in chartis 12 i. vbi ipse describit omnia priuilegia ordinis sui  
ordinatè. Sed isti Innocentio quarto immediate successit Alex.  
Papa quartus, qui eos Eremitas vniuit ex varijs congregacioni-  
bus, & astrinxit eos ad ferēdam cucullā nigram, primo discinctā  
vel cinctā cōrigia corij, & habere solares in pedibus ad dif-  
ferentiā fratrū Minorū, qui tunc conquesti sunt de istis Ere-  
mitis, quia portabant habitum similem ipsis fratribus Minoribus,  
videlicet, ex beretino nigro, & cingebant se aliquando funibus,  
ita q̄ à multis fiebāt Eleemosinæ eis sub specie fratrū Minorū.

Et

Et hoc priuilegium plumbatum est Bononiæ in monasterio fratrum Minorum. Et authenticum in quodâ libro suę bibliothecę in folio duodecimo. Iste Alexander quartus fuit anno Domini 1254. priuilegium autem sic incipit.

¶ Alexander &c. Vene. fratribus, & uniuersis archiepiscopis, & episcopis per Lombardiam constitutis, &c. Recordamur liquido, & memores sumus quod dudum apparuit religio in partibus Lombardię, cuius professores uocati sunt Eremitę ordinis sancti Augustini: nunc succincti tunicas cum corrigiis baculos gestantes in manibus nunc uero dimissis baculis incedebant pecunię pro elemosinis alijsq; deposcentes subsidij: Et adeo variantes interdum sui formę, ut dilectis fratribus Minoribus uniformes in derogationem multiplicem ipsorum ordinis crederentur eiusdem: propter hoc minorem apud fideles sentientibus in suis opportunitatibus charitatem. Sanę cum per nos tunc in minori officio constitutos, & bonę memorię tituli sanctę Sabine presbyterum Cardinalem, tunc in partibus ipsis legatione fungentes, huiusmodi uariationis pręsumptio ad felicis recordationis Gregorij uidelicet, noni Papę prędecessoris nostri audientiam peruenisset; Ipse ne identitas vestium in ordinibus ipsis confusionem pareret, ac inde scandala grauiora consurgerent, ad utrorumque quietē statuendum prouidit, ut Priores, & uniuersi ac singuli fratres prędicti ordinis S. Augustini in exterioribus uestimentis, quę nigri, uel albi debebant esse coloris, quorum altero, uidelicet nigro iam electo ab eis, ipsos idem prędecessor uoluit manere contentos, largas, & protensas manicas quasi ad instar cucullarū, & desuper ipsa deferrent per amplas corrigias, & patentē ab omnibus apparētes: Ita quod omnes cincti de foris eas uellibus nequaquam contegerent, & portantes in manibus baculos quinque palmorum longos, ac expressē in elemosinarum petitione cuius sint ordinis declarantes, adeo suarum uestiu longitudinem temperarent, quod a quibuslibet ipsorū calciamēta libere uiderentur: ut sic habitus confusione semota, & scandali materia sublata, a prędictorum ordinum fratribus possit domino liberior, & gratius deseriui. Huc usque secundum priuilegium etiam ita dicit. Intelligentes uero frater Andreas tunc generalis Prior de Britannis ordinis suprascripti, & alij fratres sui, quod ad prędicta seruanda sicut & ceteri cogereantur, ad eiusdem prędecessoris pręsentiam accesserunt.

accesserūt, pro se & Eremitis præfatis humiliter supplicantes, ut eis cucullas portare discinctas, quod sibi facilius existimabāt, cōcedere dignaretur, mādato de cucullis nigris ferendis circa eos misericorditer relaxato, eo q̄ talis vsus cucullarum ad distinctionem prædictorum habituum satis sufficere uidebatur. Quorum supplicationibus idem prædecessor in hac parte duxit liberaliter annuendum. Verum cū sic accepimus, ipsi Eremitę de Britanis obrentu quarundam literarum super hoc à sede apostolica obtentorum, Ac etiam alij Eremitę iam dicti contra statutū iam dictum, & prouisionē ad cōem pacem prouidē factam, & in eorū fratrum Minorū infamiā, & scandalum plurimorū, iā in pluribus venire præsumpserunt: Et nos prorsus velimus prædicta, quę salubriter statuta fuerunt à supradictō prædecessore nostro ubique & ab omnibus Eremitis, siue religiosis, cuiuscunq; sint ordinis, in exteriori habitu fratribus Minoribus antedictis conformibus inuiolabiliter obsequari, fraternitati vestrę per apostolica scripta firmiter præcipiendo mandamus, quatenus prædictos Eremitas de cetero statutum prædictum firmiter obseruare: ac illos de Britanis cucullas prout ipsi ut supradictū est, tunc acceptarunt, gestare discinctas, ac alios omnes qui nigras nō portant, seu albas, singuli vestrum per suas ciuitates, & dioceses sublato cuiuslibet appellationis, & contradictionis obstaculo, & literis apostolicis de corrigijs cinctis super cucullas non portandis per eos impetritis, nequaquā obstantibus, monitione præmissā per censuram ecclesiasticā districtius cōpellentes, & in eos, qui contrauenerint excommunicationis sententiā promulgetis, quā per vestras ciuitates, & dioceses publicari solēniter, & eisdē tanquā excommunicatos usq; ad satisfactionem cōdignā appellatione remota, cuitari ab omnibus arctius faciatis. Datū in Laterā. Palatio octauo Calendas Martij. Pontificatus nostri anno secundo.

¶ Hic notandum est q̄ Gregorius nonus fuit anno 1227. & successit immediate Honorio tertio Canonico regulari. Qui Grego. mandauit magistro Raymondo, ut cōpilaret librum decretalium, cui successit Celestinus quartus Mediolanen. de Castilione. qui in Pontificatu solū per dies. 17. immoratus est. Cui immediate successit Innocētiū quartus. Qui ipsis Eremitanis regulā sancti Aug. concessit, ut supradictū est. Cui Innocētiū successit Alex. 4. qui auctor fuit horū priuilegiōrū seu decretorū. Aliqui tamē dicunt

dicunt S. Bonauenturā ordinis Minorum, qui tpe huius Alexandri quani floruit, dedisse ipsis Eremitanis hunc habitum ex mandato ipsius Alexandri 4. Cui Alexādro 4. immediate successit Urbanus 4. qui ordinauit officium corporis Christi: qui Urbanus 4. solum per tres annos sedit, & ei successit Clemēs 4. qui etiam solum p. tres annos regnauit: cui imēdiate successit Gregorius 10. Qui dixit eos velle tolerare, vt habet in 6. de reli. domib. in c. reli gionum: ergo non tempore August. floruerunt vt expresse patet.

Aliud priuilegium Alexandri Papę 4. qui fuit de anno 1254. In hoc priuilegio Alexander mandat, qđ Eremitę ex diuersis ordinib. vel domibus cōniti, compellantur per Archiepōs & Epōs portare cucullas nigras, vt habet Bononię, vbi supra f. fol. 13. incipit Alex. 4. Ep̄s seruus seruorum Dei &c. Venerabilibus fratribus Archiepiscopis & Ep̄is per Lombardiā & Romādiolam constitutis, &c. Recordamur liquidō, & memores sumus &c. omnia per ordinē sicut in superiori priuilegio vsq; ibi: sublata materia scādali ā prędictorum ordinum fratribus, possit Dño liberius & gratius deferri. Sequitur deinde, Cum autē dilectus filius noster Reuerend. S. Angeli Diaconus Cardinalis vniuersas domos & cōgregationes Eremitarum prędictorum Quarum quędam S. Augustini, quędam S. Gulielmi: nōnullę fratris Ioannis Boni; aliquę de Fābali: alię vero de Britinis censuebantur, in vnā ordinis Eremitarum S. Augustini professiōem & regularem obseruātiā perpetuō de mandato nostro duxerit vniēdas: Et nos dicti Cardinalis processum conuenientem cum voluntatis nostrę proposito approbantes, prędicta omnia duxerimus confirmanda: Statuentes, vt vniuersi Priores & fratres in professiōe prędicti ordinis Eremitarum S. Augu. totaliter cōniti, nigri duntaxat, & nullis alijs aliterius coloris cucullis aliquatenus vterentur. Nos volētes, prāmisse quę de vestimentis exterioribus ā sepe dicto prędecessore nostro circa pręfatos Eremitas statuta fuerunt salubriter, & ab ipsis vt recolimus acceptata, vbiq; & ab omnibus Eremitis vnitis taliter, & alijs vniuersis inuiolabiliter obseruari, fraternitati vestrę per apostolica scripta in virtute sanctę obedientię districte pręcipiendo mandamus: quatenus prędictos Priores, & Eremitas, & alios qui nigras pēnitus, seu albas cucullas nō portant, qđ vsq; ad festum Omnium sanctorum proximē uenturum nigri prorsus coloris cucullas assument, abiectis alijs deferendas. Et firmiter



mitter prædictum statutū de cætero studeant obseruare. Singuli  
 uestrum p̄r suas ciuitates & Dioceses sublatō cuiuslibet appel-  
 lationis & contradictionis obstaculo: & literis apostolicis impe-  
 tratis, uel etiam impetrandis per eos, nequaquam obstantibus,  
 monitione præmissa per censuram ecclesiasticam districtius cō-  
 pellatis. Et in eos qui conuenerint excommunicationis senten-  
 tiam promulgētis. Quam per uestras Ciuitates, & Dioceses sin-  
 gulis diebus dominicis, & festiuis publicari solenniter: & eosdē  
 tanquam excommunicatos, vsque ad satisfactionem condignā  
 appellatione remota, euitari artius ab omnibus faciatis. Datum  
 Anagninæ. 3. Calendas Iulij. Pontificatus nostri Anno secūdo &c.  
 Ex his ergo priuilegijs apperte colligitur quomodo non ab Au-  
 gust. institutionem habuerunt isti Eremitæ, uel habitum, Sed ab  
 Alexandro 4. compulsi sūnt hanc cucullam nigram deferre. Qua  
 re cum tuta conscientia non possunt se appellare primogenitos  
 Aug. Nec ab eo habitum illum nigri coloris accepisse. Et ita mē  
 dacijs liber, illius fratris, undique phaleratur. Origo autem uera  
 istorum fratrum Eremitarum fuit circa annos Domini 1204. à  
 quodam Guielmo Parisiensi scholari, qui cum magno feruore  
 ad Eremitum profectus est, ubi multos discipulos, & Eremitas cō-  
 gregauit. Et appellabantur illi Eremitæ Guielmitæ. De hoc Guiel-  
 mo fit mentio in lib. qui dicitur fasciculus temporum, & de ori-  
 gine Eremitarum tempore Innocētij tertij uidelicet, anno Chri-  
 sti 1204. Et in illo et tempore cœpit ordo Carmelitarum, ut pa-  
 tet ibidem. illo etiam tempore cœpit ordo Prædicatorum, & Mi-  
 norum. Qui duo ordines Prædicatorum, & Minorū confirma-  
 ti fuere ab Honorio 3. qui fuit Canonicus Regularis, uidelicet in  
 anno Domini. 1214. Sed Gregorius decimus ipsos Eremitas  
 cōfirmavit donec de eis aliter ordinaret, ut expressè habetur in  
 6. de religiosis domibus. in cap. religionum. & glo. ibi super uer-  
 bo solido, dicit q̄ Gregorius nonus nolebat Mendicantes esse  
 nisi Prædicatores, & Minores. Sed Eremitas, & Carmelitas uole-  
 bat in suo statu permanere, quia præcesserant dictū conciliū Lug-  
 dunen. sub Gregorio x. qui fuit anno. 1270. Aliqui tamen uolūt  
 asserere eos fuisse confirmatos ab Honorio tertio, qui præcessit  
 Gregorium nonum, cum Prædicatoribus, & Minoribus, ut ha-  
 betur in lib. fasciculi temporum, sed hoc non cōstat: ergo ex ijs  
 clarissimè apparet, quomodo non tempore Augustini fuisse, uel

inceperunt &c.

¶ Præter rationes septē supradictas, quibus est ostensa falsitas illius libri, Septem etiā corellaria elici possunt, quibus magis, ac magis ostendetur falsitas illius libri, & mendacia plurima ipsius auctoris. Similiter, quod illi sermones mendacissimi sint, qui appellati sunt sermones Augustini ad Eremitas.

PRIMUM CORELLARIUM.

**P**rimum corellarium, Quod etiam sequitur ex supradictis rationibus est, quæ magna pars illorum quæ dicuntur in illo libro falsa sunt, sed præsertim illud, quod Augustinus fuerit baptizatus à B. Ambrosio anno suæ ætatis trigésimo, & indutus ab eo fuerit nigra cuculla ac accinctus zona pellicea ad differentiā monachorum, ut est in folio quarto illius falsi libri: & in folio septimo linea. 21. & in folio. 8. ac in multis alijs locis, quæ expressè sunt contra ipsum Augustinum in libro Soliloquiorum inter Augustinum, & Rationē, quæ librum edidit cum adhuc esset catechumenus, ut supra ostensum est. Ibi enim dicit cum triginta, & tres annos agam, 14. ferè unt, ex quo ista cupere desitit. Idem etiam habetur in libro de Academicis in fine libri, quem etiam catechumenus composuit, ut patet ex libro primo Retractionum, sed quod Augustinus non fuerit vestitus cuculla nigra, patet per dictum Ambrosiū, ut habetur de conf. dist. 4. c. Accepisti secundo, ubi dicit Ambrosius: Accepisti post baptismum vestimenta candida, ut esset indicium quod exueris voluptatem peccatorum, & indueris innocentie casta velamina. ubi declarat, quod vestiebatur vestibus albis qui baptizabantur, & deferebant illas vestes albas per multos dies, sed ad minus deferebant usque ad sabbatū in albis. sed hoc clarius patet per antecedens capitulum Rabani, videlicet, post baptismum ubi dicitur: Post baptismum traditur Christianis vestimenta candida, quæ signant innocentiam, & puritatem Christianam. Sermo igitur Ambrosij de baptismo Augustini in anno trigésimo falsus est, & confictus, atque mendacissime beato Ambrosio attributus, sicut etiam falso attributi sunt beato Augu. illi sermones ad Eremitas, quia eos Augu. nunquā composuit, aut vidit. & præsertim ille sermo qui intitulatur in cena Domini. & ponitur in libro illo in folio 81. ubi facit dicere, quod Aug. fuit baptizatus in anno trigésimo. Ponitur etiam iste sermo in folio 7. ac in folio. 44. Sequitur ergo quod illa conclusio, seu veritas

veritas illius libri falsa sit, & q̄ veritas dicenda non sit, sed falsitas.

## S E C V N D V M

*corellarium.*

**S**ecundum corellarium est, quod falsę sunt omnes illę scripturę, vbi dicitur, quod Augu. fecit duas regulas Eremitis, vnā videlicet in trigesimo primo anno in monte Pisano, & aliam in Centumcellis in 3 2. cū fuerit baptizatus in trigesimo tertio, & p consequens falsus est ille sermo ad Eremitas de filio prodigo, & confictus: vbi scribit se in trigesimo anno baptizatum: cum esset 33. annorum adhuc catechumenus. Sequitur etiā falsum esse, qđ habetur folio 9. decimo, atque vndecimo, vbi dicit, qđ transiuit p Tuscos, & collegit Eremitas, qui Pisanos incolebāt colles, & dedit eis primā regulam: & quod postea in Centumcellis fecit aliā congregationem, & dedit eis secundam regulam in trigesimo secundo anno, & sic falsa sunt quę ibi scribuntur de secunda, & tertia regula, quia adhuc non erat baptizatus: nec illo tempore seruabat castitatem, vt dicit ipse in li. Cōse. & inferius ostēdetur. Vincentius autem in speculo historiarum in lib. 19. in ca. 54. vbi commemorat libros Augu. dicit qđ scripsit regulam de institutione canonicorum, & non dixit Eremitarum, quia nō fecit. Item Vincentius in lib. 18. c. 52. loquens de vestibus, & calciamentis beati Augusti. dicit, qđ ille medium tenens in regula canonicorū dixit, Fateor, quia de preciosa veste erubescō. & vocat sermonē illum qui est de communi vita cleric. regulam canonicorum, nam regula ipsa Aug. quę est pro canonicis regularibus ab ipso patre Aug. confecta, in uariis locis decreti est canonizata, ut Patet. d. 86. in cap. 10. quando necessitas disciplinę: & allegatur ibide uita clericorum, & non Eremitarum. Item. 12. q. j. in c. non dicatis. & in ca. nolo. & in ca. certe. & in c. hēbat. allegatur regula Augu. de clericis, uel Aug. de cōi uita clericorum. Item in. 17. q. 4. c. quicumque, allegatur ibi Aug. de cōi uita clericorum. Item. 5. q. 5. cap. Nō uos iudicetis esse maleuolos. qui totus est textus regulę, vel speculi clericorum communiter uiuentium ad unguem. Similiter 13. q. 2. cap. si quis allegatur. Aug. de cōmuni vita cleri. quia textus ille est in sermone ad canonicos regulares. Item in 32. cā. q. 5. in cap. nec solo affectu, sed affectu, & aspectu, est totus ille textus regulę ad canonicos regulares, & nusquam in decretis, vel decretalibus allegatur Augustinus ad Eremitas.

**T**ertium corellarium est, quia liber ille falsus est, cum in eponatur quidā sermo falsus qui intitulatur Augu. ad Eremitas de assumptione beate virginis, qui incipit, Ego pulvis & cinis, qui est in folio. 5. illius libri B. vbi dicitur, q̄ Aug. computruit in stercorebus peccatorū suorum triginta annis, & amplius: Ideo non audebat loqui de virginitate &c. Sed in secundo uolumine ipsius auctoris in folio. 12. in linea 16. dicit q̄ post baptismum nunquam vsus est verbo ocioso. Si ergo per sermones illos baptizatus esset anno trigesimo, ergo post baptismum lapsus esset in lubricitatem, & putredinem carnis, quod maius peccatū esset quāā dicere verbū ociosum, sed q̄ Augustinus fuerit in lubricitate post annum 30. confirmatur per illud quod ipse August. dicit propē finem 6. libri Cōfessionum. dicit enim ibi, q̄ cū esset annorum. 30. nō poterat seruare castitatem. Nam mater Adeodati eius concubina volens remeare ad Africam, fecit uotum castitatis, & cum recessisset, ipse quāā primum inuenit aliam concubinam ad suam explendam libidinem: ergo tunc in 30. anno nō fuit baptizatus. Immo quod magis est, nec etiam in trigesimo primo anno etatis suae erat baptizatus, vt aperte ipse declarat in medio octauī libri Confessionum: vbi dicit, quod fortē 12. anni effluerunt abundē ingenio quando legerat Ciceronem &c. sed 12. anni, & 19. faciunt. 31. & tamen ibi aperte colligitur, quomodo non erat baptizatus. Immo dicit, q̄ lecto Ciceronis Oratio, excitatus erat ad studia sapientie, & q̄ discerebat, contempta se licitate terrena, ad eam inuestigandam vacare, cuius non inuentio, sed vel sola quēstio iam praeponenda erat etiā inuentis thesauris regnisque gentium, & ad nutum circumfluentibus corporis uoluptatibus. Sequitur postea narrādo fluctuationes, & elus animi sui ante baptismum: Et describendo ipse vitae suae ordinē solum in nono lib. confessionum demonstrat, quomodo fuit baptizatus post multum tēpus, scilicet anno 33. Præterea declarat ibi Augustinus quomodo per multos dies ante baptismum stetit catechumenus. Et tunc se exercebat in maxima sanctitate orationum, lacrymarum, cōtemplationum, per longissima tēporū spatia, sed præsertim in meditationibus de incarnatione, quomodo verbum caro factum erat, atq; in alijs diuinis myste-

rijs, vt ipse latè describit in nono libro Cōfessionum. Ergo cum tunc in 30. anno teneret cōcubinam non poterat has facere deuotiones, vel habere tam sanctas meditationes. Quare expressè cognosci potest, quòd non fuit baptizatus in 30. suę etatis anno, Illi ergo sermones falsi sunt, quia contrarij expressè dictis Augustini, & varijs suis libris, sed maximè libro Confessionum, qui in maxima auctoritate habitus est ab vniuersitate omnium fidelium.

## Q V A R T V M

*corellarium.*

**Q**Vartum corellarium est, quia sequitur quòd illa epistola Gilberti: de qua fit mentio à char. 11. & 12. illius libri, & tota ponitur in folio. 85. est prorsus falsa, atq; conficta, & onusta mendacijs, quod à doctis viris facillimè percipi potest. Nā primo dicit in ea, quòd quando Augustinus uenit Mediolanum, erat annorum 30. & Adeodatus filius erat annorum octo, sed quando Adeodatus fuit baptizatus cū Augustino, erat annorū 15. vt scribit ipse August. nono libro Confessi. capitulo 6. ergo quando Augustinus fuit baptizatus, fuisset annorū 37. secundū ipsum Gilbertum, quod est falsum. Deinde secundum illam epistolā Augustinus stetit cum Simpliciano anno uno cum dimidio propter vitam Eremiticam addiscendam, & factus fuit Augustin. Prior illorum fratrum: cum ergo Augusti. uenisset in Africā fuisset annorum supra 38. cum dimidio, sed ipsemet Augu. in libro 9. Confessio. capitulo. 11 dicit, quòd quando pia mater eius defuncta est apud ostia Tiberina, erat annorum 35. quo anno fuerat baptizatus, & quo tempore proficiscebatur ad Africam. Dicit etiam in illa epistola, quòd composuit multos libros in Eremo Cartaginensi, quod falsum est, quia eos Augu. non nominat in li. Retractationum, quia non erat in rerum natura: vbi plurimum aduertendum illud quod dicit Possidius in fine vite Beati Augu. Nam dicit q̃ Augu. senex, & proximus morti composuit magna diligentia librum retractationum. sed vt dictum est supra de libris editis in illa Eremo nullam facit mentionem, quia non erant ab eo facti, nec ipse fuerat vnquam in Eremo. Preterea secundum ipsum Auctorem Augu. stetit in monte Pisano per annum vnum cum illis Eremitis, vbi fecit primam regulam, & in Centumcellis per alium annum, vbi secundum ipsum

composuit illis alijs Eremitis secundam; ergo apud ostia Tiberina habuisset quasi annos 41. ex quo arguitur manifestè, q̃ tota illa epistola falsa est, & conficta, & sic ueritas illius libri 2. ter. & 4. & per consequens liber ille falsus iudicandus est cum illis sermonibus ad Eremitas perinde, ac iudicatus fuit à reuerendissi. Cardinalibus S. Marci, Neapolitano, & Agriensi, ac ab alijs doctis uiris, sed maximè à Papa Xisto 4. qui mandauit comburi, & similiter Innocentio eius successore, qui etiam illum fratrem Ambrosium carceribus mancipauit.

Q V I N T V M

*corellarium.*

**Q**Vintum corellarium est, quod etiam multum errant auctor ille in lib. suo mendacioso in linea quinta: ubi dicit quod Augusti. composuit primam regulam pro Eremitis in monte Pisano cum esset annorum 31. & currebant anni Domini 408. quia Augu. nunquam fuit in illo monte Pisano, & in anno etatis sue 31. nondum erat bene conuersus, & multo minus baptizatus: ut dictum est supra, & clarè apparet lib. 8. Confessionum circa medium. Deinde pater August. in anno 408. erat quinquagenarius, vel saltem secundum ipsum erat annorum 48. quod ita probatur. Nam secundum eum in secunda parte sui libri, ubi scribit vitam B. Aug. licet in multis ab ipso fuerit falsificata: tamen in fine eius ponit Augu. mortuum fuisse in anno 436. & quod tunc erat annorum 76. sed subtrahendo. 28. à 76. qui fuerunt anni uite August. remanent 48. sed ponendo, ut communiter ponitur quod Aug. mortuus fuerit in 434. & vixerit annos 76. sequitur quod in anno 408. erat quinquagenarius: quia addendo 26. ad 408. faciunt 434. quare certe 26. anni superant etiam à quinquagesimo ad septuagesimum sextum annum uite Augu. ubi etiam aduertendum quod quando Aug. componebat librum de ciuitate Dei erat annorum 70. quia librum illum componebat in anno D. Iesu 428. ut patet ex dictis eius in lib. 18. de ciuitate dei c. vlti. Nam dicit, quod currebant anni à missione spiritus sancti 365. & addendi sunt anni uite Christi 33. qui faciunt annos 398. Et addendi sunt alij 30. secundum suam calculationem, quam ibidem ipse ponit, quod in summa erunt anni 428. cum ergo mortuus fuerit anno etatis sue 76. et anno Christi 434. ergo in anno 428. erat annorum 70. ut patet optimè considerari, & calculanti. Ponit etiam ibi aliud errorem in annis patris Augu. quia dicit cum



eum natū anno Christi 377. & uixisse annis 76. & mortuū fuisse anno 436. vel 34. si enim ita esset mortuus fuisset Augusti. anno Christi 453. quare errorem committit in illo calculo, sicut & in cæteris de annis 19. sicut patet optimè calculanti. Quia addendo 76. ad 377. faciunt 453. sed secundum ipsum mortuus est anno 436. Verum pro-certissima veritate, ac iusta temporum calculatione tenendum est, quòd pater Aug. natus fuit anno Christi 358. & vixit annis 76. secundam vitam authenticissimam Possidij, qui vixit cū Aug. per annos 40. & secum erat tēpore mortis sue. Mortuus autem fuit anno Christi 434. quia, optimè decurrunt ab anno 358. vsque ad 434 anni 76. Vixit autem in episcopatu per annos circa 37. & in presbyterio circa annos 3. baptizatus enim fuerat in anno trigelimo tertio ætatis sue, vt supra declaratum fuit: in Africa autem ante presbyterium fletit cum amicis per annos circa tres, ita q̄ in anno 37. factus fuit presbyter: ad episcopatum assumptus fuit anno Domini 397. Aug. enim scribens ad Generosum epistolam computat 40. Pontifices à Petro ad Anastasium Pontificem maximum, qui fuit circa annos D. 400. quasi in principio episcopatus Augustini &c.

## S E X T V M

*corellarium.*

**S**extum *corellarium* est, quia falsum est illud quod ponitur in 2. parte libri in folio 8. linea 24. vbi dicitur quòd Ambrosius vestiuit Augustinum habitu nigro, & habitu Pauli primi Eremitę: cum Paulus sicut scribit Hieronymus vestitus fuerit ueste contexta ex folijs palmarum. Tempore etiam Pauli primi Eremitę, Monaci non faciebant uota obedientię, nec uota paupertatis: immo habere poterant de proprio, & facere testamenta, sicut ipse Paulus fecit: vt habetur decimonono quæst. 3. in capitu. perlatum. S. e contra, qui est textus Gregorij Papę, & allegatur in sermone illud de filio prodigo, folio 81. dicitur etiam ibi, quòd fuit baptizatus anno trigesimo. Deinde secundum Ambrosium, Augustinum, & Rabanum, baptizati tunc temporis vestiebantur vestibus candidis, vt supra dictum est in primo *corellario*, & ob illud sabbatum tale appellatur sabbatum in Albis ab Ecclesia. Præterea vnde ceperit habitus Eremitarum niger demonstratum est per decreta autentica Pontificum in ratione septima. Item sermo ille de Pentecoste, vbi dicitur quòd multo tem-

tempore stetit in Eremo confictus, atque falsus est, qui allegatur in folio 3. vbi dicitur quod multo tempore stetit in Eremo cum suis Eremitis: quia non potuisset stare multo tempore, cum eo anno, quo fuit baptizatus uenerit ad ostia Tiberina, & demum ad Africam. Item sermo alius de obseruantia Clericorum positus in folio nono illius libri, vbi dicit, quod secum in Africam deduxit decem & nouem fratres Eremitas, falsus est, & inter confictos habetur, quia pater Augustinus in libro confessio. describit conuersionem suam Mediolani, & quomodo quam primum baptizatus fuit regressus est in Africam, & quomodo in regressu, vel itinere apud ostia Tiberina pia mater defuncta est, unde ecclesia catholica in eius officio in vltima Antiphona tertij nocturni canit ita, Adiunctus inde Nebridio, & Enodio remeabat ad Africam, querens quis eos ad beneuiendum locus haberet utilius. Sed cum esset apud ostia Tiberina, pia mater eius defuncta est. Non dixit Augustinus quod cum rediret in Africam habebat 19. Eremitas: Similiter nec sancta mater ecclesia: immo solum nominat illos paucos, qui secum tunc erant. Dicitur & in illo sermone quod fecerat tunc temporis multa monasteria, & Possidius dicit, quod solum duo fecit. Primum postquam factus fuit presbyter, & secundum in suo episcopio. ideo verè, & iuste canit ecclesia, dicens quod querebat locum aptum ad bene viuendum. Et si fuisset tunc Eremita habuisset loca in Eremo ad beneuiendum: ergo alium non quaesiuisset. Et secundum Possidium, presbyter illis clericis illorum duorum monasteriorum communiter viuentibus fecit regulam. Quae appellata est Speculum clericorum, & allegatur in iure de vita clericorum, ut habetur. 86. di. in c. quoniam necessitas. & alibi in varijs locis, ut supra demonstratum est, & nusquam allegatur de vita Eremitarum, quia expresse contradicit vitae Eremitice, ac etiam apertissime contradicit ipsi medicitati, ut facilius cognosci potest. Quia concedit expresse, quod clerici sui possint habere possessiones, & alia in communi. Nam secundum Lapum, & alios Canonistas doctores atque Theologos, mendicantes nec in communi, nec in particulari possunt aliquid habere proprium, unde glo. extra de electio. in in cap. quorundam, super verbo mendicantes dicit, quod mendicantes sunt qui certas possessiones vel redditus habere non possunt: sed questum publicum eis victum praebet incerta mendicitas. Item habetur in 6. de relig. domibus. cap. unico. §. secundo. super

super verbo confirmatos autem. De patre autē Augustino nusquam legitur quòd iuerit per vicos vel plateas ciuitatum ostiatim mendicando, vel unquam transmiserit fratres suos ad mendicandum, quia facilliter cōuincitur falsitas quintę & sextę conclusionis illius libri, & reliquarum partium quę ibidē continētur.

## S E P T I M U M

*corellarium.*

**S**eptimum Corellarium, & vltimum est, quòd ille liber sit falsus, & mendaciosus, est, quia in maxima parte fundatur in varijs sermonibus, qui intitulati sunt patri Augustino, cum ille sententię illorum sermonum contrarię sint verbis, & libris Augusti, perinde ac à doctis, & expertis in doctrina Augustini iudicatur, vnde nusquam in Decreto vbi sunt tot text. Augustini allegantur. Nec à Magistro sententiarum, nec ab Alexandro de Ales, qui in summa sua maxime arguit per text. Aug. nec etiam à S. Thoma, maximè in summis. vbi procedit per auctoritates doctorū, & q̄ maius est. Nec Egidius Eremitanus, nec Gregorius de Armino doctores sui ordinis allegant, nec à quocunq; alio doctissimo viro sui ordinis, vel sancti Francisci, vel sancti Dominici, vel aliorum ordinum allegati sunt. Falsitas etiam sermonis de inuentione reddēda, qui ponitur in folio octauo, facilliter cognoscitur. Similiter sermonis de obediētia, qui habetur in folio. 28. & 29. Falsitas quoque verborum, & sententiarum epistolę conficte, quę dicitur esse Beati Valerij, translata nouiter ex græco, in latinum facillimè iudicari potest. Cum & ipsi, qui eam transtulit, videlicet, Francisco Philelpho uisa sit res ridiculosa, atque conficta, perinde, ac dixit vni ex nostris Canonicis, cum in ea nil cōtineatur grauitatis, verisimilitudinis, & veritatis, & posita est in folio illius libri. 15. & qui legit eam contemnit: falsitas enim sermonis de misericordia coniectari facillimè potest: quia si etiam verum esset, quòd Augustinus fuisset Eremita, paruo tēpore ibi immorari potuisset. Quomodo ergo in paruo tēpore, videlicet anni unius centum Eremitas vestire valuisset, eosque ordinare in fabricis, in cerimonijs, in ordine officij, atque in reliquis ad cultum diuinū pertinentibus. Falsitas etiam sermonis de oratione perspicacissimè intueri potest, vbi scribit se misisse centū, & quinquaginta tunicas ad suos Eremitas cum calciamentis necessarijs. Cum longē prudentius dictum fuisset se misisse 15. aut 20.

petias

petias panni pro uestitu eorum. Quis enim magister sine visu, & presentia vestiendorum nosceret incidere centū, & quinquaginta vestimenta ac calciamenta diuersis hominibus, statura, magnitudine, & complexione uarijs, similiter centum, & quinquaginta caligas pro ipsis. omnia ista habentur in folio 42. A. similiter ibidē dicit, q̄ Hieronymus gratias agit p̄ incremēto numeri centenarij fratrum cum Augustino commorantiū. Quæ omnia apud prudentes puerilia iudicanda sunt, cum in tam breui tempore vnus anni hæc perfici non potuissent. Dicunt etiam in secundo libro in folio 11. & 14. q̄ Aug. fuit natus idibus Decembris, cum ipse dicat in libro de beata vita, quod natus fuerat idibus Nouembris, licet hoc parum estimandum sit. Dicit & ille auctor satis insulse quod sui Eremitæ dederūt habitum sancto Francisco apud Saxetum montis Aluerniæ: Cum ab vniuersa ecclesia catholica secus iudicetur, & teneatur. Nam ipsa præponit fratres Minores in processionibus publicis atq; in capella Papæ ipsis fratribus Eremitanis: quia prius instituti, sed hoc ille frater scribit in 37. folio sui libri. Multa, & alia erronea scribit quæ breuitatis causa prætermitto, cum ex his paucis falsitas cognosci potest.

¶ Vnum etiam addi posset ad maiorem dictorum dilucidationem. videlicet q̄ postquam facti fuere isti Eremitæ vrbaniæ ab Innocentio quarto, qui fuit anno Christi 1244. & dedit eis regulam Augustini, & ab Alexandro quarto qui fuit eius immediatus successor habitum receperunt: ipsi venerunt ad Abbatem Canoniconum Regularium sancti Petri in cælo aureo Papiensi vbi requiescit corpus sanctissimi Augustini, & multis supplicationibus petierunt, vt possent habere diuersorium ibi proximum monasterio sancti Petri Canoniconū Regularium, vbi semper Canonici Regulares fuerant à principio translationis ipsius corporis, & modo sunt. Et tunc cum multis precibus, & lacrymis obtenta licentia ab ipso Abbate Canoniconum Regularium, fecerunt sibi unam capanellam, seu casulam ex lignis, & viminibus, vbi vacabāt orationibus, & lacrymis ob amorem Diuini patris Augustini, & sic successiue fabricarunt dignissimum Monasterium. Hæc ibi cernuntur in scripturis auctenticis illius monasterij. Quas uidi, & legi. Fuit. n. Io. Papa 22. Qui per annos 18. rexit ecclesiam. Et ipse posuit eos in ecclesia S. Petri in cælo aureo

no Domini 1331. de consensu Abbatis, & ipsorum Canonico-  
rum, Ita ut starent in sinistra parte chori, & exhiberent seruitia ne-  
cessaria ecclesie. Sed ut dictum est Canonici Regulares ibi primo  
fuerat, videlicet tempore translationis corporis diui Augustini.  
Quo tempore adhuc in rerum natura non erant isti Eremitae. Qui  
etiam Canonici primo fuerat quasi in infinitis alijs monasterijs  
& ecclesijs cathedralibus per annos septingentos, & amplius. Im-  
mo quamplures fuere ex ipsis Canonicis Summi Pontifices, ut  
Alexander secundus, Lucius secundus, Honorius tertius, Adria-  
nus quartus, & complures alij: à quibus multa decreta constitu-  
ta sunt, ac decretales quàm plurimę, quos nunc enumerare su-  
peruacuum arbitror &c. F I N I S.

Hæc Reuerendissimi Domini tenui stilo ac oratione demissa, incul-  
tisque sermonibus cursim dictare curavi: Cupiens magis simpli-  
ci atq; cãdidę ueritati inseruire, quàm exquisito verborum  
ornatu turgidis magistris, aut vili plœbeculæ, reliquis-  
que ignorantibus iniquè placere. Si quid au-  
tem minus doctè vel castigatè dictum esse  
vestrę Reuerendissimę dominationes  
compererint, pro sua admirabi-  
li sapientia, & doctrina im-  
mutent, augeant, mi-  
nuant, atque per  
omnia cor-  
rigant.  
Quibus me, et religionem meam  
plurimum commendo,  
atque totum  
dedo.



## R E G I S T R U M.



\* A B C D E F G H I K L M N O P Q R S T V X Y Z A A B B C C

Omnes sunt duerniones, præter \*, q est mezo folio, & CC,  
qui est ternio.

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...



...the ... of ...









